

Pali Text Society

SADDHAMMAPPAKĀSINĪ

COMMENTARY ON THE
PAṬISAMBHIDĀMAGGA

VOL. II.

EDITED BY

C. V. JOSHI, M.A.

PROFESSOR OF PALI, STATE COLLEGE, AND
KEEPER OF STATE RECORDS, BARODA

London


HUMPHREY MILFORD
OXFORD UNIVERSITY PRESS
AMEN HOUSE, E.C. 4

1940

PRINTED IN GREAT BRITAIN


NOTE BY GENERAL EDITOR

IN view of slow postal transport under war conditions I have taken on myself to pass Professor Joshi's proofs through press, and these conditions have compelled me to do so separated from my library. Hence any uncorrected errors should not be imputed to him. One more volume will complete his edition.



CONTENTS

	PAGE
Saccaññācatukkadvaya-niddesa-vañṇanā - -	387
Suddhikapāṭisambhidāññāna-niddesa-vañṇanā - -	390
Indriyaparopariyattaññāna-niddesa-vañṇanā - -	391
Āsayānusayaññāna-niddesa-vañṇanā - -	395
Sabbaññūtaññāna-niddesa-vañṇanā - -	429
Assādaditṭhi-vañṇanā - - - -	435
Attānuditṭhi-vañṇanā - - - -	445
Ānāpānassatikathā-vañṇanā - - - -	467



Saddhammappakāsini

PAṬISAMBHIDĀMAGGATTHAKATHĀ

[SACCAÑĀNACATUKKADVAYA NIDDESA-VANĀNĀ.]

Saccañānacatukkadvaya-niddese: Dukkhasa *pīlanattho* ādini vuttaṭṭhān' eva.

[119]¹ *Maggasamaṅgissa ñānaṃ dukkhe p' etaṃ ñānaṃ* 'ti ādi ānantaracatukke viya ekābhisamayavasena vuttaṃ. Duvidhaṃ hi saccañānaṃ: lokiyaṃ,² lokuttaraṃ ca. Lokiyaṃ² duvidhaṃ: anubodhañānaṃ, paccavekkhaṇañānaṃ ca. Anubodhañānaṃ ādikammikassa anussavādivasena nirodhe magge ca pavattati, dukkhe samudaye ca ārammaṇakaraṇavasena paccavekkhaṇañānaṃ. Paṭividdhasaccassa catūsu 'pi saccesu ārammaṇakaraṇavasena lokuttaraṃ paṭivedhañānaṃ nirodham ārammaṇaṃ katvā kiccato cattāri saccāni paṭivijjhati. Yath' āha: "Yo bhikkhave dukkhaṃ passati, dukkhasamudayaṃ 'pi so passati, dukkhanirodham 'pi passati, dukkhanirodhagāmini-paṭipadam 'pi passatī 'ti," sabbhaṃ vattabbaṃ. Idhā-pi iminā vārena idam eva vuttaṃ. Tam pana lokuttaram 'pi dukkhe ñānaṃ 'ti ādini nāmāni labhatī, 'ti dassana-tthaṃ vuttaṃ.³ Idha pana lokikañānaṃ eva adhippetāṃ.

2. Tasmā yeva ca *Tattha katamaṃ dukkhe ñānaṃ?* 'ti ādim āha. Tattha: *Dukkhaṃ ārabbhā* 'ti dukkhasaccaṃ ālambitvā, ārammaṇaṃ katvā 'ti attho. *Paññā* 'ti ādisu tassa tassa atthassa pākāṭakarāṇa-saṅkhātena paññāpana-tṭhena paññā; tena vā aniccādinā pakārena dhamme pajānāti 'ti paññā. Idam assa sabhāvapadaṃ. Pajānanākāro *pajānanā*. Aniccādini vijānāti 'ti *vicayo*. *Pavicayo* 'ti upasaggena padaṃ vadḍhitaṃ, pakārena vicayo 'ti attho. Catu-saccadhammaṃ⁴ vicināti 'ti *dharmavicayo*. Aniccādināṃ

¹ These bracketed figures refer to page in *Paṭisambhidāmagga* text, vol. i.

² K -kaṃ.

³ K omits vuttaṃ.

⁴ K saccadhammaṃ.

sammā lakkhaṇavasena *sallakkhaṇā*. Sā eva upasagganā-nattena *upalakkhaṇā*, *paccūpalakkhaṇā*, 'ti vuttā; bhusaṇ lakkhaṇā. Te te aniccādi-dhamme paṭicca upalakkhaṇā 'ti attho. Paṇḍitabhāvo *paṇḍiccaṇ*. Kusalabhāvo *kosallaṇ*. Nipuṇabhāvo *nepuṇṇaṇ*. Aniccādinaṇ vibhāvanavasena vebhavyā. Aniccādinaṇ cintanakavasena *cintā*, yassa uppa-jjati taṇ aniccādini cintapetī 'ti 'pi cintā. Aniccādini upa-parikkhatī 'ti *upaparikkhā*. *Bhūrī* 'ti paṭhavī. Ayam 'pi saṇhaṭṭhena ca vitthataṭṭhena ca bhūri viyā 'ti bhūri; athavā paññā yeva bhūte atthe ramatī 'ti bhūri 'ti vuccatī. Asani viya siluccaye, kilese medhati hiṇsatī 'ti *medhā*; khi-ppaṇ gahaṇadhāraṇaṭṭhena vā medhā. Yassa uppajjati taṇ sattahitaṇḍipattiyaṇ sampayuttadhamme ca yathāvalakkha-ṇapaṭivedhe pariṇāmetī 'ti *pariṇāyikā*. Dhamme aniccādi-vasena vividhā passatī 'ti *vipassanā*. Sammā pakārehi aniccādini¹ jānātī 'ti sampajāno. Tassa bhāvo *sampajāṇaṇ*. Uppathaṇḍipanne sindhave vīthiṇ² āropaṇatthaṇ patodo viya, uppathe dhāvanakaṇ kūṭacittaṇ vīthiṇ² āropaṇatthaṇ vijjhatī 'ti patodo viya *patodo*. Dassanalakkhaṇe Indatthaṇ karotī 'ti indriyaṇ.³ Paññāsaṅkhātāṇ indriyaṇ *paññindriyaṇ*. (Kiṇ vuttaṇ hoti? Na idaṇ purisassa indriyaṇ purisindri-yaṇ 'ti ādi viya paññāya indriyaṇ paññindriyaṇ! Atha kho paññā eva paññindriyaṇ 'ti vuttaṇ hoti.) Avijjāya na kampatī 'ti *paññābalaṇ*. Kilesacchedanaṭṭhena paññā 'va satthaṇ *paññāsatthaṇ*. Accuggataṭṭhena paññā 'va pāsādo *paññāpāsādo*. Ālokanatthaṇ paññā 'va āloko *paññā-āloko*. Obhāsanatthaṇ paññā 'va obhāso *paññā-obhāso*. Pajjo-tanaṭṭhena paññā 'va pajjoto *paññāpajjoto*.

Paññāvato hi ekapallaṅkena nisinnassa dasasahassī loka-dhātu ekālokā, ekobhāsā ekapajjotā hoti, tena taṇ vuttaṇ. Imesu pana tīsu padesu ekapadenā-pi ekasmiṇ atthe siddhe —yāni pan' etāni Bhagavatā, "Cattāro 'me bhikkhave ālokā. Katame cattāro? Candāloko, suriyāloko, aggāloko, paññāloko; ime kho bhikkhave cattāro ālokā. Etad-aggaṇ bhikkhave imesaṇ catunnaṇ ālokānaṇ yad-idaṇ paññāloko,"

¹ K -dinaṇ.² B, SH vīthi-.³ B, K paññindriyaṇ.

tathā, “Cattāro ‘me bhikkhave obhāsā,” “Cattāro ‘me bhikkhave pajjotā,” ‘ti sattānaṃ ajjhāsayavasena suttāni desitāni—tadanurūpen’ eva idha-pi therena desanā katā. Attho hi anekehi ākārehi vibhajjamāno suvibhatto hoti; aññathā ca añño bujjhati, aññathā añño ‘ti.

Ratikaraṇaṭṭhena pana ratidāyakaṭṭhena ratijanaṇaṭṭhena cittikataṭṭhena dullabhapaṭubhāvaṭṭhena atulaṭṭhena anomasattaparibhogatṭhena ca paññā ‘va ratanaṃ *paññāratanā*. Na tena sattā muyhanti, sayāṃ vā ārammaṇe na muyhatī ‘ti *amoho*. *Dhammavicaya*padāṃ vuttattham eva. Kasmā pan’ etaṃ vuttan? ‘ti: Amohassa mohapaṭipakkhabhāva-dīpanatthaṃ. Ten’ etaṃ dipeti, “Yvā-yaṃ amoho so na kevalaṃ mohato añño dhammo, mohassa pana paṭipakkho dhammavicaya-saṅkhāto amoho nāma idha adhippeto,” ‘ti. *Sammā-ditṭhi*¹ ‘ti yāthāva-niyyānika-kusaladitṭhi.²

3. “Tattha katamaṃ dukkhasamudaye ñāṇaṃ? Tattha katamaṃ dukkhanirodhe ñāṇaṃ? Tattha katamaṃ dukkhanirodhagāminiyā paṭipadāya ñāṇaṃ?” ‘ti pucchāvacaṇāni saṅkhepavasena vuttāni ‘ti.

Saccañāṇacatukkadvaya-Niddesa-Vañṇanā Niṭṭhitā.

¹ K Tāsmā ditṭhi ‘ti.

² SH yāthāvaditṭhi niyyānikā kusaladitṭhi.

[SUDDHIKAPAṬISAMBHIDĀÑĀṆA- NIDDESA-VANṆANĀ.]

Suddhikapaṭisambhidāñāṇaniddese: Imesaṃ ñāṇaṃ pa-
bhedābhāvato yeva heṭṭhā viya pabhedan adassetvā 'va
Atthesu ñāṇaṃ atthapaṭisambhidā 'ti ādi vuttaṃ. Paññāpa-
bhedābhāve 'pi attanā paṭividdha-catusaccadhammamatta-
vasena nānattasabbhāvato *Atthanānatte paññā atthapaṭi-*
sambhidāñāṇaṃ 'ti ādi vuttaṃ. Tattha: *Nānatte* 'ti atthā-
dīnaṃ anekabhāve. *Vavatthāne* 'ti atthādīnaṃ nicchayane.
[120] *Sallakkhaṇe* 'ti atthādīnaṃ sammā dassane. *Upala-*
kkhaṇe 'ti atthādīnaṃ bhusaṃ dassane. *Pabhede* 'ti atthā-
dīnaṃ nānābhede. *Pabhāvane* 'ti atthādīnaṃ pākāṭikaraṇena
uppādane. *Jotane* 'ti atthādīnaṃ dīpane. *Virocane* 'ti atthā-
dīnaṃ vividhaṃ¹ dīpane. *Pakāsane* 'ti atthādīnaṃ pabhāsane.

'Nānatte' 'ti mūlapadaṃ katvā sabbasādhāraṇavasena
vuttaṃ; vavatthāne 'ti sotāpannassa vasena; sallakkhaṇe,
upalakkhaṇe 'ti sakadāgāmissa vasena; pabhede, pabhāva-
ne' 'ti anāgāmissa vasena; jotane, virocane, pakāsane, 'ti
arahato vasena vuttan 'ti evam 'p' ettha yojanā kātābbā 'ti.

Suddhikapaṭisambhidāñāṇa-Niddesa-Vanṇanā Niṭṭhitā.

¹ B vividha-; K, SM vividhā.

[INDRIYAPAROPARIYATTANĀṆA- NIDDESA-VANṆANĀ.]

[121] Indriyaparopariyattañāṇa-niddese: *Tathāgatassā* 'ti vacane Uddese sarūpato avijjamāne 'pi, "Cha ñāṇāni asādhāraṇāni sāvakehi," 'ti vuttattā, "*Tathāgatassā*," 'ti vuttam eva hoti. Tasmā Uddese atthato siddhassa Tathāgata-vacanassa Niddese gahaṇaṇ katan. *Satte passatī* 'ti rūpādīsu chandarāgena sattatāya laggatāya sattā. Te satte indriyaparopariyattañāṇena cakkhunā passati oloketi. *Apparajakke* 'ti paññāmaye akkhamhi appaṇ rāgādiraḥ etesan 'ti vā¹ apparajakkhā, appaṇ rāgādiraḥ etesan 'ti vā apparajakkhā. Te apparajakke. *Mahārajakkhe* 'ti paññāmaye akkhamhi mahantaṇ rāgādiraḥ etesan 'ti mahārajakkhā, mahantaṇ rāgādiraḥ etesan 'ti vā mahārajakkhā. *Tikkhindriye mudindriye* 'ti tikkhāni saddhādīni indriyāni etesan 'ti tikkhindriyā, mudūni saddhādīni indriyāni etesan 'ti mudindriyā. *Svākāre dvākāre* 'ti sundarā saddhādayo ākāra koṭṭhāsā etesan 'ti svākārā. Kucchitā garahitā saddhādayo ākāra koṭṭhāsā etesan 'ti dvākārā. *Suviññāpaye duviññāpaye* 'ti ye kathitaṇ kāraṇaṇ sallakkhenti, sukhena sakkā honti viññāpetuṇ te suviññāpayā. Tabbi-paritā dubiññāpayā. *Appekacce paralokavajja-bhayadassāvino* 'ti api eke paralokaṇ c' eva rāgādivajjaṇ ca bhayato passante. Imassa pana padassa niddese lokass' eva vuttattā,² khandhādiloke ca rāgādivajje ca paraṇ bālhaṇ bhayaṇ passanasilā 'ti vā paralokavajja-bhayadassāvino, te paralokavajja-bhayadassāvino 'ti evam attho gahetabbo. *Appekacce na paralokavajja-bhayadassāvino* 'ti tabbiparīte. Loko 'ti ca lujjanīyaṭṭhena,³ vajjan 'ti ca vajjanīyaṭṭhena. Ettāvatā uddesassa⁴ niddeso⁵ kato hoti.

¹ K, SM *omit* vā.

³ K *palujjanatṭhena*.

² K paralokass' eva na vuttattā.

⁴ K *omits*.

⁵ K uddeso.

2. Puna niddesassa paṭiniddesaṇ karonto *Apparajakke mahārajjakkhe* 'ti ādim āha. Tattha tīsu ratanesu okappana-saṅkhātā saddhā assa atthi 'ti *saddho*. So saddhā-sampanno *puggalo* asaddhiyarajassa¹ c' eva assaddhiyamūlakassa sesākusalarajassa ca appakattā *apparajakkho*. N' atthi etassa saddhā 'ti assaddho. So vuttappakārassa rajassa mahantattā *mahārajjakkho*. Āraddhaṇ viriyam anenā 'ti *āraddhaviriyo*. So kosajja-rajassa c' eva kosajjamūlakassa sesākusala-rajassa ca appakattā *apparajakkho*. Hīnaviriyattā kucchitena ākārena sīdati 'ti kusīdo. Kusīdo 'va *kusīto*. So vuttappakārassa rajassa² mahantattā *mahārajjakkho*. Ārammaṇaṇ upecca ṭhitā sati assā 'ti *upatthitasati*. So muṭṭhasacca-rajassa c' eva muṭṭhasaccamūlakassa sesākusala-rajassa ca appakattā *apparajakkho*. Muṭṭhā natṭhā sati assā 'ti *muṭṭhasati*. So vuttappakārassa rajassa mahantattā *mahārajjakkho*. Appaṇāsamādhinā, upacārasamādhinā vā, ārammaṇe samaṇ sammā āhito ṭhito 'ti *samāhito*, samāhitacitto 'ti vā samāhito. So uddhacca-rajassa c' eva uddhaccamūlakassa sesākusala-rajassa ca appakattā *apparajakkho*. Na samāhito *asamāhito*. So vuttappakārassa rajassa mahantattā *mahārajjakkho*. Udayatthagāminī paññā assa atthi 'ti *paññavā*. So moha-rajassa c' eva mohamūlakassa sesākusala-rajassa ca appakattā *apparajakkho*. Mohamūlhattā duṭṭhā paññā assā 'ti *duppañño*. So vuttappakārassa rajassa mahantattā *mahārajjakkho*.

3. *Saddho puggalo tikkhindriyo* 'ti bahulaṇ uppajjamānāya balavatiyā saddhāya saddho. Ten' eva saddhindriyena tikkhindriyo. *Assaddho puggalo mudindriyo* 'ti bahulaṇ uppajjamānena assaddhiyena assaddho. Antarantarā uppajjamānena dubbalena saddhindriyena mudindriyo. Esa nayo sesesu 'pi.

4. *Saddho puggalo svākāro* 'ti tāya eva saddhāya sobhanākāro. *Assaddho puggalo dvākāro* 'ti ten' eva assaddhiyena virūpākāro. Esa nayo sesesu 'pi.

¹ K assaddhiyassa.

² K sīdarajassa.

5. *Suviññāpayo* 'ti sukhena viññāpetuṇ sakkuṇeyyo. *Duviññāpayo* 'ti dukkhena viññāpetuṇ sakkuṇeyyo.

[122] 6. *Paralokavajjabhayadassāvī* 'ti ettha yasmā paññā-sampannass' eva saddhādāni suparisuddhāni honti, tasmā suparisuddhasaddhādi-sampanno taṇsampayuttāya suparisuddhasaddhādi-sampanno 'pi vā tappaccayāya paññāya paralokavajjabhayadassāvī hoti. Tasmā eva hi saddhādayo 'pi cattāro paralokavajjabhayadassāvī 'ti vuttā.

7. Idāni 'Paralokavajjabhayadassāvī' 'ti ettha vuttaṇ lokaṇ ca bhayañ¹ ca dassetuṇ *Loko* 'ti ādim āha. Tattha khandhā eva lujjanaṭṭhena loko 'ti² *khandhaloko*. Sesadvaye pi es' eva nayo. *Vipattibhavaloko* 'ti apāyaloko. So hi anittaphalattā virūpo lābho³ 'ti vipatti, bhavatī 'ti bhavo; vipatti eva bhavo vipattibhavo; vipattibhavo eva loko vipattibhavaloko. *Vipattisambhavaloko* 'ti apāyūpagaṇ kammaṇ. Taṇ hi sambhavati etasmā phalan' ti Sambhavo; vipattiyā sambhavo vipattisambhavo; vipattisambhavo eva loko vipattisambhavaloko. *Sampattibhavaloko* 'ti sugatiloko. So hi itṭhaphalattā sundaro lābho³ 'ti sampatti; bhavatī 'ti bhavo; sampatti eva bhavo sampattibhavo; sampattibhavo eva loko sampattibhavaloko. *Sampattisambhavaloko* 'ti sugatūpagaṇ kammaṇ. Taṇ hi sambhavati etasmā phalan⁴ 'ti sambhavo; sampattiyā sambhavo sampattisambhavo; sampattisambhavo eva loko sampattisambhavaloko. *Ekoloko* 'ti ādini heṭṭhā vuttatthān' eva.

8. *Vajjan* 'ti napuṇsakavacanaṇ asuko 'ti aniddiṭṭhattā kataṇ. *Kilesā* 'ti rāgādayo. *Duccaritā* 'ti pāṇātipātādayo. *Abhisankhārā* 'ti puññābhisankhārādayo. *Bhavaḡāmikammā* 'ti attano vipākādānavasena bhavaṇ gacchantī 'ti bhavaḡāmino; abhisankhāresu 'pi vipākajanakān' eva kammāni vuttānī. *Itī* 'ti vuttappakāraṇidassanaṇ. *Imasmiṇ ca loke imasmiṇ ca vajje* 'ti vuttappakāre loke ca vajje ca. *Tibbā*

¹ B, K, SM vajjaṇ.

² K omits Loko 'ti.

³ K loko,

⁴ K omits phalan,

bhayasaññā 'ti balavatī bhayasaññā. Tibbā 'ti pana¹ saddassa attho vutto, Bhayasaññā 'ti bhaya-saddassa; lokavajja-dvayam 'pi hi bhayavatthuttā 'bhayañ ca. Bhayattā^b 'bhayaṇ bhayam' iti sañña bhayasaññā. *Paccupaṭṭhitā hoti* 'ti taṇ taṇ paṭicca upecca ṭhitā hoti. *Seyyathā 'pi ukkhiṭṭāsike vadhake* 'ti yathā nāma paharituṇ uccāritakhagge paccāmitte tippā bhayasaññā paccupaṭṭhitā hoti, evam eva loke ca vajje ca tippā bhayasaññā paccupaṭṭhitā hoti. *Imehi paññāsāya ākārehi* 'ti apparajakkha-pañcakādīsu dasasu pañcakesu ekekasmiṇ pañcannaṇ pañcannaṇ ākāraṇaṇ vasena paññāsāya ākārehi. *Imāni pañcendriyāni* 'ti saddhindriyādīni pañcendriyāni. *Jānāti* 'ti Tathāgato paññāya pajānāti. *Passati* 'ti dibbacakkhunā diṭṭhaṇ viya karoti. *Aññāti* 'ti sabbākāra-mariyādāhi jānāti. *Paṭivijjhati* 'ti ekadesaṇ ase-setvā niravasesadassanavasena² paññāya padāletī 'ti.

Indriyaparopariyattañāṇa-Niddesa-Vaṇṇanā Niṭṭhitā.³

¹ B bhaya-; SH para.

² K nissesa-.

^{a to b} B, K Sayañ ca bhayattā.

³ Volume I of K ends here.

[ĀSAYĀNUSAYANĀNA-NIDDESA- VAÑÑANĀ]

[123] 1. Āsayānusayañānaniddese: *Idha Tathāgato* 'ti ādi pañcadhā t̥hapito niddeso. Tattha *āsayānusayā* vuttat̥thā eva. *Caritan* 'ti pubbe katar̥ kusalākusala-kammaṇ. *Adhimuttin* 'ti sampati kusale akusale vā cittavossaggaṇ. *Bhabbābhabbe* 'ti bhabbe ca abhabbe ca. Ariyāya jātiyā sambhavanti jāyanti 'ti bhabbā, vattamānasamīpe vattamānavacanaṇ. Bhavissanti jāyissanti vā 'ti bhabbā, bhājanabhūtā 'ti attho. Ye ariyamaggapaṭivedhassa anucchavikā upanissayasampannā te bhabbā. Vuttapaṭipakkhā abhabbā.

2. *Katamo ca sattānaṇ āsayo* ? 'ti ādi niddesassa paṭiniddeso. Tattha: *sassato* 'ti nicco loko 'ti attho. *Idha sarīraṇ* yeva nassati, attā pana *idha parattha*¹ ca so yevā 'ti maññanti. So hi sayāṇ yeva āloketi 'ti katvā *loko* 'ti maññanti. *Assato* 'ti anicco attā. *Sarīren* eva saha nassati 'ti maññanti. *Antavā* 'ti paritte kaṣiṇe jhānaṇ uppādetvā taṇ parittakasiṇārammaṇaṇ cittaṇ sapariyanto attā 'ti maññanti. *Anantavā* 'ti appamāṇe kaṣiṇe jhānaṇ uppādetvā taṇ appamāṇakasiṇārammaṇaṇ cittaṇ apariyanto attā 'ti maññanti. *Taṇ jīvaṇ taṇ sarīran* 'ti jīvo ca sarīraṇ ca taṇ yeva. Jīvo 'ti attā, līṅgavipallāsena napaṇsakavacanaṇ katar̥. *Sarīran* 'ti rāsatt̥hena khandhapañcakaṇ. *Aññaṇ jīvaṇ aññaṇ sarīran* 'ti añño jīvo, aññaṇ khandhapañcakaṇ. *Hoti Tathāgato param maraṇā* 'ti khandhā idh' eva vinassanti, satto maraṇato paraṇ hoti, vijjati, na nassati. *Tathāgato* 'ti c' ettha *sattādhivacana*² 'ti keci. Keci pana, '*Tathāgato* 'ti arahā,' 'ti vadanti. Ime 'na hoti' 'ti pakkhe dosaṇ disvā evaṇ gaṇhanti. *Na hoti Tathāgato param maraṇā* 'ti khandhā 'pi idh' eva nassanti, *Tathāgato* ca maraṇato paraṇ na hoti, ucchijjati vinassati. Ime 'hoti' 'ti pakkhe dosaṇ disvā

¹ SH parassa.

² SH Sattāhā.

evaṇ gaṇhanti. *Hoti ca na hoti cā* 'ti ime ekekapakkhapa-
riggahe dosaṇ disvā ubhayapakkhaṇ gaṇhanti. *N' eva hoti
na na hoti* 'ti ime ubhayapakkhapa-riggahe ubhayadosāpattiṇ
disvā, "Hoti 'ti ca na hoti, n' eva hoti 'ti ca na hoti," 'ti
amarāvikkhepapakkhaṇ gaṇhanti.

Ayam pan' ettha aṭṭhakathānayo: Sassato loko 'ti cā 'ti
ādimhi¹ dasah' ākārehi diṭṭhipabhedo 'va vutto. Tattha:
Sassato loko 'ti ca khandhapañcakaṇ 'loko' 'ti gahetvā
ayaṇ loko nicco dhuvo sabbakāliko 'ti gaṇhantassa 'sassa-
tan' 'ti gahaṇākārappavattā diṭṭhi. Asassato 'ti tam eva
lokaṇ ucchijjati vinassatī 'ti gaṇhantassa ucchedagahaṇākā-
rappavattā diṭṭhi. Antavā 'ti parittakasīṇalābhino suppa-
matte vā sarāva-matte vā kasīṇe samāpannassa antosamā-
pattiyaṇ pavattita-rūpārūpadhamme 'loko' 'ti ca kasīṇa-
paricchedantena 'antavā' 'ti ca gaṇhantassa 'antavā loko'
'ti gahaṇākārappavattā diṭṭhi. Sā sassatadiṭṭhi 'pi hoti,
ucchedadiṭṭhi 'pi. Vipulakasīṇalābhino pana tasmiṇ kasīṇe
samāpannassa antosamāpattiyaṇ pavattita-rūpārūpadhamme
loko 'ti ca, kasīṇapari-cchedānantena² ca 'Na antavā³ 'ti gaṇ-
hantassa anantavā loko 'ti gahaṇākārappavattā diṭṭhi. Sā
sassatadiṭṭhi 'pi hoti, ucchedadiṭṭhi 'pi. Taṇ jīvaṇ taṇ sarīraṇ
'ti bhedanadhammassa sarīrass' eva jīvaṇ 'ti gahitattā sarīre
ucchijjamāne jīvam 'pi ucchijjati 'ti uccheda-gahaṇākārappa-
vatta diṭṭhi. Dutiyapade sarīrato aññassa jīvassa gahitattā
sarīre ucchijjamāne 'pi jīvaṇ na ucchijjati 'ti sassata-gahaṇā-
karāppavattā diṭṭhi. Hoti Tathāgato 'ti ādisu satto Tathā-
gato nāma. So param maraṇā hoti 'ti gaṇhato dutiyā ucche-
dadiṭṭhi. Hoti ca na ca hoti 'ti gaṇhato tatiyā ekaccasassatā
diṭṭhi. N' eva hoti na na hoti 'ti gaṇhato catutthā vikkhe-
padiṭṭhi⁴ 'ti.

Iti 'ti vuttappakāra-diṭṭhinissayanidassanaṇ. *Bhavaditṭhi-
sannissitā vā sattā honti vibhavaditṭhisannissitā vā* 'ti: bhavo
vuccati sassato, sassatavasena uppajjamānā diṭṭhi bhava-
diṭṭhi. 'Bhavo 'ti diṭṭhi' 'ti vuttaṇ hoti. Vibhavo vuccati

¹ B ādīhi.

² B, SH *v.l.* -chedantena.

³ B Anantavā for Na antavā.

⁴ B amarāvikkhapa-.

ucchedo, ucchedavasena uppajjamānā ditṭhi vibhavadiṭṭhi. 'Vibhavo 'ti ditṭhi' 'ti vuttaṇ hoti. Vuttappakārā dasa-vidhā ditṭhi bhavadiṭṭhi, vibhavadiṭṭhi cā, 'ti dvidhā 'va hoti. Tāsu dvīsu ekekaṇ sannissitā, asannissitā,¹ allīnā sattā hontī.

Ete vā pana ubho ante anupagammā 'ti ettha: "Aggito vā udakato vā mithubhedā vā," 'ti ādīsu viya vā-saddo samuccayattho. Ete vuttappakāre sassat-ucchedavasena dve pakke ca na upagantvā. Anallīyitvā pahāyā 'ti attho. "Anulomikā vā khanti" 'ti vikappatthe vā. *Idappaccayatā-paṭiccasamuppannesū* 'ti: imesaṇ jarāmaranādīnaṇ paccayā idappaccayā. Idappaccayā eva idappaccayatā, idappaccayānaṇ vā samūho idappaccayatā. Lakkhaṇaṇ pan' ettha saddasatthato pariyesitabbaṇ. Te te paccaye paṭicca saha sammā ca uppannā paṭiccasamuppannā. Tassā idappaccayatāya ca tesu paṭiccasamuppannesu ca *dhammesu*. *Anulomikā* 'ti lokuttaradhammānaṇ anulomato anulomikā. *Khanti* 'ti ñānaṇ. Ñānaṇ hi khamanato khanti. *Paṭiladdhā hotī* 'ti sattehi adhigatā hoti. Idappaccayatāya khantiyā ucchedattānūpagamo hoti paccayuppanna-dhammānaṇ paccayasāmaggiyaṇ āyattavuttittā, paccayānuparamadassanena phalānuparamadassanato. Paṭiccasamuppannesu dhammesu khantiyā sassatattānūpagamo hoti paccayasāmaggiyaṇ navaṇaṇaṇ paccayuppannānaṇ dhammānaṇ uppādadassanato. Evam ete ubho ante anupagamma paṭiccasamuppāda-paṭiccasamuppannadhamma-dassanena 'Na ucchedo,' 'Na sassato' 'ti pavattaṇ sammādassanaṇ anulomikā khanti 'ti veditabbā. Evaṇ hi tad-ubhayadiṭṭhi-paṭipakkhabhūtā sammādiṭṭhi vuttā hoti.

Yathābhūtaṇ vā ñānaṇ 'ti yathābhūtaṇ yathāsabbhāvaṇ neyyaṇ. Tattha pavattañānaṇ 'pi visayavohārena yathābhūtaṇ ñānaṇ 'ti vuttaṇ. Tam pana saṅkhārūpekkhāpariyantaṇ vipassanāñānaṇ idhādhippetāṇ. Heṭṭhā pana yathābhūtañānadassanaṇ 'ti bhayatūpaṭṭhānañānaṇ vuttaṇ. Yathābhūtaṇ vā ñānaṇ sattehi paṭiladdhaṇ hotī, 'ti sambandho.

¹ B apassayitā.

Idāni 'Sassato loko' 'ti ādīhi micchādīṭṭhiparibhāvitāṇ, 'Ete vā panā' 'ti ādīhi sammādīṭṭhiparibhāvitāṇ satta-santānaṇ dassetvā *Kāmaṇ sevantañ ñevā* 'ti ādīhi sesākusalehi, sesakusalehi ca, paribhāvitāṇ sattasantānaṇ dasseti. Tattha: 'Kāmaṇ sevantaṇ yeva puggalaṇ tathāgato *jānāti*' 'ti yojanā katabbā. Sevantaṇ 'ti ca abhiñhasamudācārasena sevamānaṇ. Pubbe asevitavasena kilesakāmo garu assā 'ti *kāmagaruko*. Tath' eva kāmo āsaye santāne assā 'ti *kāmāsayo*. Santānavasen' eva kāme adhimutto laggo 'ti *kāmādhimutto*. Sesusu 'pi es' eva nayo. *Nekkhammā*dīni vuttatṭhān' eva. Kāmādīhi ca tīhi sesākusalā, nekkhammādīhi tīhi sesakusalā gahitā vā honti 'ti veditabbā. *Ayaṇ sattānaṇ āsayo* 'ti tidhā vuttaṇ santānam eva dasseti.

Ayam pan' ettha Atṭhakathānayo: "Iti bhavadīṭṭhisannissitā vā 'ti evaṇ sassatadīṭṭhiṇ vā sannissitā, sassatadīṭṭhi hi ettha bhavadīṭṭhi 'ti vuttā, ucchedadīṭṭhi ca vibhavadīṭṭhi 'ti. Sabbadīṭṭhinaṇ hi sassat-ucchedadīṭṭhihi saṅgahitattā sabbe 'pi 'me dīṭṭhigatikā sattā imā 'va dve dīṭṭhiyo sannissitā honti. Vuttam 'pi c' etaṇ, 'Dvayanissito khvāyaṇ, Kaccāna! loko yebhuyyena. Atthitaṇ c' eva, natthitāñ cā,' 'ti. Ettha hi atthitā 'ti sassataṇ, natthitā 'ti ucchedo. Ayaṇ tāva vaṭṭanissitānaṇ āsayo. Idāni vivaṭṭanissitānaṇ suddhasattānaṇ āsayāṇ dassetaṇ, 'Ete vā pana ubho ante anupagammā,' 'ti ādi vuttaṇ. Tattha: Ete vā panā 'ti ete yeva. Ubho ante 'ti. Sassat-Uccheda-saṅkhāte dve ante. Anupagammā 'ti na alliyivā. Idappaccayatā-paṭiccasamuppannesu dhammesū 'ti idappaccayatāya c' eva paṭiccasamuppannesu dhammesu¹ ca. Anulomikā khantī 'ti vipassanānaṇ. Yathābhūtañ ñāṇaṇ 'ti maggañāṇaṇ. Idaṇ vuttaṇ hoti: 'Yā paṭiccasamuppāde c' eva paṭiccasamuppannadhammesu ca ete ubho sassatuccheda-ante anupagantvā vipassanā paṭiladdhā, yaṇ ca tato uttariṇ maggañāṇaṇ, ayaṇ sattānaṇ āsayo. Ayaṇ vaṭṭanissitānañ ca sabbesam 'pi sattānaṇ āsayo, idaṇ vasanaṭṭhānaṇ,'² 'ti. Ayaṇ ācariyānaṇ samānaṭṭhakathā.

¹ B -ppanne dhamme.

² B ṭṭhapaṇa-.

Vitaṇḍavādī pan' āha: "Maggo nāma vāsaṇ viddhaṇsento gacchati. Tvaṇ, 'Maggo vāso,' 'ti vadesī ?" 'ti.

So vattabbo, "Tvaṇ Ariyavāsabhāṇako hosi ? na hosi ?" 'ti.

Sace, "Na homī," 'ti vadati; "Tvaṇ abhāṇakatāya na jānāsī," 'ti vattabbo. Sace, "Bhāṇako 'smi," 'ti vadati; "Suttaṇ āharā," 'ti vattabbo. Sace āharati, icc-etaṇ kusa-laṇ. No ce āharati, sayāṇ āharitabbaṇ: "Dasa yime, bhikkhave, ariyavāsā yad¹ ariyā āvasiṇsu vā, āvasanti vā, āvasissanti vā," 'ti. Etaṇ hi suttaṇ maggassa vāsabhāvaṇ dīpeti, tasmā sukathitam ev' etaṇ 'ti. Imam pana Bhagavā sattānaṇ āsayāṇ jānanto imesaṇ ca dīṭṭhigatānaṇ imesaṇ ca vipassanāñāṇa-maggañāṇānaṇ appavattikkhaṇe 'pi jānāti eva, tasmā yeva ca, "Kāmaṇ sevantaṇ yeva jānāti," 'ti ādi vuttan 'ti.

3. Anusayaniddese anusayā 'ti: Ken' atṭhena anusayā ? Anusayanatṭhena. Ko esa Anusayanatṭho nāmā ? 'ti. Appahīnatṭho. Ete hi appahīnatṭhena tassa tassa santāne anusenti nāma. Tasmā anusayā 'ti vuccanti. Anusenti 'ti anurūpaṇ kāraṇaṇ labhitvā uppajjanti 'ti attho.

Athā-pi siyā: "Anusayanatṭho nāma appahīṇākāro. So ca uppajjati 'ti vattuṇ na yujjati. Tasmā na anusayā uppajjanti ?" 'ti.

Tatr' idam paṭivacanaṇ: Na² appahīṇākāro. Anusayo 'ti pana appahīnatṭhena thāmagatakilesa vaccati. So citta-sampayutto sārammaṇo sappaccayatṭhena sahetuko ekantā-kusalo atīto 'pi hoti, anāgato 'pi, paccuppanno 'pi. Tasmā Uppajjati 'ti vattuṇ yujjati. Tatr' idaṇ pamāṇaṇ.³ Idh' eva tāva Abhisamayakathāya: "Paccuppanne kilese pajahatī ?" 'ti pucchaṇ katvā anusayānaṇ paccuppannabhāvassa atthitāya, "Thāmagato⁴ anusayaṇ pajahatī," 'ti vuttaṇ. Dhammasaṅgaṇiyaṇ mohassa padabhājane, "Avijjānusayo

¹ B yāya ca.

³ B dhammappamāṇaṇ.

² B omits Na.

⁴ B -gataṇ.

avijjāpariyutthānaṃ avijjālaṅgī moho akusalamūlaṃ. Ayaṃ tasmiṃ samaye moho hotī,” ’ti akusalacittena saddhiṃ mohassa uppannabhāvo vutto. Kathāvatthusmiṃ, “Anusayā abyākātā, anusayā ahetukā, anusayā cittavippayuttā,” ’ti sabbe vādā paṭisedhitā. Anusayayamake sattannaṃ vārānaṃ¹ aññatarasmiṃ uppajjanavāre, “Yassa kāmarāgānusayo uppajjati tassa paṭighānusayo uppajjati,” ’ti ādi vuttaṃ. Tasmā anusenti ’ti anurūpaṃ kāraṇaṃ labhitvā uppajjanti ’ti yaṃ vuttaṃ, taṃ iminā tantippamāṇena yuttan² ’ti veditabbaṃ. Yam ’pi, ‘Cittasampayutto ārammaṇo,’ ’ti ādi vuttaṃ, tam ’pi suvuttam eva. Anusayo hi nāma’ esa parinipphanno, cittasampayutto, akusaladhammo ’ti niṭṭham ettha gantabbaṃ.

Kāmarāgānusayo ’ti ādisu: kāmarāgo ca so appahīnatthēna anusayo cā ’ti kāmarāgānusayo. Sesapadesu ’pi es’ eva nayo. *Kāmarāgānusayo* c’ ettha lobhasahagacittesu saha-jātavasena, ārammaṇavasena ca, manāpesu³ avasesa-kāmāvacaradhammesu ārammaṇavasen’ eva uppajjamāno lobho. *Paṭighānusayo* ca domanassasahagatacittesu saha-jātavasena, ārammaṇavasena ca manāpesu⁴ avasesa-kāmāvacaradhammesu ārammaṇavasen’ eva uppajjamāno doso. *Mānānusayo* diṭṭhigatavippayutta-lobhasahagatacittesu saha-jātavasena, ārammaṇavasena ca, dukkhavedanāvajjesu avasesa-kāmāvacaradhammesu, rūpārūpāvacaradhammesu ca, ārammaṇavasen’ eva uppajjamāno māno. *Diṭṭhānusayo* catūsu diṭṭhigatasampayuttesu; *vicikicchānusayo* vicikicchāsahagate; *avijjānusayo* dvādasasu akusalacittesu saha-jātavasena, ārammaṇavasena ca; Tayo ’pi avasesa-tebhūmakadhammesu ārammaṇavasen’ eva uppajjamānā diṭṭhi-vicikicchā-mohā. *Bhavarāgānusayo* catūsu diṭṭhigatavippayuttesu uppajjamāno ’pi saha-jātavasena na vutto. Ārammaṇavasen’ eva pana rūpārūpāvacaradhammesu uppajjamāno lobho vutto.

Idāni yathāvuttānaṃ anusayānaṃ anusayanatthānaṃ dassento ‘Yaṃ loke’ ’ti ādim āha. Tattha: *Yaṃ loke piyārū-*

¹ B mahāvārānaṃ.

³ SH amanāpesu.

² B suvattan.

⁴ SH manāpesu.

pan 'ti yaṇ imasmiṇ loke piyajātikaṇ piyasabhāvaṇ. *Sātarūpan* 'ti sātājātikaṇ assādapadatthānaṇ iṭṭhārammaṇaṇ. *Ettha sattānaṇ kāmārāgānusayo anuseti* 'ti etasmiṇ iṭṭhārammaṇe sattānaṇ appahīnatthēna kāmārāgānusayo anuseti. Piyaṛūpaṇ sātārūpan 'ti ca idha kāmāvacaradhammo yeva adhippeto. Yathā nāma uḍaḇe nimuggassa heṭṭhā ca upari ca samantā uḍakam eva hoti, evam eva iṭṭhārammaṇe rūguppatti nāma sattānaṇ āciṇṇa-samāciṇṇā, tathā anīṭṭhārammaṇe paṭighuppati. [124] *Iti imesu dvīsu dhammesū* 'ti evaṇ imesu dvīsu iṭṭhānīṭṭhārammaṇadhammesu. *Avijjānupatitā* 'ti kāmārāga-paṭighasampayuttā hutvā ārammaṇakaraṇavasena avijjānupatitā anugatā. "Avijjā anupatitā anugatā 'ti^b vicchedaṇ katvā 'pi pāṭho.¹ *Tadekattho* 'ti tāya avijjāya sahaḇekatthavasena ekato ṭhito. *Māno ca dīṭṭhi ca vicikicchā cā* 'ti navavidha-māno, dvāsatthividhā dīṭṭhi, atthavattukā vicikicchā. *Tadekattho māno ca, tadekatthā dīṭṭhi ca, tadekatthā vicikicchā cā*, 'ti yojanā. *Daṭṭhabbā* 'ti passitabbā avagantabbā. Tayo ekato katvā bahuvacanaṇ katanṇ. Bhavarāgānusayo pan' ettha kāmārāgānusayen' eva saṅghāhito 'ti veditabbo.

4. Caritaniddese: Terasa cetanā *puññābhisaṅkhāro*. Dvā-dasa *apuññābhisaṅkhāro*. Catasso *āneñjābhisaṅkhāro*. Tatttha kāmāvacaro *parittabhūmako*, itaro *mahābhūmako*. Tīsu 'pi vā etesu yo koci appavipāko *parittabhūmako*, mahāvīpāko *mahābhūmako* 'ti veditabbo.

5. Adhimuttiniddese: *Santī* 'ti saṇvījjanti. *Hīnādhimuttikā* 'ti lāmakajjhāsaya. *Pañītādhimuttikā* 'ti kalyāṇajjhāsaya. *Sevantī* 'ti nissayanti allīyanti. *Bhajanī* 'ti upasaṅkamanti. *Payārūpāsanti* 'ti punappunaṇ upasaṅkamanti. Sace hī ācariyūpajjhāyā na sīlavanto honti, antevāsika²-saddhivihārikā sīlavanto; te attano ācariyūpajjhāye 'pi na upasaṅkamanti. Attano sadise sārūpe bhikkū yeva upasaṅkamanti. Sace 'pi ācariyūpajjhāyā sārūpa, bhikkhū itare asārūppā, te 'pi na ācariyūpajjhāye upasaṅkamanti. Attano

a to b Not in SH.

¹ As it is in the Text.

² B tadantevāsika-.

sadise hīnādhimuttike yeva upasaṅkamanti. Evaṃ upasaṅkamanam pana na kevaḷaṃ etarahi yeva, atitānāgate 'pi 'ti dassetuṃ, *Atītam 'pi addhānaṃ*, 'ti ādim āha. Tattha: Atītam 'pi addhānaṃ 'ti atītasmiṃ kāle. Accantasanyogatthe upayo-gavacanaṃ. Sesaṃ uttanattham eva.

“Idam pana dussīlānaṃ dussīlasevanam eva, sīlavantānaṃ sīlavantasevanam eva, duppaññānaṃ duppaññasevanam eva, paññavantānaṃ paññavantasevanam eva ko niyāmeti?” 'ti.

Ajjhāsayadhātu niyāmeti 'ti.

6. Bhabbābhabbaniddese: Chaddetabbe paṭhamaṃ niddi-sitvā, gaḥetabbe pacchā niddisituṃ Uddesassa uppatipāṭiyā paṭhamaṃ abhabbā niddiṭṭhā. Uddese pana dvandasamāse accitassa ca mandakkharassa ca padassa pubbanipātala-kkhaṇavasena. Bhabba-saddo pubbaṃ payutto. *Kammā-varaṇenā* 'ti pañcavidhena ānantariyakammena. *Samannā-gatā* 'ti samaṅgibhūtā. *Kilesāvaraṇenā* 'ti niyatamicchādi-ṭṭhiyā. Imāni dve sagga-maggānaṃ āvaraṇato avaraṇāni. Bhikkhunīdūsakādi-kammāni 'pi kammāvaraṇeṃ eva saṅga-hītāni. *Vipākāvaraṇenā* 'ti ahetukaṭṭhisandhiyā. Yasmā pana duhetukānaṃ 'pi ariyamaggapaṭivedho n' atthi, tasmā duhetukā paṭisandhi vipākāvaraṇam evā 'ti veditabbā *Assaddhā* 'ti Buddhādīsu saddhārahitā. *Acchandikā* 'ti kattukamyatā-kusalacchanda-rahitā. Uttarakurukā manussā acchandikaṭṭhānaṃ pavitṭhā. *Duppaññā* 'ti bhavaṅgapaññāya parihīnā. Bhavaṅgapaññāya pana paripunnāya 'pi yassa bhavaṅgaṃ lokuttarassa pādakaṃ na hoti, so 'pi duppañño yeva nāma. *Abhabbā niyāmaṃ okkamituṃ kusalesu dhammesu sammattan* 'ti kusalesu dhammesu sammattaniyāma-saṅkhātāṃ ariyamaggaṃ okkamituṃ abhabbā. Ariyamaggo hi sammā sabhāvo 'ti sammattaṃ. So yeva anantara-phaladāne sayam eva vā acalabhāvato niyamo. Taṃ okkamituṃ¹ pavisitūṃ *abhabbā*.

7. Na *kammāvaraṇenā* 'ti ādīni vuttavipariyāyen' eva veditabbāni 'ti.

Āsayānusayañña-Niddesa-Vaṇṇanā Niṭṭhitā.

¹ SH -bhāvato niyāmetuṃ okka-.

[YAMAKAPĀṬIHĀRIYAÑĀṆA- NIDDESA-VANṆANĀ.]

[125] Yamakapāṭihāriyañāṇaniddese: *Asādhāraṇaṇ sāvakehī* 'ti sesāsādhāraṇañāṇaniddese aññavacanehi okāsābhāvato na vuttaṇ, idha pana aññavacanābhāvato vuttan 'ti veditabbaṇ. *Uparimakāyato* 'ti nābhiyā uddhaṇ sarirato. *Aggikkhandho pavattatī* 'ti tejokasiṇārammaṇaṇ pāḍakajjhānaṇ samāpajjitvā uttāhāya, 'Uparimakāyato aggijālā vuṭṭhātū,' 'ti āvajjitvā parikammaṇ katvā abhiññāñāṇena, 'Uparimakāyato aggijālā vuṭṭhātū,' 'ti adhiṭṭhite saha adhiṭṭhānā uparimakāyato aggijālā vuṭṭhāti. Sā hi idha rāsattṭhenā khandho 'ti vuttā. *Hetthimakāyato* 'ti nābhito hetthā sarito. *Udakhārā pavattatī* 'ti āpokasiṇārammaṇaṇ pāḍakajjhānaṇ samāpajjitvā vuṭṭhāya, 'Hetthimakāyato udakhārā vuṭṭhātu,' 'ti āvajjitvā parikammaṇ katvā abhiññāñāṇena, 'Hetthimakāyato udakhārā vuṭṭhātū,' 'ti adhiṭṭhite saha adhiṭṭhānā hetthimakāyato udakhārā vuṭṭhāti. Ubhayatthā-pi abbocchedavasena¹ 'Pavattatī' 'ti vuttaṇ. Adhiṭṭhānassa ca āvajjanassa ca antare dve bhavaṅgacittāni vattanti, tasmā yeva yugalā hutvā aggikkhandha-udakhārā pavattanti, antaraṇ na paññāyati. Aññesaṇ pana bhavaṅgaparicchedo n' atthi.

Purathimakāyato 'ti abhimukhapassato. *Pacchimakāyato* 'ti piṭṭhipassato. *Dakkhiṇakkhūto, vāmakkhūto* 'ti ādi samāsapāṭho yeva, na añño. *Dakkhiṇanāsikāsotato, vāmanāsikāsotato* 'ti pāṭho sundaro. (Rassaṇ katvā 'pi paṭhanti.) *Aṇsakūto* 'ti ettha abbhuggatattṭhena kūto viyā 'ti kūto. Aṇso yeva kūto aṇsakūto. *Āṅgulaṅgulehī* 'ti aṅgulīhi aṅgulihi. *Āṅgulantarikāhī* 'ti aṅgulīnaṇ antarikāhī. *Ekekalomato aggikkhandho pavattatī, ekekalomato udakhārā pavattatī* 'ti ubhayatthā-pi āmeḍḍitavacanena sabbalomānaṇ pariyādi-

¹ B cchinna-.

nnattā ekekalomato 'va aggikkhandha-udakadhārā yugalā yugalā hutvā pavattantī 'ti vuttaṇ hoti. *Lomakūpato lomakūpato* [126] *aggikkhandho pavattati, lomakūpato lomakūpato udakadhārā pavattati* 'ti etthā-pi es' eva nayo. (Kesuci potthakesu, "Ekekalomato aggikkhandho pavattati, lomakūpato lomakūpato udakadhārā pavattati; lomakūpato lomakūpato aggikkhandho pavattati, ekekalomato udakadhārā pavattati," 'ti likhitaṇ. Tam 'pi yujjati yeva. Pāṭihīrassa atisukhumattadīpanato pana purimapāṭho yeva sundara-taro.)

Idāni: *Channaṇ vaṇṇānaṇ* 'ti ko sambandho? Heṭṭhā, uparimakāyato 'ti ādīhi anekehi sarīrāvayavā vuttā. Tena sarīrāvayavasambandho¹ pavattatī 'ti vacanasambandhena ca, yamakapāṭihīrā²-dhikārena ca channaṇ vaṇṇānaṇ sarīrāvayavabhūtānaṇ raṇsiyo yamakā hutvā pavattantī 'ti vuttaṇ hoti. Sāmivacanasambandhena ca avassaṇ 'Rasmiyo' 'ti pāṭhaseso icchitabbo yeva. *Nīlānaṇ* 'ti ummāpupphavaṇṇānaṇ. *Pītakānaṇ* 'ti kaṇikārapupphavaṇṇānaṇ. *Lohitakānaṇ* 'ti indagopakavaṇṇānaṇ. *Odātānaṇ* 'ti osadhī-tārakāvaṇṇānaṇ. *Mañjīṭṭhānaṇ* 'ti mandarattavaṇṇānaṇ. *Pabhassarānaṇ* 'ti pabhassarapakatikānaṇ vaṇṇānaṇ. Pabhassaravaṇṇo³ visuṇ avijjamāno⁴ 'pi vuttesu pañcasu vaṇṇesu ye ye pabhāsamujjalā te te pabhassarā. Tathā hi: "Tathāgatassa yamakapāṭihīraṇ karontassa yamakapāṭihīra-ñāṇabalen' eva kesamassūnaṇ c' eva akkhīnaṇ ca nilatṭhānehi nīlarasmiyo nikkhamanti, yāsaṇ vasena gaganatalaṇ aṇjanacuṇṇasamākiṇṇaṇ viya, ummāpupphaniluppapaladala-saṇchannaṇ viya, vītipatanta-manitālavaṇṇaṇ viya, pasāritamecakapaṭaṇ viya ca hoti. Chavito c' eva akkhīnaṇ ca pītakatṭhānehi pītarasmiyo nikkhamanti, yāsaṇ vasena disābhāgā suvaṇṇarasa-nisiṇṇamānā viya, suvaṇṇapaṭapasāritā viya, kuṇkumacuṇṇa⁵-kaṇikārapuppha-sampakiṇṇā viya ca virocanti. Maṇsalohitehi c' eva akkhīnaṇ ca rattatṭhānehi

¹ B -sambandhena ca.

² B -hāriyā- (so *infra*).

³ B -vaṇṇe.

⁴ -māne.

⁵ B kuṇkūṭṭha; BM kuṇkūṭṭhacuṇṇa; SM kukūṭṭacuṇṇa.

lohitarasmiyo nikkhamanti, yāsaṇ vasena disābhāgā Cīna-piṭṭhacunnarañjitā viya, supakkalākhārāsa-nisīncamānā viya, rattakambalaparikkhittā viya, jayasumana-pāḷibhaddaka¹-bandhujivaka-kusumasamparikiṇṇā viya ca virocanti. Atṭhihi c' eva dantehi ca, akkhīnañ ca setatṭhānehi odātarasmiyo nikkhamanti, yāsaṇ vasena disābhāgā rajatakūṭehi āsīncamānā, khīradhārāsamparikiṇṇā viya, pasāritarajatapaṭṭavītānā viya, vītipatantarajatatālavanṭā viya, kunda-kumudasinduvāra²-sumana-mallikādi-kusumasañchannā viya ca virocanti. Hatthatalapādatalādihi mandarattatṭhānehi mañjiṭṭharasmiyo nikkhamanti, yāsaṇ vasena disābhāgā pavāḷajalaparikkhittā viya, rattakuravakakusumasamokiṇṇā³ viya ca virocanti. Uṇṇādāṭṭhānakhādīhi⁴ pabhassaratṭhānehi pabhassararasmiyo nikkhamanti, yāsaṇ vasena disābhāgā osadhītārakāpuñjapunṇā viya, vijjupaṭalādiparipunṇā viya ca virocanti."

Bhagavā caṅkamati 'ti ādihi Bhagavato ca nimmitānañ ca nānā-iriyāpathakaraṇaṇ yamakapāṭihireṇ' eva hoti 'ti dassanatthaṇ vuttaṇ. Tesāṇ hi nimmitānaṇ iriyāpathā yugalā hutvā vattanti.

Yadi nimmitā bahukā honti, 'nimmito' 'ti ādi kasmā ekavacanaṇ katan? 'ti ce: Nimmitesu 'pi ekekassa nānā-iriyāpathabhāvadassanatthaṇ. Bahuvacanena hi vutte sabbe 'pi nimmitā sakiṇ ekeka-iriyāpathikā viya honti; ekavacanena pana vutte nimmitesu ekeko nānā-iriyāpathiko 'ti ñāyati. Tasmā ekavacananiddeso kato. Cūlapanthakattthero 'pi tāva nānā-iriyāpathikabhikkhūnaṇ sahasaṇ māpesi! Kiṇ pana Bhagavā yamakapāṭihire bahunimmito na kariṇssati? Cūlapanthakatttheraṇ muñcivā aññesaṇ sāvakānaṇ ekāvajjanena nānā-iriyāpathikānaṇ nānārūpānañ ca nimmitānaṇ na ijjhati,⁵ anyāmetvā hi nimmitā iddhimatā sadisā 'va honti. Thānanisajjādisu vā bhāsitatunhībhāvādisu vā yaṇ yaṇ iddhimā karoti, taṇ tad eva karonti. Visadisaka-

¹ B pāricchattaka-.

² B -kuvalaya-; BM -kuraka-.

³ SH v.l. icchati.

⁴ BM sindhara.

⁵ SH omits dāṭṭhā.

raṇaṇ, nānākiriyaākāraṇaṇ ca “ Ettakā idisā hontu, ettakā imaṇ nāma karontū ” ’ti visuṇ visuṇ āvajjitvā adhiṭṭhānena ijjhati. Tathāgatassa pana ekāvajjanādhīṭṭhānen’ eva nāna-ppakāranimmāṇaṇ ijjhati. Evam evaṇ aggikkhandha-udakadhārānimmāṇe nānāvaṇṇanimmāṇe ca veditabbaṇ.

Tattha: Bhagavā caṅkamati ’ti ākāse vā paṭhaviyaṇ vā caṅkamati. *Nimmīto* ’ti iddhiyā māpitabuddharūpaṇ. *Tiṭṭhati vā* ’ti ādini ’pi ākāse vā paṭhaviyaṇ vā. *Kappeti* ’ti karoti. *Bhagavā tiṭṭhati* ’ti ādisu ’pi es’ eva nayo ’ti.

Yamakapāṭihāriyañāṇa-Niddesa-Vaṇṇanā Niṭṭhitā.

[MAHĀKARUṆĀṆĀNA-NIDDESA- VAṆṆANĀ.]

1. Mahākaruṇāṇāniddese: *Bahukehi ākārehi* 'ti idāni vuccamānehi ekūnanavutiyā pakārehi. *Passantānan* 'ti ṇānacakkhunā ca buddhacakkhunā ca oloketānaṃ. *Okkamati* 'ti otarati pavisati. *Āditto* 'ti dukkhalakkhaṇavasena pīlāyogato santāpanaṭṭhena ādipito. 'Yad aniccaṃ taṃ dukkhaṃ' 'ti vuttattā sabbasaṅkhatassa c' eva dukkhalakkhaṇavasena pīlitattā, dukkhassa ca karuṇāya mūlabhūtatā paṭhamāṃ dukkhalakkhaṇavasena āditto 'ti vuttan, 'ti veditaḃbaṃ. Rāgādihi ādittataṃ pana upari vakkhati.

Athavā: Aditto 'ti rāgādihi yeva āditto. Upari pana tassa, "N' atth' añño koci nibbāpetā" 'ti antāpekkhaṇavasena¹ puna vuttan, 'ti veditaḃbaṃ.

Lokasannivāso 'ti pañcakkhandhā lujjanaṭṭhena lokā. Taṇhādiṭṭhivasena sannivasanti ettha sattā 'ti sannivāso. Loko 'va sannivāso lokasannivāso. Dukkhiṭaṃ khandhasantānaṃ upādāya sattavohārasabbhāvato lokasannivāsayogato sattasamūho 'pi lokasannivāso. So 'pi ca sahaḃkhaṇdhako yeva.

Uyyutto 'ti anekesu kiccesu niccabyāpāratāya katayogo kata-ussāho. Sattakiccesu² sa-ussukko 'ti attho. Ghaṭṭana-uyutto 'ti vā uyyutto.

Payāto 'ti pabbateyyā³ nadī viya anavaṭṭhitaḃmanena maraṇāya yātuṃ āraddho.

¹ B atthāpekkhana-.

² SH Satata-.

³ B Payāto 'ti pabbate yāto pabbateyyā.

Kummaggapaṭipanno 'ti kucchitaṇ micchāmaggaṇ paṭipanno. Upari pana Vipathapakkhanto 'ti nānāpadehi vise-tvā vuttaṇ.

Upanīyati 'ti jarāvasena maraṇāya upanīyati hariyati. Jarā hi āyuno saṅhānī 'ti vuttā. *Adhuvo* 'ti na-tthiro, sadā tatho 'va na hoti. Yasmā adhuvo tasmā upanīyati, 'ti purimassa kāraṇavacanam etaṇ. Etena sakāraṇaṇ jarā-dukkaṇ vuttaṇ. Taṇ jarādukkhaṇ disvā jarāpārijuṇṇārahitā 'pi viññū pabbajanti.

Atāno 'ti tāyituṇ rakkhituṇ samatthena rahito. Anāra-kkho 'ti vuttaṇ hoti. *Anabhissaro* 'ti abhisaritvā abhigantvā byāharaṇena assāsetuṇ samatthena rahito. Asahāyo 'ti vā attho. Idha: Yasmā anabhissaro tasmā atāno 'ti purimassa kāraṇavacanam etaṇ. Etena sakāraṇaṇ piyavippayogadu-kkaṇ vuttaṇ. Taṇ piyavippayogadukkaṇ disvā ñāti-pārijuṇṇārahitā 'pi viññū pabbajanti. *Assako* 'ti saka-bhaṇḍan 'ti sallakkhitaṇ sabbaṇ pahāya lokena gantabbaṇ. Yasmā sabbaṇ pahāya gamanīyaṇ tasmā a-ssako 'ti puri-massa kāraṇavacanam etaṇ. Etena sakāraṇaṇ maraṇadu-kkaṇ vuttaṇ. Taṇ disvā bhoga-pārijuṇṇārahitā 'pi viññū pabbajanti.

Atth' aññattha, "Kammassakā mānava sattā" 'ti vuttaṇ. Idha ca, Raṭṭhapālasutte ca "Assako loko" 'ti vuttaṇ. Taṇ kathaṇ yujjati 'ti ce: pahāya gamanīyaṇ sandhāya Assako 'ti vuttaṇ. Kammaṇ pana na pahāya gamanīyaṇ, tasmā Kammassako 'ti vuttaṇ. Raṭṭhapālasutte yeva ca evam etaṇ vuttaṇ: "Tvaṇ pana yathākammaṇ gamissasī" 'ti.

Ūno 'ti pāripūrirahito. *Atitto* 'ti bhīyyo bhīyyo pattha-nāya 'pi na suhito.¹ Idaṇ ūnabhāvassa kāraṇavacanaṇ. *Taṇhādāso* 'ti taṇhāya vase vattanato taṇhāya dāsabhūto. Idaṇ atittabhāvassa kāraṇavacanaṇ. Etena icchārogāpade-

¹ B rahito.

sena sakāraṇaṇ vyādhidukkhaṇ vuttaṇ. Taṇ byādhidukkhaṇ disvā byādhipārijuṇṇarahitā 'pi viññū pabbajanti.

*Atāyano*¹ 'ti puttādihi 'pi tāyanassa abhāvato atāyano, anārakkho, alabbhaneyyakhemo vā. *Aleno* 'ti alliyituṇ nissituṇ anaraho. Allinānam 'pi ca leṇakiccākārako. *Asa-
raṇo* 'ti nissitānaṇ na bhayahārako,² na bhayavināsako. *Asaraṇibhūto* 'ti pure uppattiyā³ attano abhāven' eva asa-
raṇo. Uppattisamakālam³ eva asaraṇibhūto 'ti attho.

Uddhato 'ti sabbākusalesu uddhaccassa uppajjanato satta-
santāne ca akusalupattibāhullato akusalasamaṅgī loko tena
uddhaccena uddhato. *Avūpasanto* 'ti avūpasamanalakha-
ṇassa uddhaccass' eva yogena avūpasanto bhantamigapaṭi-
bhāgo. Upaniyati loko 'ti ādisu catūsu ca 'uddhato loko'
'ti ca pañcasu ṭhānesu 'Loko' 'ti āgataṇ, sesesu 'Loka-
sannivāso' 'ti. Ubhayathā 'pi 'Loko' yeva.

Sasallā 'ti pilājanakatāya antotudanatāya dunniharaṇīya-
tāya ca sallā 'ti saṅkhaṇ gatehi rāgādihi sallehi saḥavatta-
nako. *Viddho* 'ti migādayo kadāci parehi viddhā honti,
ayaṇ pana loko niccaṇ attanā 'va viddho. *Puthusallehī* 'ti.
"Satta sallāni: rāgasallaṇ, dosasallaṇ, mohasallaṇ, māna-
sallaṇ, ditṭhisallaṇ, kilesasallaṇ, duccaritasallaṇ," 'ti vutthehi
sattahi sallehi. *Tassā* 'ti tassa lokasannivāsassa. *Sallānaṇ
uddhatā*⁴ 'ti tesāṇ sallānaṇ sattasantānato uddharitā puggalo.
Aññatra, mayā 'ti maṇ ṭhapetvā. Ye Bhagavato sāvakā
sallāni uddharanti tesāṇ Bhagavato vacanen' eva uddhara-
nato Bhagavā uddharati nāma.

Avijjandhakārāvaraṇo 'ti: avijjā eva sabhāvadassanacchā-
danena andhaṇ viya karotī 'ti avijjandhakāro. So 'va
sabhāvāvagamananivāraṇena āvaraṇaṇ etassā 'ti avijjandha-
kārāvaraṇo. *Kilesapañjarapakkhutto* 'ti kilesā eva kusala-
gamanasannirujjhana-ṭṭhena pañjaro 'ti kilesapañjaro; Avi-

¹ Text atāno.

³ SH upapatti-.

² B -ssaraṇo; SH -sārako.

⁴ Text uddhato; SH uddhutā.

jjāpabhave kilesapañjare pakkhitto pātito. *Ālokaṇ dassetā* 'ti paññalokaṇ dassanasilo; paññalokadassetā 'ti vā attho. *Avijjāgato* 'ti avijjaṇ gato pavittṭho; na kevaḷaṇ avijjāya āvaraṇamattam eva, atha kho gahanagato viya, avijjāko-sassa anto pavittṭho 'ti purimato viseso. *Andābhūto*¹ 'ti ādayo ca viseso yeva. *Andābhūto*¹ 'ti ande bhūto, nibbatto. Yathā hi ande nibbattā ekacce sattā 'andābhūtā' 'ti vuccanti evam ayaṇ loko avijjaṇdakose nibbattattā 'andābhūto' 'ti vuccati. *Pariyonaddho* 'ti tena avijjaṇdakosena samantato onaddho, baddho, veṭṭhito. *Tantākulajāto* 'ti tantaṇ viya ākulabhūto; yathā nāma dunnikkhitaṇ musikacchinnāṇ pesakārāṇaṇ tantaṇ taṇṇ taṇṇ ākulaṇ hoti; idaṇ aggaṇ, idaṇ mūlaṇ 'ti aggena vā aggaṇ, mūlena vā mūlaṇ samānetuṇ dukkaraṇ hoti; evam eva sattā paccayākare ca khalitaṇ ākutabyākutā honti, na sakkonti paccayākaraṇ ujuṇ katuṇ. Tatha tantaṇ paccattapurisakāre ṭhatvā sakkā 'pi bhaveyya ujuṇ kātuṇ. Ṭhapetvā pana dve bodhisatte, añño satto attano dhammatāya paccayākaraṇ ujuṇ kātuṇ samattho nāma n' atthi. Yathā pana ākulatantaṇ kiñcikaṇ² datvā kocchena paḥaṇaṇ tattha tattha kulakajātaṇ hoti gaṇṭhi-bandhaṇ; evam ayaṇ loko paccayesu pakkipitvā³ paccaye ujuṇ katuṇ asakkonto dvāsaṭṭhidittṭhigatavasena kulakajāto hoti gaṇṭhibandho; ye hi keci dittṭhiyo nissitā sabbe te paccayaṇ ujuṇ katuṇ asakkonti yeva. *Gulāguṇṭhikajāto*⁴ 'ti gulāguṇṭhikaṇ⁴ viya bhūto. Gulāguṇṭhikaṇ vuccati pesakā-rakiñcikasuttaṇ.² Gulā nāma sakunikā tassā kulāvako 'ti 'pi eke. Gulikasakunikā-kulāvako 'ti eke. Yathā tadubhayaṇ pi ākulaṇ aggena vā aggaṇ, mūlena vā mūlaṇ samānetuṇ dukkaraṇ 'ti purimanayaṇ' eva yojetabbaṇ.

Muñjapabbajabhūto 'ti muñjatiṇaṇ viya pabbajatiṇaṇ viya ca bhūto. Muñjatiṇa-pabbajatiṇasadiṇo jato. Yathā tāni tiṇāni koṭṭetvā koṭṭetvā katarajju jinnakāle katthaci patiṇaṇ gahetvā tesāṇ tiṇaṇaṇ idaṇ aggaṇ, idaṇ mūlaṇ 'ti aggena vā aggaṇ, mūlena vā mūlaṇ samānetuṇ dukkaraṇ, taṇ pi

¹ Text reads andhābhūto and gives this as v.l. B reads . . . bhūtā . . . visesā.

² SH kañji.

³ SH pakkhalitvā.

⁴ SH -guṇḍika-.

paccatta purisakāre ṭhatvā sakkā bhaveyya ujuṇ kātuṇ. Thapetvā pana dve bodhisatte añño satto attano dhammātāya paccayākāraṇ ujuṇ kātuṇ samattho nāma n' atthi. Evam ayaṇ loko paccayākāraṇ ujuṇ katuṇ asakkonto dvā-satṭhiditṭhigatāvasen' eva gaṇṭhijāto hutvā *Apayaṇ duggatiṇ vinipātaṇ saṅsaraṇ nātivattati*. Tattha apāyo 'ti nirayo tiracchānayoni pettivisayo asurakāyo. Sabbe 'pi hi te buddhisankhātassa¹ ayassa² abhāvato apāyo 'ti vuccanti. Tathā dukkhassa gatibhāvato duggati. Sukhassa samussaya-to vinipatitattā vinipāto. Itaro pana:

132. Khandhānaṇ ca paṭipāṭi
Dhātu-āyatanāni ca
Abbocchinnaṇ vattamānaṇ
Saṅsāro 'ti pavuccati.

Taṇ sabbaṇ 'pi nātivattati nātikkamati. Atha kho cutito paṭisandhiṇ, paṭisandhito cutin 'ti evaṇ punappunaṇ cuti-paṭisandhiyo gaṇhamāno tisu ca³ bhavesu, catūsu ca³ yonīsu, pañcasu ca³ gatīsu, sattasu ca³ viññāṇaṭṭhitīsu, navasu ca³ sattāvāsesu mahāsamudde vā pakkhittanāvā viya, yantayuttagoṇo viya ca paribbhamati yeva.

*Avijjāvisadosasallito*⁴ 'ti avijjā yeva akusaluppadanena kusala-jīvitanaśanato visan' ti avijjāvisaṇ, tad eva santāna-dūsanato avijjāvisadoso; tena anusayapariyuṭṭhānā-duccarita-bhūtena bhusaṇ litto makkhito 'ti avijjāvisadosasallito.⁵ *Kilesakalalībhūto*⁶ 'ti avijjadimūlakā kilesā eva osidanatṭhena kalalaṇ kaddamo 'ti kilesakalalaṇ, tad assa atthī 'ti kilesa-kalalī, evaṇ bhūto. *Rāgadosamohajātājaṭito*⁷ 'ti lobhappaṭi-ghāvijjāsankhātā rāgadosamohā eva rūpādīsu ārammaṇesu hetṭhūpariyavasena punappunaṇ uppajjanato saṅsibbanatṭhena velugumbādīnaṇ sākha-jālasankhātā jaṭā viyā 'ti jāṭā, tāya rāgadosamohajātāya jaṭito. Yathā nāma velu-jaṭādihi velu-ādayo evaṇ tāya jaṭāya ayaṇ loko jaṭito vini-viddho⁸ saṅsibbito 'ti attho. Jataṇ *vijateta*⁹ 'ti imaṇ evaṇ

¹ SH *Tevatta*-. ⁴ *Text* -sallito. ⁷ *Text* -mohajaṭito. ² SH *āyassa*. ⁵ SH -tto. ⁸ SH *vinaddho*. ³ SH, SM *omī* ca. ⁶ *Text* -kalibhūto. ⁹ *Text* *vijatitā*.

tedhātukaṇ lokaṇ jaṭetvā tḥitaṇ jaṭaṇ vijatetā sañchinditā sampadalayitā. *Taṇhāsaṅghātappaṭimukko* 'ti taṇhā eva abbochinnāṇ pavattito saṅghatitattḥena saṅghāto 'ti taṇhāsaṅghāto; tasmiṇ taṇhāsaṅghāte paṭimukko anupaviṭṭho antogato 'ti taṇhāsaṅghātappaṭimukko. *Taṇhājālena otthato*¹ 'ti taṇhā eva pubbe vittanayena saṅsibbitattḥena jālan 'ti taṇhājālan; tena taṇhājālena otthiṭo, samantato chādito, palivedhito. *Taṇhāsoten vayhati* 'ti taṇhā eva saṅsāre ākaddhanattḥena soto 'ti taṇhāsoto; tena taṇhāsotena vuyhati ākadhiyati. *Taṇhāsaṅgyojanena saṅyutto* 'ti taṇhā eva lokaṇ vaṭṭasmiṇ saṅgyojanato bandhanato taṇhāsaṅgyojanaṇ; tena taṇhāsaṅgyojanena saṅyutto baddho. Taṇhānusayena anusato 'ti taṇhā eva anusayanattḥena anusayo 'ti taṇhānusayo; tena taṇhānusayena anusato anugato thāmagato. *Taṇhāsantāpena santappaṭi* 'ti taṇhā eva pavattikāle phalakāle ca lokaṇ santāpeti 'ti santāpo tena taṇhāsantāpena santappaṭi santāpiyati. *Taṇhāpariḷahena* [128] *pariḷayhati* 'ti taṇhā eva balavabhūtā pavattikāle phalakāle ca samantato ḍahanattḥena mahāpariḷāho 'ti taṇhāpariḷaho tena taṇhāpariḷahena pariḷayhati samantato ḍayhati. *Ditṭhisanghātādayo* iminā 'va nayena yojetabbā.

Anugato 'ti anupaviṭṭho. Anusato 'ti anudhāvito. Abhibhūto 'ti pīlito. Abbihato² 'ti abhi-āhato abhimukhaṇ bhusaṇ pahāto. *Dukkhe patiṭṭhito* 'ti dukkhe khandhapañcake sukhavipallāsenā patiṭṭhito abhiniviṭṭho. *Taṇhāya uddāto*³ 'ti taṇhāya ullaṅghito; cakkhu hi taṇhārajjunā āvunitvā rūpanāgadante udditaṇ.³ Sotādīni taṇhārajjunā āvunitvā saddādināgadantesu udditāni,³ taṇsamangī puggalo⁴ uddito³ yeva nāma. *Jarāpākāraparikkhitto* 'ti anatikkamaṇiyattḥena pākārabhūtāya jarāya parivārito. *Maccupāsenā parikkhitto* ti dummocaniyattḥena pāsabhūtena maraṇena baddho.⁵ *Mahābandhanabaddho*⁵ 'ti dalhattā ducchedattā ca mahantehi bandhanehi⁵ baddho.⁵ *Rāgabandhanenā* 'ti rāgo eva bandhati, saṅsārato calituṇ na deti 'ti rāgabandhanaṇ, tena rāgabandhanena. Sesesu 'pi es' eva nayo. *Kilesabandhanenā* 'ti

¹ Text ottato.² B, SH Abbhāhato.³ B utti-.⁴ SH loko 'pi.⁵ B bandho.

vuttā 'vasesena kilesabandhanena. *Duccaritabandhanenā* 'ti tividhena duccaritabandhanena.¹ Sucaritaṇ pana bandhanamokkhassa hetubhūtaṇ bandhanamokkhabhūtaṇ ca atthi, tasmā taṇ na gahetabbaṇ. *Bandhanaṇ mocetā* 'ti tassa bandhanaṇ mocetā. (Bandhanā mochetā 'ti 'pi pātho. Bandhanato 'ti attho.²)

Mahāsambādhapaṭipanno 'ti kusalasañcārapiḷanena mahā-sambādha-sankhataṇ rāga-dosa-moha-māna-ditṭhi-kilesa-duccarita-gahanaṇ paṭipanno. *Okāsaṇ dassetā* 'ti lokiya-lokuttarasamādhipaṇṇokāsaṇ dassetā. *Mahāpaḷibodhena paḷibuddho* 'ti mahānivrāṇaṇa nivuto; mahālepena vā litto. Paḷibodho 'ti ca rāgādi-sattavidho eva. Taṇhādittṭhipalibodho 'ti eke. *Paḷibodhaṇ chedetā* 'ti taṇ paḷibodhaṇ chinditā. *Mahāpapāte* 'ti pañcagatipapāte jatijarāmaranapapāte vā. Taṇ sabbam 'pi duruttaraṭṭhena papāto. *Papātā uddhatā* 'ti tamhā papātato uddharita. *Mahākantārapaṭipanno* 'ti jatijarā-byadhi-maraṇa-soka-parideva-dukkha-domanass-upāyāsa-kantāraṇ paṭipanno. Sabbam 'p' etaṇ duratikkaṇaṇaṭṭhena kantāro. Taṇ *kantāraṇ tāretā*. (Kantārā taretā 'ti 'pi pātho.) *Mahāsaṅsārapaṭipanno* 'ti abbocchinnaṇ khaṇḍhasantānaṇ paṭipanno. *Saṅsārā mocetā* 'ti saṅsārato mocetā. (Saṅsārā mocetā iti vā pātho.) *Mahāvidugge* 'ti saṅsāra-vidugge. Saṅsāro yeva hi duggamaṇaṭṭhena viduggo. *Samparivattati* 'ti bhusaṇ nivattitva carati. *Mahāpalīpe* 'ti mahākāmakaddame.³ Kāmo hi osīdanatṭhena palipo. *Pali-panno* 'ti laggo. (Mahāpalipapaḷipanno 'ti 'pi pātho.)

[129] *Abbhāhato* 'ti sabbopaddavehi⁴ abbhāhato. *Rāga-ggīnā* 'ti rāgādayo yeva anuḍahanatṭhena aggi, tena rāga-ggīnā. Sesusu 'pi es' eva nayo. *Unnītako* 'ti uggahetvā uggahetvā⁵ nīto jātiyā uggahetvā jarādi-upaddavāya nīto 'ti attho. Ka-kāro pan' ettha anukampāya datṭhabbo. *Haññati niccam atāno* 'ti parittāyaṇa⁶ rahito satataṇ piḷiyati. *Pattadaṇḍo* 'ti rājādīhi laddha-āno. *Takkāro* 'ti coro. *Vajja-*

¹ SH omits.

² SH (-namocetā . . . bandhanato taṇ mocetā 'ti attho).

³ SH mahante kāma-.

⁴ B sabbehi maddavehi.

⁵ SH does not repeat.

⁶ SH -kena.

*bandhanabandho*¹ 'ti rāgādivajjabandhanehi bandho.¹ *Āghā-tanapaccupatthito* 'ti maraṇa-dhammagandikattānaṇa² upecca tthito. *Koci mocetā* (koci bandhanā mocetā 'ti 'pi pātho). *Anātho* 'ti n' atthi etassa nātho issaro, sayan vā na nātho issaro 'ti anātho; assaraṇo 'ti vā attho. *Paramakāpañña-patto*³ 'ti jarādipaṭibāhane appahutāya atīva kapaṇabhāvaṇ patto. *Tāyetā* 'ti rakkhita. (*Tāyitā* 'ti vā pātho sundaro).⁴ *Dukkābhūtunṇo* 'ti jātīdukkhādīhi anekehi dukkhehi abhi-tunṇo abhibyādhito atikampito. *Cīrarattapīlito* 'ti dukkheh' eva digham addhānaṇ pīlito, ghaṭṭito. *Gadhito* 'ti gedhena viddho⁵ abhiṇṇāyagānthena vā ganthito. *Niccaṇ pipāsito* 'ti: pātuṇ bhuñjitun icchā pipāsā. *Taṇhāpipāsāya niranta-raṇ pipāsito*. *Andho* 'ti dassanattthena cakkhū 'ti saṅkhaṇ gatāya paññāya abhāvato kāṇo; paññāya⁶ hi dhammasa-bhāvaṇ passati. *Acakkhuko* 'ti taṇ pana andhattaṇ na pacchā sambhūtaṇ, pakatiyā eva avijjamānacakkhuko 'ti tam eva andhattaṇ viseseti. *Hatanetto* 'ti nayanattthena nettan 'ti saṅkhātāya paññāya abhāvato yeva vinattāha-nettako. Samavisamaṇ dassentaṇ attabhavaṇ neti 'ti nettan 'ti vuttaṇ. *Paññāya duggatiṇ*⁷ ca agatiṇ ca neti. *Hatane-ttattā* yeva 'ssa netuṇ abhāvaṇ dassento *aparīṇāyako* 'ti āha avijjamānanettako 'ti attho. *Añño* 'pi 'ssa netā na vijjati 'ti vuttaṇ hoti.

Vipathapakkhanto 'ti viparīto visamo vā patho vipatho, taṇ vipathaṇ pakkhanto pavittho paṭipanno 'ti vipatha-pakkhanto; micchāpatha-saṅkhātāṇ micchaditthiṇ paṭipanno 'ti attho. *Añjasāparaddho* 'ti añjase ujumaggasmiṇ majjhi-mapatipadāya aparaddho viraddho. *Ariyapathaṇ ānetā* 'ti ariyaṇ atthā-aṅgikaṇ maggaṇ upanetā paṭipādayitā. *Mahoghapakkhanto* 'ti yassa saṇvijjanti taṇ vaṭṭasmiṇ ohananti osidāpentī 'ti oghā, pakati-oghato mahantā oghā 'ti mahoghā, te kāmogho, bhavogho, ditthogho, avijjogho 'ti catuppa-bhedā. Te te mahoghe pakkhanto pavittho 'ti mahogha-pakkhanto. Saṇsāra-saṅkhātāṇ mahoghaṇ vā pakkhanto.

¹ SH -baddho.² B -ganthi-.³ Text -kāruñña-.⁴ B Tāretā 'ti rakkhita. (Tāritā 'ti pātho na sundaro.)⁵ SH gedhagiddho.⁶ SH paññā.⁷ SH sugatiṇ.

Idāni ekuttarikanayo: Tattha *dvīhi diṭṭhigatehī* 'ti sassat-ucchedaditṭhihi. Tattha diṭṭhi yeva diṭṭhigataṇ, gūthagataṇ, muttagan 'ti ādini viya. Gantabbābhāvato vā diṭṭhiyā gatamattam ev' etan 'ti diṭṭhigataṇ. Diṭṭhisu gataṇ idan dassanaṇ dvasatṭhidiṭṭhi-antogadhattā 'ti pi diṭṭhigataṇ. Dvāsatṭhi-tesatṭhidiṭṭhiyo 'pi hi sassataditṭhi-ucchedaditṭhi 'ti dve 'va diṭṭhiyo honti. Tasmā saṅkhepena sabbā diṭṭhiyo antokaronto dvīhi diṭṭhigatehī 'ti vuttaṇ. *Pariyutṭhito* 'ti pariyutṭhānaṇ patto, samudācāraṇ patto; uppajjitun appa-dānena kusalācārassa¹ gahaṇapatto 'ti attho. Vuttaṇ h' etaṇ Bhagavatā: “Dvīhi bhikkhave, diṭṭhigatehi pariyutṭhitā devamanussā oliyanti, eke atidhāvanti, eke cakkhumanto ca passanti” 'ti ādi.

Tīhi duccaritehī 'ti tividhakāyaduccaritena ca catubbidha-vacīduccaritena ca tividhamanoduccaritena ca *vippatipanno* 'ti virūpaṇ paṭipanno micchāpaṭipanno 'ti attho. *Yogehi yutto* 'ti vaṭṭasmiṇ yojentī 'ti yogā 'ti; iti-atthena vā yogā. Tehi yogehi yutto samappito. *Catuyogayojito* 'ti kāmayogo, bhavayogo, diṭṭhiyogo, avijjāyogo 'ti imehi catūhi yogehi sakataṣmiṇ gāvo² viya vaṭṭasmiṇ yojito. Pañcakamaguṇiko rāgo kāmayogo, rūpārūpabhavesu chandarāgo, jhānanikanti-sassat-diṭṭhi-sahajāto rāgo, bhavavasena patthanā bhavayogo, Dvāsatṭhidiṭṭhiyo diṭṭhiyogo, Atṭhāsu ṭhānesu aññānaṇ avijjāyogo, Te eva cattāro balavabhūtā oghā, dubbalabhūtā yogā. *Catūhi ganthehī* 'ti yassa saṇvijjanti taṇ cutipaṭi-sandhivasena vaṭṭasmiṇ ganthenti ghaṭentī 'ti ganthā. Te abhijjhākāyagantho, byāpādo kāyagantho, silabbataparāmāso kāyagantho, idaṇsaccābhiniveso kāyagantho 'ti catup-pabhedā. Abhijjhāyati etāya, sayan vā abhijjhāyati, abhijjhāyanamattam eva vā esā 'ti abhijjhā, lobho yeva. Nāma-kāyaṇ gantheti cutipaṭisandhivasena vaṭṭasmiṇ ghaṭetī 'ti kāyagantho. Byāpajjati tena cittaṇ pūtibhāvaṇ gacchati, byāpādayati vā vinayācāra-rūpasampatti-hitasukhādinī 'ti byāpādo. Ito bahiddhā samaṇabrāhmaṇānaṇ sīlena suddhi, vatena suddhi, silabbatena suddhi 'ti parāmasanaṇ silabbataparāmāso. Sabbaññubhāsitaṇ 'pi paṭikkhipitvā sassato

¹ SH kusalavarassa.² SH yogo.

loko, idam eva saccaṇ, mogham aññan' ti ādinā ākārena abhinivisatī 'ti idaṇsaccābhiniveso. Tehi catūhi ganthehi *ganthito*, baddho 'ti attho.¹

Catūhi upādānehi 'ti bhusaṇ ādiyanti dālhaggāhaṇ gaṇhanti 'ti upādānā. Te kāmupādānaṇ, diṭṭhupādānaṇ, silabbatupādānaṇ, attavādūpādānaṇ 'ti catuppabhedā. Vatthusaṅkhātaṇ kāmaṇ upādiyati 'ti kāmupādānaṇ; kāmo ca so upādānaṇ cā 'ti 'pi kāmupādānaṇ. Diṭṭhi ca sā upādānaṇ cā 'ti diṭṭhupādānaṇ; diṭṭhiṇ upādiyati 'ti 'pi diṭṭhupādānaṇ. Sassato attā ca loko cā 'ti ādisu purimadiṭṭhiṇ uttaradiṭṭhi upādiyati. Silabbataṇ upādiyati 'ti silabbatupādānaṇ; "Silabbataṇ ca taṇ upādānaṇ cā 'ti 'pi silabbatupādānaṇ.^b Gosila-govatādini hi evaṇ visuddhī 'ti abhinivesato sayam eva upādānāni. Vadanti etenā 'ti vādo; upādiyanti etenā 'ti upādānaṇ. Kiṇ vadanti upādiyanti vā? Attānaṇ. Attano vādūpādānaṇ attavādūpādānaṇ; attavādamattam eva vā attā 'ti upādiyanti etenā 'ti attavādūpādānaṇ. Thapetvā imā dve diṭṭhiyo sabbā 'pi diṭṭhi diṭṭhupādānaṇ. Tehi catūhi upādānehi *upādiyanti*² 'ti bhusaṇ gaṇhanti. (Upādiyati² 'ti vā pāṭho.) Loko upādānehi taṇ taṇ ārammaṇaṇ bhusaṇ gaṇhātī 'ti attho.

Pañcagatisamārūlho 'ti sukaṭadukkaṭakāraṇehi gammati upasaṅkamiyati 'ti gati; saḥokāsakā khandhā. Nirayo, tiracchānayoni, pettivisayo, manussā, devā 'ti imā pañca gatiyo vokkamanabhāvena³ bhusaṇ ārūlho *Pañcahi kāmāgunehi* 'ti rūpa-sadda-gandha-rasa-phoṭṭhabbasāṅkhātehi vattukāmakotṭhāsehi. *Rajjati* 'ti āyonisomanasikāraṇ paṭicca rāguppādanena tehi rañjīyati; sāratto kariyati 'ti attho. *Pañcahi nīvaraṇehi* 'ti: cittaṇ nīvaranti pariyonandhanti 'ti nīvaraṇā, kāmaccanda-byapāda-thīnamiddha-uddhaccakukku cca-vicikicchāsāṅkhātehi pañcahi nīvaraṇehi. [130] Otthaṭo 'ti uparito otthaṭo pihito. *Chahi vivādamūlehi* 'ti chahi vivādassa mūlehi. Yathā 'ha: "Cha yimāni, bhikkhave, vivādamūlāni. Katamāni cha? Idha, bhikkhave, bhikkhu kodhano hoti upanāhi. Yo so, bhikkhave, bhikkhu

¹ B ganthito bandho.

² Text gives the reading in the brackets ().

a to b Not in SH.

³ SH v.l. avo-.

kodhano hoti upanāhi, so satthari 'pi agāravo viharati appatisso, dhamme 'pi . . . sanghe 'pi . . . sikkhāyā 'pi na paripūrakārī; so¹ sanghe vivādaṃ janeti. So hoti vivādo bahujanassa ahitāya, bahujanassa asukhāya, bahuno janassa anattāya, ahitāya dukkhāya devamanussānaṃ. Evarūpaṃ ce² tumhe, bhikkhave, vivādamūlaṃ ajjhataṃ vā bahiddhā vā samanupasseyyātha tatra tumhe bhikkhave tass' eva pāpakassa vivādamūlassa pahāṇāya vāyameyyātha. Evarūpaṃ ce² tumhe bhikkhave vivādamūlaṃ ajjhataṃ vā bahiddhā vā na samanupasseyyātha, tatra tumhe, bhikkhave, tass' eva pāpakassa vivādamūlassa āyatiṃ anavassavāya paṭipajjeyyātha. Evam etassa pāpakassa vivādamūlassa pahāṇaṃ hoti, evam etassa pāpakassa vivādamūlassa āyatiṃ anavassavo hoti. Puna ca paraṃ bhikkhave bhikkhu makkhī hoti palāsī, issukī hoti maccharī, saṭho hoti māyāvī, pāpiccho hoti micchādīṭṭhi, sandīṭṭhiparāmāsī hoti ādhānaggāhī, duppatinassaggi. Yo so bhikkhave bhikkhu sandīṭṭhiparāmāsī hoti ādhānaggāhī duppatinissaggi so satthari 'pi . . . pe . . . āyatiṃ anavassavo hoti" 'ti.

Tattha: Kodhano 'ti kujjhanalakḥhanena kodhena samannāgato. Upanāhi 'ti vera-appatinissajjanalakḥhanena upanāhena samannāgato. 'Ahitāya dukkhāya devamanussānaṃ' 'ti dvinnāṃ bhikkhinaṃ vivādo kathaṃ devamanussānaṃ ahitāya dukkhāya saṃvattati? Kosambakakkhandhake viya, dvīsu bhikkhūsu vivādaṃ āpannesu tasmiṃ vihāre tesāṃ antevāsikā vivadanti, Tesāṃ ovādaṃ gaṇhanto bhikkhubhikkunīsangho³ vivadati. Tato tesāṃ upatṭhākā vivadanti. Atha manussānaṃ ārakkhadevatā dve koṭṭhāsā honti. Dhammavādīnaṃ ārakkhadevatā dhammavādīniyo honti, adhammavādīnaṃ adhammavādīniyo. Tato ārakkhadevatānaṃ mittā bhummatṭhadevatā bhijjanti. Evaṃ paramparāya yāva brahmalokā, tṭhapetvā ariyasāvake, sabbe devamanussā, dve koṭṭhāsā honti. Dhammavādīhi pana adhammavādino

¹ SH adds yo so bhikkhave bhikkhu satthari agāravo . . . paripūrakārī before so.

² SH ca.

³ SH omits bhikkhu-.

'va bahutarā honti. Tato yaṇ bahukehi gahitaṇ¹ vissajjetvā bahutarā 'va adhammaṇ gaṇhanti. Te adhammaṇ pura-kkhetvā viharanto apāyesu nibbattanti. Evaṇ dvinnaṇ bhikkhūnaṇ vivado devamanussānaṇ alitāya dukkhāya hoti.

Ajjhattaṇ vā 'ti tumhākaṇ abbhantaraparisāya vā. Bahiddhā vā 'ti paresaṇ parisāya vā. Makkhī 'ti paresaṇ guṇamakkhaṇalakkaṇena makkhena samannāgato. Palāsī 'ti yugaggāhalakkaṇena palāsena samannāgato. Issukī 'ti paresaṇ sakkārādī issāyanalakkaṇāya issāya samannāgato. Maccharī 'ti āvāsamacchariyādīhi² pañcahi micchariyehi samannāgato. Saṭho 'ti kerātiko. Māyāvī 'ti katapāpappaṭicchādako. Pāpiccho 'ti asantasambhāvanicchako dussīlo. Micchādīṭṭhī 'ti natthikavādī ahetukavādī akiriyavādī. Sandīṭṭhiparāmāsī 'ti sayāṇ dīṭṭhim eva parāmasati. Ādhānaggāhī 'ti dāḷhaggahī. Duppaṭinissaggi 'ti na sakkā hoti gahitaṇ vissajjāpetuṇ. Khuddakavattuvibhaṅge pana, 'Tattha katamāni cha vivādamūlāni? Kodho, makkho, issā, sāṭheyyaṇ, pāpicchatā, sandīṭṭhiparāmāsītā. Imāni cha vivādamūlāni" 'ti padhānavasena ekeko yeva dhammo vutto.

Chahi tanhākāyehī 'ti rūpataṇhā, saddataṇhā, gandhataṇhā, rasataṇhā, phoṭṭhabbataṇhā, dhammataṇhā 'ti vuttāhi chahi taṇhāhi. Tattha yasmā ekekā yeva taṇhā anekavisayattā ekekasmiṇ pi visaye punappunaṇ uppattito anekā honti, tasmā samūhaṭṭhena kāya-saddena yojetvā taṇhākāyā 'ti vuttaṇ. Taṇhākāyā 'ti vutte 'pi taṇhā eva. Rajjati 'ti sayāṇ ārammaṇe rajjati, sāratto hoti.

Chahi dīṭṭhigatehī 'ti Sabbāsavasutte vuttehi. Vuttaṇ hi tattha: "Tassa evaṇ ayoniso manasikaroto channaṇ dīṭṭhinaṇ aññatarā dīṭṭhi uppajjati. Atthi me attā 'ti vā assa saccato thetato dīṭṭhi uppajjati; n' atthi me attā 'ti vā assa saccato thetato dīṭṭhi uppajjati; attanā vā attānaṇ sañjānāmī 'ti vā assa saccato thetato dīṭṭhi uppajjati; annattanā 'va attānaṇ sañjānāmī 'ti vā assa saccato thetato dīṭṭhi uppajjati; Athavā pan' assa evaṇ dīṭṭhi hoti, 'Yo me ayaṇ

¹ SH adds sabbaṇ taṇ saccan 'ti dhammaṇ after gahitaṇ.

² B -maccharādīhi.

attā vado vedeyyo, tatra tatra kalyāṇapāpakānaṃ kammānaṃ vipākaṃ paṭisaṃvedeti, So kho pana me ayaṃ attā nicco, dhuvo, sassato, avipariṇāmadhammo, sassatisamaṃ tath' eva ṭhassatī' 'ti.

Tattha: Atthi me attā 'ti sassatadiṭṭhi sabbakālesu attano atthitaṃ gaṇhāti. Saccato thetato 'ti bhū tato ca thirato ca 'Idaṃ saccan' 'ti sutṭhu dāḥabhāvenā 'ti vuttaṃ hoti. N' atthi me attā 'ti ucchedadiṭṭhi sato sattassa tattha tattha vibhavagahaṇato. Athavā: purimā 'pi tisu kālesu atthī 'ti gahaṇato sassatadiṭṭhi; paccuppannam eva atthī 'ti gahaṇato¹ ucchedadiṭṭhi. Pacchimā 'pi atītānāgatesu n' atthī 'ti gahaṇato bhasmantā² āhutiyo 'ti gahitadiṭṭhigatikānaṃ viya ucchedadiṭṭhi. Atīte eva n' atthi gaṇhato¹ adhiccasaṃpunnikassa viya sassatadiṭṭhi. Attanā 'va attānaṃ sañjānāmī 'ti saññakkhandhasīsenā khandhe attā 'ti gahetvā saññāya avasesakkhandhe sañjānato iminā attanā imaṃ attānaṃ sañjānāmī 'ti hoti. Attanā 'va attānaṃ 'ti: Saññakkhandhaṃ yeva attā 'ti gahetvā, itare cattāro 'pi anattā 'ti gahetvā, saññāya te sañjānato evaṃ hoti. Anattānaṃ 'va attānaṃ 'ti: saññakkhandhaṃ anattā 'ti gahetvā, itare cattāro 'pi attā 'ti gahetvā, saññāya te sañjānato evaṃ hoti. Sabbā 'pi sassat-ucchedadiṭṭhiyo 'va.

Vado, vedeyyo 'ti ādayo pana sassatadiṭṭhiyā eva abhinivesākārā. Tattha: vadatī 'ti vado; vacikamassa kārako 'ti vuttaṃ hoti. Vedayatī 'ti vedeyyo; jānāti, anubhavati cā 'ti vuttaṃ hoti. (Kiṃ vedeti? Tatra tatra kalyāṇapāpakānaṃ kammānaṃ vipākaṃ paṭisaṃvedeti.) Tatra tatrā 'ti tesu tesu yoni-gati-ṭhiti-nivāsa-nikāyesu, ārammaṇesu vā.

Nicco 'ti uppādavayarahito. Dhuvo 'ti thiro, sārabhūto. Sassato 'ti sabbakāliko. Avipariṇāmadhammo 'ti attano pakatibhāvaṃ avijahanadhammo; kakaṇṭako viya nānappa-kārataṃ nāpajjati. Sassati samaṃ 'ti canda-suriya-samudda-mahāpaṭhavī-pabbat-ālokavohārena sassatiyo 'ti vuccanti. Sassatihi samaṃ Sassatisamaṃ. Yāva sassatiyo tiṭṭhanti tāva tath' eva ṭhassatī 'ti gaṇhato evaṃ diṭṭhi hoti.

¹ SH gaṇhantī.

² SH v.l. bhassattā.

Khuddakavatthu-vibhaṅge pana, “Tatra tatra dīgharattaṃ kalyāṇapāpakāṇaṃ kammāṇaṃ vipākaṃ paccanubhoti, na so jāto n-āhosi; na so jāto na bhavissatī; nicco, dhuvo, sassato, avipariṇāmadhammo 'ti vā pan' assa saccato thetato diṭṭhi uppajjati,” 'ti cha diṭṭhi evaṃ visesetvā vuttā. Tattha: Na so jāto n-āhosi 'ti so attā ajātidhammato na 'jāto' nāma. Sadā vijjamāno yevā 'ti attho. Ten' eva atīte n-āhosi, anāgate na bhavissati; yo hi jāto so 'āhosi,' yo ca jāyissati so 'bhavissatī' 'ti vuccati. Athavā: Na so jāto n-āhosi 'ti so sadā vijjamānattā atīte 'pi na jātu n-āhosi, anāgate 'pi na jātu na bhavissati.

Anusayā vuttaṭṭhā.

Sattahi saṃyojanehī 'ti Suttanipāte vutthehi. Vuttaṃ hi tattha: “Satt' imāni, bhikkhave, saṃyojanāni. Katamāni satta? Anusayasamyojanaṃ, paṭighasamyojanaṃ, diṭṭhisamyojanaṃ, vicikicchāsamyojanaṃ, mānasamyojanaṃ, bhavarāgasamyojanaṃ, avijjāsamyojanaṃ. Imāni kho bhikkhave satta saṃyojanāni. Tattha: Anusayasamyojanaṃ 'ti kāmārāgasamyojanaṃ. Sabbān' ev' etāni bandhanaṭṭhena samyojanāni.

Sattahi mānehī 'ti Khuddakavatthuvibhaṅge vutthehi. Vuttaṃ hi tattha: “Māno, atimāno, mānātimāno, omāno, adhimāno, asmimāno, micchāmāno,” 'ti. Tattha: Māno 'ti seyyādivasena puggalaṃ anāmasitvā jāti-ādisu vatthuvasen' eva unṇati.¹ Atimāno 'ti 'Jāti-ādihi mayā sadiso n' atthi' 'ti atikkamitvā unṇati.¹ Mānātimāno 'ti 'Ayaṃ pubbe mayā sadiso, idāni ahaṃ seṭṭho, ayaṃ hīnataro' 'ti uppannamāno. Omāno 'ti jāti ādihi attānaṃ heṭṭhā katvā pavattamāno. 'Hīno 'ham asmi' 'ti māno yeva. Adhimāno 'ti anadhigate yeva catusaccadhamme adhigato 'ti māno. Ayam pana adhimāno parisuddhasīlassa kammaṭṭhāne appamattassa nāmarūpaṃ vavattthapetvā paccayapariggahena vitinṇakaṅkhasa tilakkhaṇaṃ āropetvā saṅkhāre sammasantassa āraddha-

¹ SH unṇati.

vipassakassa puthujjanassa uppajjati, na aññesaṃ. Asmi-māno 'ti rūpādisu khandhesu 'Asmī' 'ti māno. 'Ahaṃ rūpan' 'ti ādivasena appannamāno 'ti vuttaṃ hoti. Micchā-māno 'ti pāpakena kammāyatanādinā uppannamāno.

Lokadhammā vuttaṭṭhā. *Samparivattatī* 'ti lokadhammehi hetubhūtehi lābhādisu catūsu anurodhavasena, alābhādisu catūsu paṭivirodhavasena bhusaṃ nivattati, pakatibhāvaṃ jahatī 'ti attho.

Micchattā 'pi vuttaṭṭhā. *Niyyāto* 'ti gato pakkhanto abhibhūto 'ti attho.

Atṭhahi purisadosehī 'ti Atṭhakanipāte upamāhi saha, Khuddakavatthuvibhaṅge upamaṃ vinā vutthehi. Vuttaṃ hi tattha: "Katame atṭha purisadosā? Idha bhikkhū bhikkhuṃ āpattiyaṃ codenti, so bhikkhu bhikkhūhi āpattiyaṃ codiyamāno 'na sarāmi, na sarāmi' 'ti asatiyaṃ 'va nibbedhethi.¹ Ayaṃ paṭhamo purisadoso. Puna ca paraṃ bhikkhū bhikkhuṃ āpattiyaṃ codenti. So bhikkhu bhikkhūhi āpattiyaṃ codiyamāno codakaṃ yeva paṭippharati, 'Kin nu kho tuyhaṃ bālassa abyattassa bhaṇitena? Tuvam 'pi nāma maṃ bhaṇitabbaṃ maññasi?' 'ti. Ayaṃ dutiyo purisadoso. Puna ca paraṃ bhikkhū codakaṃ yeva paccāropeti, 'Tvam 'pi kho 'si itthannāmaṃ āpattiṃ āpanno, tvaṃ tāva paṭhamam paṭikarohi,' 'ti. Ayaṃ tatiyo purisadoso. Puna ca codiyamāno aññen' aññaṃ paṭicarati, bahiddhā kathaṃ apanāmeti, kopaṃ ca dosaṃ ca appaccayaṃ ca pātukaroti. Ayaṃ catuttho purisadoso. Puna ca codiyamāno saṅghamajje bāhāvikkhepakaṃ bhaṇati. Ayaṃ pañcama codiyamāno anādiyitvā saṅhaṃ, anādiyitvā codakaṃ, sāpattiko 'va yenakāmaṃ pakkamati. Ayaṃ chaṭṭho codiyamāno n' eva 'Ahaṃ āpanno 'mhi', na pañā- 'Haṃ anāpanno 'mhi', 'ti so tuṇhībhūto saṅhaṃ viheseti. Ayaṃ sattamo codiyamāno evam āha: 'Kin nu kho tumhe āyasmanto atibālhaṃ mayi byāvaṭṭa? Idān-

¹ B, SM nibbedhethi (throughout).

āhaṇ sikkhaṇ paccakkhāya hīnāyā-vattissāmī' 'ti. So sikkhaṇ paccakkhāya hīnāyā-vattitvā evam āha: 'Idāni kho tumhe āyasmanto attamanā hothā' 'ti. Ayaṇ aṭṭhamo purisadoso. Ime aṭṭha purisadosā 'ti.'

Tattha: Purisadosā 'ti purisānaṇ dosā. Te pana purisa-santānaṇ dūsentī 'ti dosā. Na sarāmī 'ti mayā etassa kammasa kataṭṭhānaṇ na ssarāmī, na sallakkhemī 'ti evaṇ asatibhāvena nibbēṭheti moceti. Codakaṇ yeva paṭippharati 'ti paṭiviruddho hutvā pharati, paṭi-ānibhāvena tiṭṭhati. Kin nu tuyhaṇ? 'ti tuyhaṇ bālassa abyattassa bhaṇitena nāma kiṇ? Yo tvaṇ n' eva vatthuṇ, na āpattiṇ, na codanaṇ jānāsī! 'ti dīpeti. Tvam 'pi nāma evaṇ kiñci ajānanto bhaṇitabbaṇ maññasī 'ti ajjhottharati. Paccāropetī 'ti tvam 'pi kho 'sī 'ti ādīni vadanto paṭi-āropeti. Paṭikarohī 'ti desanāgāminīṇ desehi, vuṭṭhānagāmīnito vuṭṭhāhi, tato suddhatte¹ paṭiṭṭhito aññaṇ codessasī 'ti dīpeti. Aññaṇ aññaṇ paṭicarati 'ti aññaṇa kāraṇena vacanena vā aññaṇ kāraṇaṇ vacanaṇ vā paṭicchādeti. Āpattiṇ āpanno 'ti vutto, Ko āpanno? Kiṇ āpanno? Kismiṇ āpanno? Kathaṇ āpanno? Kaṇ bhaṇatha? Kiṇ bhaṇathā? 'ti vadati. Evarūpaṇ kiñci tayā dīṭṭhaṇ? 'ti vutte, Na suṇāmī 'ti soṭaṇ apaneti.² Bahiddhā kathaṇ apanāmetī 'ti: Itthannāmaṇ āpattiṇ āpanno 'sī? 'ti puṭṭho, Pāṭaliputtaṇ gato 'mhī 'ti vatvā; puna, Na tāva Pāṭaliputtagamaṇaṇ pucchāma, āpattiṇ pucchāmā 'ti vutte, Tato Rājagahaṇ gato 'mhī 'ti. Rājagahaṇ vā yāhi, Brāhmaṇagahaṇ vā, āpattiṇ āpanno 'sī? 'ti. Tattha me sūkaramaṇsaṇ laddhaṇ 'ti ādīni vadanto kathaṇ bahiddhā vikkhipati.

Kopaṇ 'ti kupitabhāvaṇ. Dosan 'ti duṭṭhabhāvaṇ. Ubhayam 'p' etaṇ kodhass' eva nāmaṇ. Appaccayan 'ti asantuṭṭhākāraṇ; domanassass' etaṇ nāmaṇ. Pātukarotī 'ti dasseti pakāseti. Bāhāvikkhepakaṇ bhaṇatī 'ti bāhaṇ vikkhipitvā vikkhipitvā alajjivacanaṇ vadati. Anādiyitvā 'ti cittikārena agahetvā avajānitvā; anādaro hutvā 'ti attho.

¹ B, SM suddhante.

² SH, SM upa-.

Vihesetī 'ti viheṭheti bādhati. Atibālhan 'ti atidaḷhaṇ atippamāṇaṇ. Mayi byāvaṭā 'ti mayi byāpāraṇ āpannā. Hīnāy' āvattitvā 'ti hīnassa gihībhāvassa atthāya āvattitvā; gihī hutvā 'ti attho. Attamanā hothā 'ti tuṭṭhacittā hotha, mayā labhitabbaṇ labhatha, mayā vasitabbaṭṭhāne vasatha, phāsuvihāro vo mayā kato 'ti adhippāyena vadati.

Dussatī 'ti duṭṭho hotī.

Navahi āghātavatthūhī 'ti sattesu uppattivasen' eva kathitāni. Yath' āha: "Nava yimāni bhikkhave āghātavatthūni. Katamāni nava? Anatthaṇ me acarī 'ti āghātaṇ bandhati, anattaṇ me caratī 'ti carissatī 'ti . . . Piyassa me manāpassa anattaṇ acari . . . carati . . . carissatī 'ti . . . apiyassa me amanāpassa atthaṇ acari . . . carati . . . carissatī 'ti āghātaṇ bandhati. Imāni kho bhikkhave nava āghātavatthūni" 'ti.

Tattha: Āghātavatthūni 'ti āghātakāraṇāni. Āghātan 'ti c' ettha kopo. So yeva uparūpari kopassa vatthuttā āghātavatthu. Āghātaṇ bandhatī 'ti kodhaṇ bandhati karoti uppādeti. "Atthaṇ me n-ācari . . . na carati . . . na carissati, piyassa me manāpassa atthaṇ n-ācari appiyassa me amanāpassa anattaṇ n-ācari . . . na carati . . . na carissatī" 'ti Niddese vuttāni aparāni 'pi nava āghātavatthūni imeh' eva hi saṅgahītāni.

Āghātito 'ti ghaṭṭito.

Navavidhamānehi 'ti katame navavidhamānā? Seyyassa seyyo 'ham asmī 'ti māno, seyyassa sadiso . . . hīno . . . , sadisassa seyyo . . . sadiso . . . hīno . . . , hīnassa seyyo . . . sadiso . . . hīno 'ham asmī 'ti māno. Ime navavidhamānā.

Ettha pana: Seyyassa seyyo 'ham asmī 'ti māno rājūnañ c' eva pabbajitānañ ca uppajjati. Rājā hi raṭṭhena vā dhanena vā vādhanehi vā, "Ko mayā sadiso atthī?" 'ti etaṇ mānaṇ karoti. Pabbajito 'pi siladhutaṅgādihi, "Ko mayā sadiso atthī?" 'ti etaṇ mānaṇ karoti. Seyyassa sadiso 'ham asmī 'ti māno 'pi etesaṇ yeva uppajjati. Rājā hi

raṭṭhena vā . . . “Aññarājūhi saddhiṃ mayhaṃ kiṃ nānākaraṇaṃ?” ’ti etaṃ mānaṃ karoti. Pabbajito ’pi sīladhutaṅgādīhi, “Aññena bhikkhunā mayhaṃ kiṃ nānākaraṇaṃ?” ’ti etaṃ mānaṃ karoti. Seyyassa hīno ’ham asmī ’ti māno ’pi etesaṃ yeva uppajjati. Yassa hi rañño raṭṭhaṃ vā dhaṇaṃ vā vāhanādīni vā nātisampannāni honti so, “Mayhaṃ rājā ’ti vohārasukhamattakam eva! Kiṃ rājā nāma ahaṇ!” ’ti etaṃ mānaṃ karoti. Pabbajito ’pi appalābhasakkāro, “Ahaṃ dhammakathiko bahussuto mahāthero ’ti kathā-mattam eva! Kiṃ dhammakathiko . . . bahussuto . . . mahāthero nāmā-haṃ, yassa me lābhasakkāro n’ atthi?” ’ti etaṃ mānaṃ karoti. Sadisassa seyyo ’ham asmī ’ti mānādayo amaccādīnaṃ uppajjanti. Amacco hi raṭṭhiyo vā bhogayānavāhanādīhi, “Ko mayā sadiso añño rājapuriso atthi?” ’ti vā; “Mayhaṃ aññehi saddhiṃ kiṃ nānākaraṇaṃ?” ’ti vā; “Amacco ’ti nāmam eva mayhaṃ, ghāsacchādana-mattam ’pi me n’ atthi! Kiṃ amacco nāmā-haṇ!” ’ti vā etaṃ mānaṃ karoti. Hīnassa seyyo ’ham asmī ’ti mānādayo dāsādīnaṃ uppajjanti. Dāso hi, “Mātito vā pitito vā ko mayā sadiso añño dāso nāma atthi? Añño jīvitūṃ asakkonto kucchihetu dāsā nāma jātā; ahaṃ pana paveṇi-āgatattā seyyo,” ’ti vā; “Paveṇi-āgatabhāvena ubhatosuddhikadāsattena asukadāsena nāma saddhiṃ mayhaṃ kiṃ nānākaraṇaṃ?” ’ti vā; “Kucchivasenā-haṃ dāsabyaṃ upagato; mātā-pitukoṭiyā pana me dāsattānaṃ n’ atthi. Kiṃ dāso nama ahaṇ!” ’ti vā mānaṃ karoti. Yathā ca dāso, evaṃ pukkusaṇḍālādayo ’pi etaṃ mānaṃ karonti yeva. Ettha ca: Seyyassa seyyo ’ham asmī ’ti uppannamāno ’va yāthāva-māno, itare dve ayāthāva-mānā. Tathā, Sadisassa sadiso ’ham asmī ’ti, Hīnassa hīno ’ham asmī ’ti uppannamānā ’va yāthāva-mānā. Itare dve ayāthāva-mānā. Tattha yāthāva-mānā arahattamaggavajjhā, ayāthāva-mānā sotāpattimaggavajjhā ’ti.

Taṇhāmūlakā vuttā yeva. *Rajjati* ’ti na kevalaṃ rāgen’ eva rajjati, atha kho taṇhāmūlakānaṃ pariyesanādinam ’pi sambhavato taṇhāmūlakehi sabbehi akusaladhammehi rajjati. Yujjati bajjhati ’ti adhippāyo.

Dasahi kilesavatthūhī 'ti: Katamāni dasa kilesavatthūni? Lobho, doso, moho, māno, diṭṭhi, vicikicchā, thīnaṇ, uddhaccaṇ, ahirikaṇ, anottappaṇ 'ti imāni dasa kilesavatthūni.

Tattha: Kilesā eva kilesavatthūni. Vasanti vā ettha akhīṇāsavā sattā lobhādīsu paṭiṭṭhitattā 'ti vatthūni. Kilesā ca te tappatiṭṭhānaṇ sattānaṇ vatthūni cā 'ti kilesavatthūni. Yasmā c' ettha anantarapaccayādi-bhāvena uppaṇṇamānā 'pi kilesā vasanti eva nāma, tasmā kilesānaṇ vatthūni 'ti 'pi kilesavatthūni. Lubbhanti tena, sayāṇ vā lubbhati, lubbhanamattam eva vā tan 'ti lobho. Dussanti tena, sayāṇ vā dussati, dussanamattam eva vā tan 'ti doso. Muyhanti tena, sayāṇ vā muyhati, muyhanamattam eva vā tan 'ti moho. Maññati 'ti māno. Diṭṭhi-ādayo vuttatṭhā 'va. Na hiriyatī 'ti ahiriko, tassa bhāvo ahirikaṇ. Na ottappaṭī 'ti anottāpī, tassa bhāvo anottappaṇ. Tesu ahirikaṇ kāyaduccaritādihi ajigucchanaṇalakkhaṇaṇ, anottappaṇ teh' eva asārajjanalakkhaṇaṇ.

Kilissatī 'ti upatāpīyati vibādhiyati.

Dasahi āghātavatthūhī 'ti pubbe vuttehi navahi ca, 'Atṭhāne vā pan-āghāto jāyati' 'ti vuttena cā 'ti dasahi. Anatthaṇ me acarī 'ti ādīni 'pi hi avikappetvā khāṇukaṇṭakādīmi 'pi atṭhāne āghāto uppajjati.

Dasahi akusalakammapathehī 'ti: Katame dasa akusalakammapatthā? Pāṇātipāto, adinnādānaṇ, kāmesu micchācāro, musāvādo, pisunā vācā, pharusā vācā, samphappalāpo, abhijjhā, byāpādo, micchādiṭṭhi. Ime dasa akusalakammapatthā. Tattha akusalakammāni ca tāni pathā ca duggatīyā 'ti akusalakammapatthā. *Samannāgato* 'ti samaṇḍibhūto.

Dasahi saṇḍojanehī 'ti: katamāni dasa saṇḍojanāni? Kāmarāgasāṇyojanaṇ, paṭigha . . ., māna . . ., diṭṭhi . . ., vicikicchā . . ., silabbataparāmāsa . . ., bhavarāga . . ., issā . . ., macchariya . . ., avijjāsāṇyojanaṇ. Imāni dasa saṇḍojanāni.

Micchattā vuttā yeva.

Dasavatthukāya micchādittiyā 'ti: Katamā dasavatthukā micchādittī? N' atthi dinnaṃ, n' atthi yiṭṭhaṃ, n' atthi hutaṃ, 'n atthi sukaṭadukkaṭānaṃ kammānaṃ phalaṃ vipāko, n' atthi ayaṃ loko, n' atthi paro loko, n' atthi mātā, n' atthi pitā, n' atthi sattā opapātikā, n' atthi loke samaṇabrāhmaṇā sammaggatā sammāpaṭipannā ye imaṃ ca lokaṃ paraṃ ca lokaṃ sayā abhiññāya sacchikatvā pavedenti. Ayaṃ dasavatthukā micchādittī.

Tattha Dasavatthukā 'ti: dasa vatthūni etissā 'ti dasavatthukā. N' atthi dinnan 'ti dinnan nāma atthi sakkā kassaci kiñci dātun 'ti jānāti, dinnassa pana phalaṃ vipāko n' atthi 'ti gaṇhāti. N' atthi yiṭṭhan 'ti yiṭṭhan vuccati mahāyāgo, taṃ yajitun sakkā 'ti jānāti, yiṭṭhassa pana phalaṃ vipāko n' atthi 'ti gaṇhāti. Hutan 'ti āhunappāhuna mangalakiriya, taṃ kātun sakkā 'ti jānāti, tassa pana phalaṃ vipāko n' atthi 'ti gaṇhāti. Sukaṭadukkaṭāna¹ 'ti ettha dasa kusalakammapathā sukaṭakammāni¹ nāma, dasa akusala-kammapathā dukkaṭakammāni¹ nāma, tesan atthi bhāvaṃ jānāti phalaṃ vipāko pana n' atthi 'ti gaṇhāti. N' atthi ayaṃ loko 'ti paraloke tṭhito imaṃ lokaṃ n' atthi 'ti gaṇhāti. N' atthi paraloko 'ti idhaloke tṭhito paralokaṃ n' atthi 'ti gaṇhāti. N' atthi mātā n' atthi pitā 'ti mātāpitu-atthibhāvaṃ jānāti, tesu katappaccayena koci phalaṃ vipāko n' atthi 'ti gaṇhāti. N' atthi sattā opapātikā 'ti cavanaka-uppajjanakāsattā² n' atthi 'ti gaṇhāti. Sammaggatā sammāpaṭipannā 'ti anulomapaṭipadaṃ paṭipannā dhammikasamaṇabrāhmaṇā lokasmiṃ n' atthi 'ti gaṇhāti. Ye imaṃ ca lokaṃ . . . pe . . . pavedayanti 'ti imaṃ ca paraṃ ca lokaṃ attanā 'va abhivisittṭhena ñāpena ñatvā pavedana-samattho sabbaññū buddho n' atthi 'ti gaṇhāti.

Antaggāhikāya dīttiyā 'ti sassato loko 'ti ādikaṃ ekekaṃ antabbhāvaṃ³ gaṇhāti 'ti antaggāhikā. Atha vā antassa gāho antaggaho. Antaggaho assā atthi 'ti antaggāhikā, tāya antaggāhikāya. Sā pana vuttā yeva.

¹ B -kata-.

² B upapajjakasattī.

³ SH antaṃ bhāgaṃ.

Atthasatatanhāpapañcasatehī 'ti: atthuttaraṇ sataṇ atthasataṇ. Saṅsāre papañceti ciraṇ vasāpetī 'ti papañco. Tanhā eva papañco tanhāpapañco. Ārammaṇabhedena punappunaṇ uppattivāsena ca tanhānaṇ bahukattā bahuvacanaṇ katvā tanhānaṇ papañcānaṇ sataṇ tanhāpapañca sataṇ. Tena tanhāpapañcasatenā 'ti vattabbe vacanavipallāsavasena tanhāpapañcasatehī 'ti bahuvacananiddeso kato. Atthasatan 'ti saṅkhātena tanhāpapañcasatenā 'ti attho daṭṭhabbo. Atthā abbohārikāni katvā satam eva gahitan 'ti veditabbaṇ. Khuddakavatthuvibhaṅge pana tanhāvicaritāni 'ti āgataṇ. Yath' āha:—

“ Atthārasa tanhāvicaritāni ajjhattikassa upādāya, atthārasatanhāvicaritāni bāhirassa upādāya, tad ekaccaṇ¹ abhisanyūhitvā abhisankhipitvā chattiṇsa tanhāvicaritāni honti. Iti atītani chattiṇsa tanhāvicaritāni, anāgatāni chattiṇsa tanhāvicaritāni, paccuppannāni chattiṇsa tanhāvicaritāni, tad ekajjhaṇ abhisanyūhitvā abhisankhipitvā atthasataṇ tanhāvicaritaṇ² hotī ” 'ti.

Tanhāpapañcā yeva pan' ettha tanhāvicaritāni 'ti vuttā, tanhāsamudācārā tanhāpavattiyo 'ti attho. Ajjhattakassa upādāyā 'ti ajjhattikaṇ khandhapañcakaṇ upādāya. Idaṇ hi upayogatthe sāmivacanaṇ. Viṭṭhāro pan' assa tassa niddese vuttanayen eva veditabbo. Ayaṇ pan' ettha aparo nayo: Rūpārammaṇā yeva kāmataṇhā, bhavataṇhā, vibhavataṇhā 'ti tisso tanhā honti. Tathāsaddādi-ārammaṇā 'ti chasu ārammaṇesu atthārasa tanhā honti. Ajjhattārammaṇā atthārasa, bahiddhārammaṇā atthārasā 'ti chattiṇsa honti. Tā eva atītārammaṇā chattiṇsa, anāgatārammaṇā chattiṇsa, paccuppannārammaṇā chattiṇsā 'ti atthā tanhāvicaritasataṇ hoti. *Papañcito* 'ti ārammaṇe saṅsāre vā papañcito ciravāsito.

Dvāsatthiyā ditthigatehī 'ti: “ Katamāni dvāsatthiditthigatāni? Brahmajāle veyyākaraṇe vuttani Bhagavata, cattāro sassatavādā, cattāro ekaccasassatavādā, cattāro antā-

¹ SH ekajjhaṇ.² SH atthatanhāvicaritasataṇ.

nantikā, cattāro amarāvikkhepikā, dve adhiccasamuppannikā, soḷasa saññivādā, aṭṭha asaññivādā, aṭṭha nevasaññī-nāsaññivādā, satta ucchedavādā, pañcadiṭṭhadhammanibbānavādā 'ti," imāni dvāsaṭṭhidiṭṭhigatāni Brahmajāle veyyākaraṇe vuttāni Bhagavatā 'ti. Vitthāro pan' ettha Brahmajālasutte vuttanāyena eva veditabbo.

Ahaṇ c' amhi tiṇṇo 'ti ahañ ca caturoggaṇ saṅsārasamuddaṇ tiṇṇo *amhi* bhavāmi. *Mutto* 'ti rāgādibandhanehi mutto. *Danto* 'ti nibbisevano nipparipphando. *Santo* 'ti sītibhūto. [131] *Assatto* 'ti nibbānadassanena¹ laddhassāso. *Parinibbuto* 'ti kilesaparinibbāṇena parinibbuto. *Pahomī* 'ti sammatto 'mhi. *Kho* iti ekaṇsatthe nipāto. *Pare ca parinibbāpetun* 'ti ettha 'Pare ca' saddo 'pare ca taretun' 'ti ādihī 'pi yojetabbo 'ti.

Mahākaruṇāñāpaniddesa-Vaṇṇanā Nīṭṭhitā.

¹ SH, SM -dassane.

[SABBAÑÑUTAÑÑĀṆA-NIDDESA- VAÑṆANĀ.]

1. Sabbaññutaññāṇaniddese: *katamaṇ* *Tathāgatassa sabbaññutaññāṇaṇ* ? 'ti pucchitvā, tena samagatikattā, ten' eva saha 'Anāvaraṇaññāṇaṇ niddiṭṭhaṇ. Na hi anāvaraṇaññāṇaṇ dhammato visuṇ atthi. Ekam eva h' etaṇ ñāṇaṇ ākārabhedato dvedhā vuccati, saddhindriyasaddhābalādini viya. Sabbaññutaññāṇam eva hi, n' atthi etassa āvaraṇaṇ 'ti kenaci dhammena, puggalena vā, āvaraṇaṇ kātuṇ asakkuṇeyyatāya anāvaraṇaṇ 'ti vuccati, āvajjanappaṭibaddhattā sabbadhammāṇaṇ. Aññe pana āvajjitvā 'pi na jānanti, Keci paṇ' āhu, 'Manoviññāṇaṇ viya sabbāramaṇikattā sabbāññutaññāṇaṇ. Taṇ yeva, ñāṇaṇ Inda-vajiraṇ viya, viyaesu appaṭihatattā, anāvaraṇaññāṇaṇ. Anupubbasaḍḍhaññutāppatikkkhepo sabbāññutaññāṇaṇ; sakiṇ sabbāññutāppatikkkhepo anāvaraṇaññāṇaṇ. Bhagavā sabbāññutaññāṇappaṭilābhenā 'pi sabbāññū 'ti vuccati; na ca anupubbasaḍḍhaññū. Anāvaraṇaññāṇappaṭilābhenā 'pi sabbāññū 'ti vuccati; na ca sakiṇsabbāññū 'ti.

Sabbaṇ saṅkhatam asaṅkhatam anavasesam jānāti 'ti : ettha Sabbaṇ 'ti jātivasena sabbadhammāṇaṇ nissesapariyādāṇaṇ. Anavasesam 'ti ekekass' eva dhammassa sabbākāravasena nissesapariyādāṇaṇ. Saṅkhatam asaṅkhatam 'ti dvidhā pabhedadassanaṇ. Saṅkhatam hi¹ eko pabhedo; paccayehi sangamma katan 'ti saṅkhatam khandhapaṇcakaṇ. Tathā na saṅkhatam 'ti asaṅkhatam nibbāṇaṇ. Saṅkhatam anicca-dukkhānattādīhi ākārehi anavasesam jānāti. Asaṅkhatam suññātānimittappaṇihitādīhi ākārehi anavasesam jānāti. N' atthi etassa saṅkhatassa, asaṅkhatassa ca avaseso 'ti anavasesam. Saṅkhatam asaṅkhatam ca anekabhedā 'pi, paññattipaccayehi akatattā asaṅkhatapakkaṇ bhajati. Sabba-

ññutaññāṇaṇ hi sabbā 'pi paññattiyo anekabhedato jānāti. Atha vā Sabban 'ti sabbadhammagahaṇaṇ; anavasesan 'ti nippadesagahaṇaṇ.

Tattha āvaraṇaṇ natthi 'ti: tattha tasmiṇ anavasesa-saṅkhat-āsaṅkhathe nissaṅgattā sabbaññutaññāṇassa āvaraṇaṇ n' atthi 'ti tad eva sabbaññutaññāṇaṇ *anāvaraṇaññāṇaṇ* nāmā 'ti attho.

Idāni anekavisayabhedato dassetuṇ Atītan 'ti ādim āha. Tattha *atītaṇ, anāgataṇ, paccuppannan* 'ti kālabbhedato dassitaṇ.

Cakkhuñ c' eva rūpā ca 'ti ādi vatthārammaṇabhedato. Etaṇ sabban 'ti tesāṇ cakkhu-rūpāṇaṇ anavasesapariyādānaṇ. Evaṇ sesesu.

2. *Yāvatā* 'ti anavasesapariyādānaṇ. Aniccattṭhan 'ti ādi sāmāññalakkhaṇabhedato dassitaṇ. *Aniccattṭhan* 'ti ca aniccākāraṇ; paccatte vā upayogavacanaṇ. Esanayo edisesu. *Rupassā* 'ti ādi khandabhedato dassitaṇ. [132] *Cakkhussa . . . pe . . . jarāmarāṇassā* 'ti heṭṭhāvutta-peyyālanayena yojetabbaṇ.

3. *Abhiññā* 'ti ādisu heṭṭhāvuttaññāṇān' eva. *Abhiññātṭhan* 'ti abhiññānasabhāvaṇ; esa nayo edisesu. *Khandhānaṇ khandhattṭhan* 'ti ādi heṭṭhāvuttanayan' eva veditabbaṇ.

4. *Kusale dhamme* 'ti ādi kusalattikavasena bhedo. *Kā-māvacare dhamme* 'ti ādi catubhummikavasena.¹ (Ubhayathā 'pi *sabbe jānāti* 'ti bahuvacanapāṭho sundaro. Ekavacanasote patitattā pana potthakesu ekavacanena likhitaṇ.) *Dukkassā* 'ti ādi cuddasannaṇ Buddhaññāṇaṇ visayabhedo.

[133] 5. *Indriyaparopariyatte ñāṇan* 'ti ādini cattāri ñāṇāni vatvā sabbaññutaññāṇaṇ kasmā na vuttan? 'ti ce: vuccamānassa sabbaññutaññāṇattā. Visayabhedato hi² sabbaññutaññāṇe vuccamāne taṇ ñāṇaṇ na vattabbaṇ hoti. Sabbaññutaññāṇaṇ pana sabbaññutaññāṇassa visayo hoti yeva.

6. Puna Kālakārāmasuttantādisu vuttanayen' eva sabbaññutaññāṇabhūmiṇ³ dassento, *yāvatā sadevakassa lokassā* 'ti ādim āha. Tattha saha devehi sadevakassa, saha Mārena

¹ SH -bhūmī-.² SH 'ti.³ SH -bhūmī.

samāarakassa; saha Brahmunā *sabrahmakassa* lokassa, saha samaṇa-brāhmaṇehi, *sassamaṇabrāhmaṇiyyā*; saha devamanussehi *sadevamanussāya pajāya*; pajātattā pajā 'ti satta-lokassa pariyāyavacanam etaṇ. Tattha sadevaka-vacanena pañcakāmāvacaradevagahaṇaṇ, samārika-vacanena chakāmāvacaradevagahaṇaṇ, sabrahmaka-vacanena Brahmakāyikādi-Brahmagahaṇaṇ, sassamaṇabrāhmaṇi-vacanena sāsanassa paccatthika-ppaccamitta-samaṇa-brāhmaṇagahaṇaṇ, samitapāpabāhitapāpa-samaṇabrāhmaṇagahaṇaṇ ca, papāvacanena sattalokagahaṇaṇ, sadevamanussa-vacanena sammutideva-sesamanussagahaṇaṇ veditabbaṇ. Evam ettha tihi padehi okāsaloko, dvīhi pajāvasena sattaloko gahito 'ti veditabbo.

Aparo nayo: sadevakagahaṇena arūpāvacaraloko gahito, samārikagahaṇena cha kāmāvacaradevalokā,¹ sabrahmakagahaṇena rūpāvacarabrahmaloko. Sassamaṇabrāhmaṇādigahaṇena catuparisāvasena sammutidevehi vā saha manus-saloko, avasesasattaloko vā.

Api c' ettha sadevakavacanena ukkaṭṭhaparicchedato sabbassa lokassa diṭṭhādi jānanabhāvaṇ sādheti. Tato yesaṇ siyā: "Māro mahānubhāvo chakāmāvacarissaro vasa-vatti, kiṇ tassā-pi diṭṭhādiṇ jānāti?" 'ti tesaṇ vimatiṇ vidhamento samarakassā 'ti āha. Yesaṇ pana siyā: "Brahmā mahānubhāvo ekaṅguliya ekasmiṇ cakkavālasahassee ālokaṇ pharati, dvīhi . . . pe . . . dasahi aṅgulihi dasāsu cakkavālasahassesu ālokaṇ pharati, Anuttaraṇ ca jhānasamāpattisukhaṇ paṭisaṇvedeti, kiṇ tassā-pi diṭṭhādiṇ jānāti?" 'ti tesaṇ vimatiṇ vidhamento sabrahmakassā 'ti āha. Tato yesaṇ siyā: "Puthu samaṇabrāhmaṇā sāsanapaccatthikā, kiṇ tesam 'pi diṭṭhādiṇ jānāti?" 'ti tesaṇ vimatiṇ vidhamento sasamaṇabrahmaṇiyyā pajāyā 'ti āha. Evaṇ ukkaṭṭhānaṇ diṭṭhādiṇ jānanabhāvaṇ pakāsetvā atha sammutideve avasesamanusse ca upādāya ukkaṭṭhaparicchedavasena sesasattalokassa diṭṭhādiṇ jānanabhāvaṇ pakāseti. Ayam ettha anu-sandhikkamo.

Porāṇā pan' āhu: "Sadevakassā 'ti devatāhi saddhiṇ

¹ B -loko.

avasesalokassa; samārakassā 'ti Mārena saddhiṃ avasesalokassa; sabrahmakassā 'ti Brahmehi saddhiṃ avasesalokassa. Evaṃ sabbe 'pi tibhavūpage satte tih' ākārehi tīsu padesu pakkhipitvā puna dvih' ākārehi pariyādāpetuṃ¹ sassamaṇa-brahmaṇiyā pajāya sadevamanussāyā 'ti vuttaṃ. Evaṃ pañcahi padehi tena tena ākārena tedhātukam eva pariyā-dānaṃ² hoti 'ti.

Ditthan 'ti rūpāyatanaṃ. *Sutan* 'ti saddāyatanaṃ. *Mutan* 'ti patvā gahetabbato gandhāyatanaṃ, rasāyatanaṃ, phoṭṭhabbāyatanaṃ. *Viññātan* 'ti sukhadukkhādiddhammāramaṇaṃ. *Pattan* 'ti pariyesitvā vā apariyesitvā vā pattaṃ. *Pariyesitan* 'ti pattaṃ vā apattaṃ vā pariyesitaṃ. *Anuvicariṭaṃ manasā* 'ti cittaṇa anusañcariṭaṃ. *Sabbaṃ jānāti* 'ti iminā etaṃ dasseti: yaṃ aparimāṇāsu lokadhātūsu imassa sadevakassa lokassa nīlaṃ, pitaṃ 'ti ādi rūpāramaṇaṃ cakkhuvāre āpāthaṃ āgacchati, ayaṃ satto imasmiṃ khaṇe imaṃ nāma rūpāramaṇaṃ disvā sumano vā, dummano vā, majjhatto vā jāto 'ti taṃ sabbaṃ Tathāgatassa sabbaññutaññānaṃ jānāti. Tathā yaṃ aparimāṇāsu lokadhātūsu imassa sadevakassa lokassa bherisaddo, mudīgasaddo 'ti ādi saddāramaṇaṃ sotadvāre āpāthaṃ āgacchati; mūlagandho, taca-gandho 'ti ādi gandhāramaṇaṃ ghānavāre āpāthaṃ āgacchati; mūlaraso, khandharaso 'ti ādi rasāramaṇaṃ jivhādvāre āpāthaṃ āgacchati; kakkhaḷaṃ, mudukaṇ 'ti ādi paṭha-vidhātu-tejodhātu-vāyodhātubhedāṃ phoṭṭhabbāramaṇaṃ kāyadvāre āpāthaṃ āgacchati; ayaṃ satto imasmiṃ khaṇe imaṃ nāma phoṭṭhabbāramaṇaṃ phusitvā sumano vā . . . pe . . . jāto 'ti sabbaṃ Tathāgatassa sabbaññutaññānaṃ jānāti. Tathā 'yaṃ aparimāṇāsu lokadhātūsu imassa sadevakassa lokassa sukha-dukkhādibhedāṃ dhammāramaṇaṃ manodvāre āpāthaṃ āgacchati; ayaṃ satto imasmiṃ khaṇe imaṃ nāma dhammāramaṇaṃ vijānetvā sumano vā, dummano vā, majjhatto vā jāto 'ti sabbaṃ Tathāgatassa sabbaññutaññānaṃ jānāti.

Imassa pana mahājanassa pariyesitvā apattam 'pi atthi, pariyesitvā pattam 'pi atthi, apariyesitvā apattam 'pi atthi,

¹ SH pariyādātuṃ.

² SH -dinnaṃ.

apariyesitvā pattam 'pi atthi; sabbaṇ Tathāgatassa sabbaññutaññānena apattaṇ nāma n' atthi 'ti. Puna aparena pariyaena sabbaññutaññānabhāvasādhanaatthaṇ¹ Na tassa 'ti gātham āha. Tattha: *Na tassa adiṭṭham idh' atthi kiñci* 'ti tassa Tathāgatassa idha imasmiṇ tedhātuke loke, imasmiṇ vā paccuppannakāle, paññācakkhunā adiṭṭhaṇ nāma kiñci appamattakam 'pi na atthi, na saṇvijjati. Atthi 'ti idaṇ vattamānakālikaṇ ākhyātapadaṇ. Iminā paccuppannakālikassa sabbadhammassa ñātabhāvaṇ dasseti. Gāthābandhasukhatthaṇ pan' ettha dha-kāro saññutto.

Atho aviññātan 'ti ettha Atho iti vacanopādāne nipāto. *Aviññātan* 'ti atitakālikaṇ² *aviññātan* nāma kiñci dhammajātaṇ. 'Nā-hosī' 'ti paṭhaseso. Abyayabhūtaassa atthi-saddassa gahaṇe pāṭhasesaṇ vinā 'pi yujjati yeva. Iminā atitakālikassa sabbadhammassa ñātabhāvaṇ dasseti. *Ajānitabban* 'ti anāgatakālikaṇ ajānitabbaṇ nāma dhammajātaṇ na bhavissati, n' atthi vā. Iminā anāgatakālikassa sabbadhammassa ñātabhāvaṇ dasseti. Jānanakiriyāvisesanamattam ev' ettha a-kāro. *Sabbaṇ abhiññāsi yad atthi neyyan* 'ti yaṇ tekālikaṇ vā kālavemuttaṇ vā neyyaṇ jānitabbaṇ kiñci dhammajātaṇ atthi, taṇ sabbaṇ Tathāgato abhiññāsi, adhikena sabbaññutaññānena jāni paṭibijjhi. Ettha atthi-saddena tekālikassa kālavimuttassa ca gahaṇaṇ; Atthi-saddo abyayabhūto yeva daṭṭhabbo. *Tathāgato tena samantacakkhū* 'ti kālavasena okāsavasena ca nippadesattā samantā sabbato pavatta³-ññānacakkhu assā 'ti samantacakkhu. Tena yathāvuttana kāraṇena Tathāgato samantacakkhu; sabbaññū 'ti vuttaṇ hoti.

7. Imissā gāthāya puggabādhiṭṭhānāya desanāya sabbaññutaññānaṇ sādhitāṇ. Puna Buddhaññānānaṇ visayavasena sabbaññutaññānaṇ dassetukāmo, samantacakkhū 'ti ken' atṭhena samantacakkhū? 'ti ādim āha. Tattha gāthāya *samantacakkhū* 'ti vuttapade yaṇ taṇ samantacakkhu, taṇ ken' atṭhena samantacakkhū? 'ti attho. Attho pan' assa

¹ SH sabbaññutabhāvadassanaatthaṇ.

² SM atitaṇkā-.

³ SH pavattaṇ; SM, SH v.l. pavatti-.

‘Yāvatā dukkhassa dukkhattho’* ’ti ādihi vutto yeva hoti. Sabbaññutaññāṇaṇ hi samantacakkhu. Yath’ āha samantacakkhu vuccati sabbaññutaññāṇaṇ ’ti. Tasmiṇ sabbaññutaññāṇaṇthe vutte samantacakkhu-attho vutto yeva hoti ’ti. Buddhass’ eva ñāṇānī ’ti *buddhaññāṇānī*. Dukkhe ñāṇādīni ’pi hi sabbākārena Buddhass’ eva Bhagavato pavattanti. Itaresaṇ pana ekadesamatten’ eva pavattanti. *Sāvaka-sādhārāṇānī* ’ti pana ekadesenā-’pi; atthitaṇ sandhāya vuttaṇ.

[134] 8. *Sabbo ñato* ’ti sabbo ñāṇena ñāto. *Aññāto dukkhattho n’ atthī* ’ti vuttam eva atthaṇ paṭisedhena vibhāveti. *Sabbo diṭṭho* ’ti na kevalaṇ ñātamatto¹ yeva, atha kho cakkhunā diṭṭho viya kato. *Sabbo vidito* ’ti na kevalaṇ diṭṭhamatto yeva, atha kho pākaṇ kato.² *Sabbo sacchikato* ’ti na kevalaṇ vidito yeva atha kho tattha ñāṇappaṭilābhavasena paccakkhaṇ kato. *Sabbo phassito*³ ’ti na kevalaṇ sacchikato yeva atha kho punappunaṇ yathāruci samudācāravasena phutṭho ’ti. Atha vā ñāto sabhāvalakkhaṇavasena. Diṭṭho sāmāññalakkhaṇavasena. Vidito rasavasena. Sacchikato paccupaṭṭhānavasena. Phassito padaṭṭhānavasena. Atha vā ñāto ñāṇuppādavasena. Diṭṭho cakkhuppādavasena. Vidito paññuppādavasena. Sacchikato vijjupādavasena. Phassito ālokuppādavasena. *Yāvatā dukkhassa dukkhattho sabbo diṭṭho, adiṭṭho dukkhattho, n’ atthī* ’ti ādinā nayena ca, *yāvatā sadevakassa lokassa . . . pe . . . anuvicariṇaṇ manasā sabbaṇ ñātaṇ añātaṇ n’ atthī* ’ti ādinā nayena ca vitthāro veditabbo. Paṭhamāṇ vuttagāthānigamanavasena puna vuttā. Taṇnigamane yeva hi kate ñāṇanigamanam ’pi katam eva hoti ’ti.

Sabbaññutaññāṇa-Niddesa-Vaṇṇanā Nitṭhitā.

Saddhammappakāsinīyā Paṭisambhidāmaggaṭṭhakathāya

Ñāṇaniddesa-Vaṇṇanā Nitṭhitā.

* Text page 132, l. 27.

¹ B ñāṇā..

² SH omits.

³ B phusito.

[ASSĀDADIṬṬHI-VANNAṆĀ.]

[135] 1. Idāni ñāṇakathānantaraṇ kathitāya Diṭṭhikathāya anupubbānuvaṇṇanā anupattā. Ayaṇ hi diṭṭhikathā, ñāṇakathāya kataññāṇaparicayassa samādhigatasammādiṭṭhissa micchādiṭṭhimalavisodhanā sukarā hoti, sammādiṭṭhi ca superisuddhā hoti 'ti, ñāṇakathānantaraṇ kathitā. Tattha: Kā diṭṭhi? 'ti ādikā pucchā; Diṭṭhi 'ti, abhinivesaparāmāso diṭṭhi 'ti ādikaṇ pucchitapucchāya vissajjanaṇ; Kathaṇ abhinivesaparāmāso diṭṭhi 'ti ādiko¹ vissajjitavissajjanassa vitthāraniddeso; Sabbā 'va tā diṭṭhiyo assādadiṭṭhiyo 'ti ādikā diṭṭhisuttasaṇḍanā; 'ti evam ime cattāro paricchedā.

Tattha pucchāparicchede tāva Kā diṭṭhi? 'ti dhammapucchā sabhāvapucchā. *Kati diṭṭhiṭṭhānāni?* 'ti hetuppaccayapucchā.² Kittakāni diṭṭhinaṇ kāraṇāni? 'ti attho. *Kati diṭṭhipariyutṭhānāni?* 'ti samudācārapucchā, vikārapucchā.³ Diṭṭhiyo eva hi samudācāravasena cittaṇ pariyaṇandhantiyo utṭhahanti 'ti Diṭṭhi-pariyutṭhānāni nāma honti. *Kati diṭṭhiyo?* 'ti diṭṭhinaṇ sāṅkhyāpucchā gaṇanāpucchā. *Kati diṭṭhābhinivesā?* 'ti vatthuppabhedavasena ārammaṇanānattavasena diṭṭhippabhedapucchā. Diṭṭhiyo eva hi taṇ taṇ vatthuṇ taṇ taṇ ārammaṇaṇ abhinivisanti parāmasanti 'ti Diṭṭhiparāmāsā 'ti vuccanti. *Katamo diṭṭhiṭṭhānasamugghāto?* 'ti diṭṭhinaṇ paṭipakkhapucchā, pahāṇūpāyapucchā. Diṭṭhinaṇ kāraṇāni hi khandhādini diṭṭhisamugghātēna tāsaṇ kāraṇāni na honti 'ti tāni ca kāraṇāni samugghātītāni nāma honti, tasmā diṭṭhiṭṭhānāni. Sammā bhusaṇ haññanti etenā 'ti diṭṭhiṭṭhānasamugghāto 'ti vuccati.

Idāni etāsaṇ channaṇ pucchānaṇ Kā diṭṭhi 'ti ādini cha vissajjanaṇi. Tattha: *kā diṭṭhi?* 'ti vissajjetabbapucchā. *Abhinivesaparāmāso diṭṭhi* 'ti vissajjanaṇ. Sā pana aniccā-

¹ SH ādito.

² SH hetupucchā paccayapucchā.

³ SH omits.

dike vatthusmiṃ niccādivasena abhinivisati patitṭhahati daḷhaṇ gaṇhāti 'ti abhiniveso. Aniccādi-ākāraṇ atikkamitvā niccan 'ti ādivasena vuttamāno parato āmasati gaṇhāti 'ti parāmāso. (Atha vā niccan 'ti ādikaṇ paraṇ uttamaṇ saccan 'ti āmasati gaṇhāti 'ti parāmāso. Abhiniveso ca so parāmāso cā 'ti Abhinivesaparāmāso. Evaṇ pakāro ditṭhi 'ti kiccato ditṭhisabhāvaṇ vissajjeti.)

Tiṇi satan 'ti tiṇi satāni. Vacanavipallāso kato. *Katamo ditṭhiṭṭhānasamugghato* ? 'ti pucchaṇ anuddharitvā 'va *sotā-pattimaggo ditṭhiṭṭhānasamugghato* 'ti vissajjanaṇ kataṇ.

2-8. Idāni *Kathaṇ abhinivesaparāmāso* ? 'ti ādi vitthāra-niddeso. Tattha *rūpan* 'ti upayogavacanaṇ. Rūpaṇ abhinivesaparāmāso 'ti sambandho. Rūpan 'ti c' ettha rūpūpādānakkhandho, kaṣiṇarupaṇ ca. *Etaṇ mamā* 'ti abhinivesāparāmāso ditṭhi; *Eso 'ham asmī* 'ti abhinivesaparāmāso ditṭhi; *Eso me attā* 'ti abhinivesaparāmāso ditṭhi 'ti paccekaṇ yojetabbaṇ. Etan 'ti sāmāññavacanaṇ; ten' eva *Vedanaṇ etaṇ mama . . . saṅkhāre etaṇ mamā* 'ti napuṇsakavacanaṇ ekavacanaṇ ca kataṇ. 'Eso' 'ti pana vattabbaṇ apekkhitvā pulliṅgavacanaṇ kataṇ. *Etaṇ mamā* 'ti taṇhāmaññanāmūlikā ditṭhi; *Eso 'ham asmī* 'ti mānāmaññanāmūlikā ditṭhi; *Eso me attā* 'ti ditṭhimaññanā eva.

(Keci pana *Etaṇ mamā* 'ti mamaṅkāra-kappanā,¹ *Eso 'ham asmī* 'ti ahaṅkāra-kappanā, *Eso me attā* 'ti ahaṅkāra-mamaṅkāra-kappito attābhiniveso 'ti ca; tathā yathākkamen' eva taṇhāmūlaniveso mānappaggāho, taṇhāmūlanivittṭho mānappaggahito attābhiniveso 'ti ca saṅkhārānaṇ, dukkhala-kkhaṇa-dassanaṇ saṅkhārānaṇ, aniccalakkhaṇadassanaṇ saṅkhārānaṇ 'ti aniccalakkhaṇadassanahetuko² attābhiniveso 'ti ca; dukkhe asubhe ca sukhaṇ subhan 'ti vipallāsagatassa, anicce niccan 'ti vipallāsagatassa, catubbidhavipallasagatassa attābhiniveso 'ti ca; pubbenivāsaññāpassa ākāra-kappanā, dibbacakkhuññāpassa anāgatapaṭilābhakappanā, pubbantā-

¹ SH mamaṅkāra..

² SH omīts anicca.

paranta - idappaccayata - paṭiccasamuppannesu dhammesu kappanissitassa attābhīniveso 'ti ca; nandiyā atītaṃ anvāgameti, nandiyā anāgataṃ paṭikaṅkhati, paccuppannesu dhammesu saṅghīrati attābhīnivesenā 'ti ca pubbante aññāṇahetukā dīṭṭhi; aparante aññāṇahetukā dīṭṭhi, pubbantāparante idappaccayatā - paṭiccasamuppannesu dhammesu aññāṇahetuko attābhīniveso; 'ti ca etesaṃ tiṇṇaṃ vacanānaṃ atthaṃ vaṇṇayanti.)

Dīṭṭhiyo pan' ettha paṭhamaṃ pañcakkhandhavatthukā, [136] tato cha ajjhātika-bāhirāyatana-viññāṇakāya-samphaṣṣakāya¹-vedanākāya-saññākāya-cetanākāya-taṇhākāya-vita-kka-vicāra-dhātu-dasakasīṇa-dvattiṇṣākāravatthukā dīṭṭhiyo vuttā. [137] Dvattiṇṣākāresu ca yattha visuṃ abhiniveso na yujjati, tattha sakalasārīrābhīnivesavasen' eva visuṃ adhiniveso viya kato 'ti veditabbaṃ. Tato dvādasāyatana-aṭṭhārasadhātu-ekūnavīsati-indriyavasena yojanā katā, na tīni² ekantalokuttarindriyāni yojitani. Na hi lokuttaravatthukā dīṭṭhiyo honti. Sabbatthā-pi ca lokiya-lokuttaramissesu dhammesu lokuttare ṭhapetvā lokiyā eva gahetabbā. Anindriyabaddharūpañ³ ca na gahetabbam eva.

9-10. [138] Tato tedhātukavasen' eva,⁴ tividhabhavavāsena,⁵ jhāna-brahmavīhāra-samāpattivāsena, paṭiccasamuppadāṅgavasena ca yojanā katā. Jātijarāmarañānaṃ visuṃ gahaṇe parihāro vuttanayo eva. Sabbāni c' etāni rūpādīkāni jarāmarañantāni aṭṭhanavutisatapadāni⁶ bhavanti.

11. Dīṭṭhiṭṭhānesu: *khandhā* 'pi dīṭṭhiṭṭhānaṃ 'ti vīsativatthukāya 'pi sakkāyadīṭṭhiyā pañcakkhandhānaṃ yeva vatthuttā; "Ye hi keci bhikkhave samaṇā vā brāhmaṇā vā attānaṃ samanupassamānā samanupassanti sabbe te pañcupādānakkhandhesu yeva samanupassanti etesaṃ vā aññātaraṃ" 'ti vuttattā ca; pañcupādānakkhandhā dīṭṭhiṇaṃ kāraṇaṃ. *Avijjā pi dīṭṭhiṭṭhānaṃ* 'ti avijjāya andhikātānaṃ dīṭṭhi-uppattito: "Yā 'yaṃ bhante dīṭṭhi asammā-

¹ SH phassa-.² B omits.³ SH -bandha-.⁴ SH omits.⁵ SH navavidhavasena.⁶ SH -sataṃ padāni.

sambuddhesu sammāsambuddhā ” ’ti; “Ayaṇ nu kho bhante ditthi kiṇ paṭicca paññāyati ?” ’ti; “Mahatī kho esā Kaccāna dhātu, Yad idaṇ avijjādhātu. Hinaṇ Kaccāna dhātuṇ paṭicca uppajjati hīnā saññā, hīnā ditthī ”; ’ti vacanato ca avijjā ditthīnaṇ kāraṇaṇ.

Phasso pi ditthiṭṭhānaṇ ’ti tena phassena phutṭhassa ditthi-uppattito, “Ye te bhikkhave samaṇabrāhmaṇā pubbanta-kappikā pubbantānuditthino¹ pubbantaṇ ārabba anekavihitāni adhimuttipadāni abhivadanti tad api phassapaccayā,” ’ti vacanato ca phasso ditthīnaṇ kāraṇaṇ. *Saññā ’pi ditthiṭṭhānaṇ* ’ti ākāramattaggahaṇena ayathāva-sabhāvaggā-hahetuttā saññāya.

“Yāni ca tīṇi yāni ca saṭṭhi
Samaṇappavādasitāni bhuripaññā
Saññakkhara-saññānissitāni
Osaraṇāni viccyā² oghatam agā,”

’ti vacanato: “Saññānidānā hi papañcasankhā ” ’ti vacanato ca saññā ditthīnaṇ kāraṇaṇ. *Vitakko ’pi ditthiṭṭhānaṇ* ’ti ākāraparivittakkena ditthi-uppattito,

“Na h’ eva saccāni bahūni nānā
Aññatra saññāya saccāni loke;
Takkaṇ ca ditthīsu pakappayitvā
Saccaṇ musā ’ti dvayadhammam āhū,”³

’ti vacanato ca vitakko ditthīnaṇ kāraṇaṇ.

Ayoniso manasikāro ’pi ditthiṭṭhānaṇ ’ti ayoniso manasikārassa akusalānaṇ sādharmaṇahetuttā,⁴ tass’ eva “Ayoniso manasikaroto channaṇ ditthīnaṇ aññatarā ditthi uppajjati ” ’ti vacanato ca, ayoniso manasikāro ditthīnaṇ kāraṇaṇ. *Pāpamitto ’pi ditthiṭṭhānaṇ* ’ti pāpamittassa ditthānugati-āpajjanena ditthi-uppattito; “Bāhiraṇ bhikkhave aṅgaṇ ’ti karitvā⁵ na aññaṇ ekaṅgaṇ ’pi samanupassāmi, yaṇ evaṇ mahato anattāya saṇvattati, yathā yidaṇ bhikkhave pāpa-

¹ SH omits.

² SN 538, which reads vineyya.

³ SN 886.

⁴ SH asādhāraṇa-.

⁵ B karitvāna.

mittatā," 'ti vacanato ca pāpamitto ditthīnaṃ kāraṇaṃ. Parato 'pi ghoso ditthiṭṭhānaṃ 'ti durakkhātadhammassavaṇena ditthi-uppattito; "Dve 'me bhikkhave hetū, dve paccayā micchādītthiyā uppādāya: parato ca ghoso, ayoniso ca manasikāro," 'ti vacanato ca parato ghoso micchādītthi-kato micchādītthipatisaṃyuttakato¹ ditthīnaṃ kāraṇaṃ.

Idāni Dīṭṭhiṭṭhānaṃ 'ti padassa atthaṃ vivaranto *khandhā hetu khandhā paccayo* 'ti ādim āha. Khandhā eva ditthīnaṃ *Uppādāya*² janakahetu c' eva³ upatthambhakappaccayo cā 'ti attho. *Samutthānaṭṭhena* 'ti samutthahanti uppajjanti etena 'ti Samutthānaṃ kāraṇaṃ 'ti attho. Tena samutthānaṭṭhena; tena ṭhitikāraṇabhāvenā⁴ 'ti attho.

12. Idāni kiccabhedena dīṭṭhibhedāṃ dassento *katamāni atthārāsa dīṭṭhipariyutthānāni*? 'ti adim āha. Tattha: *Yā dīṭṭhī* 'ti idāni vuccamānānaṃ atthārāsannaṃ padānaṃ sādharānaṃ mūlapadaṃ. *Yā dīṭṭhi* tad eva dīṭṭhigataṃ, *yā dīṭṭhi* tad eva dīṭṭhigahaṇaṃ 'ti sabbehi sambandho kātabbo. *Ayāthāvadassanaṭṭhena* dīṭṭhi; tad eva dīṭṭhīsu gataṃ dassanaṃ, *dvāsaṭṭhiditthi-antogadhata* 'ti *dīṭṭhigataṃ*. *Heṭṭhā 'pi* 'ssa attho vutto yeva. *Dvinnāṃ antānaṃ ekantagatatā* 'p-dīṭṭhigataṃ. *Sā eva dīṭṭhi* duratikkamaṇaṭṭhena *dīṭṭhigahaṇaṃ*. *Tinagahaṇa-vanaghaṇa-pabbatagahaṇāni* viya. *Sāsaṅka-sappatibhayatthena* dīṭṭhikantāraṃ, *corakantāraṃ*, *vāla-kantaraṃ*, *nirudakakantāraṃ*, *dubbhikkhakantāraṃ* viya. (*Dhammasaṅgaṇīyaṃ Dīṭṭhikantaro* 'ti sakalīṅge' eva āgataṃ.) *Sammāditthiyā* vinivijjhaṇaṭṭhena paṭilomaṭṭhena ca *dīṭṭhivisūkaṃ*. *Micchādassanaṃ* hi uppajjamānaṃ sammāda-ssanaṃ vinivijjhati c' eva vilometi ca. (*Dhammasaṅgaṇīyaṃ Dīṭṭhivisūkāyikaṃ* 'ti āgataṃ.) *Kadāci sassatassa*, *kadāci* *Ucchedassa* gahaṇato dīṭṭhiyā virūpaṃ phanditaṃ 'ti *dīṭṭhi-vipphanditaṃ*. *Dīṭṭhigatiko* hi ekasmiṃ patitthātuṃ na sakkoti, *kadāci* *sassataṃ* anussarati, *kadāci* *ucchedaṃ*. *Dīṭṭhi* yeva *anatthe saṃyojete* 'ti *dīṭṭhisamyojanaṃ*. *Ditthi* yeva *anto tudanaṭṭhena* *dunṇiharaṇīyatthena* ca *sallan* 'ti *dīṭṭhi*-

¹ SH v.l. -katā.² Text uppādāya.³ SH -hetum eva ca.⁴ SH dīṭṭhikāraṇabhāvenā.

sallaṇ. Diṭṭhi yeva pīlākaraṇaṭṭhena sambādho¹ 'ti *diṭṭhi-sambādho*. Diṭṭhi yeva mokkhāvaraṇaṭṭhena paḷibodho 'ti *diṭṭhipaḷibodho*. Diṭṭhi yeva dummacaniyaṭṭhena bandhanan 'ti *diṭṭhibandhanan*. Diṭṭhi yeva duruddharaṭṭhena papāto 'ti *diṭṭhipapāto*. Diṭṭhi yeva thāmgataṭṭhena anusayo 'ti *diṭṭhānusayo*. Diṭṭhi yeva attānaṇ santāpeti 'ti *diṭṭhisantāpo*. Diṭṭhi yeva attānaṇ anudahati 'ti *diṭṭhiparilāho*. Diṭṭhi yeva kilesakāyaṇ gantheti 'ti *diṭṭhigantho*. Diṭṭhi yeva bhusaṇ ādiyati 'ti *diṭṭhūpādanan*. Diṭṭhi yeva saccan 'ti ādivasena abhinivisati 'ti *diṭṭhābhiniveso*. Diṭṭhi yeva idaṇ paran 'ti āmasati, parato vā āmasati 'ti *diṭṭhiparāmāso*.

[139] 13. Idāni rāsivasena soḷasadiṭṭhiyo uddisanto *Katamā soḷasadiṭṭhiyo* ? 'ti ādim āha. Tattha sukhāsomanassa-saṅkhaṭe assāde diṭṭhi *assādaditṭhi*. Attānaṇ anugatā diṭṭhi *attānudiṭṭhi*. N' atṭhi 'ti pavattattā viparītā diṭṭhi *micchādiṭṭhi*. Sati kāye diṭṭhi, santi vā kaye diṭṭhi *sakkāyaditṭhi*. Kāyo 'ti c' ettha khandhapañcakaṇ. Khandhapañcaka-saṅkhāto sakkāyo vatthu patiṭṭhā etissā 'ti *sakkāyavattukā*. Sassatan 'ti pavattā diṭṭhi *sassataditṭhi*. Ucchedo 'ti pavattā diṭṭhi *ucchedaditṭhi*. Sassatādi-antaṇ gaṇhāti 'ti *antaggāhikā*; antaggāho vā assā atṭhi 'ti antaggāhikā. Atīta-saṅkhātaṇ pubbantaṇ anugatā diṭṭhi *pubbantānudiṭṭhi*. Anāgata-saṅkhātaṇ aparantaṇ anugatā diṭṭhi *aparantānudiṭṭhi*. Anatthe saṇyojēti 'ti *saṇyojanikā*. Ahaṅkāravasena Ahan 'ti uppannena mānena diṭṭhiyā mūlabhūtena vinibandhā ghaṭitā uppāditā diṭṭhi *ahan* 'ti *mānavinibandhā diṭṭhi*. Tattha mamaṅkāravasena Maman 'ti uppannena mānena vini-bandhā diṭṭhi *maman* 'ti *mānavinibandhā diṭṭhi*. Attano vadaṇaṇ kathaṇaṇ attavādo. Tena paṭisaṇyuttā baddhā² diṭṭhi *attavādapatisaṇyuttā diṭṭhi*. Attānaṇ yeva³ loko 'ti vadaṇaṇ kathaṇaṇ lokavādo, tena paṭisaṇyuttā diṭṭhi, *loka-vādapatisaṇyuttā diṭṭhi*. Bhavo vuccati sassataṇ; sassatavasena uppajjamānā⁴ diṭṭhi *bhavadiṭṭhi*. Vibhavo vuccati ucchedo; ucchedavasena uppajjamānā⁴ diṭṭhi *vibhavadiṭṭhi*.

¹ SH thāmagataṭṭhena anusambādho; SM palikaraṇaṭṭhen' anusambādha.

² B, SM bandhā.

³ SH, SM omit.

⁴ SH, SM uppajjana-

14-16. Idāni tīṇi sataṇ dīṭṭhābhīnivese niddisitukāmo Katame tīṇi sataṇ dīṭṭhābhīnivesā ? 'ti pucchitvā te avissajjetvā 'va visuṇ visuṇ abhinivesa-vissajjanen' eva te vissajjetukāmo, *Assādaditthiyā katīh' ākārehi abhiniveso hoti* ? 'ti ādinā nayena soḷasannaṇ dīṭṭhīnaṇ abhinivesākāraṇ pucchitvā¹ puna *assādaditthiyā pañcatīṇsāya ākārehi abhiniveso hoti* 'ti tasaṇ soḷasannaṇ dīṭṭhīnaṇ abhinivesākāragahaṇaṇ² vissajjetvā, puna tāni gaṇanāni vissajento. [140] *Assādaditthiyā katamehi pañcatīṇsāya ākārehi abhiniveso hoti* 'ti ādim āha. Tattha: *Rūpaṇ patīcā* 'ti rūpakkhandaṇ paticca. *Uppajjati sukhaṇ somanassaṇ* 'ti ayaṇ me kāyo īdiso 'ti rūpasamпадаṇ nissāya gehassitaṇ rāgasampayuttaṇ sukhaṇ somanassaṇ uppajjati. Heṭṭhā vutten' atthena sukhaṇ ca somanassaṇ ca taṇ yeva. *Rūpassa assādo* 'ti rūpanissayo assādo. Taṇ hi sukhaṇ taṇhāvasena assādiyaṇ upabhuñjīyaṇ 'ti assādo. *Abhinivesaparāmāso dīṭṭhī* 'ti so assādo sassato 'ti vā ucchijjissati 'ti vā sassataṇ vā ucchijjamānaṇ vā attānaṇ sukhitaṇ karotī 'ti vā abhinivesaparāmāso hoti; tasmā yā ca dīṭṭhi, yo ca assādo 'ti assādassa dīṭṭhibhāvābhāve 'pi assādaṇ vinā sā dīṭṭhi na hoti 'ti katvā ubhayam 'pi samuccitaṇ. *Assāda-dīṭṭhi* 'ti assāde pavattā dīṭṭhi 'ti vuttaṇ hoti.

Idāni nānāsutthehi saṇsandetvā micchādīṭṭhiṇ micchādīṭṭhikaṇ ca garahitukāmo *assādaditthi micchādīṭṭhi* 'ti adim āha. Tattha *dīṭṭhivipattī* 'ti sammādīṭṭhivināsaka-micchādīṭṭhisāṅkhāta-dīṭṭhiyā vipatti. *Dīṭṭhivipanno* 'ti vipannā vinaṭṭhā sammādīṭṭhi assā 'ti dīṭṭhivipanno. Vipannadīṭṭhi 'ti vuttaṇ hoti. Micchādīṭṭhiyā vā vipanno vinaṭṭho 'ti dīṭṭhivipanno. *Na sevītabbo* upasaṅkamanena; *na bhajītabbo* cittena; *na payīrupāsītabbo* upasaṅkamitvā nisīdanena. *Taṇ kissa hetū* ? 'ti taṇ sevanādikaṇ kena kāraṇena na kātabban ? 'ti tassa kāraṇapucchā. *Dīṭṭhi hi 'ssa pāpikā* 'ti kāraṇavissajjanaṇ. Yasmā assa puggalassa dīṭṭhi pāpikā, tasmā taṇ sevanādikaṇ na kātabban 'ti attho. *Dīṭṭhiyā rāgo* 'ti 'Sundarā me dīṭṭhi' 'ti dīṭṭhiṇ ārabba dīṭṭhiyā uppa-

¹ SH abhinivesākāragahaṇaṇ na pucchitvā; SM abhinivesākāraṇaṇ na pucchitvā.

² B, SM -gaṇanaṇ.

jjanarāgo. *Diṭṭhirāgaratto* 'ti tena diṭṭhirāgeṇa raṅgena rattañ¹ vatthañ¹ viya ratto. *Na mahapphalan* 'ti vipākaphalena; *na mahānisayāsan* 'ti nissandaphalena.

Purisapuggallassā 'ti purisa-saṅkhātassa puggalassa. Lokavohāreṇa² hi puṇ³ vuccati sariraṇ, tasmiṇ pusmiṇ reseti⁴ pavattati 'ti Puriso. Puṇ vuccati nirayo; taṇ puṇ galati gacchati 'ti puggalo. Yebhuyyena hi sattā sugatito cutā duggatiyaṇ yeva nibbattanti. *Taṇ kissa hetū?* 'ti taṇ na mahapphalataṇ kena kāraṇena hoti? *Diṭṭhi hi 'ssa pāpikā* 'ti yasmā assa puggalassa diṭṭhi pāpikā, tasmā na mahapphalataṇ hoti 'ti attho. *Dve 'va gatiyo* 'ti pañcasu gatīsu dve 'va gatiyo. Vipajjamānāya diṭṭhiyā *nirayo*, sampajjamānāya *tiracchānayo*. *Yañ c' eva kāyakamman* 'ti sakalingadhāraṇa-paṭipadānuyoga - abhivādāna-paccupatṭhāna-añjalikammādikāyakamman. *Yañ ca vacīkamman* 'ti sakasamayapariyāpuṇṇa - sajjhāyana - desanā-samādāpanādivacīkamman. *Yañ ca manokamman* 'ti idhalokacintāpaṭisaṇyuttaṇ ca paralokacintāpaṭisaṇyuttaṇ ca, katākatacintāpaṭisaṇyuttaṇ ca manokamman.⁵ *Tiṇakatṭhadhaññabijesu* satta-diṭṭhidānānuppādāna-paṭiggahaṇaparibhogesu ca kāyavacīmanokammāni. *Yathādiṭṭhi* 'ti yā ayaṇ diṭṭhi tassā anurūpaṇ. *Samattan* 'ti paripunnaṇ. *Samādinnaṇ* 'ti gahitaṇ.

Atṭhakathāyaṇ pana vuttaṇ: tad etaṇ yathādiṭṭhiyaṇ ṭhitakāyakamman, diṭṭhisahajātakāyakamman, diṭṭhānulomika-kāyakamman 'ti tividhaṇ hoti. Tattha pāṇaṇ hanato, adinnaṇ ādiyato, micchā carato, n' atthi tatonidānaṇ pāpaṇ; n' atthi pāpassa āgamo 'ti; yaṇ evandiṭṭhikassa sato pāṇātipāta-adinnādāna-micchācārasaṅkhātaṇ kāyakamman; idaṇ yathādiṭṭhiyaṇ ṭhitakāyakamman nāma. Pāṇaṇ hanato, adinnaṇ ādiyato, micchā carato, n' atthi tatonidānaṇ pāpaṇ, n' atthi pāpassa āgamo 'ti yaṇ imāya diṭṭhiyā, iminā dassanena sahajātaṇ kāyakamman, idaṇ diṭṭhisahajātakāyakamman nāma. Tad eva pana samattaṇ samādinnaṇ gahitaṇ parāmaṭṭhaṇ diṭṭhānulomika-kāyakamman nāma. Vacī-

¹ SM rattavaṇṇaṇ.

² SH, SM puri.

³ SH, SM purismiṇ seti.

⁴ SH, SM lokika-.

⁵ SH omits.

kamma-manokammesu 'pi es' eva nayo. Ettha pana musā bhaṇato, piṣuṇaṇ bhaṇato, pharusāṇ bhaṇato, samphappalapato, abhiṇṇhāluno, byāpannacittassa, micchādīt̥thikassa sato n' atthi tatonidānaṇ pāpaṇ, n' atthi pāpassa āgamo, 'ti yojanā kātabbā. Līṅgadhāraṇādi-pariyāpuṇṇādi-lokacintā-divasena vuttanayo c' ettha sundaro.

Cetanādīsu dīt̥thisahajāta¹ cetanā *cetanā* nāma. Dīt̥thisahajāta patthanā *patthanā* nāma. Cetanāpatthanānaṇ vasena cittat̥thapanā *paṇidhi* nāma. Tehi pana cetanādīhi sampayuttā phassādayo saṅkhārakkhandhapariyāpannā dhammā *saṅkhārā* nāma. *Anīt̥thāyā* 'ti ādīhi dukkham eva vuttaṇ. Dukkhaṇ hi sukhakāmehi sattehi na esitattā *anīt̥thaṇ*; appiyattā *akantaṇ*; manaso avaddhanato, manasi avikappato vā² *amanāpaṇ*; āyatiṇ abhaddatāya ahitaṇ; pīḷanato dukkhan 'ti. *Taṇ kissa hetū* ? 'ti taṇ evaṇ-saṇvattanaṇ kena kāraṇena hotī ? 'ti attho.

Idāni 'ssa kāraṇaṇ: *dīt̥thi hi 'ssa pāpikā* 'ti yasmā tassa puggalassa dīt̥thi pāpikā, lāmakā, tasmā evaṇ saṇvattati 'ti attho. *Allāya paṭhaviyā nikkhittan* 'ti udakena tintāya bhūmiyā ropitaṇ. *Paṭhavīrasaṇ*, [141] *āporasan* 'ti tasmiṇ tasmiṇ ṭhāne paṭhaviyā ca sampadaṇ, āpassa ca sampadaṇ. Bijanikkhittat̥thāne hi na sabbā 'va paṭhavi, na sabbo āpo ca bijaphalaṇ gaṇhāpeti, yo pana tesaṇ padeso bijaṇ phusati so yeva bijaphalaṇ gaṇhāpeti. Tasmā bijaposaṇāya paccayabhūto yeva so padeso paṭhavīraso, āporaso 'ti veditabbo. Rasa-saddassa hi sampatti attho. Yath' āha:

Kicca-sampatti-atthena

Raso nāma pavuccati

'ti. Loke ca suraso gandhabbo 'ti vutte susampanno gandhabbo 'ti attho ñāyati. *Upādiyati* 'ti gaṇhāti. Yo hi padeso paccayo hoti, taṇ paccayaṇ labhamānaṇ bijaṇ taṇ gaṇhāti nāma. *Sabbaṇ taṇ* 'ti sabbaṇ taṇ rasajātaṇ. *Tittakatāyā* 'ti so pathavīraso āporaso ca atittako samāno 'pi, tittakaṇ bijaṇ

¹ SM -gata-.

² SH, SM avisappanato ca.

nissāya nimbarukkhādīnaṃ tesañ phalānaṃ ca tittakabhāvāya saṃvattati.¹ *Kaṭukatāyā* 'ti idaṃ purimass' eva vevacanaṃ.

Vaṇṇagandharasūpeto
Ambo 'yaṇ ahuva pure;
Tam eva pūjaṇ labhamāno
Ken' ambo kaṭukapphalo ?*

'ti āgataṭṭhāne viya hi idhāpi tittakam eva appiyaṭṭhena kaṭukan 'ti veditabbaṇ. *Asātatāyā*² 'ti amadhurabhāvāya. (Asāduttāyā³ 'ti 'pi pāṭho. Asādubhāvāyā³ 'ti attho. Sādū⁴ 'ti hi madhuraṇ.) *Bījaṇ hi 'ssā* 'ti assa nimbādikassa bījaṇ. Evam eva⁵ 'ti evam eva.⁶ Yasmā sukhā vedanā paramo assādo, tasmā micchādīṭṭhiyā dukkhā vedanā-vasena ādīnavao dassito 'ti.

Puna aṭṭhārasa-bhedena dīṭṭhiyā ādīnavaṇ dassetuṇ *assā-dadīṭṭhi micchādīṭṭhi* 'ti ādim āha. Taṇ vuttattham eva.

17. [142-143] *Imehi aṭṭhārasahi ākārehi pariyaṭṭhitacittassa saṃyogo* 'ti dīṭṭhiyā eva saṃsāre bandhanaṇ dasseti. Yasmā pana dīṭṭhibhūtāni 'pi saṃyojanāni atthi, adīṭṭhibhūtāni 'pi tasmā taṇ pabbhaṇ dassento.

18. *Atthi saṃyojanāni c' evā* 'ti ādim āha. Tattha yasmā kāmārāgasamyojanass' eva anūnayasamyojanan 'ti āgataṭṭhānam 'pi atthi, tasmā *anunayasamyojanan* 'ti vuttaṇ. Kāmārāgabhāvaṇ appatvā pavattaṇ lobhaṇ sandhāya evaṇ⁷ vuttaṇ 'ti veditabbaṇ. Sesakhandhāyatanādīmūlakesu 'pi vāresu iminā 'va nayena attho veditabbo. Vedanāparamattā ca assādassa vedanāpariyosānā eva desanā katā.

Saññādayo na gahitā. *Imehi pañcatiṇsāya ākārehi* 'ti pañcakkhandhā, ajjhattikāyatanādīni pañca-chakkāni cā 'ti imāni pañcatiṇsavatthūni nissāya uppānna-assādārammaṇa-vasena pañcatiṇsāya ākārehi.

Assādadīṭṭhi-Vaṇṇanā Nīṭṭhitā.

* *Dadhivāhana-J.*

¹ SH, SM sampavattati.

² Text asāratāya.

³ SM Asādhu.

⁴ SM sādhi.

⁵ Text Evam eva.

⁶ SH evaṇ evaṇ.

⁷ SM etaṇ.

[ATTĀNUDITṬHI-VANṆANĀ.]

19. Attānudiṭṭhiyaṇ: *assutavā puthujjano* 'ti

“Āgamādhigamābhāvā,
Ñeyyo assutavā iti.”

Yassa hi khandha-dhātu-āyatana-sacca-paccay-ākāra-satipa-
ṭṭhānādisu uggaha-paripucchā-vinicchayavirahitattā attānu-
ditṭhipaṭisedhakaro n' eva āgamo, paṭipattiyā adhiganta-
bbassa anadhigatattā n' eva adhigamo atthi, so āgamādhi-
gamānaṇ abhāvā ñeyyo assutavā iti. Sutan 'ti hi Buddha-
vacanāgamo ca sutaphalattā hetuvohāravasena adhigamo
ca, taṇ sutaṇ assa atthi 'ti sutavā. Na sutavā asutavā.
Svā-yaṇ

Puthūnaṇ jananādihi,
Kāraṇehi puthujjano;
Puthujjanantogadhattā,
Puthu vā 'yaṇ jano iti.*

So hi puthūnaṇ nānappakārānaṇ kilesādīnaṇ jananādihi
kāraṇehi puthujjano. Yath' āha: “Puthū kilese jānenti 'ti
puthujjanā; puthu-avihatasaṅgāyaditṭhikā 'ti puthujjanā;
puthu-satthārānaṇ mukha-ullokakā 'ti puthujjanā; puthu
nānāgatīhi avatṭhitā 'ti puthujjanā; puthu-nānābhisāṅkhāre
abhisāṅkharonti 'ti puthujjanā; puthu-nānā-oghehi vuyhanti
'ti puthujjanā; puthu-nānāsantāpehi santapanti 'ti puthu-
jjanā; Puthu-nānāparitāpehi paridayhanti 'ti puthujjanā;
Puthu-pañcakāmaguṇesu gathitā¹ mucchitā ajjhopannā laggā
laggitā paḷibuddhā 'ti puthujjanā; Puthu-pañcahi nīvaraṇehi
āvutā nivutā ovutā pihitā paṭicchannā paṭikujjitā 'ti puthu-
jjanā ” 'ti. Puthūnaṇ va gaṇanapatham atītānaṇ ariya-
dhammaparammukhānaṇ ca nīcadhammasamudācārānaṇ
antogadhattā 'pi puthujjanā; puthu vā 'yaṇ visuṇ yeva

* Same as St. 88, p. 205, vol. i.

¹ B, SM gadhitā.

saṅkhaṇ gato visaṇsattho silasutādiguṇayuttehi ariyehi jano
'ti 'pi puthujjano. Evam etehi assutavā. Puthujjano 'ti
dvihi pakārehi¹ ye te :

“Duve puthujjanā vuttā
Buddhen' ādiccabandhunā;
Andho puthujjano eko
Kalyāṇ' eko puthujjano,”*

'ti dve puthujjanā vuttā, tesu andhaputhujjano vutto hoti
'ti veditabbo. *Ariyānaṇ adassāvī* 'ti ādīsu ariyā 'ti ārakattā
kilesehi, anayena iriyanato, aye ca iriyanato, sadevakena ca
lokena araṇīyato, buddhā² ca, paccekabuddhā ca, buddha-
sāvakā ca vuccanti; Buddhā eva vā idha ariyā, yath' āha:
“Sadevake bhikkhave loke . . . pe . . . Tathāgato ariyo 'ti
vuccati” 'ti.

Sappurisānaṇ 'ti ettha pana paccekabuddhā, Tathāgata-
sāvakā ca sappurisā 'ti veditabbā. Te hi lokuttaraguṇa-
yogena sobhanā purisā 'ti sappurisā; sabbe yeva vā ete
dvedhā 'pi vuttā, Buddhā 'pi hi ariyā ca sappurisā ca; pacce-
kabuddhā, buddhasāvakā 'pi; yath' āha:

“Yo ve kataññū katavedi dhīro
Kalyāṇamitto dāḥabhatti ca hoti,
Dukkhitassa³ sakkacca⁴ karoti kiccaṇ
Tathāvidhaṇ sappurisaṇ vadanti”

'ti. (Ettha hi kataññū, katavedi, dhīro 'ti paccekasambu-
ddho vutto; kalyāṇamitto dāḥabhatti cā 'ti buddhasā-
vako; dukkhitassa³ sakkacca⁵ karoti kiccaṇ⁵ 'ti sammāsam-
buddho 'ti.)

Idāni yo tesaṇ ariyānaṇ adassanasilo na ca dassane sādhu-
kāri, so *ariyānaṇ adassāvī* 'ti veditabbo. So ca cakkhunā
adassāvī, ñāṇena adassāvī 'ti duvidho. Tesu ñāṇena ada-

* Same as St. 89, p. 205, vol. i.

¹ SH, SM padehi.

² SM buddho.

³ SH Dukhi-.

⁴ B, SM -kaccaṇ.

⁵ BM kaccaṇ.

ssāvi idhā-dhippeto. Maṇsacakkhunā hi, dibbacakkhunā vā ariyā diṭṭhā 'pi adiṭṭhā 'va honti; tesañ cakkhūnaṇ vaṇṇa-mattagahaṇato, na ariyabhāvagocarato. Soṇasigālādayo 'pi hi cakkhunā ariye passanti, na ca te ariyānaṇ sassāvino. Tasmā cakkhunā dassanaṇ na dassanaṇ, ñāṇena dassanam eva dassanaṇ; Yath' āha: "Kin te Vakkali! iminā pūti-kāyena diṭṭhena? Yo kho Vakkali, dhammaṇ passati so maṇ passatī" 'ti. Tasmā cakkhunā passanto 'pi ñāṇena ariyehi diṭṭhaṇ aniccādilakkhaṇaṇ apassanto ariyādhigatañ ca dhammaṇ anadhigacchanto ariyakaradhammānaṇ ariya-bhāvassa ca adiṭṭhattā ariyānaṇ adassāvi 'ti veditabbo. *Ariyadhammassa akovido* 'ti satipaṭṭhānādibhede ariya-dhamme akusalo. *Ariyadhamme avinīto* 'ti ettha pana:

"Duvidho vinayo nāma,
Ekamek' ettha pañcadhā,
Abhāvato tassa ayaṇ
Avinīto 'ti vuccati."

Ayaṇ hi saṇvaravinayo, pahāṇavinayo, 'ti duvidho vinayo. Ettha ca duvidhe 'pi vinaye ekameko vinayo pañcadhā bhijjati. Saṇvaravinayo 'pi hi silasaṇvaro, satisaṇvaro, nā-ṇasaṇvaro, khantisaṇvaro, viriyasaṇvaro 'ti pañcavidho. Pahāṇavinayo 'pi tadaṅgappahāṇaṇ, vikkhambhanappahā-ṇaṇ, samucchedappahāṇaṇ, paṭippassaddhippahāṇaṇ, nissaraṇappahāṇaṇ 'ti pañcavidho. Tattha: "Iminā pātimo-kkhasaṇvarena upeto hoti samupeto" 'ti ayaṇ silasaṇvaro. "Rakkhati cakkhundriyaṇ, cakkhundriye saṇvaraṇ āpa-jjati" 'ti ayaṇ satisaṇvaro (M. 27, 11).

"Yāni sotāni lokasmiṇ,
(Ajitā 'ti Bhagavā)
Sati tesañ nivāraṇaṇ;
Sotānaṇ saṇvaraṇ brūmi,
Paññāy' ete pithiyare," (SN. 1035)

'ti ayaṇ ñāṇasaṇvaro. "Khamo hoti sītassa uṇhassā," 'ti ayaṇ khantisaṇvaro (M. 2, 6). "Uppannaṇ kāmavitakkaṇ n-ādhivāseti," 'ti ayaṇ viriyasaṇvaro (M. 2, 8). Sabbo 'pi cā-yaṇ saṇvaro yathāsakaṇ saṇvaritabbānaṇ vinetabbānaṇ

ca kāyaduccaritādīnaṃ saṃvaraṇato saṃvaro, vinayanato vinayo 'ti vuccati. Evaṃ tāva saṃvaravinayo pañcadhā bhijjati 'ti veditabbo.

Tathā 'yaṃ nāmarūpa-paricchedādīsu vipassanāñānesu paṭipakkhabhāvato, dīpālakena viya tamassa, tena tena vipassanāñānena tassa tassa anattassa¹ pahānaṃ; seyyathidaṃ: nāmarūpavavattānena sakkāyaditṭhiyā, paccayapari-ggahena ahetu-visamahetuditṭhinaṃ, kaṅkhāvitarānena kaṭṭhābhāvassa, kalāpasammasanena ahaṃ-mamā-tigāhassa, maggāmaggavavattānena amagge maggasaññāya, udayadassanena ucchedaditṭhiyā, vayadassanena sassataditṭhiyā, bhayadassanena bhaye abhayaśāññāya, ādīnavadassanena assādaśāññāya, nibbidānupassanena abhiratisaññāya, muccitukamyatāññānena² amuccitukamyatāya,² upekkhāññānena anupekkhāya, anulomaññānena dhammatṭhitiyā, nibbāṇe³ ca paṭilomabhāvassa, gotrabhunā saṅkhārānimittaggahassa pahānaṃ. Etaṃ tadanāppahānaṃ nāma.

Yaṃ pana upacāra-ppaṇābhedenā samādhinā pavattibhāvanivāraṇato, ghaṭappahārena viya udakapitṭhe sevālassa, tesāṃ tesāṃ nīvaraṇādidhammānaṃ pahānaṃ, idaṃ vikkhambhanāppahānaṃ nāma. Yaṃ catunnaṃ ariyamaggānaṃ bhāvitattā taṃ taṃ maggavato attano attano santāne "ditṭhi-gatānaṃ pāhāṇāyā" 'ti ādinā nayena vuttassa samudayassa pakkhikassa kilesagaṇassa accantaṃ appavattibhāvena pahānaṃ, idaṃ samucchedappahānaṃ nāma. Yaṃ pana phala-kkhaṇe paṭippassaddhattaṃ kilesānaṃ, idaṃ paṭippassaddhippahānaṃ nāma. Yaṃ sabbasaṅkhatanissaṭṭhā pahīnasa-bbasāṅkhatānaṃ nibbānaṃ; idaṃ nissaraṇāppahānaṃ nāma.

Sabbaṃ pi c' etaṃ pahānaṃ, yasmā cāgatṭhena pahānaṃ, vinayanatṭhena vinayo; tasmā pahānavinayo 'ti vuccati. Taṃ taṃ pahānaṃ gato⁴ vā tassa tassa vinayassa sabbhāvato⁵ 'p' etaṃ pahānavinayo 'ti vuccati. Evaṃ pahānavinayo 'pi pañcadhā bhijjati 'ti veditabbo.

¹ SH añgassa. ² SH, SM muñci- for mucchi. ³ SM nibbānena.

⁴ B, SM taṃ-taṃ-pahāṇagato.

⁵ SH, SM sambhāvato.

Evam ayaṇ saṅkhepato duvidho, pabhedato¹ ca dasavidho vinayo bhinnasaṇvarattā pahātabbassa ca appahīṇattā yasmā etassa assutavato puthujjanassa n' atthi, tasmā abhāvato tassa ayaṇ avinīto 'ti vuccatī 'ti. Esa nayo sappurisānaṇ adassāvī sappurisadhammassa akovido, sappurisadhamme avinīto 'ti etthā-pi. Ninnānākaraṇaṇ hi etaṇ atthato. Yath' āha: "Ye ca te ariyā te 'va te sappurisā; ye ca te sappurisā te 'va te ariyā. Yo ca so ariyānaṇ dhammo so 'va so sappurisānaṇ dhammo; yo ca so sappurisānaṇ dhammo so 'va so ariyānaṇ dhammo; ye ca te ariyānaṇ vinayā te 'va te sappurisānaṇ vinayā; ye ca te sappurisānaṇ vinayā te 'va ariyānaṇ vinayā. Ariye 'ti vā sappurise 'ti vā ariyadhamme 'ti vā sappurisadhamme 'ti vā ariyavinaye 'ti vā sappurisavinaye 'ti vā; esese ekekatṭhe² same samabhāge tajjāte vā taññevā," 'ti.

Kasmā pana thero, attānudiṭṭhiyā katamehi visatiyā ākārehi abhiniveso hotī 'ti pucchitvā taṇ avissajjitvā 'va "Idha assutavā puthujjano" 'ti evaṇ puthujjanaṇ niddisi? 'ti. Puggalādhiṭṭhānāya desanāya taṇ atthaṇ āvikātuṇ paṭhamāṇ puthujjanaṇ niddisi 'ti veditabbaṇ. Evaṇ puthujjanaṇ niddisitvā idāni abhinivesuddesaṇ dassento "Rūpaṇ attato samanupassati" 'ti ādim āha.

Tattha: rūpaṇ attato samanupassati 'ti rūpakkhandaṇ kasīnarūpaṇ ca attā 'ti diṭṭhipassanāya samanupassati. Niddese paṇ' assa rūpakkhandaṇ abhiniveso pañcakkhandhādhikārattā pākaṭo 'ti taṇ avatvā kasīnarūpam eva rūpaṇ 'ti sāmāññavasena vuttan 'ti veditabbaṇ. Rūpavantaṇ vā attānan 'ti arūpaṇ attā 'ti gahetvā tasmiṇ attani rūpaṇ³ samanupassati. ^aAttani vā rūpaṇ 'ti arūpam eva attā 'ti gahetvā tasmiṇ attani rūpaṇ samanupassati. ^bRūpasmiṇ vā attānan 'ti arūpam eva attā ti gahetvā taṇ attānaṇ rūpasmiṇ samanupassati.

¹ SH pabhedo.

² SH eke katṭhe.

³ B taṇ attānaṇ rūpavantaṇ.

^{a to b} SH, SM omīti.

Tattha: rūpam attato samaupassatī 'ti suddharūpam eva attā 'ti kathitaṇ. Rūpavantaṇ vā attānaṇ, attani vā rūpaṇ, rūpasmiṇ vā attānaṇ; *vedanaṇ* attato samanupassati. *Saññaṇ* . . . *saṅkhāre* . . . *viññānaṇ* attato samanupassatī 'ti imesu sattu *ṭhānesu* arūpaṇ attā 'ti kathitaṇ. *Vedanāvantaṇ*¹ vā *attānaṇ*, *attani vā vedanaṇ*,² *vedanāya*³ vā *attānaṇ* 'ti evaṇ catūsu khandhesu tiṇṇaṇ tiṇṇaṇ vasena dvādasatṭhānesu rūpārūpamissako attā kathito. Tā pana vīsati 'pi diṭṭhiyo maggāvaraṇā, na saggāvaraṇā, sotāpattimaggavajjhā.

20. Idāni taṇ niddisanto, *Kathaṇ rūpan* 'ti ādim āha. Tattha: *pathavīkasiṇaṇ* 'ti pathavīmaṇḍalakaṇ, taṇ nissāya uppāditaṇ paṭibhāganimitta-saṅkhātaṇ sakalapharaṇavasena pathavīkasiṇaṇ. *Ahaṇ* 'ti attānam eva sandhāya gaṇhāti. *Attan* 'ti attānaṇ. Telapadīpassā 'ti telayuttassa padīpassa. *Jhāyato* 'ti jalato. *Yā acci* [144] *so vaṇṇo* 'ti ādi acciṇ muccitvā vaṇṇassa abhāvato vuttaṇ. *Yā ca diṭṭhi pañca vatthū* 'ti tadubhayaṇ ekato katvā *rūpa-vatthukā attānudīṭṭhī* vuccati 'ti attho. Ālokakasiṇādīni⁴ nissāya uppāditakasiṇa-nimittān' eva; paricchinṇākāsakasiṇaṇ pana rūpajjhānassa ārammaṇaṇ hontam 'pi ākāsakasiṇaṇ 'ti vuccamāne arūpajjhānārammaṇena kasiṇugghāṭimā-kāsena saṅkiṇṇaṇ hotī 'ti na gahitaṇ 'ti veditabbaṇ. Rūpādhikārattā viññāṇakasiṇaṇ na gahetabbam evā 'ti.

21. *Idh' ekacco vedanaṇ* . . . *saññaṇ* . . . *saṅkhāre* . . . *viññānaṇ* attato samanupassatī 'ti cattāro khandhe abhinditvā ekato gahaṇavasena vuttaṇ. So hi citta-cetasikānaṇ visuṇ visuṇ karaṇe asamatthattā sabbe ekato katvā attā 'ti gaṇhāti.

Iminā rūpeṇa rūpavā 'ti ettha sarīrarūpam 'pi kasiṇa-rūpam 'pi labbhati. *Chāyāsampanno* 'ti chāyāya sampanno avirūlho.⁵ *Tam enā* 'ti ettha, ena-saddo nipātamattaṇ, tan 'ti⁶ vā attho. Chāyāvā 'ti vijjamānacchāyo. Rūpam attā

¹ Text viññāṇavantaṇ. ² Text viññāṇaṇ. ³ Text viññāṇasmiṇ.

⁴ SH Āpokasiṇādīni āpādīni.

⁵ SH, SM omit.

⁶ ^{a to b} Tam enan 'ti ettha enaṇ saddo nipātamattaṇ, tam etan 'ti.

'ti agahite 'pi rūpaṇ amuccitvā diṭṭhiyā uppannatā rūpa-vatthukā 'ti vuttaṇ.

[145] 22-23. *Attani rūpaṇ samanupassatī* 'ti sarīrarūpassa, kasīnarūpassa ca cittanissitattā tasmiṇ arūpasamudāye attani taṇ rūpaṇ samanupassati. *Ayaṇ gandho* 'ti ghāyitagandham āha. *Imasmiṇ pupphe* 'ti pupphanissitattā gandhassa evam āha. *Rūpasmiṇ attānaṇ samanupassatī* 'ti yattha rūpaṇ gacchati, tattha cittaṇ gacchati; tasmā rūpanissitaṇ cittaṇ gahetvā tam arūpasamudayaṇ attānaṇ tasmiṇ rūpe samanupassati. Oḷārikattā rūpassa oḷārikādhāraṇ karaṇḍakam āha.

24. *Idh' ekacco cakkhusamphassaṇaṇ vedanaṇ* 'ti ādisu visuṇ visuṇ vedanāya diṭṭhigahaṇe asati 'pi vedanā 'ti ekagahaṇena gahite sabbāsaṇ vedanānaṇ antogadhattā visuṇ visuṇ gahitā eva hontī 'ti visuṇ visuṇ yojanā katā 'ti veditabbā. So hi anubhavanavasena vedanāya oḷārikattā vedanaṇ yeva attā 'ti gaṇhāti.

[146] 25-27. *Saññaṇ saṅkhāre viññānaṇ rūpaṇ attato samanupassatī* 'ti saññādayo arūpadhamme rūpaṇ ca ekato katvā attānaṇ anupassati.¹ Ummattako viya hi puthujjano yathā yathā upaṭṭhāti tathā tathā gaṇhāti.

28-31. *Cakkhusamphassaṇaṇ saññaṇ* 'ti ādisu sañjānana-vasena saññāya pākaṭattā saññaṇ attā 'ti gaṇhāti. Sesāṇ vedanāya vuttanayena veditabbaṇ.

[147-149] 32-39. *Cakkhusamphassaṇaṇ cetanaṇ* 'ti ādisu saṅkhārakkhandhapariyāpannesu dhammesu cetanāya padhānattā, pākaṭattā ca, cetanā eva niddiṭṭhā; tāya itare 'pi niddiṭṭhā 'va honti. So pana cetasikabhāvavasena pākaṭattā cetanaṇ attā 'ti gaṇhāti. Sesāṇ vuttanayam eva. *Cakkhuviññānaṇ* 'ti ādisu vijānana-vasena cittassa pākaṭattā, cittaṇ attā 'ti gaṇhāti. Sesam etthā-pi vuttanayam eva.

Attānudiṭṭhi-Vanṇanā Niṭṭhitā.

¹ SH, SM attā 'ti samanupassati.

40. Micchādiṭṭhi hetthā vuttatthā yeva. Ayam pana aparo nayo: *N' atthi dinnan* 'ti ucchedadiṭṭhikattā dāna-phalaṇ paṭikkhipati. *N' atthi yitthan* 'ti ettha: yitthan 'ti khuddakayañño. Hutan 'ti mahāyañño; dvinnam 'pi phalaṇ paṭikkhipati. *N' atthi sukaṭadukkaṭānaṇ kammānaṇ phalaṇ vipāko* 'ti dānaphalassa paṭikhittattā silādinaṇ puññakammānaṇ pāṇātipātādinaṇ pāpakammānaṇ phalaṇ paṭikkhipati. *N' atthi ayaṇ loko* 'ti pure katena kammēna.¹ *N' atthi paro loko* 'ti idha katena kammunā. *N' atthi mātā n' atthi pitā* 'ti tesu katakammānaṇ phalaṇ paṭikkhipati. *N' atthi sattā opapātikā* 'ti kammahetukaṇ upapattin paṭikkhipati. *N' atthi loke samanabrāhmaṇā . . . pe . . . pavedentī* 'ti idha-lokaparaloke passituṇ abhiññāpaṭilābhāya paṭipadaṇ paṭikkhipati.

Idha pāliyaṇ pana *n' atthi dinnan* 'ti *vatthun* 'ti n' atth 'dinnan' 'ti vuccamānadānaṇ; tassā diṭṭhiyā vatthū² 'ti attho. *Evaṇ vādo micchā* 'ti evaṇ n' atthi dinnan 'ti vādo vacanaṇ micchā viparīto.

41-42. Sakkāyadiṭṭhī 'ti pana attānudiṭṭhi yeva. Aññattha āgatapariyāyavacana-dassanatthaṇ vuttā 'ti veditabbā. Sakkāyavatthukāya *sassatadiṭṭhiyā* 'ti kammadhāraya-samāso. *Rūpavantaṇ vā attānaṇ* 'ti ādinaṇ paṇṇarasannaṇ vacanā naṇ ante *samanupassatī* 'ti sambandho kātabbo. Pāṭho vā aññathā hi na ghaṭṭiyatī 'ti. Evaṇ "rūpavantaṇ vā attānaṇ samanupassatī" 'ti ekam eva dassetvā sesā cuddasa saṅkhittā.

[150] 43. *Sakkāyavatthuka-ucchedadiṭṭhiyā*. [151] *Evaṇ rūpaṇ attato samanupassatī* 'ti ekam eva dassetvā sesā catasso saṅkhittā.

44-48. Antaggāhikāya diṭṭhiyā paṭhamavāre ākārapucchā, dutiye ākāragahanaṇ, tatiye ākāravissajjanaṇ. Tattha: *loko* 'ti attā; *so anto* 'ti aññamaññapaṭipakkhesu sassat-ucche-

¹ SH, SM kammunā.

² SH, SM vatthun.

dantesu sassatagāhe sassatanto, asassatagāhe ucchedanto. [152] *Parittañ okāsan* 'ti supparamattañ vā sarāvamattañ vā khuddakañ thānañ. *Nīlakato pharatī* 'ti nīlan 'ti ārammaṇañ karoti. *Ayañ loko* 'ti attānañ sandhāya vuttañ. *Parivatūmo* 'ti samantato paricchedavā. *Antasaññī* 'ti antavā 'ti saññī. Anto assa atthi 'ti anto 'ti gaheṭṭabbañ. *Yañ pharatī* 'ti yañ kasiṇarūpañ pharati. *Tañ vatthuy c' eva loko cā* 'ti tañ kasiṇarūpañ ārammaṇañ c' eva lokiyatṭhena¹ loko ca. *Yena pharatī* 'ti yena cittaena pharati. *So attā c' eva loko cā* 'ti attānam apekkhitvā pulliṅgañ katañ. Tañ cittañ attā c' eva lokiyatṭhena¹ loko cā 'ti vuttañ hoti. *Antavā* 'ti anto. Obhāsakato² pharatī 'ti ālokakasiṇavasena, tejokasiṇavasena, odātākasiṇavasena vā obhāso 'ti pharati. Nīlādīnañ pañcannañ pabhassarakasiṇānañ yeva gahitattā, paṭhavi-āpo-vāyo-kasiṇavasena attābhiniṇeso na hoti 'ti gaheṭṭabbañ. [153] *Vipulañ okāsan* 'ti khalamaṇḍala-mattādivasena na mahantañ thānañ. Anantavā 'ti vuddha³-anantavā. *Apariyanto* 'ti vuddha³-apariyanto. *Anantasaññī* 'ti ananto 'ti saññī.

49-50. *Tañ jīvan* 'ti so jīvo; līṅgavipallāso kato. Jīvo 'ti ca attā eva. Rūpādīni pañcā 'pi parivatūmatṭhena sarīrañ. *Jivañ na sarīran* 'ti attā-saṅkhāto jīvo rūpa-saṅkhātañ sarīrañ na hoti. Esa nayo vedanādīsu.

[154] 51. *Tathāgato* 'ti satto; arahāna 'ti eke. Parammarāṇā 'ti maraṇato uddhañ; paraloke 'ti attho. *Rūpañ idh' eva maraṇadhamman* 'ti attano pākatakkhandhasīseṇa pañcakkhandhagahaṇaṇ; tañ imasmiṇ yeva loke nassanapakatikan 'ti attho. Sesakkhandhesu 'pi es' eva nayo. *Kāyassa bheda* 'ti khandhapañcaka-saṅkhātassa kāyassa bhedato parañ. Iminā vacanena parammarāṇā 'ti etassa uddessassa attho vutto hoti. *Pi 'ti-ādīsu hoti* 'ti mūlapadañ; catūsu 'pi api-saddo sumuccayattho. *Tiṭṭhatī* ti sassatattā tiṭṭhati; na cavatī 'ti attho. Hoti 'ti padassa vā atthavisesanattañ

¹ SH āloki-; SH v.l. āloka-.² B Obhāsato.³ SH buddha-.

Tiṭṭhatī 'ti padaṇ vuttan 'ti veditabbaṇ. *Uppajjati* 'ti andaḍa-jalābujā-yonippavesavasena uppajjati nāma. *Nibbattati* 'ti saṇsedaja-opapātika-yonippavesavasena nibbattati nāmā 'ti atthayojanā veditabbā.

52. *Ucchijjati* 'ti pabandhābhāvavasena. *Vinassati* 'ti bhaṅgavasena. *Na hoti parammaraṇā* 'ti purimapaḍānaṇ atthavivaraṇaṇ; cutito uddhaṇ na vijjati 'ti attho.

53. *Hoti ca na ca hoti* 'ti ekaccasassatikānaṇ diṭṭhi; ekena pariāyena hoti, ekena pariāyena na¹ hoti 'ti attho. Jivābhāvena hoti, pubbaḍivassa abhāvena na hoti 'ti vuttaṇ hoti.

54. *N' eva hoti, na na hoti* 'ti amarāvikkhepikānaṇ diṭṭhi. Hoti 'ti ca na hoti, na hoti 'ti ca na hoti 'ti attho. Anuvāḍabhayā, musāvāḍabhayā ca, mandattā, momūhattā ca pubbe vuttattha-dvayassa² paṭikkhepamattaṇ karoti. [155] Imehi paññāsāya ākārehi 'ti yathāvuttānaṇ dasannaṇ pañcakānaṇ vasena paññāsāya ākārehi 'ti.

Antaggāhikadiṭṭhi-Vaṇṇanā Niṭṭhitā.

55. Pubbantāparantānudiṭṭhisu: sassataṇ vadantī 'ti sassatavāḍā. Atha vā vadenti etenā 'ti vādo, diṭṭhigatass' etaṇ adhivacanaṇ. Sassatan 'ti vādo 'pi sassatayogena sassato, sassato vādo etesan 'ti *sassatavāḍā*. Tathā ekaccaṇ sassatan 'ti vādo. Ekaccasassato; so etesaṇ atthi 'ti *ekaccasassatikā*. Tathā antavā anantavā, antavā ca anantavā ca, n' eva antavā nā-nantavā 'ti pavatto vādo antānanto, so etesaṇ atthi 'ti *antānantikā*. Na marati 'ti amarā. Kā sa? 'Evaṇ pi me no' 'ti ādinā nayena pariyaṇtarahitassa diṭṭhigatikassa diṭṭhi c' eva vācā ca. Vividho khepo vikkhepo; amarāya diṭṭhiyā, vācāya vā vikkhepo. Amarāvikkhepo; so etesaṇ atthi 'ti *amarāvikkhepikā*. Aparo nayo: amarā nāma

¹ BM omits na.

² SH pubbavuttanayassa.

maccajāti. Sā ummujjana-nimujjanādivasena¹ uduke sandhāvamanā gahetuṇ na sakkā hoti. Evam eva, ayam 'pi vādo ito c' ito ca sandhāvati, gāhaṇ na upagacchatī 'ti amarāvikkhepo 'ti vuccati²; so etesaṇ atthī 'ti amarāvikkhepikā. Adhiccasaṃmuppanno 'ti: akāraṇasaṃmuppanno attā ca loko cā 'ti dassanaṇ adhiccasaṃmuppannaṇ, taṇ etesaṇ atthī 'ti *adhiccasaṃmuppanniko*.

56. Saññiṇ vadantī 'ti *saññīvādā*; asaññiṇ vadantī 'ti *asaññīvādā*; nevasaññiṇ nāsaññiṇ vadantī 'ti *nevasaññīnāsaññīvādā*. Athavā saññī 'ti pavatto vādo saññīvādo; so etesaṇ atthī 'ti te saññīvādā; tatthā asaññīvādā, nevasaññīnāsaññīvādā ca. Uccedaṇ vadantī 'ti *uccedavādā*. Diṭṭhadhammo 'ti paccakkhadhammo; tattha tattha paṭiladdha-attabhāvass' etaṇ adhivacanaṇ. Diṭṭhadhamme nibbānaṇ diṭṭhadhammanibbānaṇ; imasmiṇ yeva² attabhāve dukkhavūpasamo 'ti attho; taṇ vadantī 'ti *diṭṭhadhammanibbānavādā*. Imasmiṇ pan' atthe vitthāriyamāne, sātṭhakathaṇ sakalaṇ Brahmajālasuttaṇ vattabbaṇ hoti. Evañ ca sati atipapañco hoti 'ti na vitthārito. Tadatthikehi taṇ apekkhitvā gahetabbo.

57. Yasmā *saṃyojanikā diṭṭhi* sabbadiṭṭhisādhāraṇā, tasmā tassā sabbadiṭṭhisayaṃyojanattā, sabbadiṭṭhisādhāraṇo attho niddiṭṭho. So heṭṭhāvuttadiṭṭhi-pariyuṭṭhānen' eva veditabbo.²

58. Mānavinibandhadiṭṭhisu: *cakkhuṇ ahan* 'ti *abhinivesaparāmāso* 'ti mānapubbako abhinivesaparāmāso; na hi diṭṭhi mānasampayuttā hoti; ten' eva ca *mānavinibandhā* 'ti vuttaṇ; mānavinibandhamūlakā³ 'ti attho.

[156] 59. *Cakkhuṇ maman* 'ti *abhinivesaparāmāso* 'ti etthāpi es' eva nayo. Ettha pana 'mamā' 'ti vattabbe, 'maman' 'ti anuṇāsikāgamo veditabbo. 'Ahan' 'ti mānavinibandhā-

¹ B uppajjanādivasena.

² SH omits.

³ SH mānapaṭibandhā mānamūlakā.

ya rūpādini 'pi ajjhattikān' eva. Na hi kasiṇarūpaṇ vīṇā bāhirāni ahaṇ 'ti gaṇhāti. 'Mamaṇ' 'ti māṇaviniṇḍāya paṇa bāhirāni 'pi labbhanti, bāhirāni 'pi hi mamaṇ 'ti gaṇhāti. Yaṇmā paṇa dukkhā vedanā aṇiṭṭhattā māṇavattḥu na hoti, taṇmā cha vedanā, tāsaṇ mūlapaccayā cha phassa ca na gaḥitā. Saṇṇādayo paṇa idha paṇicchinattā na gaḥitā 'ti veditabbā.

60. *Attavādaṇaṇaṇyuttā dīṭṭhi attānudiṭṭhi yeva, attā 'ti vādena paṇisaṇyuttattā puṇa evaṇ vuttā.*

[157] 61. *Attā ca loko cā 'ti* so eva attā ca lokiyaṭṭṭheṇa¹ loko cā 'ti attḥo. *Sassato* 'ti sassatavādāṇaṇ dīṭṭhi; *Asassato* 'ti ucchedavādāṇaṇ. *Sassato ca asassato cā* 'ti ekaccasassatikāṇaṇ; *n' eva sassato nāsassato* 'ti amaṇavikkheṇikāṇaṇ; *antavā* 'ti paṇittakasiṇalābhīṇaṇ takkikāṇaṇ² ca niggaṇṭhājīvakāṇaṇ ca. Atha vā ucchedavādīṇo, "satto jāṭiyā puḇbantaṇaṇ maraṇeṇa apaṇantaṇaṇ" 'ti vadaṇti. Adhiccasaṇuppannikā "satto jāṭiyā puḇbantaṇaṇ" 'ti vadaṇti. *Anantavā* 'ti appamāṇakasiṇalābhīṇaṇ. Sassatavādīṇo paṇa "puḇbantaṇaṇapaṇto n' attḥi; teṇa aṇantaṇaṇ" 'ti vadaṇti. Adhiccasaṇuppannikā "apaṇanteṇa aṇantaṇaṇ" 'ti vadaṇti. *Antavā ca aṇantaṇaṇ cā* 'ti uddhaṇ adḥo avaḇḇhitvā tiriyaṇ vaḇḇhitakasiṇāṇaṇ. *N' eva antavā n-aṇantaṇaṇ* 'ti amaṇavikkheṇikāṇaṇ etaṇ.

62. Bhava-vibhavaḇiṭṭhīṇaṇ yaṭḥāvuttadiṭṭḥito viṇuṇ abhinivesābhāṇato, viṇuṇ niddesaṇ akatvā yaṭḥāvuttadiṭṭhīṇaṇ yeva vaṇeṇa oliyaṇaṇ³ atidhāṇaṇ 'ti ekekaṇ ākaraṇ niddisiṇuṇ puccaṇ akatvā 'va⁴ *oliyaṇābhīṇiveṇo bhavaḇiṭṭḥi*; *atidhāṇābhīṇiveṇo vibhavaḇiṭṭḥi* 'ti āha. Tatṭḥa: bhavaṇirodhāya dhaṇṇe desiyaṇāṇe cittaṇ na paḇkḥandaṭi 'ti vuttaṇ. Oliyaṇābhīṇiveṇo sassatasaṇṇāya nibbāṇato saṇkocaṇābhīṇiveṇo 'ti attḥo. Bhavaṇ' eva kho paṇ' eke aṭṭiyaṇāṇaṇ harā-

¹ BM ālokatṭṭheṇa; SH ālokana.

² SH *v.l.* tiṭṭhiyāṇaṇ.

³ SH oli- (throughout).

⁴ SH *omits* 'va; SH *v.l.* ca.

yamāna jigucchamānā vibhavaṇ abhinandantī 'ti vuttaṇ.
Atidhāvanābhiniveso, ucchedasaññāya nirodhagāmini-paṭi-
padātikkamanābhiniveso 'ti attho.

Idāni tāva bhava-vibhavadiṭṭhiyo sabbadiṭṭhisu yojetvā
dassetuṇ *assādaditṭhiyā* 'ti ādim āha. Tattha: yasmā assā-
dadiṭṭhikā sassataṇ vā ucchedaṇ vā nissāya “n' atthi kā-
mesu doso” 'ti gaṇhanti, tasmā pañcattiṇṣākārā 'pi assāda-
diṭṭhiyo *siyā bhavadiṭṭhiyo siyā vibhavadiṭṭhiyo* 'ti vuttā.
Tattha: yasmā ekekā 'pi diṭṭhiyo sassatagāhavasena bhava-
diṭṭhiyo bhaveyyuṇ, ucchedagāhavasena vibhavadiṭṭhiyo
bhaveyyuṇ 'ti attho. *Attānudiṭṭhiyā* rūpaṇ attato samanupassati . . . vedanaṇ . . . saññaṇ . . . saṅkhāre . . . viññā-
ṇaṇ attato samanupassati 'ti pañcasu rūpādito attano ana-
ññattā tesu ca ucchinnesu attā ucchinno 'ti gahanato *pañca*
vibhavadiṭṭhiyo 'ti vuttaṇ. Sesesu pañcadosāsu ṭhānesu
rūpādito attano aññattā tesu ucchinnesu 'pi attā sassato 'ti
gahanato *pañnarasa bhavadiṭṭhiyo* 'ti vuttaṇ.

Micchādiṭṭhiyā sabbā 'va tā¹ vibhavadiṭṭhiyo 'ti uccheda-
vasena pavattattā antavā-nantavādiṭṭhisu parittārammaṇa-
appamāṇārammaṇajjhānalābhino dibbacakkhunā² rūpadhā-
tuyā cavitvā satte aññattha upapanne passitvā, bhava-
diṭṭhiṇ apassitvā vibhavadiṭṭhiṇ gaṇhanti. [158] Tasmā
tattha *siyā bhavadiṭṭhiyo, siyā vibhavadiṭṭhiyo*, 'ti vuttaṇ.
Hoti ca na ca hotī 'ti ettha: Hoti cā 'ti bhavadiṭṭhi; Na ca
hotī 'ti vibhavadiṭṭhi. *N' eva hoti, na na hotī* 'ti ettha:
N' eva hotī 'ti vibhavadiṭṭhi; Na na hotī 'ti bhavadiṭṭhi;
tasmā tattha 'siyā' 'ti vuttaṇ.

Pubbantānudiṭṭhiyā ekaccasassatikā sassatañ ca paññā-
penti, asassatañ ca paññāpenti, tasmā sā bhavadiṭṭhi ca
vibhavadiṭṭhi ca hoti. Cattāro antānantikā antānantaṇ
attānaṇ paññāpenti, tasmā sā attānudiṭṭhisadisā, bhava-
diṭṭhi ca vibhavadiṭṭhi ca. Cattāro amarāvikkhepikā bha-
vadiṭṭhiṇ vā vibhavadiṭṭhiṇ vā nissāya vācāvikkhepaṇ
āpajjanti, avasesā pana *bhavadiṭṭhiyo* 'va; tasmā te te san-

¹ Text sabbāvatā (throughout).

² SH .kā.

dhāya *siyā* 'ti vuttaṇ. *Aparantānudiṭṭhiyā* satta uccheda-vādā *vibhaditṭhiyo*, avasesā *bhavadiṭṭhiyo*, tasmā te te sandhāya *siyā* 'ti vuttaṇ; *Saṇḍojanikadiṭṭhiyā* sabbadiṭṭhināṇ vasena *siyā* 'ti vuttaṇ. *Ahan* 'ti māna-vinibandhāya *diṭṭhiyā* cakkhā-dinaṇ 'ahan' 'ti gahitattā, tesāṇ vināse, attā 'pi vinatṭho hoti¹; tasmā *sabbā* 'va tā *vibhavadiṭṭhiyo* 'ti vuttaṇ. Attā-nudiṭṭhiyā viya *mamaṇ* 'ti mānavinibandhāya *diṭṭhiyā* cakkhā-dito attano aññattā, tesāṇ vināse 'pi attā na vinassatī 'ti *sabbā* 'va tā *bhavadiṭṭhiyo* 'ti vuttaṇ. *Lokavādapatisaṇḍuyuttayā diṭṭhiyā* sassato attā ca loko cā 'ti ādinā nayena vuttatā bhava-vibhavadiṭṭhi pakaṭṭā yeva. Ettāvata assādaditṭhādikā vibhavadiṭṭhipariyosānā soḷasadiṭṭhiyo tīpi sataṇ ca diṭṭhā-bhinivesā nidditṭhā honti. Attānudiṭṭhi ca, sakkāyadiṭṭhi ca, attavādapatisaṇḍuyuttā diṭṭhi ca atthato ekā; pariyaṇena tividhā vuttā. Saṇḍojanikā pana diṭṭhi avatthābhedenā sabbā 'pi diṭṭhiyo honti.

Idāni: sabbā 'va tā diṭṭhiyo assādaditṭhiyo 'ti ādi aññena pariyaṇena yathāyogaṇ diṭṭhisāṇsandana² hoti.³ Tattha: sabbā 'va tā diṭṭhiyo 'ti yathāvuttā anavasesā diṭṭhiyo diṭṭhirāgarattattā taṇhāssādanissitattā ca *assādaditṭhiyo*; attasinehānugatattā *attānudiṭṭhiyo*; viparītadassanattā *micchādiṭṭhiyo*; khandhavatthukattā *sakkāyadiṭṭhiyo*; ekekassa antassa gahitattā *antaggāhikā diṭṭhiyo*. [159] Anattasaṇḍojanikattā *saṇḍojanikā diṭṭhiyo*; attavādena yuttattā *attavādapatisaṇḍuyuttā diṭṭhiyo* 'ti imā satta diṭṭhiyo sabbadiṭṭhisāṇgāhikā. Sesā pana nava diṭṭhiyo na sabbadiṭṭhisāṇgāhikā.

Idāni: vitthārato vuttā sabbā 'va tā diṭṭhiyo dvīsu yeva diṭṭhisu saṅkhipitvā, sattānaṇ diṭṭhidvayanissayaṇ dassento bhavaṇ ca diṭṭhin 'ti gātham* āha. Sabbā 'pi hi tā diṭṭhiyo

* Printed like prose in the Text, p. 159, ll. 2-4, bhavattṭhiyo to 'ti should be read as follows :

Bhavaṇ ca diṭṭhiṇ vibhavaṇ ca diṭṭhiṇ
Etaṇ dvayaṇ takkitā nissitā ye;
Tesaṇ nirodhamhi na h' atthi nīṇaṇ
Yatthāyaṇ loko viparītasaṇḍī.

¹ SH hoti 'ti. ² SH v.l. diṭṭhi tattha saṇḍadanā.

³ SH omits.

bhavadiṭṭhī vā honti, vibhavadiṭṭhī vā. *Bhavañ ca diṭṭhiṃ vibhavañ ca diṭṭhiṃ* 'ti ettha pana ca-saddo diṭṭhim eva samuccinoti, na nissayaṇ; na hi eko bhava-vibhavadiṭṭhi-dvayaṇ nissayati. Yath' āha: "Iti bhāvaditṭhisannissitā vā sattā honti vibhavadiṭṭhisannissitā vā" 'ti. *Takkikā* 'ti takkena vadantī 'ti takkikā; te hi diṭṭhigatikā sabhāvapaṭi-vedhapaññāya abhāvā kevalaṇ takkena vattanti. Ye 'pi ca jhānalābhino abhiññālābhino vā diṭṭhiṇ gaṇhanti, te 'pi takketvā gahaṇato takkikā eva. *Nissitāse*¹ 'ti nissitā 'ti attho; ekam eva padaṇ; Se 'ti nipātamattaṇ vā. *Tesaṇ nirodhamhi n' atthi*² *ñāṇan* 'ti, diṭṭhinissayassa kāraṇava-canam etaṇ. Sakkāyadiṭṭhinirodhe, nibbāṇe yasmā tesaṇ ñāṇaṇ n' atthi tasmā, etaṇ diṭṭhidvayaṇ nissitā 'ti attho. ("Na hi atthi ñāṇan" 'ti ettha hi-kāro kāraṇopadese nipāto.) *Yatthā-yaṇ loko viparītasāññī* 'ti yattha sukhe, nirodhamhi ayaṇ sadevako loko dukkham iti viparītasāññī hoti, tasmiṇ nirodhamhi na h' atthi ñāṇan 'ti sambandho. Dukkham iti viparītasāññītaya idaṇ suttaṇ.*

Rūpā saddā rasā gandhā
Phassā dhammā ca kevalā,
Itṭhā kantā manāpā ca
Yāvat 'atthī' 'ti vuccati;

Sadevakassa lokassa
Ete te sukhasammata;
Yattha c' ete nirujjhanti
Taṇ tesaṇ dukkha-sammataṇ.

Sukhaṇ taṇ diṭṭhi pariyeti
Sakkāyassūparodhanaṇ³;
Paccanīkam idaṇ hoti
Sabbalokena passataṇ.

* Cf. Saṅyutta IV, 127-128.

¹ Text Nissitā ye.

² SH na h' atthi.

³ SH, SM Sukhaṇ taṇ dukkham ariyehi, Sakkā yassūparodhanaṇ.

Yaṇ pare sukhato āhu
 Tad ariyā āhu dukkhato;
 Yaṇ pare dukkhato āhu
 Tad ariyā sukhato 'pi ca.¹

Passa dhammaṇ durājānaṇ
 Sammūl'h' ettha aviddasū;
 Nivutānaṇ tamo hoti
 Andhakāro apassataṇ.

Satañ ca vivaṭaṇ hoti
 Āloko passatām idha;
 Santike na vijānanti
 Magā dhamma-akovidā.²

Bhavarāgaparetehi
 Bhava-sotānusārīhi
 Māradheyyānupannehi
 N-āyaṇ dhammo Susambuddho.

Ko nu aññatra ariyehi
 Padaṇ sambuddham arahati ?
 Yaṇ padaṇ sammad aññāya
 Parinibbanti anāsavā 'ti.

63. Idāni sabbāsaṇ diṭṭhīnaṇ diṭṭhidvayaabhāvaṇ diṭṭhisam-
 ugghātakañ ca sammādiṭṭhiṇ suttato dassetukāmo *Dvīhi*
bhikkhave 'ti suttaṇ āhari. Tattha: *devā* 'ti brahmuno 'pi
 vuccanti. *Oliyaṇṭī* 'ti saṅkucanti. *Atidhāvaṇṭī* 'ti atikka-
 mitvā gacchanti. *Cakkhumanto* 'ti paññāvanto. *Ca-saddo*
atirekattho. *Bhavāramā* 'ti bhavo ārāmo, abhiramaṇaṭṭhā-
 naṇ etesan 'ti bhavāramā. *Bhavaratā* 'ti bhava abhiratā.
Bhavasamudūtā 'ti bhavena santuṭṭhā. *Desiyamāne* 'ti Ta-
 thāgatenā vā Tathāgatasāvakena vā desiyamāne. *Na pa-*
kkhandatī 'ti dhammadesanaṇ vā bhavanirodhaṇ vā na pavi-
 sati. *Na pasīdatī* 'ti tattha pasādaṇ na pāpuṇāti. *Na*

¹ B ariyā āhu sukhato.

² SH, B v.l. dhammassa 'kovidā.

santiṭṭhatī 'ti tattha na patiṭṭhāti. *N-ādhimuccatī* 'ti tattha ghanabhāvaṇ na pāpuṇāti. Ettāvatā sassatadiṭṭhi vuttā.

Attīyamānā 'ti dukkhaṇ pāpuṇamānā. *Harāyamānā* 'ti lajjaṇ pāpuṇamānā. *Jigucchamānā* 'ti jigucchaṇ pāpuṇamānā. *Vibhavaṇ abhinandantī* 'ti ucchedaṇ paṭicca tussanti; ucchedaṇ patthayanti 'ti vā attho. *Kirā* 'ti anussavatthe nipāto. *Bho* 'ti ālapanamattaṇ. *Santan* 'ti nibbutaṇ. *Paṇṇaṇ* 'ti dukkhābhāvato paṇṇaṇ; padhānabhāvaṇ nītan¹ 'ti vā paṇṇaṇ. *Yāthāvaṇ* 'ti yathāsabhāvaṇ. Ettāvatā ucchedadiṭṭhi vuttā.

Idhā 'ti imasmiṇ sāsane. *Bhūtan* 'ti hetuto sañjātaṇ khandhapañcaka-saṅkhātaṇ dukkhaṇ.² *Bhūtato passatī* 'ti idaṇ bhūtaṇ dukkhaṇ 'ti passati. *Nibbidāyā* 'ti vipassana-tthāya. *Virāgāyā* 'ti ariyamaggatthāya. *Nirodhāyā* 'ti nibbānatthāya. *Paṭipanno hotī* 'ti, tadanurūpaṇ paṭipadaṇ paṭipanno hoti. *Evaṇ . . . passantī* 'ti iminā pakārena pubbabhāge lokiyañāṇena, paṭivedhakāle lokuttarañāṇena passanti. Ettāvatā sammādiṭṭhi vuttā.

Idāni dvīhi gathāhi tassā sammādiṭṭhiyā ānisaṇsaṇ sandasseti.³ Tattha: *Yo bhūtaṇ bhūtato disvā* 'ti dukkhaṇ pariññābhisamayena abhisametvā 'ti attho. *Bhūtassa ca atikkaman* 'ti nirodhaṇ sacchikiriyābhisamayena abhisametvā 'ti attho. *Yathābhūte 'dhimuccatī* 'ti maggabhāvanābhisamayavasena yathāsabhāve nirodhe, "Etaṇ santaṇ, etaṇ paṇṇaṇ" 'ti adhimuccati. *Bhavataṇhā-parikkhayā* 'ti samudayassa pahāṇenā 'ti attho. Asati 'pi c' ettha saccānaṇ nanābhisamayatte disvā 'ti pubbakālikavacanaṇ saddhiṇ pubbabhāga.⁴ paṭipadāya vohāravasena vuttan 'ti veditabbaṇ. Na hi pubbaṇ passitvā pacchā adhimuccati; catusaccābhisamayō samānakālam⁵ eva hoti. Samānakāle 'pi vā pubbakālikāni padāni bhavanti 'ti na doso.

¹ SH -bhāvanītan.

² SH -saṅkhātadukkhaṇ.

³ B dasseti.

⁴ SH -bhāge.

⁵ SH -samayasamāna-.

Sa ve 'ti ekaṇṣena so arahaṇ. *Bhūtapariññāto*¹ 'ti dukkhaṇ pariññātaṇvā. *Vītaṇho* 'ti vīgatataṇho. *Bhavābhavē* 'ti khuddake ca mahante ca bhavē. Vuddhi-atthe 'pi hi akārassa sambhavato abhavo 'ti mahābhavo; so pana khuddaka-mahantabhāvo upādāyūpādāya veditabbo. (Attha-vā: Bhavē 'ti sassate; abhavē 'ti ucchede; tadubhaye 'pi diṭṭhirāgābhāvena vītaṇho.) *Bhūtaṇ vibhavā* 'ti vaṭṭa-dukkhassa samuccheda. *N-āgacchati punabbhavan* 'ti arahato parinibbāṇaṇ vuttaṇ.

[160] 64. *Tayo puggalā* 'ti ādi micchādiṭṭhi²-garahaṇatthaṇ sammādiṭṭhi²-pasaṇsanatthaṇ ca vuttaṇ. Tattha virūpabhāvaṇ pannā gatā diṭṭhi etesaṇ 'ti *vipannadiṭṭhi*. Sundarabhāvaṇ pannā gatā diṭṭhi etesaṇ 'ti *sampannadiṭṭhi*. *Tiṭṭhiyo* 'ti: tiṭṭhaṇ vuccati diṭṭhi; taṇ paṭipannattā tiṭṭhe sādhu; tiṭṭhaṇ yassa atthi 'ti vā tiṭṭhiyo. Ito bahiddhā pabbajjūpagato. *Tiṭṭhiyasāvako* 'ti tesāṇ diṭṭhānugatim āpanno gahaṭṭho. *Yo ca micchādiṭṭhiko* 'ti tadubhaya-bhāvaṇ anupagantvā yāya kāyaci diṭṭhiyā micchādiṭṭhiko. *Tathāgato* 'ti sammāsambuddho; paccēkabuddho 'pi etth' eva saṅgahito. *Tathāgatasāvako* 'ti maggappatto, phala-patto ca. *Yo ca sammādiṭṭhiko* 'ti tadubhayavinimutto lokiyasammādiṭṭhiyā sammādiṭṭhiko.

Gāthāsu: *Kodhano* 'ti yo abhinhaṇ kujjhati so; *upanāhī* 'ti tam eva kodhaṇ vaddhetvā upanandhanasīlo. *Pāpamakkhī* 'ti lāmakabhūtamakkhavā. *Māyāvī* 'ti katapāpapaṭicchādanavā. *Vasalo* 'ti hīnājacco. *Visuddho* 'ti ñānadassanavisuddhiyā vissuddho. *Suddhataṇ gato* 'ti maggaphala-saṅkhātaṇ suddhabhāvaṇ gato. *Medhāvī* 'ti paññavā. Imāya gāthāya lokuttarasammādiṭṭhisampanno eva thomito.

65. *Vipannadiṭṭhiyo, sampannadiṭṭhiyo* 'ti puggalavohāraṇ pahāya dhammam eva garahanto thomento ca āha. *Etaṇ maman* 'ti taṇhāmaññanavasena diṭṭhi. *Eso 'ham asmī* 'ti

¹ B, SM Bhūtaṇ pariññā so; *Text* Bhūtaṇ pariññā.

² SH -diṭṭhika..

mānamaññaṇamūlikā diṭṭhi. *Eso me attā 'ti diṭṭhimañña-*
nam eva.

66. *Etaṇ maman 'ti kā diṭṭhī ? 'ti ādihi* tissannaṇ vipanna-diṭṭhinaṇ vibhāgaṇ ca, gaṇanañ¹ ca, kālasaṅgahaṇ ca pucchitvā vissajjanaṇ kataṇ. Tattha: *Kā diṭṭhī ? 'ti anekāsu diṭṭhisu katamā diṭṭhi ? 'ti attho. Katamantānuggahitā 'ti* pubbantāparanta-saṅkhātakāladvaye katamena kālena anuggahitā; anubaddhā² 'ti attho. *Yasmā etaṇ maman 'ti parā-*
masanto, "etaṇ mama ahosi, evaṇ mama ahosi, ettakaṇ
mama ahosī" 'ti atītaṇ vatthuṇ apadisitvā parāmasati,
tasmā pubbantānudiṭṭhi hoti, pubbantānuggahitā ca tā diṭṭhiyo
honti.

Yasmā eso 'ham asmī 'ti parāmasanto, "Iminā 'haṇ sīlena
vā vatena vā tapena vā brahmacariyena vā eso 'haṇ³ visu-
jjhissāmī," 'ti anāgataṇ phalaṇ upādāya parāmasati; tasmā
aparantānudiṭṭhi hoti, aparantānuggahitā ca tā diṭṭhiyo honti.

[161] *Yasmā eso me attā 'ti parāmasanto atītānāgataṇ*
upādinnasantatiṇ upādāya "Eso me attā" 'ti parāmasti,
sakkāyadiṭṭhivasena ca parāmasati; tasmā sakkāyadiṭṭhi
hoti, pubbantāparantanuggahitā ca tā diṭṭhiyo honti. *Yasmā*
pana sakkāyadiṭṭhipamukhā yeva dvāsaṭṭhidiṭṭhiyo honti;
sakkāyadiṭṭhisamugghātena ca dvāsaṭṭhidiṭṭhiyo samuggha-
taṇ gacchanti, tasmā sakkāyadiṭṭhipamukhena dvāsaṭṭhi diṭṭhi-
gatānī 'ti vuttaṇ. Sakkāyadiṭṭhipamukhena sakkāyadiṭṭhi-
dvārena dvāsaṭṭhidiṭṭhigatānī hontī 'ti attho. (Sakkāya-
diṭṭhipamukhānī 'ti pāṭho sundarataro. Sakkāyadiṭṭhi pa-*
mukhā ādikā etesan 'ti sakkāyadiṭṭhipamukhānī. Kāni
tānī ? Dvāsaṭṭhi diṭṭhigatānī.)

Kā diṭṭhī 'ti pucchāya vīsativatthukā attānudiṭṭhi vīsati-
vatthukā sakkāyadiṭṭhi 'ti visajjanaṇ kataṇ. Kati diṭṭhiyo 'ti

* *As in the Text.*

¹ B bhavañ ca gamanañ.

² B -bandhā.

³ SH v.l. eso 'ham asmi; SH eso 'smi.

pucchāya sakkāyaditthipamukhāni dvāsaṭṭhiditthagatāni 'ti vissajjanaṇ. Sā yeva pana sakkāyaditthi, Eso me attā 'ti vacanasāmaññaena attānuditthi 'ti vutta. Tassā vuttāya attavādapatisanyuttā ditthi 'ti 'pi vuttā eva hoti.

68.* *Ye keci bhikkhave* 'ti ādi suttāharaṇaṇ sampanna-ditthipuggala-sambandhena sampannaditthipuggala-visesa¹-dassanattaṇaṇ kataṇ. Tattha *niṭṭhaṇ gatā* 'ti maggañānavasena, sammāsambuddho Bhagavā 'ti nicchayaṇ gatā, nibbematikā 'ti attho. (Niṭṭhāgatā 'ti paṭho samāsapadaṇ hoti; attho pana so yeva.)

Ditthisampannā 'ti ditthiyā sundarabhāvaṇ gatā. *Idha niṭṭhā* 'ti imissā kāmādhātuyā parinibbāṇaṇ. *Idha viḥāya niṭṭhā* 'ti imaṇ kāmabhavaṇ vijahitvā suddhāvāsabrahmaloke parinibbāṇaṇ. Sattakkhattuṇ paramā sattavāraparamā bhavūpapatti attabhāvagahaṇaṇ assa, tato paraṇ aṭṭhamaṇ bhavaṇ nādiyati 'ti sattakkhattuparamo, tassa *sattakkhattuparamassa* sotāpannassa. *Kolaṅkolassā* 'ti kulato kulaṇ gacchatī 'ti kolaṅkolo. Sotāpattiphalasacchikiriyato hi paṭṭhāya nice kule upapatti² nāma n' atthi; mahābhogakulesu yeva nibbattatī 'ti attho; tassa kolaṅkolassa sotāpannassa. *Ekabījassā* 'ti khandhabijaṇ nāma kathitaṇ. Yassa hi sotāpannassa ekaṇ yeva khandhabijaṇ atthi, ekaṇ attabhāvagahaṇaṇ, so ekabījī nāma, tassa ekabījissa sotāpannassa. Bhagavatā gahitanāmasasena c' etāni³ etesaṇ nāmāni. Ettakaṇ hi ṭhānaṇ gato sattakkhattuparamo nāma hoti, ettakaṇ kolaṅkolo, ettakaṇ ekabījī 'ti Bhagavatā etesaṇ nāmaṇ gahitaṇ. Bhagavā hi ayaṇ ettakaṇ ṭhānaṇ na⁴ gamissati; ayaṇ ettakaṇ ṭhānaṇ gamissatī 'ti ñatvā tesāṇ tesāṇ⁴ tāni tāni nāmāni aggahesi. Mudupañño hi sotāpanno sattabhave nibbattento sattakkhattuparamo nāma. Majjhimapañño paraṇ chaṭṭhaṇ bhavaṇ nibbattento kolaṅkolo

* Text omits figure 67 through oversight.

¹ SH -vibhāga-.

² SH -vasen' eva tāni.

³ SH uppatti.

⁴ SH, SM omit na.

nāma. Tikkhapañño ekaṃ bhavaṃ nibbattento ekabījī nāma. Taṃ paṇ' etaṃ tesaṃ tesaṃ¹ mudumajjhimatikkhapaññataṃ pubbaḥetu niyāmeti. Ime tayo 'pi sotāpannā kāmabhava-vasena vuttā; rūpārūpabhava pana bahukā 'pi paṭisandhiyo gaṇhanti. *Sakadāgāmissā* 'ti paṭisandhivasena sakiṃ kāmabhavaṃ āgacchatī 'ti sakadāgāmī; tassa sakadāgāmissa. *Diṭṭhe 'va dhamme arahā* 'ti imasmiṃ yeva attabhāve arahā. (Arahan 'ti 'pi pāṭho.) *Idha nitthā* 'ti kāmabhavaṃ saṃsaraṇte yeva sandhāya vuttaṃ; rūpārūpabhava uppannā pana ariyā kāmabhava na uppajanti, tatth' eva parinibbāyanti.

Antarāparinibbāyissā 'ti āyuvemajjhassa antarā yeva kilesaparinibbāṇena parinibbāyanato² antarāparinibbāyī. So pana uppannasamanantarāparinibbāyī; āyuvemajjhaṃ appatvā parinibbāyī, āyuvemajjhaṃ patvā parinibbāyī 'ti tividho hoti. Tassa antarāparinibbāyissa anāgāmino; *upahaccaparinibbāyissā* 'ti āyuvemajjhaṃ atikkamitvā vā, kālakiriyaṃ upagantvā vā, kilesaparinibbāṇena parinibbāyantassa anāgāmino. *Asaṅkhāraparinibbāyissā* 'ti asaṅkhārena appayogena adhimattappayaṃ akatvā 'va kilesaparinibbāṇena parinibbāyanadhammassa anāgāmino. *Sasaṅkhāraparinibbāyissā* 'ti sasaṅkhārena dukkhena kasirena adhimattayaṃ³ katvā 'va kilesaparinibbāṇena parinibbāyanadhammassa anāgāmino.

Uddhaṃsotassa akaniṭṭhagāmino 'ti uddhaṃ vāhībhāvena uddhamassa taṇhāsotaṃ vaṭṭasotaṃ vā 'ti uddhaṃsoto; uddhaṃ vā gantvā paṭilabhitabbato uddhamassa maggasotaṃ 'ti uddhaṃsoto; akaniṭṭhaṃ gacchatī 'ti akaniṭṭhagāmī, tassa uddhaṃsotassa akaniṭṭhagāmino anāgāmissa. Ayam pana anāgāmī catuppabhedo hoti:¹ yo hi¹ avihato paṭṭhāya cattaro brahmaloce sodhetvā akaniṭṭhaṃ gantvā parinibbāyati, ayaṃ uddhaṃsoto akaniṭṭhagāmī nāma. Yo heṭṭhā tayo brahmaloce sodhetvā sudassībrahmaloce tathā vā parinibbāyati, ayaṃ uddhaṃsoto na akaniṭṭhagāmī nāma. Yo ito akaniṭṭham eva gantvā parinibbāyati, ayaṃ na uddhaṃsoto akaniṭṭhagāmī nāma. Yo heṭṭhā catūsu brahmalokesu

¹ SH omits.² B -yanto.³ SH -ppayaṃ.

tattha tatth' eva parinibbāyati ayaṇ na uddhaṇsoto na akaniṭṭhagāmī nāmā 'ti. Ime pañca anāgāmino suddhāvāsaṇ gahetvā vuttā. Anāgāmino pana rūparāg-ārūparāgānaṇ appahīnattā ākaṅkhamānā sesarūp-ārūpabhavesū 'pi nibbattanti. Suddhāvāse nibbattā pana aññattha na nibbattanti.

69. *Aveccappasannā* 'ti ariyamaggavasena jānitvā bujjhitvā acalappasādena pasannā. *Sotāpannā* 'ti ariyamaggasotaṇ āpannā; iminā sabbe 'pi ariyaphalaṭṭhā puggalā saṅga-hitā¹ 'ti.

Saddhammappakāsiniyā Paṭisambhidāmaggaṭṭhakathāya.
Diṭṭhikathā-Vaṇṇanā Niṭṭhitā.

¹ SH gahitā.

[ĀNĀPĀNASSATIKATHĀ-VAṆṆANĀ.]

[162] 1. Idāni diṭṭhikathānantaraṇ kathitāya Ānāpānassa-tikathāya apubbatthānuvaṇṇanā anuppattā. Ayaṇ hi Ānāpānassatikathā; Diṭṭhikathāya suvidita-diṭṭhādīnavassa, mi-cehādiṭṭhimala-visodhanena suvisuddhacittassa yathābhūtā-vabodhāya samādhībhāvanā sukarā hoti, sabbasamādhībhāvanāsu ca sabbasabbaññū-bodhisattānaṇ bodhimūle iminā 'va samādhinā samāhitacittānaṇ yathābhūtāvabodhato ayam eva samādhībhāvanā padhānā 'ti ca; Diṭṭhikathānantaraṇ kathitā. Tattha: *soḷasavattukaṇ ānāpānasatisamādhīṇ bhāvaṇato samādhikāni dve ñānasatāni uppajjanti* 'ti ñāṇagaṇaṇaniddeso¹; *aṭṭha pariṇānthe ñāṇāni* 'ti ādi ñāṇagaṇaṇaniddeso. *Katamāni aṭṭha pariṇānthe ñāṇāni* 'ti ādīni *imāni ekavīsati vimuttisukhe ñāṇāni* 'ti pariṇānthe sabbāñāṇaṇ viṭṭhāraṇaniddeso; ante *soḷasavattukaṇ ānāpānasatisamādhīṇ bhāvaṇato* 'ti ādi nigamaṇaṇ 'ti evaṇ tāva pālīva-vatṭhānaṇ veditabbaṇ.

Tattha gaṇanuddese gaṇanavāre tāva Soḷasavattukan 'ti dīgha-rassa-sabbakāyapaṭisaṇvedī-passambhayaṇ-kāyasaṇkhāraṇ² 'ti kāyānupassanācatukkaṇ. Pīṭipatiṇṇasāyaṇvedī-sukha-paṭisaṇvedī-cittasaṇkhārapaṭisaṇvedī-passambhayaṇ-cittasaṇkhāraṇ 'ti vedanānupassanācatukkaṇ. Cittapaṭisaṇvedī, abhippamodayaṇ cittaṇ, samādahaṇ cittaṇ,³ vimocayaṇ cittaṇ 'ti cittaṇanupassanācatukkaṇ. Aniccānupassī, virāgānupassī, nirodhānupassī, paṭiṇisaggānupassī 'ti dhammānupassanācatukkaṇ 'ti imesaṇ catunnaṇ catukkānaṇ vasena soḷasa vatthūni paṭiṭṭhā ārammaṇāni assā 'ti Soḷasavattuko; taṇ soḷasavattukaṇ; samāsavasena paṇ' ettha vibhattilopo kato. *Ānaṇ* 'ti abbhantaṇ pavisaṇavāto. *Apānaṇ* 'ti bahinikkhamanaṇavāto. Keci pana vipariyāyena vadanti.

¹ SH -gaṇanuddeso.

² SH uses separate words.

³ B reads passambhayaṇ.

Apānaṇ hi apetaṇ ānato 'ti Apānan' ti vuccati.¹ Niddese 'pana pakārass' eva dīghattam ajjhupekkhitvā, apanan 'ti^b vuttaṇ. Tasmiṇ ānāpāne sati, Ānāpānasati; assāsapassāsa-pariggāhikāya satiyā etaṇ adhivacanaṇ. Anāpānasatiyā yutto samādhi, ānāpānasatiyaṇ vā samādhi Anāpānassati-samādhi. Taṇ bhāvayaṇto 'ti nibbedhabhāgiyaṇ bhāventassa. Samādhikānī² 'ti saha adhikena vattanti 'ti samādhikānī,² sātirekānī 'ti attho. Ma-kāro pan' ettha padasandhikāro. (Keci pana saṇ-adhikānī 'ti vadanti. Evaṇ sati dve nāṇa-satānī yeva adhikānī cā 'ti āpajjati. Taṇ na yujjati. Imānī hi visati-adhikānī dve nāṇasatānī hontī 'ti.)

Paripanthē³ nāṇānī 'ti paripanthaṇ⁴ ārammaṇaṇ katvā pavattañāṇānī. Tathā upakāre . . . upakkilese nāṇānī. Vodāne nāṇānī 'ti vodāyati tena cittaṇ parisuddhaṇ hoti 'ti vodānaṇ. Kiṇ taṇ ? nāṇaṇ. Vodānañāṇānī 'ti vattabbe, 'sutamaye nāṇan' 'ti ādisu viya "Vodāne nāṇānī" 'ti vuttaṇ. Sato sampajāno hutvā karoti 'ti satokārī; tassa satokārissa⁵ nāṇānī. Nibbidāñāṇānī 'ti nibbidābhūtānī nāṇānī. Nibbidānulomañāṇānī 'ti nibbidāya anukūlānī nāṇānī. (Nibbidānulomi-ñāṇānī 'ti pi pātho. Nibbidānulomo etesaṇ atthī 'ti nibbidānulomī 'ti attho.) Nibbidāpatippassaddhi-ñāṇānī 'ti nibbidāya patippassaddhiyaṇ nāṇānī. Vimuttisukhe nāṇānī 'ti vimuttisukhena sampayuttānī nāṇānī.

Gaṇanavāra-Vaṇṇanā Niṭṭhitā.

2. Katamānī atṭhā 'ti ādīhi paripantha⁶-upakārānaṇ paṭi-pakkhaviikkhepa⁷-yugalattā tesu nāṇānī sah' eva nidiṭṭhānī. Kāmacchanda-nekkhamādīnī heṭṭhā vuttatṭhānī. Upakāran' ti ca līṅgavipallāsavasena napuṇsakavacanaṇ kataṇ. Sabbe hi akusalā dhammā 'ti vuttāvasesā ye keci akusalā dhammā;

¹ SH vuccanti.

^{a to b} SH pan' assa nākārassa dīghattaṇ . . . ānan 'ti.

² SH sama-.

³ SH v.l. Paribandhe.

⁴ SH v.l. paribandhaṇ.

⁵ Text satokārīsu.

⁶ SH v.l. -bandha.

⁷ SH, SM -vipakkha-.

tathā sabbe 'pi nibbedhabhāgiyā *kusalā dhammā*. Paripantho upakāraṇ 'ti ca taṇ tad eva apekkhitvā ekavacanaṇ katan. Ettha ca *paripantho nāṇāni ca upakāre nāṇāni ca* pucchitvā tesaṇ ārammaṇāṇ' eva vissajjetvā, teh' eva tāni vissajjitāni honti 'ti tadārammaṇāni nāṇāni¹ nigametvā dassesi. *Upakkilese nāṇādāsu* 'pi es' eva nayo. *Soḷasahi ākārehi* 'ti ubhayapakkhavasena² vutthehi soḷasahi nāṇakoṭṭhāsehi. *Uduṭaṇ cittaṇ³ samuducittaṇ⁴* 'ti upacārabhūmiyaṇ cittaṇ uddhaṇ citaṇ, sammā uddhaṇ citaṇ; uparūparikataparicayaṇ sammā uparūparikataparicayaṇ 'ti attho. (Udujitaṇ cittaṇ samudujitaṇ 'ti 'pi pātho. Uparibhāvāya jitaṇ uparibhāvakarehi vā nāṇehi jitaṇ udujitaṇ. Samudujitaṇ 'ti sammā uparibhāvāya uparibhāvakarehi vā nāṇehi jitaṇ. Sammā 'ti c' ettha visamabhāvapaṭikkhepo. Imasmiṇ pāthe u, dū, 'ti dve dve upasaggā honti. Udājitaṇ cittaṇ samudājitaṇ 'ti 'pi pātho. Etthā-pi jitattho yeva. Udā 'ti idaṇ pana nipātamattam evā 'ti vadanti. Viṇopamaṭṭhakathāya tājitaṇ sutājitaṇ 'ti ca attho vutto; so idha na yujjati.) *Ekatte santitṭhātī* 'ti upacārabhūmiyaṇ tāva nānārammaṇavikkhepābhāvena ekatte patitṭhātī.

[163] 3-4. *Niyyānāvarenaṭṭhena nīvaraṇā⁵* 'ti ettha arati⁶ pi sabbe pi akusalā⁷ āvaraṇaṭṭhena nīvaraṇaṭṭhena⁸ nīvaraṇā 'ti vuttā. *Niyyānāvarenaṭṭhena* 'ti niyyāṇānaṇ āgamana-magga-pidhanaṭṭhena. (*Niyyānāvarenaṭṭhena* 'ti 'pi pātho, *niyyānapaṭipakkhaṭṭhena⁹* 'ti attho.) *Nekkhammaṇ ariyānaṇ niyyāna-saṅkhātassa ariyamaggassa hetuttā phalūpacārena ariyānaṇ niyyānaṇ. Tena ca* hetubhūtena maggakkhaṇe *ariyā niyyanti* nigga-cchanti. Keci pana niyyānaṇ 'ti maggo 'ti vadanti. Idha upacārassa adhippetattā maggakkhaṇe ca ālokasaññāya sabba-

¹ SH omits.² SH, SM nāṇapakkhā-.³ Text Uddhataṇ cittaṇ; SH, SM Udu citaṇ.⁴ SH, SM -citan.⁵ B Nīvaraṇaṭṭhena nīvaraṇāni.⁶ B āyatim.⁷ B adds dhammā.⁸ Not in SH, SM.⁹ SN, SM niyyāṇānaṇ paṭikkhepanaṭṭhena.

kusaladhammānañ ca abhāvā taṇ na yujjati. *Nivutattā* 'ti paṭicchannattā. *Na pajānātī* 'ti puggalavasena vuttaṇ.

Solasañña-Niddesa-Vaṇṇanā Niṭṭhitā.

Visuddhacittassā 'ti upacārabhūmiyaṇ yeva. [164] *Khaṇi-kasamodhānā* 'ti cittakkhaṇe cittakkhaṇe¹ uppajjanato khaṇo etesaṇ atthī 'ti khaṇikā upakkilesā; khaṇikānaṇ samodhāno samāgamo sambandho khaṇikasamodhāno; tasmā khaṇika-samodhānā. Uppajjamānā upakkilesā khaṇikappabandha-vasena, khaṇikaparamparāvasena uppajjanti, na ekacitta-kkhaṇavasenā 'ti vuttaṇ hoti.

5. Paṭhamacchakke *assāsādimajjhapariyosānan* 'ti abbhan-tarapavisanaṇvātassa nāsikaggaṇ vā mukhanimittaṇ vā ādi, hadayaṇ majjhaṇ, nābhi pariyosānaṇ. Taṇ tassa² ādimaj-jhapariyosānaṇ. *Satiyā anugacchato* yogissa ṭhānanānattā-nugamanena cittaṇ ajjhattaṇ vikkhepaṇ gacchati, taṇ *ajjhat-tavikkhepagataṇ cittaṇ* ekatte³ asaṇṭhahanato *samādhissa paripantho*. *Passāsādimajjhapariyosānan* 'ti bahinikkhama-ṇavātassa nābhi ādi, hadayaṇ majjhaṇ; nāsikaggaṇ vā, mukhanimittaṇ vā, bahi-ākāso vā pariyosānaṇ. Yojanā pan' ettha vuttanayen' eva veditabbā. *Assāsapaṭikaṇkhanā nikanti taṇhācariyā* 'ti nāsikāvātāyattam idaṇ kammaṭṭhānan 'ti sallakkhetvā oḷārikoloḷārikassa assāsassa patthanā-saṅkhātā nikāmanā eva taṇhāpavatti. Taṇhāpavattiyā sati ekatte³ asaṇṭhahanato *samādhissa paripantho*. *Passāsapaṭikaṇkhanā nikanti* 'ti puna assāsapubbakassa passāsassa patthanā-saṅkhātā nikanti. Sesaṇ vuttanayen' eva yojetabbaṇ. *Assā-senābhūtinassā* 'ti atidighaṇ, atirassaṇ vā assāsaṇ karontassa assāsamūlakassa kāyacittakilamatthassa sabbhāvato,⁴ tena assāsena viddhassa pīlitassa. *Passāsapaṭilābhe mucchanā* 'ti assāsena pīlitattā yeva passāse assādasāññino passāsaṇ patthayato, tasmiṇ passāsapaṭilābhe rajjanā. *Passāsa-mū-lake* 'pi es' eva nayo.

¹ SM does not repeat.

² SH v.l. ekagge.

³ SM antassa.

⁴ SM sambhāvato.

Vuttass' eva atthassa anuvannaṇatthaṇ vuttesu gāthā-bandhesu: anugacchati 'ti *anugacchamānā*. *Satī* 'ti ajjhata-bahiddhā vikkhepahetubhūtā sati. Vikkhipati anena cittan 'ti vikkhepo. Ko so? Assāso. So ajjhattaṇ vikkhepo ajjhattavikkhepo. Tassa ākaṅkhanā *ajjhattavikkhepākaṅkhanā*.^{*} Asammāmanasikāravasena ajjhattavikkhepakassa assāsassa ākaṅkhanā 'ti vuttaṇ hoti. Eten' eva nayena *bahiddhā vikkhepapatthanā* veditabbā. *Yehī* 'ti yehi upakilesehi. *Vikkhepamānassā* 'ti vikkhepiyamānassa,¹ vikkhepaṇ āpādiyamānassa. *No ca cittaṇ vimuccatī* 'ti cittaṇ assāsārammaṇe ca nādhimuccati, paccanīkadhammehi ca na vimuccati. "Cittaṇ no ca vimuccati parapattiyā ca hontī" 'ti sambandho. *Vimokkhaṇ appajānantā* 'ti so vā añño vā ārammaṇavimuttivimokkhaṇ ca vipaccanīkavimuttivimokkhaṇ² ca evaṇ appajānantā. *Parapattiyā* 'ti parapaccayaṇ,³ parasaddahaṇaṇ⁴ arahanti, na attappaccakkaṇ ṇāṇan 'ti. "Parappaccayikā" 'ti vattabbe parapattiyā 'ti vuttaṇ. Attho pana so yeva.

6. Dutiyacchakke, *nimittan* 'ti assāsapassāsānaṇ phussanattāhānaṇ. Assāsapassāsā hi dighanāsikassa nāsaputaṇ ghaṭṭento pavattanti, rassanāsikassa uttarotthaṇ. Yadi hi ayaṇ yogī taṇ nimittam eva āvajjati; tassa nimittam eva āvajjamānassa *assāse cittaṇ vikampati*, na patitṭhāti 'ti attho. Tassa tasmiṇ citte appatitṭhite samādhissa abhāvato taṇ vikampanaṇ *samādhissa paripantho*. Yadi *assāsam* eva āvajjati tassa *cittaṇ* abbhantarapavesanavasena vikkhepaṇ āvahati, nimitte na patitṭhāti; tasmā *nimitte vikampati*. Iminā nayena sesesu 'pi yojanā katabbā.

[165] Gāthāsu: *vikkhipate*⁵ 'ti vikkhepiyati vikkhepaṇ āpādiyati.

* So correct in the Text.

¹ SH, SM vikkhipiya-.

² SH paccanika-.

³ B apappaccayaṇ.

⁴ SH v.l. parasaddagahaṇaṇ.

⁵ SH, SM -ppate.

7. Tatiyacchakke *atītānudhāvanā cittaṃ* 'ti phusanatthānaṃ atikkamitvā gataṃ, assāsaṃ vā passāsaṃ vā anugacchamānaṃ cittaṃ. *Vikkhepānupatitaṃ* 'ti vikkhepena anugataṃ, vikkhepaṃ vā sayāṃ anupatitaṃ anugataṃ. *Anāgatapaṭi-kāṅkhaṇaṃ cittaṃ* 'ti phusanatthānaṃ appattaṃ assāsaṃ vā passāsaṃ vā paṭikankhamānaṃ paccāsīṇsamānaṃ cittaṃ. *Vikkhepitaṃ*¹ 'ti tasmiṃ appatitthānen' eva vikkhepena vikampitaṃ. *Līnaṃ* 'ti atisithilaviriyādīhi saṅkucitaṃ. *Kosajjānupatitaṃ* 'ti kusitabhāvānugataṃ. *Atipaggahitaṃ* 'ti accā-raddhaviriyatādī hi ati-ussāhitaṃ.² *Uddhaccānupatitaṃ* 'ti vikkhepānugataṃ. *Abhinātaṃ* 'ti assāsavatthūsu bhusaṃ nataṃ allīnaṃ. Apanātaṃ 'ti nirassādāvatthūsu patihataṃ, tato apagataṃ vā apagatanataṃ va. Na tato apagataṃ 'ti attho. *Rāgānupatitaṃ* 'ti ettha assāsapassāsanimittaṃ³ manasikaroto uppannapīṭisukhe vā, pubbe hasita-lapita-kīḷitavatthūsu vā rāgo anupatati. *Byāpādānupatitaṃ* 'ti ettha manasikāre nirassāda-gatacittassa uppannadomanassavasena vā, pubbe samudāciñṇesu āghātavatthūsu vā, byāpādo anupatati.

Gāthāsu: *na samādhīyatī* 'ti na samāhitaṃ hoti. *Adhi-cittaṃ* 'ti cittasīseṇa niddittho adhiko samādhi.

8. Ettāvatā tīhi chakkehi atthārasa upakkilese niddisitvā, idāni tesāṃ upakkilesānaṃ samādhissa paripanthabhāvasā-dhanena ādīnavaṃ dassento puna *assāsādimajjhāpariyosānaṃ* 'ti ādim āha. Tattha: *Kāyo pi cittaṃ 'pi sāraddhā ca*⁴ *hontī* 'ti vikkhepasamuṭṭhānarūpānaṃ vasena rūpakāyo 'pi vikkhepasantativasena cittaṃ 'pi mahatā khobhena khubhitā sadārathā ca⁴ hontī. Tato mandatarena *iñjūtā* kampitā; tato mandatarena *phanditā* calitā hontī. Balavā⁵ 'pi,⁴ majjhimo 'pi, mando 'pi khobho hoti yeva, na sakkā khobhena na bhāvitun 'ti vuttaṃ hoti. [166] *Cittaṃ vikampitattā* 'ti cittassa vikampitattā.

¹ *Text* Vikkhambhitaṃ; SH vikampitaṃ.

² SH ussāpitaṃ.

⁴ B, SM *omit*.

³ B -passāsāni.

⁵ SM Phalavā.

Gāthāsu: *paripunnā*¹ *abhāvitā* 'ti yathā paripunnā hoti tathā abhāvitā. *Iñjito* 'ti kampito. *Phandito* 'ti manda-kampito. Heṭṭhā nīvaraṇānaṃ anantarattā, *imehi ca pana nīvaraṇehi** 'ti accantasamīpanidassanavacanaṃ kataṃ. Idha pana nigamane nīvaraṇānaṃ santarattā, *tehi ca pana nīvaraṇehi* 'ti parammukha-nidassanavacanaṃ kataṃ.

Upakkilesañña-Niddesa-Vannaṇā Niṭṭhitā.

9. *Vodāne nāṇānī* 'ti visuddhañāṇāni. *Taṃ vivajjayitvā* 'ti yaṃ pubbe vuttaṃ atitānuddhāvanaṃ cittaṃ vikkhepānupatitaṃ taṃ vivajjayitvā 'ti sambandhitabbaṃ. *Ekaṭṭhāne samāda-hatī* 'ti assāsapassāsānaṃ phusanatṭhāne samaṃ ādahati patiṭṭhāpeti. [167] *Tatth' eva adhimocetī* 'ti ekaṭṭhāne 'ti vutte assāsapassāsānaṃ phusanatṭhāne yeva sannitṭhāpeti sannitṭhānaṃ karoti. *Pagganhitvā* 'ti dhammavicaya-pī-tisambojjhaṅgabhāvanāya paggaheṭvā. *Vinigganhitvā* 'ti passaddhi-samādhi-upekkhāsambojjhaṅgabhāvanāya vini-gganhitvā; satindriya-viriyindriyehi paggaheṭvā; satindriya-samādhindriyehi viniggahetvā 'ti pi vadanti. *Sampajāno hutvā* 'ti asubhabhāvanādīhi. Puna *sampajāno hutvā* 'ti mettābhāvanādīhi. Yena rāgena anupatitaṃ, yena byāpādena anupatitaṃ taṃ *pajahatī* 'ti sambandho. Taṃ cittaṃ idisan 'ti sampajānanto tappatipakkhena rāgaṃ pajahati, byāpādaṃ pajahati 'ti vā attho. *Parisuddhan* 'ti nirupa-kkilesānaṃ. *Pariyodātan* 'ti pabhassaraṃ. *Ekattagataṃ hotī* 'ti taṃ taṃ visesaṃ pattassa taṃ taṃ ekattaṃ gataṃ hoti.

10. *Katame te ekattā* 'ti idha yujjamāne pi ekatte ekato katvā pucchati. *Dānūpasagg-upatṭhān-ekattan* 'ti dānavatthu-saṅkhātassa dānassa upasaggo vossajjanaṃ dānūpasaggo, dānavatthupariccāgacetanā; tassa upatṭhānaṃ ārammaṇaka-raṇavasena upagantvā ṭhānaṃ dānūpasagg-upatṭhānaṃ; tad' eva ekattaṃ, tena vā ekattaṃ ekaggabhāvo dānūpasagg-upatṭhān-ekattaṃ. (Dānavossagg-upatṭhān-ekattan² 'ti

* Text page 163, last line.

¹ Text अपरि-. SH paripunnāṃ.

² So in the Text.

pātho sundarataro; so ev' attho.) Etena paduddhāravasena¹ cāgānussatisamādhi vutto. Paduddhāravasena¹ vutto 'pi c' esa, itaresaṇ tinnam 'pi ekattānaṇ upanissayapaccayo hoti. Tasmā idha niddiṭṭhan 'ti vadanti.

Visākhā 'pi hi mahā-upāsikā āha: 'Idha bhante, disāsu vassaṇ vutthā bhikkhū Sāvattiṇ āgacchissanti Bhagavantaṇ dassanāya; te Bhagavantaṇ upasaṅkamitvā pucchissanti, "Itthannāmo bhante bhikkhu kālakato²; tassa kā gati? ko abhisamparāyo?" 'ti. Taṇ Bhagavā byākarissati sotā-pattiphale vā, sakadāgāmiphale vā, anāgāmiphale vā, arahatte vā. Ty-āhaṇ upasaṅkamitvā pucchissāmi, "Āgata-pubbā nu kho bhante tena ayyena Sāvatti?" 'ti. Sace me vakkhanti, "Āgata-pubbā tena bhikkhunā Sāvatti" 'ti; niṭṭham ettha gacchissāmi; nissaṇsayaṇ kho paribhuttaṇ tena ayyena vassikasāṭikā vā, āgantukabhattaṇ vā, gāmikabhattaṇ vā, gilānabhattaṇ vā, gilānupaṭṭhākabhattaṇ vā, gilānabhesajjaṇ vā, dhuvayāgū vā 'ti. Tassā me tad anussarantiyā pāmojjaṇ³ jāyissati, pamuditāya pīti jāyissati; pīṭimanāya kāyo passambhissati, passaddhakāyā sukhaṇ vediyissāmi, sukhiniyā cittaṇ samādhiyissati. Sā me bhavissati indriyabhāvanā, balabhāvanā, bojjhaṅgabhāvanā 'ti.

Atha vā ekattesu, paṭhamāṇ upacārasamādhivasena vuttaṇ, dutiyaṇ appanāsamādhivasena, tatiyaṇ vipassanāvasena, catutthaṇ magga-phalavasena 'ti veditabbaṇ.

Samathassa nimittaṇ samathanimittaṇ. Vayo bhaṅgo eva lakkhaṇaṇ vāyalakkhaṇaṇ. Nirodho nibbāṇaṇ. Sesam etesu tisu vuttanayen' eva yojetabbaṇ. Cāgādhiṃmittānaṇ 'ti dāne adhimuttānaṇ. Adhicittan 'ti vipassanāpādakasamādhi. Vipassakānan 'ti bhaṅgānupassanato paṭṭhāya tīhi anupassanāhi saṅkhāre vipassantānaṇ. Ariyapuggalānan 'ti aṭṭhanāṇ. Dutiyādini tīni ekattāni ānāpānassativasena sesakammatṭhānavasena ca yujjanti. Catūhi ṭhānehī 'ti catūhi kāraṇehi. Samādhi-vipassanā-magga-phalānaṇ vasena eka-

¹ SH saddhu-.² SH kālakato.³ SH pāmujaṇ.

ttagataṇ cittaṇ paṭipadāvisuddhipakkhandaṇ¹ c' eva hoti upekkhānubrūhitaṇ ca ṇāṇena ca sampahaṇsitaṇ 'ti uddesapadāni.

11. *Paṭhamassa jhānassa ko ādī 'ti ādini tesāṇ uddesapadāṇaṇ vitthāretukāmatā-pucchā-pubbaṅgamāni niddesapadāni.*

12. *Tattha: Paṭipadāvisuddhipakkhandan 'ti paṭipadā eva nīvaraṇamalavisodhanato visuddhi, taṇ paṭipadāvisuddhiṇ pakkhandan paviṭṭhaṇ. Upekkhānubrūhitaṇ 'ti tatramajjhātupekkhāya brūhitaṇ vadḍhitaṇ. Ṇāṇena sampahaṇsitaṇ 'ti pariyodāpakena ṇāṇena sampahaṇsitaṇ pariyodāpitaṇ visodhitaṇ. (Paṭipadāvisuddhi nāma sasambhāriko upacāro, upekkhānubrūhanā nāma appaṇā, sampahaṇsanā nāma paccavekkhanā 'ti evam eke vaṇṇayanti.) Yasmā pana ekattagataṇ cittaṇ paṭipadāvisuddhipakkhandaṇ c' eva hotī 'ti ādi vuttaṇ, tasmā anto-appaṇāyam eva āgamanavasena paṭipadāvisuddhi. Tatramajjhātupekkhāya kiccavasena upekkhānubrūhanā, dhammānaṇ anativattanādi-bhāvasādhanaṇa pariyodāpakassa ṇāṇassa kiccaṇipphattivasena² sampahaṇsanā veditabbā.*

Kathaṇ? Yasmiṇ hi samaye³ appaṇā uppajjati tasmiṇ yo nīvaraṇa-saṅkhāto kilesagaṇo tassa jhānassa pariṇātho tato cittaṇ visujjhati, visuddhattā āvaraṇavirahitaṇ hutvā, majjhimaṇ samathanimittaṇ paṭipajjati. Majjhimaṇ samathanimittaṇ nāma samappavatto appaṇāsamādhī yeva. Tadanantaraṇ pana purimacittaṇ ekasantatipariṇāmanayena tathattaṇ upagacchamānaṇ majjhimasamathanimittaṇ paṭipajjati nāma. Evaṇ paṭipannattā tathattūpagamanena tattha pakkhandati nāma.

[168] 13. *Evaṇ tāva purimacitte vijjamānākāraṇipphādikā paṭhamassa jhānassa uppādakkaṇe yeva āgamanavasena*

¹ *Text* -pasannaṇ; SH, SM -pakkhannaṇ (*throughout*).

² B -nibbatti-.

³ SH vāre.

paṭipadāvisuddhi veditabbā. Evaṃ visuddhassa pana tassa puna visodhetabbābhāvato visodhane byāpāraṃ¹ akaronto *visuddhaṃ cittaṃ ajjhupekkhati* nāma. Samathabhāvūpaga-manena samathapaṭipannassa puna samādhāne² byāpāraṃ akaronto ca *samathapaṭipannaṃ ajjhupekkhati* nāma. Samathapaṭipannabhāvato eva c' assa kilesasaṃsaggaṃ pahāya ekattena upatṭhitassa puna ekattupaṭṭhāne byāpāraṃ akaronto *ekattupaṭṭhānaṃ ajjhupekkhati* nāma. Evaṃ tatramajjhattupekkhāya kiccavasena *upekkhānubrūhanā* veditabbā.

14-16. Ye pan' ete evaṃ upekkhānubrūhite tattha jātā samādhipaññā-saṅkhātā yuganandhadhammā aññamaññaṃ anatikkamamānā³ hutvā pavattā, yāni ca saddhādīni indriyāni nānakilesehi vimuttattā vimuttirasena ekarasāni hutvā pavattāni, yaṃ c' esa tadupagaṃ tesaṃ anativattana-ekarasa-bhāvaṃ anucchavikaṃ viriyaṃ vāhayati, yā c' assa tasmiṃ khane pavattā āsevanā, sabbe 'pi te ākāra yasmā ñāṇena saṅkilesa-vodānesu taṃ taṃ ādīnavaṃ ca ānisaṃsaṃ⁴ ca disvā tathā tathā sampahaṃsitattā nipphannā, tasmā dhammānaṃ anativattanādibhāvasādhana⁵ pariyodāpakassa ñāṇassa kiccanipphattivasena sampahaṃsanā veditabbā 'ti vuttaṃ.

Tattha yasmā upekkhāvasena ñāṇaṃ pākataṃ hoti; yath' āha: "Tathā paggaḥitaṃ cittaṃ sādhuṃ ajjhupekkhati upekkhāvasena, paññāvasena paññīndriyaṃ adhimattaṃ hoti upekkhāvasena, nānattakilesehi cittaṃ vimuccati vimokkhavasena, paññāvasena paññīndriyaṃ adhimattaṃ hoti, vimuttattā te dhammā ekarasā honti, ekarasatṭhena bhāvaṃ" 'ti. Tasmā ñāṇakiccabhūtā *sampahaṃsanā pariyosānan* 'ti vuttā.

Evaṃ tivattagatan 'ti ādīni tass' eva cittassa thomanavacanāni. Tattha: Evaṃ tivattagatan 'ti evaṃ yathāvuttena vidhinā paṭipadāvisuddhipakkhandana - upekkhānubrūhanā - ñāṇa-sampahaṃsanāvasena tividhabhāvaṃ gataṃ. *Vitakka-*

¹ SH *v.l.*; SM byāpādaṃ.

² B samādhāne.

³ SH, SM anativattamānā.

⁴ SH *omits.*

⁵ SH anuvattanā.

sampannan 'ti kilesakkhobhavirahitattā vitakkena sundara-bhāvaṇ paññaṇ gataṇ. *Cittassa adhiṭṭhānasampannan* 'ti tasmiṇ yeva ārammaṇe cittassa nirantarappavatti-saṅkhātena adhiṭṭhānena sampannaṇ anūnaṇ yathā adhiṭṭhānavasiyaṇ adhiṭṭhānan 'ti jhānappavatti, tathā idhā pi cittassa adhiṭṭhānan 'ti cittekaggatā 'pi yujjati. Tena hi ekasmiṇ yeva ārammaṇe cittaṇ adhiṭṭhāti, na ettha vikkhippatī 'ti. *Samādhisampannan* 'ti visuṇ vuttattā pana vuttanayen' eva gahetabbaṇ.

Athavā samādhiss' eva jhānaṅgasāṅgahitattā cittassa adhiṭṭhānasampannan 'ti jhānaṅgapañcakavasena vuttaṇ. *Samādhisampannan* 'ti indriyasāṅgahitattā indriyapañcakavasena. Dutiyajjhānādīsu pana alabbhamānā 'ti padāni pahāya labbhamānakavasena *pīṭisampannan* 'ti ādi vuttaṇ.

[169] 17-20. *Aniccānupassanādīsu* aṭṭhārasasu mahāvīpaśśanāsu vitakkādayo paripuṇṇā yeva. Tasaṇ kāmāvacarattā, etāsu ca appaṇāya abhāvato. *Paṭipadāvisuddhi-*ādayo khaṇikasamādhivasena yojetabbā. Catūsu maggesu pathamajjhānikavasena vitakkādīnaṇ labbhanato labbhamānakavasen' eva vitakkādayo paripuṇṇā vuttā. Dutiyajjhānikādīsu hi maggesu vitakkādayo jhānesu viya parihāyanti 'ti.

Ettāvatā terassa vodānaññānāni vitthārato niddiṭṭhāni honti. Kathaṇ? Ekaṭṭhāne samādahanena, tatth' eva adhimuccanena, kosajjapajahanena, uddhaccapajahanena, rāgapajahanena, byāpādapajahanena sampayuttāni cha ñāṇāni ca; catūhi ekattehi sampayuttāni cattāri ñāṇāni; paṭipadāvisuddhi-upekkhānubrūhanā-sampahaṇsanābhīsampayuttāni tiṇi ñāṇāni 'ti. Evaṇ terasa ñāṇāni niddiṭṭhāni.

[170] 21. Evaṇ sante 'pi ānāpānasatisamādhi-bhāvanāvāsena tesāṇ nippattiṇ dassetukāmo tāni ñāṇāni anigametvā 'va *Nimittaṇ assāsapassāsā* 'ti ādinā nayena codanāpubbaṅgamaṇ ānāpānasatisamādhi-bhāvanāvidhiṇ dassetvā ante tāni ñāṇāni nigametvā dassesi. Tattha: nimittaṇ vuttam eva. *Anārammaṇā-m-ekacittassā* 'ti anārammaṇā ekacittassa.

Ma kāro pan' ettha padasandhikaro. ("Anārammaṇam ekacittassā" 'ti 'pi pāṭho. Ekassa cittassa ārammaṇaṇa bhavantī 'ti attho). *Tayo dhamme* 'ti nimittādayo tayo dhamme. *Bhāvanā* 'ti ānāpānasatisamādhī bhāvanā.

[171] 22. *Kathaṇ* 'ti paṭhamāṇaṇa vuttāya codanāgāthāya, anantaraṇa vuttāya parihāragāthāya atthaṇa kathetukamyatā-pucchā. *Na c' ime* 'ti na ca ime. ("Na ca 'me" 'ti 'pi pāṭho. So yeva padacchedo.) *Kathaṇ na ca aviditā honti?* *Kathaṇ na ca cittaṇa vikkhepaṇa gacchatī?* 'ti evaṇa kathaṇa saddo sesehi 'pi pañcahi yojetabbo. *Padhānaṇa paññāyati* 'ti ānāpānasatisamādhī-bhāvanārambhakaṇa viriyaṇa sandissati. Viriyaṇa hi padahanti tenā 'ti padhānaṇa 'ti vuccati. *Payogaṇa ca sādhetī* 'ti nīvaraṇavikkhambhakaṇa jhānaṇa ca yogī¹ nippādeti. Jhānaṇa hi nīvaraṇavikkhambhaṇāya payuñjīyati 'ti payogo 'ti vuttaṇa. *Visesaṇa adhigacchatī* 'ti saṇyojana-ppahānakaṇa maggaṇa ca paṭilabhati. Maggo hi samatha-vipassanānaṇa ānisaṇsattā viseso 'ti vutto. Visesassa ca pamukhabhūtatā ca-kārena samuccayo na kato.

Idāni taṇa pucchitam atthaṇa upamāya sādiento *Seyyathā 'pi rukkho* 'ti ādim āha. 'Tass' attho: yathā nāma kakacena phālanatthaṇa vāsiyā tacchitvā rukkho phālanakāle niccala-bhāvatthaṇa *same bhūmi*-ppadese payogakkhamaṇa katvā ṭhapito. *Kakacena* 'ti hatthakakacena. *Āgate* 'ti rukkhaṇa phusitvā attano samīpabhāgaṇa āgate. *Gate* 'ti rukkhaṇa phusitvā parabhāgaṇa² gate. *Vā*-saddo samuccayattho. *Na aviditā honti* 'ti rukkhe kakacadantehi phutṭhaṇa purisena pekkhamānaṇa ṭhānaṇa appatvā tesāṇa āgamaṇa-gamaṇābhāvato sabbe 'pi kakacadantā veditā 'va honti. *Padhānaṇa* 'ti rukkhacchedanakiriyaṇa. *Visesaṇa adhigacchatī* 'ti vacanaṇa upamāya n' atthi.* *Upanibandhanānimittan* 'ti upanibandhanāya satiyā nimittabhūtaṇa kāraṇabhūtaṇa nāsikaggaṇa vā, mukhanimittaṇa vā. Upanibandhati etāya ārammaṇe

* This justifies the omission mentioned in footnote 2 of the Text.

¹ SH v.l. yo hi.

² SH v.l.; SM -bhāvaṇa.

cittan 'ti upanibandhanā nāma, sati. *Nāsikagge vā* 'ti dīghanāsiko nāsikagge, *mukhanimutte vā* 'ti rassanāsiko uttarotṭhe. Uttaroṭṭho hi mukhe satiyā nimittan 'ti mukhanimittan 'ti vutto. *Āgate* 'ti phutṭhaṭṭhānato abbhantarāṇaṇ āgate. *Gate* 'ti phutṭhaṭṭhānato bahiddhā gate. *Na aviditā hontī* 'ti phusanatṭhānaṇ appatvā assāsapassāsānaṇ āgamana-gamanābhāvato sabbe 'pi te viditā eva honti.

23. Kammaniyaṇ hotī 'ti yena viriyena *kāyo 'pi cittaṃ 'pi kammanīyaṇ* bhāvanākammakkhamaṇaṇ bhāvanākammayoggaṇaṇ *hotī, idaṇ* viriyaṇ *padhānaṇ* nāmā 'ti phalena kāraṇaṇaṇ vuttaṇaṇ hoti. *Upakkilesā pahīyanti* 'ti vikkhambhanavasena nīvaraṇāni pahīyanti. *Vitakkā vūpasammanti* 'ti nānārammaṇa-carino anavatṭhitā vitakkā vūpasamaṇaṇ gacchanti. Yena jhānena upakkilesā pahīyanti, vitakkā vūpasammanti *ayaṇ payogo* 'ti payogam apekkhitvā pulliṅganiddeso kato. *Sanjyojanā pahīyanti* 'ti tan tam maggavajjhā saṇjyojanā samuccedappahāṇena pahīyanti. *Anusayā byantiṇhontī* 'ti pahīnānaṇ puna anuppattidhammakattā vigato uppādanto vā, vayanto etesan 'ti byantā. Pubbe abyantā¹ byantā hontī 'ti byantiṇhontī; vinassanti 'ti attho. Saṇjyojanappahāṇaṇ anusayappahāṇena hoti, na aññathā 'ti dassanattthaṇaṇ anusayappahāṇam āha. Yena maggena saṇjyojanā pahīyanti, anusayā byantiṇhontī, *ayaṇ viseso* 'ti attho.

Catutthacatukke ariyamaggassā-pi nidditṭhattā idha ariyamaggo vutto. Ekacittassa ārammaṇadvayābhāvassa avutte 'pi siddhattā taṇaṇ avissajjetvā 'va *Evaṇ ime tayo dhammā ekacittassa ārammaṇā na* [172] *hontī* 'ti nigamanaṇaṇ kataṇaṇ.

24. Idāni taṇaṇ bhāvanāsiddhisādhakaṇaṇ yogāvacaraṇaṇ thunanto *Anāpānasatī yassā* 'ti gāthaṇaṇ vatvā tassā niddesam āha. Tattha ānāpānasatiyo *yathā Buddhena desitā* tathā *paripunnā subhāvitā anupubbaṇ paricīṭā yassa* atthi saṇvijjati, *so imaṇaṇ lokaṇaṇ pabhāseti*. Kiṇ viya? *Abbhā mutto* 'va *candimā*. Yathā abbhādihi mutto candimā imaṇaṇ okāsalo-kaṇaṇ² pabhāseti, tathā so yogāvacaro imaṇaṇ khandhādilokaṇaṇ

¹ SH *v.l.*; SM abyanti.² SH *v.l.* obhāsa-.

pabhāseti 'ti gathāya sambandho. Abbhā mutto 'va candimā 'ti ca padassa niddese mahikādīnam 'pi vuttattā ettha ādi-saddalopo kato 'ti veditabbo. Gathāniddese no passāso no assāso 'ti so yeva attho, paṭisedhena vise-setvā vutto. *Upaṭṭhānaṇ satī* 'ti asammussanatāya tam eva assāsaṇ upagantvā ṭhānaṇ sati nāmā 'ti attho. Tathā¹ passāsaṇ. Ettāvata ānāpānesu sati ānāpānasatī 'ti attho, vutto hotī.

Idāni sativasen' eva *Yassā* 'ti vuttaṇ puggalaṇ niddisitu-kāmo *Yo assasati tass' upaṭṭhātī, yo passasati tass' upaṭṭhātī* 'ti vuttaṇ. *Yo assasati tassa sati assāsaṇ upagantvā tiṭṭhati, yo passasati tassa sati passāsaṇ upagantvā tiṭṭhati* 'ti attho. *Paripunnā* 'ti jhāna-vipassanā-maggaparamparāya arahatta-magguṇṇāya paripunnā. Te yeva hi jhāna-vipassanā-magga-dhamme sandhāya pariggahatṭhenā 'ti ādim āha. Te hi dhammā iminā yoginā pariggayhamānattā pariggahā, tena *pariggahatṭhena paripunnā*. Tattha sabbesaṇ cittace-tasikānaṇ aññaṇāparivārattā *parivārattṭhena paripunnā*. Bhāvanāparipūrivāsena *paripūrattṭhena paripunnā*.

Catasso bhāvanā 'ti ādīni *subhāvitā* 'ti vuttapadassa atthavasena vuttāni. *Catasso bhāvanā* heṭṭha vuttā yeva. *Yānīkatā* 'ti yuttayānasadisā katā. *Vatthukatā* 'ti patiṭṭhatṭhena vatthusadisā katā. *Anutṭhitā* 'ti paccupaṭṭhitā. *Paricītā* 'ti samantato citā upacitā. *Susamāraddhā* 'ti suṭṭhu samāraddhā sukatā.

25. *Yattha yattha ākaṅkhatī* 'ti yesu yesu jhānesu, yāsu yāsu vipassanāsu sace icchatī; *tattha tatthā* 'ti tesu tesu jhānesu, tāsu tāsu vipassanāsu. *Vasippatto* 'ti vasībhāvaṇ bahubhāvaṇ patto. *Bala²-ppatto* 'ti samathavipassanā bala²-ppatto. *Vesārajappatto* 'ti visāradabhāvaṇ pākātabhāvaṇ patto. *Te dhammā* 'ti samathavipassanādhammā. *Āvajjanapātibaddhā* 'ti āvajjanāyattā. *Āvajjitamatte* yeva tassa santānena ñāṇena vā sampayogaṇ gacchantī 'ti attho. *Ākaṅ-*

¹ SH v.l.; SM Tato.

² SH v.l. phala-.

*khanapaṭibaddhā*¹ 'ti ruci-āyattā; rocitamatte yeva vuttanayena sampayogaṇ gacchanti 'ti attho. *Manasikāro* pan' ettha āvajjanāya *cittuppādo*, ākaṇṭhanāya vevacanavasena atthavivaraṇatthaṇ vutto. *Tena vuccati yānīkatā* 'ti evaṇ katattā yeva te yuttayānasadisā katā honti 'ti vuttaṇ hoti.

Yasmiṇ yasmiṇ vatthusmin 'ti soḷasavatthūsu ekekasmiṇ. *Svādhīṭṭhitā* 'ti suppatiṭṭhitaṇ. *Supatṭhitā* 'ti suṭṭhu upaṭṭhitā. Sampayuttacitta-satīnaṇ sah' eva sakasakakicca-karaṇato anulomapaṭilomavasena yojetvā te dve dhammā dassitā. *Tena vuccati vatthukatā* 'ti evaṇ-bhūtattā yeva katapatiṭṭhā honti 'ti vuttaṇ hoti.

Yena yena cittaṇ abhinīharatī 'ti pubbapavattito apānetvā yattha yattha bhāvanāvisese cittaṇ upaneti. *Tena tena sati anuparivattatī* 'ti tasmiṇ tasmiṇ yeva bhāvanāvisese sati anukūlā hutvā pubbapavattito nivattitvā pavattati. *Yena . . . tenā* 'ti c' ettha "Yena Bhagavā ten' upasaṅkamī" 'ti ādisu viya bhummatthe veditabbo. *Tena vuccati anuṭṭhitā* 'ti evaṇ-karaṇato yeva taṇ taṇ bhāvanaṇ anugantvā ṭhitā honti 'ti vuttaṇ hoti.

Ānāpānasatiyā satipadhānattā² vatthukatānuṭṭhita-padesu satiya sāha yojanā katā 'ti veditabba. *Yasmā pana paripunnā* yeva paribhāvitā honti vadḍhitā laddhā sevānā, tasmā paripunnā 'ti pade vuttā tayo atthā *pariciṭṭā* 'ti pade 'pi vuttā. Catuttho visesattho 'pi vutto. Tattha: *satiyā pariggaṇhanto* 'ti sampayuttāya, pubbabhāgāya vā, satiya pariggaṇhetabbe pariggaṇhanto yogī. [173] *Jināti pāpake akusale dhamme* 'ti samucchadavasena lāmake kilese jināti abhibhavati; ayaṇ ca puggalādhīṭṭhānā dhammadesanā. Dhammesu hi jinantesu taṇ dhammasamaṅgi-puggalo 'pi jināti nāma. Te ca dhammā satīṇ aviḥāya attano pavattikkhaṇe jinitum āradḍhā jītā 'ti vuccanti, yathā bhuñjitum āradḍho bhutto 'ti vuccati. Lakkhaṇam pan' ettha saddasatthato veditabbaṇ. Evaṇ sante 'pi parijitā 'ti vattabbe ja-kārassa ca-kāraṇ

¹ Text -ppaṭibandhā.² SH v.l.; SM -paṭṭhānattā.

katvā *paricita* 'ti vuttaṇ. Yathā: sammā gado assā 'ti Sugato 'ti atthavikappe da-kārassa ta-kāro niruttilakkhaṇena kato, evam idhā-pi veditabbo. Imasmiṇ atthavikappe *paricita* 'ti padaṇ kattusādhanāṇ, Purimāni tīṇi kamma-sādhanāni.

Cattāro susamāraddhā 'ti cattāro susamāraddhatthā 'ti vuttaṇ hoti. Attha-saddassa lopo daṭṭhabbo. Susamāraddhā 'ti padassa atthā 'pi hi idha susamāraddhā 'ti vuttā 'ti veditabbā, susamā āraddhadhammā vā. Catur-atthabhedato cattāro vuttā 'ti veditabbā, dhammabhedato. Yasmā pana subhāvītā yeva susamāraddhā honti, na aññe; tasmā tayo bhāvanatthā* idhā-pi vuttā. Āsevanattho 'pi tīsu vuttesu vutto yeva hoti, tasmā taṇ avatvā tappaccanikānaṇ samūhatattho vutto. Paccanikasamugghātena hi āraddhapariyosānaṇ paññāyati. Tena susamāraddhassa sikhāppatto attho vutto hoti. Tattha: *Tappaccanikānan* 'ti tesāṇ jhānavipassanāmaggānaṇ paṭipakkhabhūtānaṇ. *Kilesānan* 'ti kāmaccandādīnaṇ niccaaññādisampayuttānaṇ sakkāyaditṭhādīnaṇ ca. *Susamūhatattā* 'ti vikkhambhaṇa-tadaṅgasamucchedavasena suṭṭhu samūhatattā nāsitattā. (Potthakesu pana susamugghatattā† 'ti likhanti, taṇ na sundaraṇ.)

Puna tass' eva padassa aññam 'pi atthavikampaṇ dassento *susaman* 'ti adim āha. Tattha: *Tattha jātā* 'ti tasmiṇ sikhāppattabhāvanāvisese jātā. *Anavajjā* 'ti kilesānaṇ ārammaṇabhāvānupagamanena kilesadosavirahitā. *Kusalā* 'ti jātiavasena kusalā. *Bodhipakkhiyā* 'ti bujjhanaṭṭhena bodhī 'ti laddhanāmassa ariyassa pakkhe bhavattā bodhipakkhiyā. Pakkhe bhavattā 'ti hi upakārabhāve ṭhitattā. Te ca: cattāro satipaṭṭhānā, cattāro sammappadhānā, cattāro iddhipādā, pañc' indriyāni, pañca balāni, satta bojjhaṅgā, ariyo aṭṭhaṅgiko maggo 'ti sattatiṇsa dhammā. *Idaṇ saman* 'ti idaṇ maggakkhaṇe dhammajātaṇ samucchedavasena kilese sameti vināseti 'ti samaṇ nāma.

* See Text, p. 172, l. 14.

† So in Text.

Nirodho nibbānan 'ti dukkhanirodhattā nirodho. *Vāna-saṅkhātāya taṇhāya abhāvā nibbānaṇ*. *Idaṇ susaman* 'ti idaṇ nibbānaṇ sabbasaṅkhata-visamāpagatattā suṭṭhu saman 'ti susamaṇ nāma.¹ *Ñātan* 'ti bodhipakkiya-saṅkhātaṇ samaṇ asammohato ñāṇena ñātaṇ. Nibbāna-saṅkhātaṇ susamaṇ ārammaṇato ñāṇena ñātaṇ. Tad eva dvayaṇ vā ten' eva cakkhunā viya² *dīṭṭhaṇ*. *Viditaṇ* 'ti tad eva dvayaṇ santāne uppādanena ārammaṇakaraṇena ca paṭiladdhaṇ. *Ñātaṇ viya paññāya sacchikataṇ phassitāñ*³ ca. *Asallīnaṇ, asammūṭṭhā, asāraddho, ekaggaṇ* 'ti purimapurimassa padassa atthappakāsaṇaṇ. Tattha: *Āraddhaṇ* 'ti paṭṭhapitaṇ. *Asallīnan* 'ti asaṅkucitaṇ. *Upaṭṭhitā* 'ti upagantvā ṭhitā. *Asammūṭṭhā* 'ti avinaṭṭhā. *Passaddho* 'ti nibbuto. *Asāraddho* 'ti niddaratho. *Samāhitaṇ* 'ti samaṇ¹ ṭhapitaṇ.⁴ *Ekaggaṇ* 'ti avikkhittaṇ.

Cattāro susamāradhā 'ti ādi sakalassa susamāradhava-
vacanassa mūlattho, atthi saman 'ti ādi pana susama-
vacanassa. *Ñātan* 'ti ādi āradhava-
vacanassa vikappatthā. Tatth-
āyaṇ padatthasaṇsandanā: *Samā* ca *susamā* ca *dhammā*
“*samasusamā*” 'ti vattabbe ekadesa-sarūpekasesaṇ katvā
“*susamā*” icceva vuttā, yathā “*Nāmañ* ca *rūpañ* ca *nāma-*
rūpañ ca, *nāmarūpan*” 'ti. *Idaṇ samaṇ, idaṇ susaman* 'ti
pana anaññāpekkhaṇ katvā napuṇsakavacanaṇ kataṇ. *Ya-*
smā pana *ñātam* 'pi *siddhaṇ* 'ti vuccati, āradhāñ ca atthato
ekaṇ, *vidita-sacchikata-phassitāni* pana *ñāta-vevacanāni*;
tasmā ñātan 'ti āradhattho yeva vutto hoti.

Āradhaṇ hoti viriyaṇ asallīnan 'ti ayam pana araddha-
vacanassa ujukattho yeva. *Upaṭṭhitā* satī 'ti ādīni pana
sampayuttaviriyassa upakāradhamma dassanatthaṇ vuttāni,
na āradhava-
vacanassa atthadassanatthaṇ. Purimena atthena
suṭṭhu samāradhā 'ti susamāradhā ca, iminā atthena
susamā āradhā 'ti susamāradhā ca ekasese kate susamā-
radhā 'ti vuccanti. Imam atthaṇ pariggahetvā *tena vuccati*
susamāradhā 'ti vuttaṇ.

¹ B omits.² SH 'pi.³ B passitaṇ.⁴ B samappitaṇ.

26. *Anupubban* 'ti yathākkamenā 'ti attho; pubbaṇ pubbaṇ anū 'ti vuttaṇ hoti. *Dīghaṇ assāsavasenā* 'ti dīghaṇ 'ti vutta-assāsavaseṇa. *Purimā purimā* 'ti purimā purimā sati, purimā¹ purimā¹ samādhī.¹ Etena pubbaṇ 'ti padassa attho vutto hoti. *Pacchimā pacchimā* 'ti sati yeve. Etena anū 'ti padassa attho vutto hoti. Ubhayaena pubbaṇ ca *anu* ca *paricīṭā* 'ti attho vutto hoti. Upari soḷasa vatthūni vitthāretvā vacanato idha saṅkhipitvā *paṭi-nissaggānupassī* 'ti antimam² eva dassitaṇ. Yasmā sikhāppattabhāvanassa sabbā 'pi ānāpānasatiyo punappunaṇ yathāruci pavattanato anuparicīṭā 'pi honti, tena vuttaṇ: *Aññaṃaññaṇ paricīṭā c' eva honti anuparicīṭā cā* 'ti.

27. Yathatthā 'ti yathāsabhāvatthā. *Attadamattho* 'ti arahattamaggakkhaṇe attano nibbisevanattho. *Samattho* 'ti sītibhāvattho. *Parinibbāṇattho* 'ti kilesaparinibbāṇena. *Abhiññattho* 'ti sabbadhammavasena. *Parīññātathādayo* maggañāṇakiccavasena. [174] *Saccābhisamayattho* catunnaṇ saccānaṇ ekapaṭivedhadassanavasena. *Nirodhe paṭiṭṭhāpa-kattho* ārammaṇakaraṇavasena.

28. *Buddho* 'ti padassa abhāve 'pi "Buddhenā" 'ti pade yo so buddho taṇ niddisitukāmena *Buddho* 'ti vuttaṇ. *Sa-yambhū* 'ti upadesaṇ vinā sayam eva bhūto. *Anācariyako* 'ti sayambhū-padassa atthavivaranaṇ. Yo hi ācariyaṇ vinā saccāni paṭivijjhati, so sayambhū nāma hoti. *Pubbe ananussutesū* 'ti ādi anācariyakabhāvassa atthappakāsaṇaṇ. *Ananussutesū* 'ti ācariyaṇ ananussutesu. *Sāman* 'ti sayam eva. *Abhisambujjhī* 'ti bhusaṇ sammā paṭivijjhi. *Tattha ca sabbaññutaṇ pāpuṇī* 'ti tesu ca saccesu sabbaññutabhāvaṇ pāpuṇi. Yathā saccāni paṭivijjhantā sabbaññuno honti, tathā saccānaṇ paṭividdhattā evaṇ vuttaṇ. (Sabbaññutaṇ patto 'ti 'pi pāṭho.) *Balesu ca vasībhāvan* 'ti dasasu ca tathāgatabalesu issarabhāvaṇ pāpuṇi. Yo so evambhūto so *Buddho* 'ti vuttaṇ hoti. Tattha sabbesu dhammesu appaṭihata - ñāṇanimittanuttara - vimokkhādighama - paribhāvitaṇ

¹ SH omits.² B antima padaṇ.

khandhasantānaṃ upādāya paṇṇattiko, sabbaññutapada-
tṭhānaṃ vā saccābhisambodhiṃ upādāya paṇṇattiko satta-
viseso buddho. Ettāvatā atthato Buddha-vibhāvanā katā
hoti.

Idāni byañjanato vibhāvanto *Buddho 'ti ken' atthena
buddho?* 'ti ādim āha. Tattha yathā loke avagantā¹ ava-
gato¹ 'ti vuccati, evaṃ *bujjhitā saccānī 'ti buddho*; yathā
paṇṇasosā vātā paṇṇasusā 'ti vuccanti evaṃ bodhetā pajāyā
'ti buddho. *Sabbaññutāya buddho* 'ti sabbadhamma-bujjha-
nasamatthāya buddhiyā *Buddho* 'ti vuttaṃ hoti. *Sabbada-
ssāvītāya buddho* 'ti sabbadhammānaṃ nānacakkhunā diṭṭha-
ttā *Buddho* 'ti vuttaṃ hoti. *Anaññaneyyatāya buddho* 'ti
aññena abodhanīyato sayam eva buddhattā *Buddho* 'ti
vuttaṃ hoti. *Visavitāya buddho* 'ti nānāgunavisavanato²
padumam iva visavanatṭhena³ *Buddho* 'ti vuttaṃ hoti.
Khīṇāsava-saṅkhātēna buddho 'ti ādīhi chahi pariyāyehi citta-
saṅkocakara-dhammappahāṇena niddākkhayavibuddho pu-
riso viya sabbakilesa-niddākkhayavibuddhattā *Buddho* 'ti
vuttaṃ hoti. Saṅkhā⁴ Saṅkhāna⁵ 'ti atthato ekattā *saṅkhā-
tenā* 'ti vacanassa koṭṭhāsenā 'ti attho. Taṇhālepa-diṭṭhile-
pābhāvena *nirūpalepa⁶-saṅkhātēna*. Savāsānaṃ sabbakile-
sānaṃ pahīṇattā ekantavacanena visesetvā *ekantavītarāgo* 'ti
ādi vuttaṃ. *Ekantanikkilesa* 'ti rāgadosamohavisesehi sa-
bbakilesehi nikkilesa. *Ekāyanamaggaṃ gato 'ti buddho* 'ti
gamanatthānaṃ dhātūnaṃ bujjanatthattā, bujjanatthā 'pi
dhātuyo gamanatthā honti tasmā, ekāyanamaggaṃ gatattā
Buddho 'ti vuttaṃ hoti. *Ekāyanamaggo* 'ti c' ettha:

Maggo pantho patho pajjo
Añjasaṃ vaṭṭamāyanaṃ,
Nāvā uttarasetū ca
Kullo ca bhīsi saṅkamo

¹ B āgantā āgato.

² B -vikasanato; SM -visesaṇato.

³ B, SM vikasana-.

⁴ B saṅkhataṃ.

⁵ B Saṅkhātana.

⁶ Text nirupadhi; B nilleparūpa.

'ti maggassa bahūsu nāmesu āyananāmena vutto. Tasmā ekamaggabhūto maggo, na dvedhāpathabhūto 'ti attho. Athavā ekena ayitabbo maggo 'ti ekāyanamaggo. Ekenā 'ti gaṇasaṅgaṇikaṇ pahāya pavivekena cittaena. Āyitabbo 'ti paṭipajjitabbo. Āyanti vā etenā 'ti āyano. Saṅsārato nibbāṇaṇ gacchanti 'ti attho. Ekeṣaṇ āyano Ekāyano. Eke 'ti seṭṭhā. Sabbasattaseṭṭhā¹ ca sammāsambuddhā.² Tasmā ekāyanamaggo 'ti sammāsambuddhāṇaṇ āyanabhūto maggo 'ti vuttaṇ hoti. Āyati 'ti vā āyano, gacchati pavattati attho. Ekasmiṇ āyano maggo 'ti Ekāyanamaggo. Ekasmiṇ yeva Buddhasāsane pavattamāno maggo, na aññatthā 'ti vuttaṇ hoti. Api ca ekaṇ āyati 'ti ekāyano; pubba-bhāge nānāmukhabhāvanānaya-ppavatto, aparabhāge ekaṇ nibbāṇam eva gacchati 'ti vuttaṇ hoti. Tasmā Ekāyana-maggo 'ti ekanibbānagamanamaggo 'ti attho.

Eko anuttaraṇ sammāsambodhiṇ abhisambuddho 'ti Buddho 'ti na parehi buddhattā³ buddho, kiṇ pana sayam eva anuttaraṇ sammāsambodhiṇ abhisambuddhattā Buddho 'ti vuttaṇ hoti. *Abuddhivihataṭṭā buddhipaṭilābhā Buddho* 'ti: Buddhi, buddhaṇ, bodho 'ti pariyāyavacanam etaṇ. Tattha yathā nilarattagaṇayogā “ Nīlo paṭo, ratto paṭo ” 'ti vuccati, evaṇ buddhigaṇayogā Buddho 'ti nāpetuṇ vuttaṇ hoti.

Tato paraṇ: Buddho 'ti n' etaṇ nāman 'ti ādi attham anu-gatā ayaṇ paññattī 'ti nāpanatthaṇ vuttaṇ. Tattha: *mittā* sahāyā. *Amaccā* bhaccā. *Ñātī* pitupakkhikā. *Sālohitā* mā-tupakkhikā. *Samaṇā* pabbajjūpagatā. *Brāhmaṇā* bhovā-dino, samitapāpa-bāhitapāpā ca. *Devatā* Sakkādayo, brah-māno ca. Vimokkhantikaṇ 'ti vimokkho arahattamaggo, vimokkhassa anto arahattaphalaṇ, tasmiṇ vimokkhante bhavaṇ vimokkhantikaṇ nāma. Sabbaññubhāvo nāma hi arahattamaggena sijjhati, arahattaphalodaye siddho hoti. Tasmā sabbaññubhāvo vimokkhante bhavo hoti. Taṇ nemi-ttikam 'pi nāmaṇ vimokkhante bhavaṇ nāma hoti. Tena

¹ SH -seṭṭho.

² SH -buddho.

³ B paresaṇ vibuddhattā.

vuttaṇ: *Vimokkhaṇṭikam etaṇ buddhāṇaṇ bhagavantānaṇ* 'ti. *Bodhiyā mūle saha sabbaññūtañāṇassa paṭilābhā* 'ti mahābodhirukkhamūle yathāvuttakkhaṇe sabbaññūtañāṇassa paṭilābhena saha. *Sacchikā paññatti* 'ti arahattaphalasacchikiriyāya, sabbadhammasacchikiriyāya vā, jātā paññatti. *Yad idaṇ Buddho* 'ti yā ayaṇ Buddho 'ti paññatti.

29. *Yathā Buddhena desitā* 'ti gāthāpadassa pana iminā padabhājanīye vuttatthena ayaṇ saṇsadanā: *Ānāpānassatiyo* ca yathā Buddhena desitā, yena pakārena desitā, yathā-saddena saṅgahitā dasa yathatthā ca yathā Buddhena desitā, yena pakārena desitā 'ti pakāratthassa ca yathā-saddassa sabhāvatthassa ca yathā-saddassa sarūpekasesavasena ekasesaṇ katvā *yathā* 'ti vuttan 'ti veditabbaṇ. Padabhājanīye pan' assa yathatthesu ekekassa yojanāvasena *desito* 'ti ekavacanaṇ katan. *So hi gahaṭṭho vā hoti pabbajito vā* 'ti vuttattā ādipade 'pi yassa gahaṭṭhassa vā pabbajitassa vā 'ti vuttam eva hoti. *Loka-ttho* vutto yeva.

30. *Pabhāseti* 'ti attano ñāṇassa pākaṭaṇ karotī 'ti attho. *Abhisambuddhattā* 'ti sāvaka-pāramiññāṇena 'pi paṭividdhabhāvena. [175] *Obhāseti* 'ti kāmāvacara-bhūtaṇ lokaṇ. *Bhāseti* 'ti rūpāvacara-bhūtaṇ lokaṇ. *Pabhāseti* 'ti arūpāvacara-bhūtaṇ lokaṇ.

31. *Ariyāñānaṇ* 'ti arahattamaggañāṇaṇ. *Mahikāmutto* 'ti mahikāya mutto. Mahikā 'ti nihāro vuccati. (Mahiyā mutto 'ti 'pi pātho.) *Dhūmarajā mutto* 'ti dhūmato ca rajato ca mutto. *Rahugahaṇā vipṇamutto* 'ti rāhuno candassa āsannūpakkilesattā dvīhi upasaggehi viśesetvā vuttaṇ. *Bhāsate* iti sa-obhāsaṭṭhena. *Tapate* iti satejaṭṭhena. *Virocate* iti ruciraṭṭhena. *Evam evan*¹ 'ti evaṇ evaṇ. Yasmā pana cando 'pi sayāṇ bhāsanto tapanto virocanto imaṇ okāsalo-kaṇ obhāseti, *bhikkhu* ca paññāya bhāsanto tapanto virocanto imaṇ khandhādilokaṇ paññāya obhāseti, tasmā ubhayatrā-pi bhāsati 'ti avatvā bhāsate icc-eva vuttaṇ.² Evaṇ hi vutte hetu-attho vutto hoti.

¹ Text eva.² As given in vv.ll. in Text.

“ Ativisadatarābha¹-suriyopamaṇ agahetvā kasmā cando-
pamā gahitā ”? ’ti ce: Sabbakilesapariḷāhavūpasamena san-
tassa bhikkhuno santagūṇayutta-candopamā anucchavikā ’ti
gahitā ’ti veditabbaṇ. Evaṇ ānāpānasati-bhāvanāsiddhisā-
dhakaṇ yogāvacaraṇ thunitvā imāni terasa ñāṇaṇi ’ti tāni
ñāṇaṇi nigametvā dasseti ’ti.

Vodānañāṇa-Niddesa-Vaṇṇanā Niṭṭhitā.

32. Satokāri-ñāṇaniddese*: mātikāyaṇ *Idha bhikkhū* ’ti
imasmiṇ sāsane bhikkhu. Ayaṇ hi ettha idha-saddo sabba-
ppakāra-ānāpānasati-samādhinibbattakassa puggalassa sanni-
ssayabhūta-sāsanaparidīpano, aññasāsanassa tathābhāvapaṭi-
sedhano ca. Vuttaṇ h’ etaṇ: “ Idh’ eva bhikkhave samaṇo
. . . suññā parappavādā samaṇehi aññe ” ’ti. *Araññagato vā,*
rukkhamūlagato vā, suññāgāragato vā ’ti idam assa ānāpā-
satisamādhī - bhāvanānūrūpa-senāsanapariggahaparidīpanaṇ.
Imassa hi bhikkhuno dīgharattaṇ rūpādisu ārammaṇesu
anuvisaṭṭaṇ cittaṇ sammā² ānāpānasatisamādhī-ārammaṇaṇ
abhirūhituṇ na icchati. Kuṭaḡaṇayuttaratho viya uppatham
eva dhāvati. Tasmā seyyathā ’pi nāma gopo kūṭadhenuyā
sabbaṇ khiraṇ pivitvā vaddhitaṇ kūṭavacchaṇ dametukāmo
dhenuto apanetvā ekam-ante mahantaṇ thambhaṇ nikha-
nitvā tattha yottena bandheyya, ath’ assa so vaccho ito c’
ito ca vipphanditvā palāyituṇ asakkonto tam eva thambhaṇ
upanisideyya vā upanipajjeyya vā; evam evaṇ iminā bhi-
kkhunā dīgharattaṇ rūpārammaṇādi rasapānavaḍḍhitaṇ
duṭṭhacittaṇ dametukāmena rūpādi-ārammaṇato apanetvā
araññaṇ vā rukkhamūlaṇ vā, suññāgāraṇ vā, pavesetvā
tattha assāsapassāsa-thambhe satiyottena bandhitabbaṇ.
Evam assa taṇ cittaṇ ito c’ ito ca vipphanditvā ’pi pubbe
āciṇṇārammaṇaṇ alabhamānaṇ satiyottaṇ chinditvā palāyi-

* Compare Visuddhimagga VIII. 3.

¹ B Ativicarantaṇ rāgaṇ; SM ativitarābhaṇ.

² SH omits.

tun asakkontaṇ tam ev' ārammaṇaṇ upacāra-ppaṇāvasena
upanisīdati c' eva upanipajjati ca. Ten' āhu porāṇā:

Yathā thambhe nibandheyya
Vacchaṇ dammaṇ naro idha,
Bandheyy' evaṇ sakaṇ cittaṇ
Satiyā-rammaṇe daḥhan

(Vis. Magga. VIII.)

'ti. Evam assa taṇ senāsanaṇ bhāvanānurūpaṇ hoti. Atha
vā yasmā idaṇ kammaṭṭhānappabhede muddhabhūtaṇ¹
sabbabuddha-pacceka-buddha-buddhasāvakānaṇ viśesādhiga-
ma-ditṭhadhammasukhavihāra-padaṭṭhānaṇ, ānāpānāsati-
kammaṭṭhānaṇ, itthipurisa-hatthi-assādisaddasamākulaṇ
gāmantanaṇ apariccajivā na sukaṇaṇ bhāvetuṇ, saddakaṇṭa-
kattā jhānassa; agāmake pana araṇṇe sukaṇaṇ yogāvacarena
idaṇ kammaṭṭhānaṇ pariggahetvā ānāpāna-catutthajjhānaṇ²
nibbattetvā tad eva pādakaṇ katvā saṅkhāre sammasitvā
aggaphalaṇ arahattaṇ pāpunituṇ; tasmā tassa anurūpaṇ
senāsanaṇ upādisanto Bhagavā, "Araṇṇagato vā" 'ti ādim
āha; tath' eva therō. Vatthuvijjācariyo viya hi Bhagavā,
so yathā vatthuvijjācariyo nagarabhūmiṇ passitvā, suṭṭhu
upaparikkhitvā, "Ettha nagaraṇ māpethā" 'ti upadisati,
sotthinā ca nagare niṭṭhite rājakulato mahāsakkāraṇ labhati;
evam eva yogāvacarassa anurūpaṇ senāsanaṇ upaparikkhitvā,
ettha kammaṭṭhānaṇ anuyuñjitaḥḥan 'ti upadisati. Tato
tatha kammaṭṭhānam anuyuttena yoginā kamena arahatte
patte, Sammāsambuddho vata so Bhagavā! 'ti mahantaṇ
sakkāraṇ labhati.

Ayaṇ pana bhikkhu dīpisadiso 'ti vuccati. Yathā hi
mahādīpīrājā araṇṇe tiṇagahanaṇ vā, vanagahanaṇ vā,
pabbatagahanaṇ vā nissāya niliyitvā vanamahisa-gokaṇṇa-
sūkarādayo mige gaṇhāti; evam eva ayaṇ araṇṇādīsu ka-
mmaṭṭhānam anuyuñjanto bhikkhu yathākkamena sotāpatti-
sakaḍāgāmi-anāgāmi-arahattamagge c' eva ariyaphalāni ca
gaṇhāti 'ti veditaḥḥo. Ten' āhu porāṇā:

¹ SH v.l. mukha-.

² B, SM catukka-.

Yathā 'pi dīpiko nāma
 Nilīyitvā gaṇhate¹ mige,
 Tath' evāyaṇ buddhaputto
 Yuttayogo vipassako
 Araññaṇ pavisitvāna
 Gaṇhāti² phalam uttaman 'ti.

(Vis. Magga. VIII.)

Ten' assa parakkamajavayoggabhūmiṇ³ araññasenāsanāṇ dassento, araññagato vā 'ti ādim āha. Tattha: araññagato 'ti upari-vuttalakḥhaṇaṇ yaṇ kiñci pavivekasukhaṇ araññaṇ gato. Rukkhamūlagato 'ti rukkkhasamīpaṇ gato. Suññāgāragato 'ti suññaṇ vivittokāsaṇ gato. Ettha ca ṭhapetvā araññaṇ ca, rukkkhamūlaṇ ca, avasesaṇ-sattavidha-senāsaṇaṇ gato 'pi suññāgāragato 'ti vattuṇ vaṭṭati. Navavidhaṇ hi senāsaṇaṇ, yath' āha: "So vivittaṇ senāsaṇaṇ bhajati, araññaṇ, rukkkhamūlaṇ, pabbataṇ, kandaraṇ, giriguhaṇ, susānaṇ, vanapatthaṇ, abbhokāsaṇ, palālapuñjaṇ 'ti." Evam assa ututtayānukūlaṇ, dhātucariyānukūlaṇ ca ānāpānasati-bhāvanānurūpaṇ senāsaṇaṇ upadisitvā alinānuddhaccapakḥhikaṇ santam iriyāpathaṇ upadisanto *nisīdati* 'ti āha.

Atha 'ssa nisajjāya dāḥabhāvaṇ, assāsapassāsānaṇ pavattanasamatthataṇ, ārammaṇapariggahūpāyaṇ ca dassento pallaṅkaṇ ābhujitvā 'ti ādim āha. Tattha: *Pallaṅkan* 'ti samantato ūrubaddhāsaṇ. *Ābhujitvā* 'ti bandhitvā. *Ujjuṇ kāyaṇ paṇidhāyā* 'ti uparimasarīraṇ ujukaṇ ṭhapetvā aṭṭhārasa-piṭṭhikaṇṭaka-koṭiyā koṭiṇ paṭipādetvā. Evaṇ hi nisinassa cammaṇaṇsanahārūni na paṇamanti. Ath' assa yā tesāṇ paṇamanapaccayā khaṇe khaṇe vedanā uppajjeyyuṇ, tā na uppajjanti. Tāsu anuppajjamānāsu cittaṇ ekaggaṇ hoti, kammaṭṭhānaṇ na paripatati,⁴ vuddhiṇ phātiṇ upagacchati. *Parimukhaṇ satij upaṭṭhapetvā* 'ti kammaṭṭhānābhimukhaṇ satij ṭhapayitvā. *So sato 'va*¹ *assasati, sato passasati* 'ti so bhikkhu evaṇ nisīditvā, evaṇ ca satij upaṭṭhapetvā taṇ satij avijahanto sato eva assasati, sato passasati. Satokāri hoti 'ti vuttaṇ hoti.

¹ SH, SM -ti.

² B Gaṇhate.

³ B yoggaṇ eva bhūmiṇ.

⁴ B paripūrati for na paripatati.

Idāni yehi pakārehi satokārī hoti te pakāre dassetuṇ
Dīghaṇ vā assasanto 'ti ādim āha. Tattha: dīghaṇ assasanto
 'ti dīghaṇ assāsaṇ pavattayanto, tathā *rassaṇ*. Yā pana
 tesāṇ dīgharassatā, sā kālavasena veditabbā. Kadāci hi
 manussā hatthi-ahi-ādayo viya kālavasena dīghaṇ assasanti
 ca passasanti ca, kadāci sunakhasasādayo viya *rassaṇ*.
 Aññathā hi cuṇṇavicuṇṇā assāsapassāsā dīgharassā nāma na
 honti. Tasmā te dīghaṇ kālaṇ pavisantā ca nikkhamantā
 ca dīghā, *rassaṇ* kālaṇ pavisantā ca nikkhamantā ca *rassā*
 'ti veditabbā. Tatrāyaṇ bhikkhu upari vutthehi navah'
 ākārehi dīghaṇ assasanto passasanto ca, *dīghaṇ assasāmi*
 . . . *passasāmi* 'ti pajānāti; tathā *rassaṇ* . . . Evaṇ pajā-
 nāto ca:

Dīgho rasso ca assāso

Passāso 'pi ca tādiso,

Cattāro vaṇṇā vattanti

Nāsikagge 'va bhikkhuno,

(Vis. M. VIII.)

'ti catunna¹ c' assa ākārānaṇ ekenākārena kāyānupassanā-
 satipatṭhānabhāvanā sampajjati 'ti veditabbā. *Sabbakāya-*
patisaṇvedī assasissāmī 'ti sikkhati, sabbakāyapatisaṇvedī
passasissāmī 'ti sikkhati 'ti sakalassa assāsakāyassa ādi-
 majjha-pariyosānaṇ viditaṇ karonto, pākataṇ karonto, assa-
 sissāmī 'ti sikkhati; sakalassa passāsakāyassa passa-
 sissāmī 'ti sikkhati. Evaṇ viditaṇ karonto, pākataṇ karonto,
 ñānasampayuttacittena assasati c' eva passasati ca, tasmā
 "Assasisissāmī . . . passasissāmī" 'ti sikkhati 'ti vuccati.
 Ekassa hi bhikkhuno cuṇṇavicuṇṇavisatē² assāsakāye, passā-
 sakāye vā, ādi pākato hoti, na majjha-pariyosānaṇ. So
 ādim eva pariggahetuṇ sakkoti, majjha-pariyosāne kilamatī.
 Ekassa majjhaṇ pākataṇ hoti, na ādi-pariyosānaṇ, so ma-
 jjham eva pariggahetuṇ sakkoti, ādi-pariyosāne kilamatī.
 Ekassa pariyosānaṇ pākataṇ hoti, na ādi-majjhaṇ. So
 pariyosānam yeva pariggahetuṇ sakkoti, ādi-majjhe kilamatī.
 Ekassa sabbaṇ pākataṇ hoti, so sabbam 'pi pariggahetum

¹ SH navannaṇ.

² B cuṇṇavikate; SM cuṇṇavinane.

sakkoti, na katthaci kilamati. Tādisena bhāvitabban 'ti dassento āha: Sabbakāyapaṭisaṇvedī 'ti ādi.

Tattha: sikkhatī 'ti evaṇ ghaṭati vāyamati. Yo vā tathābhūtaṣṣa saṇvaro ayam ettha adhisīlasikkhā; yo vā tathābhūtaṣṣa samādhi ayaṇ adhicittasikkhā; yā tathābhūtaṣṣa paññā ayaṇ adhipaññāsikkhā; 'ti imā tisso sikkhāyo tasmiṇ ārammaṇe tāya satiyā tena manasikārena sikkhati āsevati bhāveti bahulikarotī 'ti evam ettha attho daṭṭhabbo. Tattha yasmā purimanayena kevaḷaṇ assāsitaḷbaṇ passāsitaḷbbam eva ca, na aññaṇ kiñci kātaḷbaṇ, ito paṭṭhāya pana ñāṇuppadānādīsu yogo karaṇīyo; tasmā tattha assasāmi 'ti pajānāti, passasāmi 'ti pajānāti 'ti c' eva vattamānakālavasena pāliṇ vatvā ito paṭṭhāya kattaḷbbassa ñāṇuppadādino ākā-rassa dassanattaṇ sabbakāyapaṭisaṇvedī assasissāmi 'ti ādinā nayena anāgata-kālavasena pāli āropitā 'ti veditabbā.

Passambhaṇaṇ kāyasāṅkhāraṇ ... pe ... sikkhatī 'ti oḷarikaṇ assāsapassāsā-saṅkhātaṇ kāyasāṅkhāraṇ passambhento paṭippassambhento nirodhento vūpasamento assasissāmi, passasissāmi 'ti vā sikkhati. Tatr' evaṇ oḷarikasukhumatā ca passaddhi ca veditabbā: Imassa hi bhikkhuno pubbe apariggahitakāle kāyo ca cittaṇ ca sadaraṭhā hontī oḷarikā. Kāyacittānaṇ oḷarikatte avūpasante assāsapassāsā 'pi oḷarikā hontī, balavataṛā hutvā pavattanti, nāsikā na ppahoti, mukhena assasanto 'pi, passasanto 'pi, tiṭṭhati. Yadā pan' assa kāyo 'pi, cittam 'pi pariggahitā hontī, tadā te santā hontī vūpasantā. Tesu vūpasantesu¹ assāsapassāsā sukhumā hutvā pavattanti, "Atthi nu kho n' atthi"? 'ti vicetabbākārapattā hontī. Seyyathā 'pi purisassa dhāvitvā, pabbatā vā orohitvā, mahābhāraṇ vā sīsato āropetvā ṭhitassa oḷarikā assāsapassāsā hontī . . . pe² . . . tiṭṭhati; yadā pan' esa taṇ pariṣsamaṇ vinodetvā, nahātvā ca pivitvā ca, allasāṭakaṇ hadaye katvā sītāya chāyāya nipanno hoti, ath' assa te assāsapassāsā sukhumā hontī, "Atthi nu kho n' atthi?" 'ti vicetabbākārapattā. Evam eva imassa bhikkhuno aperi-

¹ B santesu.

² All editions repeat in full.

ggahitakāle 'ti vitthāretabbaṃ. Tathā hi 'ssa pubbe apari-ggahitakāle olārikoḷārike kāyasaṅkhāre passambhemi 'ti ābhogasamannāhāra-manasikāro n' atthi, pariggahitakāle pana atthi. Ten' assa apariggahitakālato pariggahitakāle kāyasaṅkhāro sukhumo hoti. Ten' āhu porāṇā:

Sāraddhe kāye citte ca
Adhimattaṃ pavattati.
Asāraddhamhi kāyamhi
Sukhumaṃ sampavattatī 'ti.

(Vis. M. VIII.)

Pariggahe¹ 'pi olāriko, paṭhamajjhānūpacāre sukhumo. Tasmim 'pi olāriko, paṭhamajjhāne sukhumo. Paṭhamajjhāne ca dutiyajjhānūpacāre ca olāriko, dutiyajjhāne sukhumo. Dutiyajjhāne ca tatiyajjhānūpacāre ca olāriko, tatiyajjhāne sukhumo. Tatiyajjhāne ca catutthajjhānūpacāre ca olāriko, catutthajjhāne atisukhumo, appavattim eva pāpuṇāti. Idaṃ tāva Dīghabhāṇaka-Saṃyuttabhāṇakānaṃ mataṃ. Majjhimbhāṇakā pana, "Paṭhamajjhāne olāriko, dutiyajjhānūpacāre sukhumo," 'ti evaṃ heṭṭhimahēṭṭhimajjhānato uparūpari jhānūpacāre 'pi sukhumataṃ icchanti. Sabbesaṃ yeva pana matena apariggahitakāle pavattakāyasaṅkhāro pariggahitakāle paṭippassambhati; pariggahitakāle pavattakāyasaṅkhāro paṭhamajjhānūpacāre . . . pe . . . catutthajjhāne paṭippassambhati. Ayaṃ tāva samathe nayo.

Vipassanāya pana apariggahitakāle pavattakāyasaṅkhāro o., mahābhūtapariggahe sukhumo. So 'pi o., upādārūpapariggahe su. So 'pi o., sakalarūpapariggahe . . . arūpapariggahe . . . rūpārūpapariggahe . . . paccayapariggahe . . . sappaccayanāmarūpadassane . . . lakkhaṇārammaṇikavipassanāya . . . dubbalavipassanāya olāriko, bala-vavipassanāya sukhumo. Tattha pubbe vuttanayen' eva purimassa purimassa pacchimena pacchimena paṭippassaddhi veditabbā. Evam ettha olārikasukhumatā, paṭippassaddhi

¹ B, SM Pariggahitakāle.

ca veditabbā. Ayaṇ tāv' ettha kāyānupassanāvasena vuttassa paṭhamacatukkassa anupubbapadavaṇṇanā.

Yasmā paṇ' ettha idam eva catukkaṇ ādikammikassa kammaṭṭhānavasena vuttaṇ, itarāni pana tīni catukkāni ettha pattaṭṭhānassa vedanā-citta-dhammānupassanāvasena; Tasmā imaṇ kammaṭṭhānaṇ bhāvetvā ānāpānacatukkajjhānapadaṭṭhānāya vipassanāya saha paṭisambhidāhi arahattaṇ pāpūnitukāmena ādikammikena kulaputtana Visuddhimagge vuttanayena silāparisodhanādini sabbakiccāni katvā sattaṇ-gasamannāgatassa ācariyassa santike pañcasandhikaṇ kammaṭṭhānaṇ uggahetabbaṇ. Tatr' ime pañca sandhāyo: uggaho, paripucchā, upaṭṭhānaṇ, appaṇā, lakkhaṇaṇ 'ti.

Tattha: Uggaho nāma kammaṭṭhānassa uggahaṇaṇ. Paripucchā nāma kammaṭṭhānassa paripucchanaṇ. Upaṭṭhānaṇ nāma kammaṭṭhānassa upaṭṭhānaṇ. Appaṇā nāma kammaṭṭhānassa appaṇā. Lakkhaṇaṇ nāma kammaṭṭhānassa lakkhaṇā. Evaṇ-lakkhaṇam idaṇ kammaṭṭhānaṇ 'ti kammaṭṭhāna-sabhāvūpadhāraṇaṇ 'ti vuttaṇ hoti. Evaṇ pañcasandhikaṇ kammaṭṭhānaṇ uggahaṇanto attanā 'pi na kilamati, ācariyam 'pi na viheseti.¹ Tasmā thokaṇ uddisāpetvā bahuṇ kālaṇ sajjhāyitvā evaṇ pañcasandhikaṇ kammaṭṭhānaṇ uggahetvā ācariyassa santike vā aññattha vā aṭṭhārasadosayutte vihare vajjetvā pañcaṇgasamannāgate senāsane vasantena upacchinna-khuddakapaḷibodhena katabhattakiccena bhattasammadaṇ paṭivinodetvā sukhaṇisinnena Ratanattaya-guṇānussaraṇena cittaṇ sampahaṇsetvā ācariyuggahato ekapadam 'pi aparihāpentena idaṇ ānāpānasati-kammaṭṭhānaṇ manasikātabbaṇ. Tatrā-yaṇ manasikāravidhi:

Gaṇanā anubandhanā

Phusanā thapanā sallakkhaṇā

Vivattaṇā pārisuddhi

Tesaṇ ca paṭipassanā 'ti.

(Vis. M. VIII.)

¹ B vihettheti.

Tattha: Gaṇanā 'ti gaṇanā yeva. Anubandhanā 'ti anu-gamanā. Phusanā 'ti phutṭhatṭhānaṇ. Thapanā 'ti appanā. Sallakkhanā 'ti vipassanā. Vivatṭanā 'ti maggo. Pāri-suddhī 'ti phalaṇ. Tesaṇ ca paṭipassanā 'ti paccavekkhanā.

Tattha iminā ādikammikena kulaputtena paṭhaman gaṇa-nāya idan kammaṭṭhānaṇ manasikātabbaṇ. Gaṇentena pana pañcannaṇ heṭṭhā na ṭhapetabbaṇ. Dasannaṇ upari na gaṇetabbaṇ. Antarā khaṇḍaṇ na dassetabbaṇ. Pañcannaṇ heṭṭhā ṭhapentassa hi sambādhe okāse cittuppādo vipphan-dati, sambādhe vaje sanniruddhagogaṇo viya. Dasannaṇ upari nentassa gaṇananissito cittuppādo hoti. Antarā kha-ṇḍaṇ dassentassa, “Sikhāppattaṇ nu kho me kammaṭṭhā-nan?” 'ti cittaṇ vikampati. Tasmā ete dose vajjetvā gaṇe-tabbaṇ. Gaṇentena ca paṭhaman dandhagaṇanāya dhañña-māpakagaṇanāya gaṇetabbaṇ. Dhaññamāpako hi nāliṇ pū-retvā “Ekan” 'ti vatvā okirati. Puna pūrento kiñci kaca-varaṇ disvā chaḍḍento “Ekaṇ ekan” 'ti vadati. Es' eva nayo “Dve dve” 'ti ādīsu. Evam eva iminā 'pi assāsapa-ssāsesu yo upatṭhāti, taṇ gaṇetvā “Ekaṇ ekan” 'ti ādiṇ katvā yāva “Dasa dasā” 'ti pavattamānaṇ pavattamānaṇ upalakkeṭvā 'va gaṇetabbaṇ. Tassa evaṇ gaṇayato ni-kkhamantā ca pavisantā ca assāsapassāsā pākātā honti. Athā-nena taṇ dandhagaṇaṇ dhaññamāpakagaṇanaṇ pahāya sīghagaṇanāya gopālakagaṇanāya gaṇetabbaṇ. Cheko hi gopālako sakkharāyo ucchaṅgena gaṇetvā rajjudandaḥattho pāto vajan gantvā gāvo piṭṭhiyaṇ paharitvā paḷighattham-bhamatthake nisinno dvāraṇ pattaṇ pattaṇ yeva gāviṇ “Eko dve” 'ti sakkharaṇ khipitvā khipitvā gaṇeti. Tiya-marattiṇ sambādhe okāse dukkhavuttha-gogaṇo nikkha-manto aññamaññaṇ upanighaṇsento¹ vegena vegena puñja-puñjo hutvā nikkhamati. So vegena, “Tini, cattāri, pañca, dasā” 'ti gaṇeti yeva. Evam assā-pi purimanayena gaṇa-yato assāsapassāsā pākātā hutvā sīghaṇ sīghaṇ punappunaṇ sañcaranti. Tato tena punappunaṇ sañcaranti 'ti ñatvā anto ca bahi ca agaṇetvā dvāraṇ pattaṇ pattaṇ yeva gaṇetvā

¹ B ghaṇsanto.

“Eko, dve, tīṇi, cattāri, pañca; Eko, . . . pe . . . pañca, cha, satta, aṭṭha, nava, dasā” ’ti sīghaṇ sīghaṇ gaṇetabbam eva ca. Gaṇanāpaṭibaddhe hi kammaṭṭhāne gaṇanābalen’ eva cittaṇ ekaggaṇ hoti, arittupatthambhanavasena caṇḍasote nāvāṭhapanam iva.

Tass’ evaṇ sīghaṇ sīghaṇ gaṇayato kammaṭṭhānaṇ niran-taraṇ pavattaṇ viya hutvā upaṭṭhāti. Atha niran-taraṇ pavattatī ’ti ñatvā anto ca bahi ca vātaṇ apariggahetvā purimanayen’ eva vegena gaṇetabbaṇ. Anto pavisanavā-tena hi saddhiṇ cittaṇ pavesayato abbhantaraṇ vātabbhā-hataṇ medapuṭaṇ¹ viya hoti. Bahi-nikkhamanavātena saddhiṇ cittaṇ niharato bahiddhā puthuttārammaṇe cittaṇ vikkhipati.² Phuṭṭhokāse pana satiṇ ṭhapetvā bhāventass’ eva bhāvanā sampajjati. Tena vuttaṇ: “Anto ca bahi ca . . . pe . . . gaṇetabban” ’ti. Kīva ciraṇ pan’ etaṇ gaṇetabban? ’ti. Yāva vinā gaṇanāya assāsapassāsārammaṇe sati patiṭṭhāti. Bahivisaṭavitaṅka-vicchedaṇ katvā assāsa-passāsārammaṇe satisaṇṭhāpanatthaṇ yeva hi gaṇanā ’ti.

Evaṇ gaṇanāya manasikatvā anubandhanāvasena manasi-kātabbaṇ. Anubandhanā nāma gaṇanaṇ paṭisaṇharitvā satiyā niran-taraṇ assāsapassāsānaṇ anugamanaṇ. Tañ ca kho pana na ādi-majjha-pariyosānānugamanavasena. Ādi-majjha-pariyosānāni tantassā-nugamane ādinavā ca heṭṭhā vuttān’ eva. Tasmā anubandhanāya manasikarontena na ādimajjhapariyosānavasena manasikātabbaṇ. Api ca kho phusanāvasena ca ṭhapanāvasena ca manasikātabbaṇ. Gaṇanā-nubandhanāvasena viya hi phusanā-ṭhapanāvasena visuṇ manasikāro n’ atthī. Phuṭṭhaphuṭṭha-ṭṭhāne yeva pana gaṇento gaṇanāya ca phusanāya ca manasikaroti. Tatth’ eva gaṇanaṇ paṭisaṇharitvā te satiyā anubandhanto appanāvasena ca cittaṇ ṭhapento anubandhanāya ca phusanāya ca ṭhapanāya ca manasikaroti ’ti vuccati. Sv-āyam-attho Aṭṭhakathāsu vutta-paṇḍula-dovārikopamāhi, idh’ eva pāliyaṇ vutta-kakacūpamāya ca, veditabbo.

¹ SH -pūritaṇ.

² B vikkhambhati.

Tatrā-yaṇ paṅgulopamā: Seyyathā 'pi paṅgulo dolāya kīlaṭaṇ mātāputtānaṇ dolaṇ khipitvā tatth' eva dolatham-bhamūle nisinno kamena āgacchantassa ca gacchantassa ca dolāphalakassa ubho koṭiyo majjhaṇ ca passati, na ca ubhokoṭimajjhānaṇ dassanatthaṇ byāvaṭo hoti; Evam eva bhikkhu sativasena upanibandhanatthambhamūle tthatvā assāsapassāsadolāṇ khipitvā tatth' eva nimitte satiyā nisīdanto kamena āgacchantānaṇ ca, gacchantānaṇ ca phutṭha-tṭhāne assāsapassāsānaṇ ādi-majjha-pariyosānaṇ satiyā anugacchanto tatth' eva cittaṇ tṭhapetvā passati, na ca tesāṇ dassanatthaṇ byāvaṭo hoti. Ayaṇ paṅgulopamā.

Ayaṇ pana dovārikopamā: Seyyathā 'pi dovāriko naga-rassa anto ca bahi ca purise,¹ "Ko tvaṇ? Kuto āgato? Kuhiṇ vā gacchasi? Kiṇ vā te hatthe?" 'ti na vīmaṇsati, na hi tassa te bhārā, dvārappattaṇ dvārappattaṇ yeva pana vīmaṇsati; evam eva imassa bhikkhuno antopaviṭṭhavatā ca bahinikkhantavatā² ca na bhārā honti, dvārappattā dvārappattā yeva bhārā 'ti. Ayaṇ dovārikopamā.

Kakacūpamā pana, "Nimittaṇ assāsapassāsā" 'ti ādinā nayena idha vuttā yeva. Idha pan' assa āgatāgatavasena amanasikāramattam eva payojanan 'ti vedītabbaṇ. Idaṇ kammaṭṭhānaṇ manasikaroto kassaci na ciren' eva nimittaṇ ca uppajjati, avasesajjhānaṅga-paṭimaṇḍitā appaṇā-saṅkhātā tṭhapanā ca sampajjati. Kassaci pana gaṇanāvasen' eva manasikārakālato ppabhuti yathā sāraddhakāyassa mañce vā piṭṭhe vā nisīdato mañcapīṭhaṇ onamati, vikūjati, pacca-ttharaṇaṇ valiṇ gaṇhāti; asāraddhakāyassa pana nisīdato n' eva mañcapīṭhaṇ onamati, na vikūjati, na . . . gaṇhāti; tūlapicupūritaṇ viya mañcapīṭhaṇ hoti; (Kasmā? yasmā asāraddhakāyo lahuco hoti.) evam evaṇ gaṇanāvasena manasikārakālato ppabhuti anukkamena olārika-assāsapassāsā-nirodhavasena kāyassa darathe vūpasante kāyo 'pi cittaṇ 'pi lahucaṇ hoti; sarīraṇ ākāse laṅghanākārappattaṇ viya hoti. Tassa olārika-assāsapassāsā niruddhe sukhuma-assāsā-

¹ B, SH *v.l. omī.*² B -nikkhamana-.

passāsa-nimittārammaṇaṇ cittaṇ pavattati. Tasmim 'pi niruddhe aparāparato sukhumataṇ assāsapassāsa-nimittārammaṇaṇ pavattati yeva. Sv-āyam-attho uparivutta-kaṇ-sathālopaṁāya veditabbo. Yathā hi aññāni kammaṭṭhānāni uparūpari vibhūtāni honti, na tathā idaṇ. Idaṇ pana uparūpari bhāventassa¹ sukhumattaṇ gacchati, upaṭṭhānam 'pi na upagacchati. Evaṇ anupaṭṭhante pana tasmīṇ tena bhikkhunā, “Ācariyaṇ pucchissāmi” 'ti va, “Naṭṭhaṇ dāni me kammaṭṭhānan” 'ti vā utthāy' āsanā na gantabbaṇ. Iriyāpathaṇ vikopetvā gacchato hi kammaṭṭhānaṇ navanavam eva hoti. Tasmā yathānisinnen' eva desato āharitabbaṇ.

Tatrā-yaṇ āharaṇūpāyo: Tena bhikkhunā kammaṭṭhānassa anupaṭṭhānabhāvaṇ ñatvā iti paṭisañcikkhitabbaṇ, “Ime assāsapassāsā nāma kattha atthi? Kattha n' atthi? Kassa vā atthi? Kassa vā n' atthi?” 'ti. Ath' evaṇ paṭisañcikkhato, “Ime anto-mātukucchiyaṇ n' atthi, uduke nimuggānaṇ n' atthi. Tathā asaṇṇībhūtānaṇ, matānaṇ, catutthajjhānaṇ samāpannānaṇ, rūpārūpabhavasamaṅgiṇaṇ, nirodhasamāpannānaṇ,” 'ti ñatvā evaṇ attanā 'va attā paṭicodetabbo, “Nanu tvaṇ paṇḍita, n' eva mātukucchigato, na uduke nimuggo, na asaṇṇībhūto, na mato, na catutthajjhānaṇ samāpanno, na rūpārūpabhavasamaṅgi, na nirodhasamāpanno. Atthi yeva te assāsapassāsā; mandapaṇṇātāya pana pariggahetuṇ na sakkosī” 'ti.

Athā-nena pakatiphuṭṭhavasena cittaṇ ṭhapetvā manasikāro pavattetabbo. Ime hi dīghanāsikassa nāsāpuṇaṇ ghaṭṭento pavattanti, rassanāsikassa uttarotṭhaṇ. Tasmā 'nena, “Idaṇ nāma ṭhānaṇ ghaṭṭenti” 'ti nimittaṇ ṭhapetabbaṇ. Imam eva hi atthavaṇaṇ paṭicca vuttaṇ Bhagavatā: Nā-haṇ bhikkhave muṭṭhassatissa asampajānassa ānāpānasati-bhāvanaṇ vadāmi” 'ti. Kiṇ cā-pi hi yaṇ kiṇci kammaṭṭhānaṇ satassa sampajānass' eva sampajjati, ito aññaṇ pana manasikarontassa pākataṇ hoti. Idam pana ānāpānasati-kamma-

¹ B repeats twice.

ṭṭhānaṇ garukaṇ, garukabhāvanaṇ, buddha-pacceka-buddha-buddhaputtānaṇ mahāpurisānaṇ yeva manasikārabhūmi-bhūtaṇ, na c' eva ittaṇ,¹ na ca ittaṇ¹-sattasamāseviṇaṇ. Yathā yathā manasi-kayirati,² tathā tathā santaṇ c' eva hoti sukhumaṇ ca. Tasmā ettha balavatī sati ca paññā ca icchitabbā. Yathā hi maṭṭhasaṭakassa tuṇṇakaraṇakāle sūci 'pi sukhumā icchitabbā, sūcipāsavedhanam³ 'pi tato sukhumataṇ; evam eva⁴ maṭṭhasaṭakasadisassa imassa kamma-ṭṭhānassa bhāvanākāle sūcipaṭibhāgā sati 'pi, sūcipāsavedhanapaṭibhāgā⁵ taṇsāmpayuttā paññā 'pi balavatī icchitabbā. Tāhi ca pana satipaññāhi samannāgatena bhikkhunā na te assāsapassāsā aññatra pakatiphuṭṭhokāsā 'va⁴ pariyesitabbā.

Yathā hi kassako khettaṇ kasitvā balivadde muñcitvā gocaramukhe katvā chāyāya nisinno vissameyya, ath' assa te balivaddā vegena aṭaviṇ paviseyyuṇ; yo hoti cheko kassako, so puna te gahetvā yojetukāmo na tesāṇ anupadaṇ gantvā aṭaviṇ āhiṇḍati; atha kho rasmiṇ ca patodaṇ ca gahetvā ujukam eva tesāṇ nipātanatitthaṇ⁵ gantvā nisīdati vā, nipajjati vā; atha te goṇe divasabhāgaṇ caritvā nipātanatitthaṇ⁶ otaritvā, nahātvā ca pivitvā ca paccuttaritvā ṭṭhite disvā, rasmiyā bandhitvā patodena vijjhanto ānetvā yojetvā puna kammaṇ karoti; evam eva⁴ tena bhikkhunā na te assāsapassāsā aññatra pakatiphuṭṭhokāsā pariyesitabbā. Satirasmiṇ pana paññāpatodaṇ ca gahetvā pakatiphuṭṭhokāse cittaṇ ṭhapetvā manasikāro pavattetabbo. Evaṇ hi 'ssa manasikaroto na cirass' eva te upaṭṭhanti nipātanatitthe viya goṇā. Tato tena satirasmiyā bandhitvā tasmiṇ yeva ṭṭhāne yojetvā paññāpatodena vijjhantena punappunaṇ kammaṭṭhānaṇ anuyuñjitabbaṇ. Tass' evam anuyuñjato na cirass' eva nimittaṇ upaṭṭhāti. Tam pan' etaṇ na sabbesaṇ ekasadiṇaṇ hoti. Api ca kho kassaci sukkhasamphassaṇ uppādayamāno tūlapicu viya, kappāsapicu viya, vātaḍḍhāra viya ca upaṭṭhāti 'ti ekacce āhu.

¹ SH itara.² B -kariyati.³ B -pāsaka-.⁴ SH, SM evaṇ.⁵ B omits.⁶ SH, SM nipātanatitthaṇ (*throughout*).

Ayam pana Atthakathāsu vinicchayo: Idaṃ hi kassaci tāra-karūpaṃ viya, maṇigūḷikā viya, muttāgūḷika viya ca; kassaci kharasamphassaṃ hutvā kappāsattḥi viya, dārusāra-sūci viya ca; kassaci dīghapāmaṅgasuttaṃ viya, kusumadāmaṃ viya, dhūmasikhā viya ca, kassaci vitthaṃ makkatāka-suttaṃ viya, valāhaka-paṭalaṃ viya, padumapupphaṃ viya, rathacakkaṃ viya, candamaṇḍalaṃ viya, suriyamaṇḍalaṃ viya, ca upaṭṭhāti. Tañ ca paṇ' etaṃ yathā sambahulesu bhikkhūsu suttantaṃ sajjhāyitvā nisinnesu ekena bhikkhunā, "Tumhākaṃ kīdisaṃ hutvā idaṃ suttaṃ upaṭṭhāti?" 'ti vutte eko, "Mayhaṃ mahatī pabbateyyā nadī viya upaṭṭhāti" 'ti āha; añño, "Mayhaṃ ekā vanarājī viya"; añño, "Mayhaṃ eko sītaccchāyo sākhasampanno phalabhārabhārito rukkho viyā," 'ti tesāṃ hi taṃ ekam eva suttaṃ saññānā-natāya nānato upaṭṭhāti; evaṃ ekam eva kammaṭṭhānaṃ saññānānatāya nānato upaṭṭhāti. Saññājaṃ hi etaṃ saññā-nidānaṃ, saññāpabhavaṃ. Tasmā saññānānatāya nānato upaṭṭhāti 'ti veditabbaṃ. Evaṃ upaṭṭhite pana nimitte tena bhikkhunā ācariyasantikaṃ gantvā ārocetabbaṃ: "Mayhaṃ bhante evarūpaṃ nāma upaṭṭhāti" 'ti. Ācariyena pana, "Nimittam idaṃ āvuso, kammaṭṭhānaṃ punappunaṃ manasi-karohi sappurisā!" 'ti vattabbo. Athā-nena nimitte yeva cittaṃ ṭhapetabbaṃ. Evam assā-yaṃ itoppabhūti ṭha-panāvasena bhāvanā hoti. Vuttaṃ h' etaṃ porāṇehi:

Nimitte ṭhapayaṃ cittaṃ
Nānākāraṃ vibhāvayaṃ
Dhīro assāsapassāse
Sakaṃ cittaṃ nibandhati 'ti.

(Vis. M. 286.)

Tass evaṃ nimittupaṭṭhānato pabhūti nīvaraṇāni vikkham-bhitāṇ' eva honti, kilesā sannisinnā 'va, cittaṃ upacāra-samādhinā samāhitam eva. Athā-nena taṃ nimittaṃ n' eva vaṇṇato manasi-kātabbaṃ, na lakkhaṇato paccavekkhita-bbaṃ. Api ca kho khattiyamahesiyā cakkavattigabbho viya kassakena sāliyavagabbho viya ca āvāsādini satta asa-ppāyāni vajjetvā, taṃ eva satta sappāyāni sevantena sādhu-kaṃ rakkhitabbaṃ.

Atha naṇ evaṇ rakkhitvā punappunaṇ manasikāravasena vuddhiṇ virūhiṇ gamayitvā dasavidhaṇ appaṇākosallaṇ sampādetabbaṇ, viriyasamatā yojetabbā. Tass' evaṇ ghaṭentassa Visuddhimagge vuttānukkamena* tasmiṇ nimitte catukka-paṇcakaṇjāhānāni nibbattanti. Evaṇ nibbatta-catukka-paṇcakaṇjāhāno pan' ettha bhikkhu sallakkhaṇā-vivaṭṭa-nāvasena kammaṭṭhānaṇ vaḍḍhetvā pārisuddhiṇ pattukāmo tad eva jhānaṇ pañcaḥ' ākārehi vasippattaṇ paguṇaṇ katvā, nāmarūpaṇ vavatthapetvā vipassanaṇ paṭṭhapeti.

Kathaṇ ?

So hi samāpattito vutthāya assāsapassāsānaṇ samudayo karajakāyo ca cittaṇ cā 'ti passati. Yathā hi kammāragaggariā dhamamānāya bhastaṇ ca purisassa ca tajaṇ vāyāmaṇ paṭicca vāto saṇcarati, evam eva kāyaṇ ca cittaṇ ca paṭicca assāsapassāsā 'ti; tato assāsapassāse ca kāyaṇ ca rūpaṇ 'ti; cittaṇ ca taṇsampayutte ca dhamme arūpaṇ 'ti vavatthapeti. Evaṇ nāmarūpaṇ vavatthapetvā tassa pa-cayaṇ pariyesati. Pariyesanto ca taṇ disvā tīsu 'pi addhāsu nāmarūpassa pavattiṇ ārabba kaṇkhaṇ vitarati. Vittiṇna-kaṇkho kalāpasammasanavasena aniccaṇ, dukkham, anattā 'ti tilakkhaṇaṇ āropetvā udayabbayānupassanāya uppanne obhāsādayo dasa vipassanūpakilese pahāya, upakkilesa-vimuttaṇ udayabbayānupassanāñānaṇ Maggo 'ti vavatthapetvā, udayaṇ pahāya bhaṅganupassanaṇ patvā, nirantaraṇ bhaṅgānupassanena bhayato upaṭṭhitesu sabbasaṅkhāresu nibbindanto virajjanto vimuccanto, yathākkamena cattāro ariyamagge pāpunitvā arahattaphale paṭiṭṭhāya ekūnavisa-tibhedassa paccavekkhaṇaṇānaṇssa pariyaṇtappatto sadeva-kassa lokassa aggadakkhiṇeyyo hoti. Ettāvātā c' assa gaṇanaṇ ādiṇ katvā paṭipassanāpariyosānā ānāpānasatisam-ādhibhāvanā samattā hoti 'ti.

Ayaṇ Sabbākārato Paṭhamacatukka-Vannaṇā.

Itaresu pana tīsu catukkesu yasmā visuṃ kammaṭṭhāna-bhāvanānayo nāma n' atthi, tasmā anupadavaṇṇanāyena¹ eva tesañ evam attho veditabbo:

Pīṭisaṇvedī 'ti pīṭiṃ paṭisaṇviditaṃ karonto pākaṭaṃ karonto, Assasissāmī . . . passasissāmī 'ti sikkhati. Tattha dvih' ākārehi pīti paṭisaṇveditā hoti: ārammaṇato ca asammohato ca. Kathaṃ ārammaṇato pīti paṭisaṇveditā hoti? Sappīṭike dve jhāne samāpajjati. Tassa samāpattikkhaṇe jhānapaṭilābhena ārammaṇato pīti paṭisaṇveditā¹ hoti tadārammaṇassa paṭisaṇviditattā. Kathaṃ asammohato? Sappīṭike dve jhāne samāpajjitvā vuṭṭhāya jhānasampayuttaṃ pīṭiṃ khayato vayato sammāsati. Tassa vipassanākkhaṇe lakkhaṇapaṭivedhena asammohato pīti paṭisaṇveditā hoti.¹ Eten' eva nayena avasesapadāni 'pi atthato veditabbāni. Idaṃ pan' ettha visesamattaṃ:

Tiṇṇaṃ jhānānaṃ vasena sukhapaṭisaṇveditā hoti, catunnam 'pi jhānānaṃ vasena cittasaṅkhārapaṭisaṇveditā veditabbā. Cittasaṅkhāro 'ti vedanā-saññākkhandhā.

[176] *Passambhayaṃ kāyasaṅkhāraṇ* 'ti ^a(oḷārikaṃ oḷārikaṃ cittasaṅkhāraṃ)^b passambhento, nirodhento 'ti attho. So vitthārato kāyasaṅkhāre vuttanayena veditabbo. Api c' ettha pīti-pade pīti-sisena vedanā vuttā. Sukha-pade sarūpen' eva vedanā. Dvīsu cittasaṅkhāra-padesu saññā ca vedanā ca cetasikā. Ete dhammā "cittapaṭibaddhā cittasaṅkhārā" 'ti vacanato, "saññāsampayuttā vedanā" 'ti evaṃ vedanānupassanānāyena idaṃ catukkaṃ bhāsitaṃ 'ti veditabbaṃ. Tatiyacatukke 'pi catunnaṃ jhānānaṃ vasena cittapaṭisaṇveditā veditabbā.

Abhippamodayaṃ cittaṃ 'ti cittaṃ modento pamodento bhāsento² pabhāsento³ Assasissāmī . . . passasissāmī 'ti sikkhati. Tattha dvih' ākārehi abhippamodo hoti: samādhivasena ca vipassanāvasena ca. Kathaṃ samādhivasena?

¹ SH -veditā; SM -viditā (throughout).

^{a to b} B oḷārikacittasaṅkhāraṃ.

² B hāsento.

³ B pahāsento.

Sappīṭike dve jhāne samāpajjati, so samāpattikkhaṇe sampayuttapīṭiyā cittaṃ āmodeti pamodeti. Kathaṃ vipassanāvasena? Sappīṭike dve jhāne samāpajjivā vuṭṭhāya jhānasampayuttaṃ pīṭiṃ khayato vayato sammāsati.¹ Evaṃ vipassanākkhaṇe jhānasampayuttaṃ pīṭiṃ ārammaṇaṃ katvā cittaṃ āmodeti pamodeti. Evaṃ paṭipanno, abhippamodayaṃ cittaṃ sikkhatī 'ti vuccati.

Samādahaṃ cittaṃ 'ti paṭhamajjhānādivasena ārammaṇe cittaṃ samaṃ ādahanto samaṃ ṭhapento. Tāni vā pana jhānāni samāpajjivā vuṭṭhāya jhānasampayuttaṃ cittaṃ khayato vayato sammāsato vipassanākkhaṇe lakkhaṇapaṭivedhena uppajjati khaṇika-cittakaggatā. Evaṃ uppannāya khaṇikacittakaggatāya vasena 'pi ārammane cittaṃ samaṃ ādahanto, samaṃ ṭhapento, "samādahaṃ cittaṃ assasissāmi . . . passasissāmi 'ti sikkhatī" 'ti vuccati.

Vimocayaṃ cittaṃ 'ti paṭhamajjhānena nīvaraṇehi cittaṃ mocento vimocento, dutiyena vitakkavicārehi, tatiyena pīṭiyā, catutthena sukhadukkhehi cittaṃ mocento vimocento; tāni vā pana jhānāni samāpajjivā vuṭṭhāya jhānasampayuttaṃ² cittaṃ² khayato vayato sammāsati. So vipassanākkhaṇe aniccānupassanāya niccasaññāto cittaṃ mocento vimocento; dukkhānupassanāya sukhasaññāto, anattānupassanāya attasaññāto, nibbidānupassanāya nandito, virāgānupassanāya rāgato, nirodhānupassanāya samudayato, paṭinissaggānupassanāya ādānato cittaṃ mocento vimocento assasati c' eva passasati ca. Tena vuccati: Vimocayaṃ cittaṃ . . . 'ti sikkhatī 'ti.

Catutthe catukke pana *aniccānupassī* 'ti ettha tāva aniccaṃ veditabbaṃ, aniccātaṃ veditabbā, aniccānupassanā veditabbā, aniccānupassī veditabbo. Tattha: aniccaṃ 'ti pañcakkhandhā. Kasmā? Uppāda-vaya-ññathattabhāvā. Aniccātaṃ 'ti tesāṃ yeva uppāda-vaya-ññathattaṃ, hutvā abhāvo vā. Nibbattānaṃ ten' ev' ākārena aṭhatvā³ khaṇabhaṅgena

¹ B sampassati.

² B jhānasampayuttadhamme.

³ B ahutva; SH v.l. ṭhatvā.

bhedo 'ti attho. Aniccānupassanā 'ti tassā aniccatāya vasena rūpādīsu aniccan 'ti anupassanā. Aniccānupassī 'ti tāya anupassanāya samannāgato. Tasmā evambhūto assasanto passasanto ca idha "aniccānupassī . . . sikkhatī" 'ti vedītabbo.

Virāgānupassī 'ti ettha pana dve virāgā: khayavirāgo ca accantavirāgo ca. Tattha khayavirāgo 'ti saṅkhārāṇaṃ khaṇabhaṅgo. Accantavirāgo 'ti nibbāṇaṃ. Virāgānupassanā 'ti tadubhayadassanavasena pavattā vipassanā ca maggo ca. Tāya duvidhāya 'pi anupassanāya samannāgato hutvā assasanto passasanto ca "Virāgānupassī . . . sikkhatī" 'ti vedītabbo. *Nirodhānupassī*-pade 'pi es' eva nayo.

Paṭinissaggānupassī 'ti etthā pi dve paṭinissaggā: pariccāgapāṭinissaggo ca pakkhandanapaṭinissaggo ca. Paṭinissaggo yeva anupassanā paṭinissaggānupassanā. Vipassanā-maggāṇaṃ etaṃ adbhavaṇaṃ. Vipassanā hi tadanāgavasena saddhiṃ khandhābhisaṅkhārehi kilese pariccajati, saṅkhata-dosadassanena ca tabbiparīte nibbāṇe tanninnatāya pakkhandatī 'ti pariccāgapāṭinissaggo c' eva pakkhandanapaṭinissaggo cā-ti vuccati. Maggo samucchedavasena saddhiṃ khandhābhisaṅkhārehi kilese pariccajati, ārammaṇakaraṇena¹ nibbāṇe pakkhandatī 'ti pariccāgapāṭinissaggo c' eva pakkhandanapaṭinissaggo ca-ti vuccati. Ubhayam 'pi pana purimaññāṇaṃ² anu-anupassanato anupassanā 'ti vuccati. Tāya duvidhāya 'pi paṭinissaggānupassanāya samannāgato hutvā assasanto ca passasanto ca "paṭinissaggānupassī . . . sikkhatī" 'ti vedītabbo.

Ettha ca aniccānupassī 'ti taruṇavipassanāya vasena vuttaṃ. Virāgānupassī 'ti tato balavatarāya saṅkhāresu virājjanasamatthāya³ vipassanāya vasena; nirodhānupassī 'ti tato balavatarāya kilesanirodhanasamatthāya vipassanāya

¹ B -karaṇavasena.

² SH purimapurima-.

³ B vivatṭana-.

vasena; paṇissaggānupassī 'ti maggassa āsannabhūṭāya titikkhāya¹ vipassanāya vasena vuttan 'ti veditabbaṇ. Yattha pana maggo 'pi labbhati so abhiñño yeva. Evam idaṇ catukkaṇ suddhavipassanāvasena vuttaṇ, purimāni pana tīpi samathavipassanāvasenā 'ti.

Ānāpānasatimātikā-Vaṇṇanā Niṭṭhitā.

33. Idāni yathānikkhittaṇ mātikaṇ paṭipāṭiyā bhājetvā dassetuṇ *Idhā 'ti imissā diṭṭhiyā* 'ti ādi āradḍhaṇ. Tattha: Imissā diṭṭhiyā 'ti ādīhi dasahi padehi sikkhattaya-saṅkhātāṇ sabbaññubuddhasāsanam eva kathitaṇ. Taṇ hi Buddhena bhagavatā diṭṭhattā diṭṭhī 'ti vuccati. Taṇ yeva khamana-vasena khanti, ruccanavasena ruci, gahaṇavasena ādāyo, sabhāvaṭṭhena dhammo, sikkhitabbaṭṭhena vinayo, tadubha-yena 'pi dhammavinayo, pavuttavasena pāvacaṇaṇ, seṭṭha-cariyaṭṭhena brahmacariyaṇ, anusitṭhidānavasena satthusāsanān 'ti vuccati. Tasmā imissā diṭṭhiyā 'ti ādisu imissā buddhadiṭṭhiyā, *imissā buddha-khantiyā*, *imissā buddha-ruciya*, *imasmīṇ buddha-ādāye*, *imasmīṇ buddha-dhamme*, *imasmīṇ vinaye* *dhammavinaye* *pāvacane* *brahmacariye*, *imasmīṇ buddha-satthusāsane* 'ti attho veditabbo. Api c' ettha sikkhattaya-saṅkhātāṇ sakalapāvacaṇaṇ Bhagavatā diṭṭhattā sammādiṭṭhipaccayattā sammādiṭṭhipubbaṅgamattā ca diṭṭhi, Bhagavato khamana-vasena khanti, ruccanavasena ruci, gahaṇavasena ādāyo, attano kārakaṇ apāye apatamānaṇ dhāretī 'ti dhammo, tass' eva saṅkilesapakkhaṇ vinetī 'ti vinayo, dhammo ca so vinayo cā 'ti Dhammavinayo. Kusaladhammehi vā akusaladhammānaṇ esa vinayo 'ti Dhammavinayo. (Ten' eva vuttaṇ: "Ye ca kho tvaṇ Gotami dhamme jāneyyāsi, ime dhammā virāgāya saṇvattanti, no sarāgāya . . . pe . . . ekaṇsena Gotami dhāreyyāsi, eso dhammo, eso vinayo, etaṇ satthusāsanān 'ti.") Dhammena vā vinayo, na daṇḍādīhi 'ti Dhammavinayo. Vuttam 'pi c' etaṇ:

¹ SH atitikkhāya.

Daṇḍen' eke damayanti
 Aṅkusehi kasāhi ca;
 Adaṇḍena asatthena
 Nāgo danto mahesinā 'ti.

Tathā:

Dhammena niyyamānānaṃ¹
 Kā usūyā vijānatan ? 'ti.

Dhammāya vā vinayo Dhammavinayo. Anavajjadhammatthaṇṇaṃ h' esa vinayo, na bhavabhogānisaṇṣatthaṇṇaṃ. Ten' āha Bhagavā: " Na yidaṇṇa bhikkhave brahmacariyaṇṇaṃ vussati janakuhanatthaṇṇaṃ " 'ti vitthāro. Puṇṇatthero 'pi āha: " Anupādā parinibbānatthaṇṇaṃ kho āvuso Bhagavati brahmacariyaṇṇaṃ vussati " 'ti. Visuddhaṇṇaṃ vā nayati 'ti Vinayo. Dhammato vinayo Dhammavinayo. Saṇṣāraddhammato hi, sokādidhammato² vā esa visuddhaṇṇaṃ nibbānaṇṇaṃ nayati. Dhammassa vā vinayo, na titthakarānaṇṇaṃ 'ti Dhammavinayo. Dhamma-bhūto hi Bhagavā, tass' ev' esa vinayo. Yasmā vā dhammā³ eva abhiññeyyā,³ pariññeyyā,³ pahātabbā,³ bhāvetabbā,³ sacchikātabbā³ ca, tasmā esa dhammesu⁴ vinayo, na sattesu, na jivesu cā 'ti Dhammavinayo.

Sātthasabyañjanakādihi aññesaṇṇaṃ vacanato padhānaṇṇaṃ vacanaṇṇaṃ 'ti pavacanaṇṇaṃ. Pavacanaṇṇaṃ eva pāvacanaṇṇaṃ. Sabbacariyāhi viṣiṭṭhacariyabhāvena brahmacariyaṇṇaṃ. Devamanussānaṇṇaṃ satthubhūtaṇṇaṃ Bhagavato sāsanaṇṇaṃ 'ti Satthusāsanaṇṇaṃ. Satthubhūtaṇṇaṃ⁵ vā sāsanaṇṇaṃ Satthusāsanaṇṇaṃ. " Yo vā Ānanda mayā dhammo ca vinayo ca desito paññatto, so vo mamaccayena satthā " 'ti hi dhammavinayo ca satthā 'ti. Evaṇṇaṇṇaṃ padānaṇṇaṃ attho veditabbo. Yasmā pana imasmiṇṇaṃ yeva sāsane sabbākāra-ānāpānasatisamādhinibbattako bhikkhu vijjati, na aññatra, tasmā tattha tattha imissā 'ti ca, imasmiṇṇaṇṇaṃ 'ti ca ayaṇṇaṇṇaṃ niyamo kato 'ti veditabbo. Ayaṇṇaṇṇaṃ idhā 'ti mātikāya niddesassa attho.

Puthujjanakalyāṇako vā 'ti ādinā ca bhikkhu-saddassa vacanatthaṇṇaṃ avatvā idhā-dhippetabhikkhu yeva dassito.

¹ SH naya-.

² B lokādi-.

³ B -o.

⁴ B dhamme.

⁵ B Satthūsu.

Tattha puthujjano ca so kilesānaṃ asamucchinnattā, kalyāṇo ca silādipaṭipattiyuttattā 'ti puthujjanakalyāṇo. Puthujjanakalyāṇo eva puthujjanakalyāṇako. Adhisilādini sikkhati 'ti *sekho*; sotāpanno vā, sakadāgāmī vā, anāgāmī vā. Akuppo calayitum asukkuṇeyyo arahattaphaladhammo assā 'ti *akuppadhammo*. So 'pi hi imaṃ samādhig bhāveti.

Araññaniddese vinayapariyāyena tāva "Thapetvā gāmaṇ ca gāmpacāraṇ ca avasesaṃ *araññan*" 'ti āgataṃ. Suttan-tikapariyāyena araññakaṃ bhikkhuṃ sandhāya "Araññakaṃ nāma senāsanaṃ pañcadhanusatikaṃ pacchimaṃ" 'ti āgataṃ. Vinayasuttantā pana ubho 'pi pariyāyadesanā nāma. Abhi-dhammo nipariyāyadesanā 'ti abhidhammapariyāyena ara-ññaṃ dassetuṃ *nikkhamitvā bahi indakhilā* 'ti vuttaṃ. Inda-khīlato bahi nikkhamitvā 'ti attho. (Nikkhamitvā bahi indakhīlaṃ 'ti 'pi pāṭho. Indakhīlaṃ atikkamitvā bahi 'ti vuttaṃ hoti.) Indakhīlo 'ti c' ettha gāmassa vā nagarassa vā ummāro.

Rukkhamūlaniddese rukkkhamūlassa pākataṭṭā taṃ avatvā 'va yatthā 'ti ādim āha. Tattha: *yatthā* 'ti yasmiṃ rukkha-mūle. Āsanti nisīdanti etthā 'ti *āsanaṃ*. *Paññattan* 'ti thapitaṃ. *Mañco vā* 'ti ādini āsanassa pabhedavacanāni. Mañco 'pi hi nisajjāya 'pi okāsattā idha āsanesu¹ vutto. So pana masārabundikābaddha²-kulīrapādaka-āhaccapādakānaṃ aññataro. *Piṭhaṃ* tesaṃ aññataram eva. *Bhisi* 'ti uppiḃbhisi-colabhisi-vākabhisi-tiṇabhisi-paṇṇabhisīnaṃ aññatarā. *Ta-ṭṭikā* 'ti tālapaṇṇādīhi cinitvā katā. *Cammakhaṇḍo* 'ti nisajjāraho, yo koci cammakhaṇḍo. *Tiṇasantharādayo* ti-ṇādini gumbetvā³ katā. *Tatthā* 'ti tasmiṃ rukkkhamūle. *Caṅkamati vā* 'ti ādīhi rukkkhamūlassa catu-iriyāpathapa-vattana-yoggaṭṭā kathitā. Yatthā 'ti ādīhi sabbapadehi rukkkhamūlassa sandacchāyatā, janavivittatā ca vuttā hoti.

Kenacī 'ti kenaci samūhena. Taṃ samūhaṃ bhinditvā vitthārento *gahaṭṭhehi vā pabbajjitehi vā* 'ti āha. *Anākīṇaṇ*

¹ B sāsane.² B masāraka-bandikā-.³ B gunthitvā.

'ti asaṅkiṇṇaṇ asambādhaṇ. Yassa senāsanassa samantā gāvutam 'pi addhayojanam 'pi pabbatagahanaṇ vanagahanaṇ nadigahanaṇ hoti, na koci avelāya upasaṅkemituṇ sakkoti, idaṇ santike 'pi anākiṇṇaṇ nāma. Yaṇ pana aḍḍhayojanikaṇ vā yojanikaṇ vā hoti, idaṇ dūratāya eva anākiṇṇaṇ nāma.

Vihāro 'ti aḍḍhayogādimuttako avasesāvāso. *Aḍḍhayogo* 'ti supaṇṇavaṅkagehaṇ.¹ *Pāsādo* 'ti dve kaṇṇikā gahetvā kato dīghapāsādo. *Hammiyaṇ* 'ti upari ākāsatale patitṭhita-kūṭāgārapāsādo yeva. Guhā 'ti itṭhakāguhā, silāguhā, dārughā, paṇsughā 'ti evaṇ hi Khandhakatṭhakathāyaṇ vuttaṇ. Vibhaṅgatṭhakathāyaṇ pana: “Vihāro 'ti samantā parihārapathaṇ, anto yeva rattitṭhāna-divatṭhānāni ca dassetvā katasenāsaṇaṇ; guhā 'ti bhūmiguhā, yattha rattindi-vaṇ dīpaṇ laddhuṇ vaṭṭati, pabbataguhā” 'ti idaṇ dvayaṇ visesetvā vuttaṇ.

Mātikāya sabbakālasādhāraṇa-lakkhaṇavasena nisidatī* 'ti vattamānavacanaṇ kataṇ. Idha pana nisinnassa bhāva-nārambhasambhāvato² nisajjārambha-pariyosāna-dassana-tthaṇ *nisinno* 'ti niṭṭhānavacanaṇ kataṇ. Yasmā pana ujuṇ kāyaṇ paṇidhāya nisinnassa kāyo ujuko hoti, tasmā byañjane ādaraṇ akatvā adhippetam eva dassento *ujuko* 'ti ādim āha. Tattha: *ṭhito supaṇihito* 'ti ujukaṇ paṇihitattā ṭhapitattā ujuko hutvā ṭhito; na sayam evā 'ti attho.

Pariggahatṭho 'ti pariggahitaṭṭho. Kiṇ pariggahitaṇ? Niyyāṇaṇ. Kiṇ niyyāṇaṇ? Ānāpānasatisamādhī yeva yāva arahattamaggā niyyāṇaṇ. Ten' āha *niyyāṇatṭho* 'ti. *Mukha-saddassa* jeṭṭhakatthavasena saṇsārato niyyāṇatṭho vutto. *Upatṭhānatṭho* 'ti sabhāvatṭho yeva. Sabbehi paṇ' etehi padehi pariggahitaniyyāṇaṇ *satīṇ* katvā 'ti attho vutto hoti. (Keci pana pariggahatṭho 'ti satiyā pariggahatṭho;

* Text, p. 175, § 32, line 3.

¹ SH *v.l.* suvaṇṇa-; B subaṇṇa.

² B -rabbhasambha-.

niyyāṇaṭṭho 'ti assāsapassāsānaṃ pavisananikkhamana-dvā-
raṭṭho 'ti vaṇṇayanti.) Pariggahita-assāsapassāsaniyyānaṃ
saṇṇi upaṭṭhapetvā 'ti vuttaṃ hoti.

34. *Dvattiṃsāya*¹ [177] *ākārehi* 'ti tāsu tāsu avatthāsu yathā-
kkamena labbhamānānaṃ anavasesa - pariyādānavasena
vuttaṃ. *Dīghaṃ assāsavaseṇā* 'ti mātikāya Dīghaṃ 'ti vutta-
assāsavaseṇa. Evaṃ sesesu. *Ekaggatan* 'ti ekaggabhāvaṃ.
Avikkhepan 'ti avikkhipanaṃ. Ekaggatā eva hi nānāra-
mmaṇesu cittaṣṣa avikkhipanato avikkhepo 'ti vuccati.
Paṇānato 'ti asammohavasena paṇānantassa, vindantassa 'ti
vā attho. "Avikkhepo me paṭiladdho" 'ti ārammaṇakara-
navasena paṇānantassa vā. *Tāya satiyā* 'ti tāya upaṭṭhitāya
satiyā. *Tena nāṇenā* 'ti tena avikkhepaṇānānāṇena. *Sa-
tokārī hoti* 'ti ettha yasmā nāṇasampayuttā eva sati satī 'ti
adhippetā (Yath' āha: "satimā hoti paramena satinepakkena
samannāgato" 'ti), tasmā sato 'ti vacanen' eva nāṇam 'pi
gahitam eva hoti.

35. *Addhānasāṅkhāte* 'ti dīghasāṅkhāte kāle. Dīgho hi
maggō addhāno 'ti vuccati. Ayam 'pi kālo dīghattā addhāno
viya addhāno 'ti vutto. *Assasatī* 'ti ca, *passasatī* 'ti ca
assāsāṇ ca passāsāṇ ca viṣuṇ viṣuṇ vatvā 'pi bhāvanāya
nirantarappavattidassanattāṃ *assasati* 'pi *passasati* 'pī, 'ti
puna samāsetvā vuttaṃ. *Chando uppajjati* 'ti bhāvanābhi-
vuddhiyā bhiyyobhāvāya chando jāyati. *Sukhumataraṇ* 'ti
passambhanasabhāvato² vuttaṃ. *Pāmojjan*³ *uppajjati* 'ti
bhāvanāpāripūriyā pīti jāyati. *Assāsapassāsā* 'pi *cittaṃ
vivattaṭṭhi* 'ti assāsapassāse nissāya paṭibhāganimitte uppajjante
pakati-assāsapassāsato cittaṃ nivattati. *Upekkhā saṇṭhātī*
'ti tasmiṃ paṭibhāganimitte upacārappanā-samādhippattiya
puna samādhāne byāpārābhāvato tatramajjhātupekkhā
saṇṭhātī nāma. *Navah' ākārehi* 'ti ettha bhāvanārambhato
pabhuti pure chanduppādā assasati 'pi passasati 'pī 'ti vuttā
tayo ākāra, chanduppādato pabhuti pure pāmojjupādā tayo,
pāmojjupādato pabhuti tayo 'ti nava ākāra.⁴

¹ *Text* Ba-.² B -sabbhā-; SH v.l. -sambha-.³ SH pāmu- (throughout).⁴ SH navākārā.

Kāyo 'ti cunṇavicunṇā 'pi assāsapassāsā samūhatṭhena kāyo. Pakati-assāsa-pakatipassāsē nissāya uppannanimittam 'pi assāsapassāsā 'ti nāmaṇ labhati. *Upatṭhānaṇ sati* 'ti taṇ ārammaṇaṇ upecca tiṭṭhati 'ti sati upatṭhānaṇ nāma. *Anupassanā ñāṇan* 'ti samathavasena nimittakāyānupassanā-vipassanāvasena nāmakāya-rūpakāyānupassanā ñāṇan 'ti attho. *Kāyo upatṭhānaṇ* 'ti so kāyo "Upecca tiṭṭhati ettha sati" 'ti Upatṭhānaṇ nāma. *No sati* 'ti so kāyo sati nāma na hoti 'ti attho. *Tāya satiyā* 'ti idāni vuttāya satiyā. *Tena ñāṇena* 'ti idān' eva vuttana ñāṇena. *Taṇ kāyaṇ anupassatī* 'ti samathavipassanāvasena yathāvuttaṇ¹ kāyaṇ anugantvā jhānasampayuttañāṇena vā vipassanāñāṇena vā passati.

Mātikāya kāyādīnaṇ padānaṇ abhāve 'pi imassa catukkassa kāyānupassanāvasena vuttattā idāni vattabbaṇ. *Kāye kāyānupassanā-satipatṭhānabhāvanā* 'ti vacanaṇ sandhāya kāya-padaniddeso kato. *Kāye kāyānupassanā* 'ti bahuvidhe kāye tassa kāyassa anupassanā; athavā kāye kāyānupassanā, na aññadhammānupassanā 'ti vuttaṇ hoti. Anicca-dukkh-ānatt-āsubhato² kāye na nicca-sukh-att-asubhānupassanā. Atha kho anicca-dukkh-ānatt-āsubhato kāyass' eva anupassanā. Athavā kāye ahan 'ti vā, maman 'ti vā, itthī 'ti vā, puriso 'ti vā gahetabbassa kassaci ananupassanato tass' eva kāyamattassa anupassanā 'ti vuttaṇ hoti. Upari vedanāsu vedanānupassanā 'ti ādisu tisu 'pi es' eva nayo. Sati yeva upatṭhānaṇ satipatṭhānaṇ. Kāyānupassanāya sampayuttaṇ satipatṭhānaṇ kāyānupassanāsatipatṭhānaṇ. Tassa bhāvanā kāyānupassanāsatipatṭhāna-bhāvanā.

[178] 36. *Taṇ kāyaṇ* 'ti anidditṭhe 'pi nāmarūpakāye kāya-saddena tassā-pi saṅgahitattā nidditṭhaṇ viya katvā vuttaṇ. Aniccānupassanādayo hi nāmarūpakāye eva labbhanti, na nimittakāye. Anupassanā ca *bhāvanā* ca vuttaṭṭhā eva.

37. *Dīghaṇ assāsapassāvasenā* 'ti ādi ānāpānasatibhāvanāya ānisaṇsaṇ dassetuṇ vuttaṇ. Tassā-pi hi sativepullatā

¹ B yathākkamaṇ vuttaṇ.

² B -bhabhūte.

ñānavepullatā ca ānisaṇso. Tattha: *cittassa ekaggataṇ arikkhepaṇ pajānato* 'ti paṭiladdhajhānassa vipassanākāle citta-kaggataṇ sandhāya vuttaṇ. *Viditā vedanā* 'ti sāmāññato udayadassanena viditā vedanā. *Viditā upatṭhahantī* 'ti khayato vayato suññato viditā¹ upatṭhahanti. *Viditā abbhattaṇ gacchantī* 'ti sāmāññato vayadassanena viditā vināsaṇ gacchanti, bhijjanti 'ti attho. *Saññāvitakkesu* 'pi es' eva nayo. Imesu pana tīsu vuttesu sesārūpadhammā 'pi vuttā hontī. "Kasmā pana ime tayo eva vuttā?" 'ti ce: duppariggahattā. Vedanāsu tāva sukhadukkhā pākata. Upekkhā pana sukhumā duppariggahā, na sutṭhu pākata. Sā 'pi c' assa pākata hoti. Saññā ākaramattagāhakattā na yathā-sabhāvagāhiṇī, sā ca sabhāvasāmāññalakkhaṇa-gāhakena vipassanāññānena sampayuttā ativiya apākata, sā 'pi c' assa pākata hoti. Vitakko ñānapaṭirūpakattā ñānato visuṇ katvā duppariggaho, nānapaṭirūpako hi vitakko. Yath' āha: "Yā c' āvuso Visākha, sammādiṭṭhi, yo ca sammā-saṅkappo, ime dhammā paññākkhandhe saṅgahitā" 'ti. Yo 'pi c' assa vitakko pākato hoti 'ti evaṇ duppariggahesu vuttesu sesā vuttā 'va hontī 'ti.

38-40. Imesaṇ pana padānaṇ niddese: *Kathaṇ viditā vedanā uppajjantī?* 'ti pucchitvā taṇ avissajjetvā 'va vedanuppādassa viditatte yeva vissajjite vedanāya viditattaṇ vissajjitaṇ hoti 'ti, *Kathaṇ vedanāya uppādo vidito hoti?* 'ti ādim āha. Sesesu 'pi es' eva nayo. *Avijjāsamudayā avijjānirodhā* 'ti ādayo heṭṭhā vuttattā eva. Iminā 'va nayena saññā-vitakkā 'pi veditabbā. Vitakkavāre pana *Phassasamudayā . . . phassanirodhā* 'ti avatvā phassaṭṭhāne. *Saññāsamudayā . . . saññānirodhā* 'ti vuttaṇ. "Taṇ kasmā?" 'ti ce: saññāmūlakattā vitakkassa. "Saññānānattaṇ paṭicca uppajjati saṅkappanānattan" 'ti hi vuttaṇ.

Aniccato manasikaroto 'ti ādisu ca vedanaṇ aniccato manasikaroto 'ti ādinā nayena tasmiṇ tasmiṇ vāre so so yeva dhammo yojetabbo. Yasmā pana vipassanāsampa-

¹ B omits.

yuttā vedanā vipassanākickakarane asamatthattā vipassanāya anupakārikā, tasmā yeva ca bodhipakkhiyadhammesu nāgatā. Vipassanāsampayuttāya pana saññāya kiccam eva aparibhāṭṭaṇ, tasmā sā vipassanāya ekantam upakārikā eva. Vitakkaṇ pana vinā vipassanākickam eva n' atthi. Vitakkasahāyā 'pi vipassanā sakakiccaṇ karoti. Yath' āha: "Paññā attano dhammatāya aniccaṇ, dukkhaṇ, anattā 'ti ārammaṇaṇ nicchetuṇ na sakkoti. Vitakke pana ākoṭetvā ākoṭetvā dente sakkoti. Yathā hi heraññiko kahāpaṇaṇ hatthe ṭhapetvā sabbabhāgesu oloketukāmo samāno 'pi na cakkhutaṇ' eva parivattetuṇ sakkoti, aṅgulipabbehi pana parivattetvā parivattetvā ito c' ito ca oloketuṇ sakkoti; evam va paññā attano dhammatāya aniccādivasena ārammaṇaṇ nicchetuṇ na sakkoti, abhiniropanalakkaṇaṇa pana āhananapariyāhananarasena vitakkena ākotentena viya parivattentena viya ca ādāy' ādāya dinnam eva nicchetuṇ sakkoti. Tasmā vedanāsaññānaṇ vipassanāya anupakāratta lakkhaṇamattavaseṇ' eva dassetuṇ, *vedanāya* [179] . . . *saññāya* 'ti tattha tattha ekavacanena niddeso kato. Yattako pana vipassanāya bhedo tattako eva vitakkassā 'ti dassetuṇ *vitakkānaṇ* 'ti tattha tattha bahuvacanena niddeso kato 'ti vattuṇ yujjati.

[180] 41. Puna *dīghaṇ assāsapassāsavaseṇā* 'ti ādi ānāpānasatibhāvanāya sampattiṇ bhāvanāphalaṇ ca dassetuṇ vuttaṇ. Tattha: *samodhāneti* 'ti ārammaṇaṇ ṭhapeti, ārammaṇaṇ patiṭṭhāpeti 'ti vā attho. Samodahanabyāpārābhāve¹ 'pi bhāvanāpāripūriyā eva samodahati nāma. *Gocaraṇ* 'ti vipassanākhāṇe saṅkhārārammaṇaṇ, maggakkhaṇe ca phalakkhaṇe ca nibbānārammaṇaṇ. Samatthan 'ti samam eva attho, samassa vā attho 'ti samattho, taṇ *samatthaṇ*. Seseṇ 'pi es' eva nayo. *Maggaṇ samodhāneti* 'ti maggaṇphalakkhaṇe yeva. Gocaraṇ nibbānam eva. *Ayaṇ puggalo* 'ti ānāpānasatibhāvanaṇ anuyutto yogāvacaro 'va. *Imasmiṇ ārammaṇe* 'ti ettha pana kaye 'ti padena saṅgahite nāmarūpakāya-saṅkhāte saṅkhatārammaṇe.

¹ B Samodahanāṇ byā-

Ten' eva kamena magge nibbānārammaṇe ca. *Yaṇ tassā* 'ti ādihi ārammaṇa-gocara saddānaṇ ekatthatā vuttā. *Tassā* 'ti tassa puggalassa. *Pajānātī* 'ti puggalo pajānātī¹ *pajānanā paññā* 'ti puggalo paññāya pajānātī 'ti vuttaṇ hoti. *Ārammaṇassa upatthānan* 'ti vipassanākhane saṅkhārārammaṇassa, maggaphalakhane ca nibbānārammaṇassa upatthānaṇ sati.² Ettha kammattthe sāmivacanaṇ, yathā: Rañño upatthānan 'ti. *Avikkhepo* 'ti samādhi. *Adhiṭṭhānan* 'ti yathā-vuttasaṅkhārārammaṇaṇ nibbānārammaṇaṇ ca, taṇ hi adhiṭṭhāti ettha cittaṇ 'ti adhiṭṭhānaṇ. *Vodānan* 'ti ñānaṇ. Taṇ hi vodāyati visujjhati tena cittaṇ 'ti vodānaṇ.

Linapakkhiko samādhi alīnabhāvappattiyaṇ samabhūtattā samaṇ. Uddhaccapakkhikaṇ ñānaṇ anuddhatabhāvappattiyaṇ samabhūtattā samaṇ. Tena vippassanā-maggaphalakkhaṇesu samathavipassanānaṇ yuganandhatā vuttā hoti. Sati pana sabbatthikattā tadubhayasamatāya upakārikā 'ti samaṇ. Ārammaṇaṇ samathādhiṭṭhānattā samaṇ.

Anavajjatto 'ti vipassanāya anavajjasabhāvo. *Nikkilesatto* 'ti maggassa nikkilesasabhāvo. (Nikkilesatto³ 'ti vā pātho.) *Vodānattho* 'ti phalassa parisuddhasabhāvo. *Paramatto* 'ti nibbānassa sabbadhammuttamasabhāvo. *Paṭivijjhatī* 'ti taṇ sabhāvaṇ asammohato paṭivijjhati. Ettha ca ārammaṇassa upatthānan 'ti ādihi samapaṭivedho vutto. Etth' eva ca vodānatthapaṭivedhassa vuttattā tena ekalakkaṇā anavajjattha-nikkilesattha-paramatthā lakkhaṇāhāravasena vuttā yeva honti. Yath' āha:

Vuttamhi ekadhamme
Ye dhammā ekalakkaṇā kecī⁴
Vuttā bhavanti sabbe;
Iti vutto lakkhaṇohāro⁵ 'ti.

Anavajjattho, nikkilesatto c' ettha avikkhepa-saṅkhatassa samassa attho payojanan 'ti samattho. Vodānattho vipa-

¹ SH omits.² SH Saman 'ti.³ So in Text.⁴ B, SH v.l. tena.⁵ B, SH v.l. -nāhāro.

ssanāmaggavodānaṃ sandhāya samam eva attho 'ti samattho. Phalavodānaṃ sandhāya maggavodāna-saṅkhātassa samassa attho 'ti samattho. Paramattho pana samam eva attho 'ti vā nibbānapayojanattā sabbassa samassa attho 'ti vā samattho. Taṃ vuttappakāraṃ samaṃ ca samatthaṃ ca ekadesa-sarūpekasesaṃ katvā *samatthaṃ ca paṭivijjhatī*¹ 'ti vuttaṃ.

42-45. Indriya-bala-[181-182]bojjhaṅgadhammā vipassanā-maggaphalakkhaṇe 'pi labbhanti. Maggo ca tisso ca visuddhiyo maggaphalakkhaṇe yeva, vimokkho ca vijjā ca khaṇānaṃ ca maggakkhaṇe yeva, vimutti ca anuppāde ñāṇaṃ ca phalakkhaṇe yeva, sesā vipassanākkhaṇe 'pi 'ti dhammavāre ime dhamme imasmiṃ ārammaṇe *samodhānetī* 'ti, nibbānaṃ tṭhapetvā sesā yathāyogaṃ veditabbā. Idaṃ pana yebhuyyenavasena vuttaṃ. Avuttatthā pan' ettha heṭṭhā vuttā eva. Ekekacatukkavasena' ettha niyyāṇe dassite 'pi catukkantogadhassa ekekassā-pi bhāgassa niyyāṇassa upanissayattā ekeka bhāgavasena niyyāṇaṃ dassitaṃ, na hi ekekaṃ vinā niyyāṇaṃ hoti 'ti.

Dīghaṃ-Assāsapassāsa-Niddesa-Vaṇṇanā Niṭṭhitā.

46-47. Rassaniddese: *ittarasaṅkhāte* 'ti paritta-saṅkhāte kāle. Sesam ettha vuttanayena veditabbaṃ.²

[183] 48. *Sabbakāyapatisaṃvedī*-niddese arūpadhammesu vedanāya oḷārikattā sukhagahaṇatthaṃ paṭhamaṃ itthāni-tṭhārammaṇa-saṃvedikā *vedanā* vuttā. Tato yaṃ vedeti taṃ saññānāti 'ti evaṃ vedanāvisayassa ākāragāhikā *saññā*; tato saññāvasena abhisāṅkhārikā *cetanā*; tato "Phuṭṭho vedeti, phuṭṭho saññānāti, phuṭṭho ceteti" 'ti vacanato *phasso*; tato sabbesaṃ sādharmaṇalakkhaṇa *manasikāro*; 'ti cetanādīhi saṅkhārakkhandho vutto. Evaṃ tisu khandhesu vuttesu

¹ B paṭipajjati.

² B inserts after this, Rass-assāsapassāsa-niddesa vaṇṇanā.

taṇṇissayo viññāṇakkhandho vutto 'va hoti. *Nāmañ cā* 'ti vuttappakāraṇaṃ nāmaṇ ca. *Nāmakāyo cā* 'ti idaṇa pana nāmena nibbāṇassa-pi saṅgahitattā lokuttarānaṃ ca avipassanūpagattā taṇa apanetuṇa vuttaṇa. Kāyo 'ti hi vacanena nibbāṇaṇa apaniṭaṇa hoti nibbāṇassa rāsinivimuttattā. *Ye ca vuccanti cīttasaṅkhārā* 'ti saññā ca vedanā ca cetasiḱā; ete dhammā cīttapaṭibaddhā. Cīttasaṅkhārā 'ti evaṇa vuccamānā 'pi cīttasaṅkhārā idha nāmakāyeṇa' eva saṅgahitā 'ti vuttaṇa hoti.

Mahābhūtā 'ti mahantapātubhāvato mahābhūtasāmaññato mahāparivārato mahāvikārato mahantabhūtattā cā 'ti mahābhūtā. Te pana paṭhavī, āpo, tejo, vāyo 'ti cattāro. *Catunnaṇa mahābhūtānaṇa upādāya rūpaṇa* 'ti upayogatthe sāmi vacanaṇa. Cattāro mahābhūte upādāya nissāya amuñcivā pavattarūpaṇa 'ti attho. Tam pana cakkhu, sotaṇa, ghāṇaṇa, jivhā, kāyo, rūpaṇa, saddo, gandho, raso, itthindriyaṇa, purisindriyaṇa, jīvitindriyaṇa, hadaya vatthu, ojā, kāyaviññatti, vacivīññatti, ākāsadhātu, rūpassa lahutā, mudutā, kammaññatā, upacayo, santati, jaratā, aniccatā 'ti catuvīsatividhaṇa. *Assāso ca passāso cā* 'ti pākatiḱo yeva. Assāsapassāse nissāya uppannaṇa paṭibhāganimittam 'pi tad eva nāmaṇ labhati paṭhavīkaṣiṇādīni viya. Rūpasarikkhakattā rūpaṇa 'ti ca nāmaṇ labhati, "bahiddhā rūpāni passatī" 'ti ādisu viya. *Nimittaṇa ca upanibandhanā* 'ti satī-upanibandhanāya nimittabhūtaṇa assāsapassāsānaṇa phusanatṭhānaṇa.¹ *Ye ca vuccanti kāyasaṅkhārā* 'ti assāsapassāsā kāyikā ete dhammā kāyapaṭibaddhā kāyasaṅkhārā 'ti evaṇa vuccamānā 'pi kāyasaṅkhārā idha rūpakāyeṇa' eva saṅgahitā 'ti vuttaṇa hoti.

49. *Te kāyā paṭivīditā hontī* 'ti jhānakkhaṇe assāsapassāsanimittakāyā, vipassanākkhaṇe avasesarūpārūpakāyā ārammanato paṭivīditā hontī, maggakkhaṇe asammohato paṭivīditā hontī. Assāsapassāsavasena paṭiladdhājhānassa yogissa uppannavipassanāmagge 'pi sandhāya *dīghaṇa assāsa-*

¹ B adds yeva.

passāsavasenā 'ti ādi vuttaṇ. *Avajjato pajānato* 'ti ādini silakathāyaṇ vuttatthāni. [184] Te vuttappakāre kāye antokaritvā *sabbakāyapaṭisaṇvedī* 'ti vuttaṇ.

50. *Sabbakāyapaṭisaṇvedī assāsapassāsānaṇ saṇvaratṭhena* 'ti ādisu sabbakāyapaṭisaṇvedī 'ti vutta assāsapassāsato uppa-jjanañhānavipassanāmaggesu saṇvaro yeva saṇvaratṭhena *sīlavissuddhi*. Avikkhepo yeva *avikkhepatṭhena cittavisuddhi*. Paññā yeva *dassanatṭhena dīṭṭhivissuddhi*. Jhānavipassanāsu virati-abhāve 'pi pāpābhāvamattam eva saṇvaro nāmā 'ti veditabbaṇ.

51. *Passambhayan* 'ti ādinaṇ niddese: *kāyikā* 'ti rūpakāye bhavā. *Kāyapaṭibaddhā* 'ti kāyaṇ paṭibaddhā, kāyaṇ nissitā; kāye sati honti, asati na honti. Tasmā yeva te kāyena saṅkharīyanti 'ti *kāyasaṅkhārā*. *Passambhento* 'ti nibbā-pento sannisidāpento. Passambhanavacanen' eva olārikānaṇ passambhanaṇ siddhaṇ. *Nirodhento* 'ti olārikānaṇ anuppādanena nirodhento. Vūpasamento 'ti olārike yeva ekasanta-tipariṇāmanayena santabhāvaṇ nayanto. *Sikkhatī* 'ti adhi-kāravasena assasissāmī 'ti sikkhatī 'ti sambandho; tisso sikkhā sikkhatī 'ti vā attho. Idāni olārikapassambhanaṇ dassetuṇ *yathārūpehi* 'ti ādim āha. Tattha: *yathārūpehi* 'ti yādisehi. *Āmanā* 'ti pacchato namanā; *vinamanā* 'ti ubhayapassato namanā; *sannamanā* 'ti sabbato 'pi naman-tassa suttḥu namanā; *paṇamanā* 'ti purato namanā; *iñjanā* 'ti kampanā; *phandanā* 'ti isakaṇ calanā; [185] *pakampanā* 'ti bhusaṇ kampanā.

“Yathārūpehi kāyasaṅkhārehi kāyassa āmanā . . . pe . . . pakampanā tathārūpaṇ kāyasaṅkhāraṇ passambhayan” 'ti ca, “yā kāyassa āmanā . . . pe . . . pakampanā, tañ ca passambhayan” 'ti ca sambandho katabbo. Kāyasaṅkhāresu hi passambhitesu kāyassa āmanādayo ca passambhitā yeva hontī 'ti *yathārūpehi kāyasaṅkhārehi kāyassa na āmanā*-dikā hoti, tathārūpaṇ *santaṇ sukhumaṇ* 'pi *kāyasaṅkhāraṇ passambhayan* 'ti ca; *yā* kāyassa na āmanādikā, tathārūpaṇ *santaṇ sukhumaṇ passambhayan* 'ti ca samban-

dhato veditabbaṃ.¹ Santaṃ sukhumaṇaṃ 'ti ca bhāvanapuṇ-sakavacanam etaṇ. Iti kirā 'ti ettha: *Iti* evam-atthe; *kira* yadi-atthe. Yadi evaṇ sukhumake 'pi assāsapassāse *passambhaṇaṇ assasissāmī . . . passasissāmī 'ti sikkhatī 'ti* codakena codanā āradadhā hoti. Athavā “kirā” 'ti codakavacanattā asaddahanatthe, parokkhatthe ca yujjati yeva. “evaṇ sukhumānam 'pi passambhanaṇ sikkhatī 'ti na saddahāmi, apaccakkaṇ me” 'ti vuttaṇ hoti.

Evaṇ sante 'ti evaṇ sukhumānaṇ passambhane sante. *Vātūpaladdhiyā ca pabhāvanā na hotī* 'ti assāsapassāsavātassa upaladdhiyā. Upaladdhī 'ti viññāṇaṇ. Assāsapassāsavātaṇ upalabbhamānassa tadārammaṇassa bhāvanā, viññāṇassa pabhāvanā uppādanā na hoti; tassa ārammaṇassa bhāvanā na hotī 'ti attho. *Assāsapassāsānaṇ ca pabhāvanā na hotī* 'ti bhāvanāya sukhumakānam 'pi assāsapassāsānaṇ nirodhanato tesā ca uppādanā pavattanā na hotī 'ti attho. *Ānāpānasatiyā ca pubhāvanā na hotī* 'ti assāsapassāsabhāvato yeva tadārammaṇāya bhāvanāviññāṇasampayuttāya satiyā ca pavattanā na hoti; tasmā yeva taṇsampayuttassa ānāpānasatisamādhissa ca bhāvanā na hoti. *Na ca naṇ taṇ* 'ti ettha ca naṇ 'ti nipātamattaṇ, “bhikkhu ca naṇ” 'ti ādisu viya. Taṇ vuttavidhaṇ *samāpattiṇ paṇḍitā na samāpajjanti 'pi*, tato na *vuttahanti 'pi* 'ti sambandho. Codanāpakkkhasa pariḥāravacane: *itī kirā* 'ti evam eva. Ettha eva-kāratthe kira saddo-daṭṭhabbo. *Evaṇ sante* 'ti evaṇ passambhane sante eva. *Yathā kathaṇ viyā* 'ti yathā taṇ vuttavidhānaṇ hoti, tathā taṇ kathaṇ viyā ? 'ti upamaṇ pucchati.

Idāni: *seyyathā 'pi* 'ti taṇ upamaṇ dasseti. *Kaṇse* 'ti kaṇsamayabhājane.² *Nimittan* 'ti tesā saddānaṇ ākāraṇ. “Nimittan” 'ti ca sāmi-atthe upayogavacanaṇ; Nimittassā 'ti attho. Saddanimittaṇ ca saddato anaññaṇ. *Suggahitattā* 'ti suṭṭhu uggahitattā. (Sugahitattā 'ti 'pi pātho. Suṭṭhu gahitattā 'ti attho.) *Sumanasi katattā* 'ti suṭṭhu āvajjitattā. *Sūpadhāritattā* 'ti suṭṭhu citte ṭhapitattā. *Su-*

¹ SH veditabbo.² B kaṇsabhājane.

khumasaddanimittārammaṇattā 'pī 'ti tadā sukhumānam 'pi saddānaṃ niruddhattā "anuggahitasaddanimittassa anārammaṇā^b 'pi sukhumataṃ saddanimittaṃ ārammaṇaṃ katvā sukhumataṃ saddanimittārammaṇam 'pi cittaṃ pavattati; sukhumatarasadda-nimittārammaṇabhāvato 'pi 'ti vā attho. Iminā 'va nayena appaṇāyam 'pi attho veditabbo.

[186] Passambhayaṃ 'ti ādīsu: "Passambhayaṃ kāyasaṅkhāraṇ 'ti vuttā assāsapassāsā kāyo 'ti" vā; "passambhayaṃ kāyasaṅkhāraṇ 'ti ettha assāsapassāsā kāyo 'ti" vā vojanā veditabbā.

52. Bhāvanāvisuddhiyā kāyasaṅkhāre passambhamāne 'pi "Oḷārikaṃ kāyasaṅkhāraṃ passambhemī" 'ti yogino ābhoge sati tenādarena ativiya passambhati, anupaṭṭhahantam 'pi sukhumaṃ su-ānayaṃ hoti. *Atthā anupassane ñāṇānī* 'ti dīghaṃ, rassaṃ, sabbakāyapaṭisaṃvedī, passambhayaṃ kāyasaṅkhāraṇ 'ti vuttesu catūsu vatthūsu assāsavasena catasso, passāsavasena catasso 'ti atthā anupassanāñāṇānī. *Atthā ca upaṭṭhānānussatiyo*¹ 'ti dīghaṃ assāsavasena cittaṃ ekaggataṃ avikkhepaṃ pajānato sati upaṭṭhitā hoti 'ti ādina nayena vuttesu catūsu vatthūsu assāsavasena catasso, passāsavasena catasso 'ti atthā ca upaṭṭhānānussatiyo.² *Cattāri suttantikavatthūnī* 'ti Bhagavatā Ānāpānasatisuttante vuttattā paṭhamacatukka-kāyasaṅkhāraṇ cattāri suttantikavatthūnī 'ti.

Paṭhamacatukka-Niddesa-Vaṇṇanā Niṭṭhitā.

53-54. Dutiyacatukkassa *pīṭipāṭisaṃvedī*-niddese *uppaṇṇajati pīṭipāmojjan*³ 'ti ettha: Pīṭi 'ti mūlapadaṃ; pāmojjan 'ti tassa atthapadaṃ, pamuditabhāvo 'ti attho. [187] *Yā pīṭi-*

^{a to b} B anuggahitattā saddanimittassa anārammaṇaṃ.

¹ B upaṭṭhānānupassīyo.

² B -nupassīyo. Atthā c' upaṭṭhānānupassatiyo 'ti 'pi pāṭho. SM adds Atthā c' upaṭṭhānānussatiyo 'ti pi pāṭho.

³ SH -pāmujja (*throughout*).

pāmojjan 'ti ādisu yā pīti 'ti ca *pāmojjan* 'ti ca evamādini nāmāni labhati, sā pīti 'ti vuttaṇ hoti. Tattha: Pīti 'ti sabhāvapadaṇ. Pamuditabhāvo *pāmojjan*. Āmodanākāro *āmōdanā*, pamōdanākāro *pamōdanā*. Yathā ca bhesajjānaṇ vā, telānaṇ vā, uṇhodakasitodakānaṇ vā ekatokaraṇaṇ modanā 'ti vuccati, evam ayam 'pi dhammānaṇ ekatokaraṇena modanā. Upasaggavasena padaṇ maṇdetvā¹ amōdanā *pamōdanā* 'ti vuttā. Hāseti 'ti *hāso*, pahāseti 'ti *pahāso*. Haṭṭhapahaṭṭhākārānam etaṇ adhivacanaṇ. *Vitti* 'ti vittaṇ, dhanass' etaṇ nāmaṇ. Ayaṇ pana somanasapaccayattā vittasarikkhatāya vitti. Yathā hi dhanino dhanan paṭicca somanassaṇ uppajjati, evaṇ pītimato 'pi pītiṇ paṭicca somanassaṇ uppajjati, tasmā vitti 'ti vuttā. Tuṭṭhisabhāvasaṇṭhitiyā hi pītiyā etaṇ nāmaṇ. Pītimā pana puggalo kāyacittānaṇ uggatattā abhuggatattā udaggo 'ti vuccati. Udaggassa bhāvo *odaggaṇ*. Attano manatā attamanatā. Anabhiraddhassa hi mano dukkhapadaṭṭhānattā na attano mano nāma hoti. Abhiraddhassa sukhapadaṭṭhānattā attano mano nāma hoti. Iti attano manatā attamanatā, sakamanabhāvo 'ti attho. Sā pana yasmā na aññassa kassaci attano manatā, cīttass' eva pan' eso bhāvo cetasiko dhammo, tasmā *attamanatā cīttassā* 'ti vuttā. Sesam ettha ca upari ca heṭṭhāvuttanayena yojetvā veditabbaṇ.

55-57. *Sukhapatisaṇvedanā*-niddese: [188] *Dve sukhānī* 'ti samatha-vipassanābhūmidassanatthaṇ vuttaṇ. Kāyikaṇ hi sukhaṇ vipassanāya bhūmi, cetasikaṇ sukhaṇ samathassa ca vipassanāya ca bhūmi. *Kāyikan* 'ti pasādakāyaṇ vinā² anuppattito kāye niyuttan 'ti kāyikaṇ. *Cetasikan* 'ti avippayogavasena³ cetasi-niyuttan 'ti cetasikaṇ. Tattha kāyika-padena cetasikaṇ *sukhaṇ* paṭikkhipati, sukha-padena kāyikaṇ dukkhaṇ. Tathā cetasika-padena kāyikaṇ sukhaṇ paṭikkhipati, sukha-padena cetasikaṇ dukkhaṇ. *Sātan* 'ti madhuraṇ sumadharaṇ. *Sukhan* 'ti sukham eva; na dukkhaṇ. *Kāyasamphassajan* 'ti kāyasamphassajātaṇ. *Sātan*

¹ SH vaḍḍhetvā.² SH pasādakāyaṇ. Taṇ vinā.³ SH, SM adhi-.

sukhaṇ vedayitaṇ 'ti sātaṇ vedayitaṇ, na asātaṇ vedayitaṇ, *sukhaṇ vedayitaṇ*, na *dukkhaṇ vedayitaṇ*. Parato tīni padāni itthiliṅgavasena vuttāni: *sātā* vedanā na asātā, *sukhā vedanā* na *dukkhā* 'ti. Ayam eva pan' ettha attho.

Cetasikasukha-niddeso vuttapaṭipakkhanayena yojetabbo. *Te sukhā* 'ti liṅgavipallāso kato. Tāni sukhāni 'ti vuttaṇ hoti. Sesam ettha-catukke heṭṭhā paṭhamacatukke vuttanayen' eva veditabbaṇ. [189] Cattāri suttantikavattthūni dutiya-tatiya-catukkavasena veditabbāni 'ti.

Dutiyacatukka-Niddesa-Vaṇṇanā Niṭṭhitā.

58. Tatiyacatukkaniddese: *cittan* 'ti mūlapadaṇ, *viññānaṇ* 'ti atthapadaṇ. *Yaṇ cittan* 'ti ādi pītiyaṇ vuttanayena yojetabbaṇ. Tattha: *cittan* 'ti ādisu cittatāya *cittan*. Ārammaṇaṇ minamānaṇ jānāti 'ti *mano*. *Mānasan* 'ti *mano* yeva.

“Antaḷikkhacaro poso
Yvā¹ yaṇ carati mānasaso,”

'ti hi ettha pana sampayuttakadhammo mānasaso 'ti vutto.

“Kathaṇ hi Bhagavā tuyhaṇ
Sāvako sāsane rato
Appattamānasaso sekkho
Kālaṇ kayirā janesu tā?”

'ti arahattaṇ mānasan 'ti ettha² ca² vuttaṇ. Idha pana *mano* 'va mānasāṇ, byañjanavasena h' etaṇ padaṇ vaḍḍhitaṇ.³ *Hadayan* 'ti: “*cittan* vā te khipissāmi, *hadayaṇ* vā te phālessāmi” 'ti ettha uro *hadayan* 'ti vuttaṇ: “*hadayā hadayaṇ* maññe aññāya tacchati” 'ti ettha *cittan*; “*Vakkaṇ hadayan*” 'ti ettha *hadayavattu*. Idha pana *cittam* eva abbhantarattthena *hadayan* 'ti vuttaṇ. Tad eva parisuddha-

¹ B, SM Svā.-

² SH, SM omit.

³ SM vaḍḍhati.

ttthena paṇḍaraṇ. Bhavaṅgaṇ sandhāy' etaṇ vuttaṇ. Yath' āha: "Pabhassāram idaṇ bhikkhave cittaṇ. Tañ ca kho āgantukehi upakkilesehi upakkiliṭṭhaṇ" 'ti. Tato nikkhit-taṇ pana akusalam 'pi gaṅgāya nikkhittā naḍi Gaṅgā viya, Godāvarito nikkhittā Godāvārī viya ca paṇḍaraṇ 't' eva vuttaṇ. Yasmā pana ārammaṇavijānana-lakkhaṇaṇ cittaṇ upakkilesena kilesa na hoti, sabhāvato parisuddham eva hoti, upakkilesayoge pana sati upakkiliṭṭhaṇ nāma hoti, tasmā 'pi paṇḍaraṇ 'ti vattaṇ yujjati.

[190] *Mano manāyatanaṇ* 'ti idha pana manogahaṇaṇ manass' eva āyatanabhāvadīpanatthaṇ. Ten' etaṇ dīpeti: Na yidaṇ devāyatanaṇ viya manassa āyatanattā manāyata-naṇ. Atha kho mano eva āyatanaṇ manāyatanaṇ 'ti. Āya-tanattho heṭṭhā vutto yeva. Manate iti mano, vijānāti 'ti attho. Atṭhakathācariyā paṇ' āhu: "nāliyā minamāno viya, mahātulāya dhārayamāno viya ca ārammaṇaṇ jānāti 'ti mano. Tad eva mananalakkhaṇe indatṭhaṇ karotī 'ti indriyaṇ. Mano eva indriyaṇ *manindriyaṇ*. Vijānāti 'ti *viññānaṇ*. Viññānam eva khandho *viññānakkhandho*. Rūl-hito khandho vutto. Rāsaṭṭhena hi viññānakkhandhassa ekadeso ekaṇ viññānaṇ. Tasmā yathā rukkhassa ekadesaṇ chindanto rukkhaṇ chindatī 'ti vuccati, evam eva viññāna-kkhandhassa ekadesabhūtaṇ ekaṇ 'pi¹ viññānaṇ rūl-hito vi-ññānakkhandho 'ti vuttaṇ. Yasmā pana rāsaṭṭho yeva khandhatṭho na hoti koṭṭhāsaṭṭho 'pi khandhatṭho yeva, tasmā koṭṭhāsaṭṭhena viññānakkoṭṭhāso 'ti 'pi attho. *Tajjā manoviññānadhātū* 'ti tesaṇ phassādīnaṇ sampayuttadhammānaṇ anucchaviko² manoviññānadhātu. Imasmiṇ hi pade ekam eva cittaṇ minanaṭṭhena mano, vijānanaṭṭhena viññā-naṇ, sabhāvaṭṭhena nissattaṭṭhena vā 'pi dhātū 'ti tīhi nāmehi vuttaṇ.

59. *Abhippamodo* 'ti adhikā tuṭṭhi.

60. [191] *Samādhi-niddese*: acalabhāvena ārammaṇe ti-ṭṭhatī 'ti *thitī*. Parato padadvayaṇ upasaggavasena vadḍhi-

¹ SH, SM omit.

² B -kā.

taṇ. Api ca sampayutte dhamme ārammaṇamhi sampiṇḍitvā tiṭṭhatī 'ti *saṇṭhiti*. Ārammaṇaṇ ogāhetvā anupavisitvā tiṭṭhatī 'ti *avattḥiti*. Kusalapakkhasmiṇ cattāro dhammā ārammaṇaṇ ogāhanti: saddhā, sati, samādhi, paññā. Ten' eva saddhā okappanā 'ti vuttā, sati apilāpanā 'ti, samādhi avattḥitī 'ti, paññā pariyogāhanā 'ti. Akusalapakkhe pana tayo dhammā ārammaṇaṇ ogāhanti: taṇhā, diṭṭhi, avijjā 'ti. Ten' eva te oghā 'ti vuttā. Uddhaccavicikicchāvasena pavattassa visāhārassa paṭipakkhato *avisāhāro*, *avisāharaṇa*¹ 'ti attho. Uddhaccavicikicchāvasen' eva gacchantāṇ cittaṇ vikkhipati nāma, ayaṇ pana tathā na hotī 'ti *avikkhepo*. Uddhaccavicikicchāvasen' eva cittaṇ visāhaṭaṇ² nāma hoti, ito c' ito ca hariyati, ayaṇ pana 'avisāhaṭassa manassa sabhāvo' 'ti *avisāhaṭamānasatā*.³ *Samatho* 'ti tividho samatho: cittasamatho, adhikaraṇasamatho, sabbasaṅkhārasamatho 'ti. Tattha aṭṭhasu samāpattisu cittekkaggatā cittasamatho nāma, taṇ hi āgamma cittaṇ cittaṇ cittaṇ pphandanaṇ samati vūpasamati; tasmā so cittasamatho 'ti vuccati. Sammukkhāvinayādi sattavidho adhikaraṇasamatho nāma, taṇ hi āgamma tāni tāni adhikaraṇāni samanti adhikaraṇasamatho 'ti vuccati. Yasmā pana sabbe saṅkhārā nibbāṇaṇ āgamma samanti taṇ sabbasaṅkhārasamatho 'ti vuccati. Imasmiṇ atthe cittasamatho adhippeto. Samādhilakkhaṇe indaṭṭhaṇ karotī 'ti *samādhindriyaṇ*. Uddhaccena na kampatī 'ti *samādhibalaṇ*. *Sammāsamādhī* 'ti yathāvasamādhī, niyyānikasamādhī, kuśalasamādhī.

61. *Rāgato vimocayaṇ cittaṇ* 'ti ādīhi dasahi kilesavattḥūhi vimocanaṇ vuttaṇ. *Thīna-gaṇaṇ*' eva c' ettha middha-gaṇaṇ, *uddhacca-gaṇaṇ*' eva ca kukkuccagaṇaṇ kataṇ hotī 'ti? Aññesu pāṭhesu sahaṇcāritṭā kilesavattḥuto vimocanavacanaṇ' eva paṭhamajjhānādīhi nīvaraṇādito vimocanaṇ, aniccānupassanādīhi niccasaññādito ca vimocanaṇ vu-

¹ SH -hā-.² B viṣaṭaṇ.^{a to b} B avisāhassa mānasassa bhāvo.³ Text -ta-.

ttam eva hoti 'ti. *Kathaṇ taṇ cittaṇ anupassatī*?* 'ti ettha peyyāle ca aniccānupassanāya¹ niccasaññādināṇ paḥāṇaṇ vuttam eva. *Cattāri suttantīkavattūni* tatiya-catukkavasena veditabbāni 'ti.

Tatiyacatukka-Niddesa-Vaṇṇanā Niṭṭhitā.

62. Catutthacatukkaniddese: “Aniddiṭṭhe napuṇsakan” 'ti vacanato asukan 'ti aniddiṭṭhattā *aniccan* 'ti *kiṇ aniccan*? 'ti napuṇsakavacanena pucchā katā. *Uppādavayaṭṭhenā* 'ti uppādavaya-saṅkhātena aṭṭhena, uppādavayasabhāvenā 'ti attho. Ettha ca pañcakkhandhā sabhāvalakkhaṇaṇ, pañcannaṇ khandhānaṇ uppādavayā vikāralakkhaṇaṇ. Etena hutvā-abhāvena aniccan² 'ti vuttaṇ hoti. “Ten' eva ca Aṭṭhakathāya saṅkhatalakkhaṇavasena “aniccatā 'ti tesāṇ yeva uppāda-vaya-ññathattan” 'ti ca vatvā 'pi “hutvā-abhāvo cā” 'ti vuttaṇ. Etena hutvā-abhāvākāro aniccalakkhaṇaṇ 'ti vuttaṇ hoti.^b [192] *Pañcannaṇ khandhānaṇ udāyabbayaṇ passanto imāni paññāsa lakkhaṇāni* 'ti peyyālaṇ katvā vuttaṇ. *Dhammā* 'ti saññākkhandhādayo yathāvutta-dhammā 'va.

63. Virāgānupassī-niddese³ *Rūpe ādīnavaṇ disvā* 'ti bhaṅgānupassanato paṭṭhāya parato vuttehi aniccatṭhādīhi rūpakkhandhe ādīnavaṇ disvā. *Rūpavirāge* 'ti nibbāne, nibbānaṇ hi āgamma rūpaṇ virajjati apunaruppattidhammataṇ āpajjanena nirujjhati. Tasmā nibbānaṇ rūpavirāgo ti vuccati. *Chandajāto hoti* 'ti anussavavasena uppanna-dhammacchando hoti. *Saddhādhimutto* 'ti tasmiṇ yeva nibbāne saddhāya ca adhimutto nicchito. *Cittaṇ c' assa svādhīṭṭhitan* 'ti assa yogissa cittaṇ khayavirāga-saṅkhāte rūpabhaṅge ārammaṇa-

* *Text*, p. 100, l. 14.

¹ B -ssanādīhi; SM -ssanā-.

a to b B omits.

² SH aniccā.

³ SH omits.

vasena accantavirāga-saṅkhāte rūpavirāge nibbāṇe anussavavasena suṭṭhu adhiṭṭhitaṇ, suṭṭhu patiṭṭhitaṇ¹ hoti 'ti sambandhato veditabbaṇ. *Rūpe virāgānupassī* 'ti rūpassa khayavirāgo rūpe virāgo 'ti pakatibhummavacanena vutto. Rūpassa accantavirāgo rūpe virāgo 'ti nimittatthe bhummavacanena vutto. Taṇ duvidhim 'pi virāgaṇ ārammanato ajjhāsayato ca anupassanasīlo rūpavirāgānupassī 'ti vutto. Esa nayo *vedanā*-disu.

64. *Nirodhānupassī*-padaniddese 'pi es' eva nayo.

65. *Katṭh' ākāreḥ* 'ti adi pan' ettha viseso. Tattha *aviñjā*-dīnaṇ paṭiccasamuppādaṅgānaṇ ādīnavanīrodhadassanen' eva rūpādīnam 'pi ādīnavanīrodhā dassitā honti. Tesam 'pi paṭiccasamuppādaṅgānātivattanato. Iminā eva ca visesavacanena virāgānupassanato nirodhānupassanāya viṣiṭṭhabhāvo vutto hoti. [193] Tattha: *aniccatṭhenā* 'ti khayatṭhena, ^ahutvā-abhāvatṭhena vā. *Dukkhatṭhenā* 'ti bhayatṭhena, paṭipīlanatṭhena vā. *Anattatṭhenā* 'ti asāra-katṭhena avasavattanatṭhena vā. *Santāpanatṭhenā* 'ti kilesa-santāpanatṭhena. *Vipariṇāmatṭhenā* 'ti jarā-bhaṅgavasena dvidhā pariṇāmanatṭhena.^b

Nidānanīrodhenā 'ti mūlapaccayābhāvena. *Nirujjhatī* 'ti na bhavati. *Samudayanīrodhenā* 'ti āsannapaccayābhāvena, mūlapaccayo hi byādhissa asappāyabhojanaṇ viya nidānan 'ti vutto. Āsannapaccayo byādhissa vātapittasemho viya samudayo 'ti vutto. Nidānaṇ hi nicchayena dadāti phalam iti ni-dānaṇ, samudayo pana suṭṭhu udeti etasmā phalam iti sam-udayo. *Jātinīrodhenā* 'ti mūlapaccayassa uppatti-abhāvena. *Pabhavanīrodhenā* 'ti āsannapaccayassa uppatti-abhāvena. Jāti yeva hi pabhavati² etasmā dukkhan 'ti pabhavo 'ti vattuṇ yujjati. *Hetunīrodhenā* 'ti janakapaccayābhāvena. *Paccayanīrodhenā* 'ti upatthambhaka-paccayābhāvena. Mūlapaccayo 'pi hi āsannapaccayo ca janakapaccayo

¹ B paṇidhitaṇ.

^{a to b} B omits.

² SH bhavati.

ca upatthambhakapaccayo ca hoti yeva. Etehi tikkhavipassanākkhane tadanānirodho, maggakkhane samucchedanirodho vutto hoti. *Ñānuppādenā* 'ti tikkhavipassanāñāpassa vā, maggañāpassa vā, uppādena. *Nirodhūpatthānenā* 'ti vipassanākkhane paccakkhato khayanirodhassa anussava-sena nirodha-saṅkhātassa nibbāpassa upatthānena. Etehi visaya-visayaniyamo 'va kato hoti, tadanāga-samucchedanirodho ca vutto hoti.

[194] 67. *Paṭinissaggānupassī*-niddese¹: *Rūpaṇ pariccajati* 'ti ādīnavadassanena nirapekkhatāya rūpakkhandhaṇ pariccajati. *Pariccāgaṭṭhena* 'ti pariccāgaṭṭhena paṭinissaggo 'ti vuttaṇ hoti. Etena paṭinissagga-padassa pariccāgaṭṭho vutto. Tasmā kilesānaṇ pajahanan 'ti attho. Ettha ca vuṭṭhānagāminī vipassanā kilese tadanāgasena pariccajati, maggo samucchedavasena. *Rūpanirodhe nibbāne cittaṇ pakkhandati* 'ti vuṭṭhānagāminī tanninnatāya pakkhandati, maggo ārammaṇakaraṇena. *Pakkhandana-paṭinissaggo* 'ti pakkhandanaṭṭhena paṭinissaggo 'ti vuttaṇ hoti. Etena paṭinissagga-padassa pakkhandanaṭṭho vutto. Tasmā cittassa nibbāne vissajjanan 'ti attho. *Cattāri suttantikavattihūni* catutthacatukkavasena veditabbāni. Imasmiṇ catukke *jarāmarane* vattabbaṇ heṭṭhā vuttanayen' eva veditabbaṇ. Satipaṭṭhānesu ca, "kāye kāyānupassanā, citte cittānupassanā" 'ti kāya-cittānaṇ ekattavohāravase-na ekavacananiddeso kato. "Vedanāsu vedanānupassanā, dhammesu dhammānupassanā" 'ti vedanā-dhammānaṇ nānattavohāravase-na bahuvacananiddeso kato 'ti veditabbo 'ti.

Catutthacatukka-Niddesa-Vaṇṇanā Niṭṭhitā.

Niṭṭhitā ca Satokāriṇāṇa-Niddesa-Vaṇṇanā.

68. Idāni chahi rāsīhi uddiṭṭhañāpesu catuvīsati-samādhinānaniddese tāva kāyānupassanādīnaṇ tinnāṇ catukkānaṇ vasena dvādasannaṇ vatthūnaṇ ekekasmiṇ *assāsavasena*

¹ B -padaniddese.

eko, *passāsavasena* eko 'ti dve dve *samādhī* 'ti dvādasasu vatthūsu catuvīsati samādhayo¹ honti. Jhānakkhaṇe tehi sampayuttāni *catuvīsati samādhī*-vasena *ñāṇāni*.

Dvāsattativipassanā-ñāṇaniddese: *dīghan* [195] *assāsā* 'ti dīghan 'ti vutta-assāsato. Kiṇ vuttaṇ hoti?² Dīghan assā-sahetu jhānaṇ paṭilabbhitvā samāhitena cittena vipassanā-kkhaṇe aniccato anupassanaṭṭhena *vipassanā* 'ti vuttaṇ hoti. Esa nayo uttaratrā³-pi. Tesan yeve dvādasannaṇ vatthūnaṇ ekekasmīṇ assāsavasena tisso, passāsavasena tisso 'ti cha anupassanā 'ti dvādasasu vatthūsu dvāsattati anupassanā honti. Tā eva dvāsattati anupassanā *dvāsattati vipassanāvasena* *ñāṇāni*.

Nibbidāñāṇaniddese: *aniccānupassī assasan*⁴ 'ti aniccānupassī hutvā assasanto, aniccānupassī hutvā vattanto 'ti attho. Assāsan 'ti ca idaṇ vacanaṇ hetu-atthe datṭhabbaṇ. *Yathābhūtaṇ jānāti passatī* 'ti *nibbidāñāṇan* 'ti kalāpasammasanato paṭṭhāya yāva bhaṅgānupassanā pavattavipassanāñāṇena saṅkhārānaṇ yathāsabhāvaṇ jānāti, cakkhunā diṭṭham iva ca ten' eva ñāṇacakkhunā passati. Tasmā nibbidāñāṇaṇ nāmā 'ti attho. Saṅkhāresu nibbidāñāṇaṇ nāmā 'ti vuttaṇ hoti. Upari bhayatūpaṭṭhānādīnaṇ, muñcitukamyatādīnaṇ ca nāṇānaṇ visuṇ āgatattā idha yathāvuttān' eva vipassanāñāṇāni nibbidāñāṇāni 'ti veditabbāni.

Nibbidānulomañāṇaniddese: *aniccānupassī assasan*⁴ 'ti aniccānupassino assasantassa, sāmi-atthe paccattavacanaṇ. *Bhayatūpaṭṭhāne paññā* 'ti vacanen' eva bhayatūpaṭṭhānādīnavānupassanā-nibbidānupassanāñāṇāni vuttāni honti. Tīnaṇ ekalakkaṇattā imāni tīni ñāṇāni anantarā vuttānaṇ nibbidāñāṇānaṇ anukūlabhāvena⁵ anulomato nibbidānulomañāṇāni 'ti vuttāni.

Nibbidāpaṭippassaddhiñāṇa-niddese: *aniccānupassī assasan*⁴ 'ti anantarasadisam eva. *Paṭisaṅkhā santitṭhanā paññā*

¹ B, SM -dhiyo.² B 'ti vuttaṇ hoti.³ B, SM uttaratṭhā.⁴ B, SH assāsan.⁵ B kusalahāvena.

'ti vacanen' eva muñcitukamyatā-paṭisaṅkhānupassanā-saṅkhārūpekkhāñāṇāni vuttāni honti. Tiṇṇaṇ ekalakkaṇattā paṭisaṅkhā-santiṭṭhanā 'ti vacanen' eva anulomañāṇa-maggañāṇāni 'pi gahitāni honti. Saṅkhārūpekkhāñāṇa-anulomañāṇāni 'pi hi nibbidāya sikhāpattattā nibbidājanana-byāpārappahāṇena *nibbidāpaṭippasaddhi-ñāṇāni* nāma honti. Maggañāṇaṇ pana nibbidāpaṭippasaddhante uppajjanato nibbidāpaṭippasaddhiñāṇaṇ nāma hoti 'ti ativiya yujjati 'ti nibbidā-nulomañāṇesu viya ādibhūtaṇ muñcitukamyatā-ñāṇaṇ agahetvā paṭisaṅkhā-santiṭṭhanā 'ti ante ñāṇadvaya-gahaṇaṇ maggañāṇasaṅgahaṇatthaṇ. Muñcitukamyatā 'ti hi vutte anulomañāṇaṇ saṅgayhati, na maggañāṇaṇ. Maggañāṇaṇ hi muñcitukamyatā nāma na hoti, kiccasiddhiyaṇ santiṭṭhanato pana santiṭṭhanā nāma hoti. Atṭhakathāyam 'pi ca "phussanā 'ti appanā" 'ti vuttaṇ. Idaṇ ca maggañāṇaṇ nibbāṇe appanā 'ti katvā santiṭṭhanā nāma hoti 'ti. Santiṭṭhanā 'ti vacanena maggañāṇam 'pi saṅgayhati. Nibbidānulomañāṇāni 'pi atthato nibbidāñāṇān' eva honti 'ti tāni 'pi nibbidāñāṇehi saṅgahetvā nibbidā-paṭippasaddhiñāṇāni 'ti nibbidāgahaṇam eva kattaṇ, na nibbidānuloma-gahaṇaṇ.

Tisu 'pi c' etesu ñāṇatṭhakaniddesesu¹ catutthassa dhammānupassanācatukassa vasena vuttānaṇ catunnaṇ vatthūnaṇ ekekasmīṇ assāsavasena ekaṇ, passāsavasena ekaṇ 'ti dve dve ñāṇāni 'ti catūsu vatthūsu atṭha ñāṇāni honti.

Vimuttisukhañāṇa-niddese: *pahīṇattā* 'ti pahāṇaṇ dassetvā tassa pahāṇassa samuccheda-pahāṇattaṇ dassento *samucchinnattā* āha. *Vimuttisukhe ñāṇan* 'ti phalavimuttisukha-sampayutta-ñāṇaṇ ca phalavimuttisukh-ārammaṇapaccavekkhaṇa-ñāṇaṇ ca. Anusaya-vatthussa kilesassa pahāṇena pari-yutṭhāna-duccarita-vatthupahāṇaṇ hoti 'ti dassanattaṇ puna anusayaṇaṇ pahāṇaṇ vuttaṇ. [196] *Ekavīsati*-phalañāṇaṇ sandhāya pahāṇakilesagaṇanāya 'pi ñāṇagaṇanā katā hoti.

¹ B -ttika-.

Paccavekkhaṇāñāṇaṇ ca sandhāya pahīnakilesa-paccavekkhaṇagaṇanāya phalapaccavekkhaṇāñāṇagaṇanā katā hotī'ti.

Ñāṇarāsichakka-Niddesa-Vaṇṇanā Niṭṭhitā.

Saddhammappakāsinīyā Paṭisambhidāmagga-tṭhakathāya
Ānāpānassatikathā-Vaṇṇanā Niṭṭhitā.*

* Here ends the corresponding Text of the Paṭisambhidāmagga, vol. i.

